

توصيف: سارة سيف الدين

سيرة فؤاد الأنوار

رواية



رانيا الطنوبي

قبل فوات الآوان

ل

رانيا الطنوبى

جميع الحقوق محفوظة © عصير الكتب للنشر الإلكتروني

<http://book-juice.com>

قبل فوات الآوان

المؤلفة : رانيا الطنوبي

نشر في : أبريل 2015

تصميم الغلاف : سارة سيف الدين



سمعت يوماً أن من شب علي شيء شاب عليه
فاعتقدت أنه إذا كان فينا عيباً فإنه من الصعب أن يتغير
ثم بعدها تعلمت من ديني قبل أي شيء أن للتغير أرادة خفية دائماً ما ترفع شعار " و
هل حاولت "

(إِنَّ اللَّهَ لَا يُغَيِّرُ مَا بِقَوْمٍ حَتَّى يُغَيِّرُوا مَا بِأَنْفُسِهِمْ)

من هنا ادركت أنه مهما مر علينا يوم فيه امتلكننا عيباً او اخطأنا خطأ فأننا نستطيع أن
نغير ذلك إذا أردنا فقط إذا أردنا

و لذلك قررت أنا الموقع أدناه أن أجمع ما لدي و اسرده قصصاً احكي فيها عن
الفكرة ، أنشر الأمل لعلي أري ما حولي كما تمنيته

نحو غد جديد

سلسلة روايات

للكاتبه رانيا الطنوبي

من سلسلة نحو غد جديد

قصتي الاولى

قبل فوات

المقدمة :

كثيرة هي الاوقات التي تمر علينا ، ينبغي فيها ان نحسم مواقفنا اتجاه حياتنا ، اشخاص نحيا بجوارهم ، مواقف بين المد و الجزر ، لحظة وقفة مع النفس ، اما ان تأتي مهما كلفت من ألم و اما سنوات يشوبها التخبط ، فإن كان قرارك الحسم فاسأل عندها

ماذا قدمت لحياتي :

تلك هي اللحظة الالهة فان ضاعت وجدت نفسك أمام

يليتني قدمت لحياتي :

و بين هذه اللحظة و تلك ، لحظة أخرى علينا ادراكها بصدق و لكن

قبل قوات الآوان

(و لتنظر نفس ما قدمت لغد)

(1)

في منزل مكون من ثلاث طوابق ، تحديدا الطابق الاوسط ، داخل شقة يوجد بها أسرة تشبه كثيرا أغلب أسرنا يغلب علي من فيها المودة و السكن ، اب وام وابنتيهما، يعلوهم اخوه الاكبر

الذي يسكن مع زوجته و ابنه الوحيد ، و في الطابق السفلي الاخت الكبرى التي تسكن مع زوجها وليس لديها ابناء

وفي مثل هذا الجو الاسري و الذي تسوده علاقات اجتماعية عادية خالية الي حد بعيد من الترابط الشديد رغم التواجد تحت سقف واحد ، حيث كانت اعتماد زوجة نبيل الاخ الاكبر لا

تحب كثيرا ، شريفة زوجة عماد الاخ الاصغر ، و أحلام وهي الاخت الكبرى كانت تحاول ان

تقتصر حتي لا تزيد المشاكل بينهم ، غير أن جها لندی و نيفين بنات اخيها الاصغر كان

المعوض لها عن كونها لا تنجب ، في هذا جو نشأت ندى بطلاة قصتنا مع أختها

كانت ندى في كلية صيدلة و تعتبر في العيلة من(البنات اللي فلحت) ، لكن نيفين لم تعير ذلك

اهتماما لقد رأت أختها و معاناة الثانوية العامة معها ، لذلك (اخذتها من قصرها ودخلت

ادبي) ومنها إلي كلية تجارة انجلس

ندی و نيفين صديقتين أكثر من كونهما اختين ، و ندى تكبرها بثلاث سنوات و صاحبة حياة

عادية وأحلام أقل من العادية ، كل ما تتمناه ان تنهي دراستها و تعمل و تتزوج و تنجب و تكون لها حياتها مثل باقي البنات ، إلا أن القدر قرر منحها ما خالف توقعاتها و من هنا تبدأ القصة ؟؟؟؟

تمر نيفين بجوار ندى كعادتها ثم تضع عينها في كتاب ندى و تهتف : ماشاء الله أنتِ فاهمة
البتاع ده

ندى : بتاع ايه

نيفين : ايه الرسومات المكلكة دي

ندى و هي تضحك : خاليكي في حالك انت

نيفين : لا بجد أنت بتذاكري ايه

ندى : عندي يوم الخميس امتحان bio في السكشن

نيفين: طب علي خيرة الله ذاكري ذاكري

قاطعتها ندى لتسأل : وأنتِ بتتفسي في الشقة مفيش في ايدك كتاب

نيفين بابتسامه عريضة : المخلصات بتنزل اخر الترم بلا وجع قلب

قاطع كلامهم صوت الهاتف فاتجهت والدتهم للرد : السلام عليكم ابوة اهلا يا فندم يا اهلا

وسهلا دا أنتم تنوروا و ماله يا حبيبي خلاص مستنينكوا السلام عليكم

نيفين بفضول : بتكلمي مين يا ام ندى

شريفة : حتعرفي دلوقتي يا لمضة

ثم اتجهت لندى و سألت : ندى عندك حاجة الخميس الجاي

ندى :ايوة عندى امتحان خير

شريفة : خير ، فاكرة طنط ثريا

ندى : مين طنط ثريا

شريفة : جارتنا اللي كانت ساكنة في البيت اللي جنبنا وعزلوا من سنة

نيفين وهي تضع رأسها علي كتف والدتها : انا شمة ريحة عريس يا ام ندى

ندى : عريس ايه يا بنتي بطلي هبل

شريفة : لا مش هبل ده بجد

ندى وهي تبلع ريقها : ايه لا يا ماما انا مش موافقة

نيفين بمرح : انا موافقة علي فكرة

تضرب والدتها علي كتفها و ترد : اتلمي يا مزغودة لما الكبيرة تتجوز الاول

ندى : يا ماما بس

قاطعها شريفة و ردت : يا بنتي شوفيه الاول و لو مش عاجبك خلاص

نيفين قاطعة : بس اي واحد في عيال طنط ثريا

شريفة : سيف

نيفين : اخيييييييييييييييييييييييي

ندى بضحك : اخيييييييييييييييي من قبل ما أشوفه هو مش بيستحمي ولا ايه يا نيفين

نيفين : لا التفاصيل دي مقدرش افيدك فيها بس هو واد رحم كده

ندى : طب اهي نيفين قالتلك رحم اهو

شريفة : شوفيه يا ندى وبعدين قرري

ثم غمزت لنيفين و هي تكاد تكظم غيظها : اتلمي لسة دورك جاي

نيفين : لا انا علي قلبك يا غسل مش دلوقتي
ثم تصنعت الكسوف و قالت : انا اصلا مش بافكر في الكلام ده دلوقتي
ثم رفعت يدها الي السما : بس يا رب يجي بقي
مريومين كانت ندى تفكر فمن سيتقدم لخطبتها هل ستقبل أم سترفض ، ماذا تلبس ، كيف
تتصرف لم تكن تعلم ماذا تفعل لكنها كانت تفكر و هي تدعو الله أن ييسر لها الامر ،
ويوفقها
للخير ويصرف عنها الشر ، حتي جاء يوم الخميس

تلمس ندى يديها الباردتين وتضعهما علي وجهها الذي لا تكاد تشعر به من شدة السخونة
و
بين الارتباك و القلق تخرج ندى علي وجهها ابتسامة صغيرة وتجلس علي الكرسي المقابل
لسيف و كلما اطلت بعينها في محاولة منها للنظر اليه ينظر لها بسرعة فتراجع وتعاود
بصرها
الي الارض
دارت كل الاحاديث المعتادة من سياسة لرياضة لاجبار الجيران لاجبار الاصدقاء والسؤال
علي
من تزوجت ومن لم تنجب بعد ، حتي قاطع هذه الحوارات عماد سائلا : و أنت ايه اخبار
عيادتك يا دكتور

سيف : الحمد لله يا عمي

عماد : اوعي تكون مغلي الكشف علي العيانيين

حاول سيف الرد لكن قاطعه والدته ثريا و ردت : والله يا استاذ عماد ده مفيش في حنيه

سيف علي العيانيين

عماد : انت تخصصك ايه يا سيف

سيف : جراحة عامة

شريفة : ماشاء الله ما شاء الله

سيف : ده عنوان العيادة يا عمي لو حبيت تزورني

عماد مهازح : أنت عايز زباين من دلوقتي

سيف : لا يا عمي بعد الشر عليك

ثريا مرة اخري : هو سيف ناقص زباين بس هو يلاحق علي اللي عنده

شريفة : أنت حتحسدي ابنك و لا ايه يا ثريا ماشاء الله يا دكتور

ثريا : وماله لما اقول قدامكم ما هو ابنكم برضو ولا ايه يا استاذ عماد

عماد : يكون لينا الشرف يا مدام ثريا

شعرت ندى بثقل الحوار و كأنها داخل فيلم من بطولة فردوس محمد(امها) و ماري منيب

(حماتها) ، و لم يقاطعها من هذا الشعور إلا صوت ثريا و هي توجه كلامها لوالدها : بص

بقي

يا استاذ عماد ، سيف ابني ده انا مش حاقولك عنه غير أدب أخلاق التزام ، لا عمره شرب

سيجارة و مش ي مع بنت ، خلص كليته و عمل عيادته مع صاحبه و لما خلص شقته قالي يا

ماما انا عايزك تخطبي لي قولتله مفيش غير ندى بنت الاستاذ عماد و مدام شريفة ، ها قلت

عماد : والله يا مدام ثريا احنا لينا الشرف بس برضو لازم ناخذ وقتنا ونفكر ونستخير
ثريا : و ماله يا جماعة ، بس احنا يا استاذ عماد ناويين ندى تكمل كليتها عندنا ، اصل سيف
مستعجل قوي

و اخيرا نطقت ندى : لا ان شاء الله اخلص كليتي الاول يا طنط
رد سيف وقد سمع صوتها اخيرا : ان شاء الله مش حتتعطلي عن كليتك يا انسة ندى و أنا
كمان ممكن اساعدك

لم تجد ندى ما تقوله أمام فرحة والدها و والدتها فأثرت الصمت حتي انتهت الجلسة

لم تتم شريفة من كثرة التفكير في الامر و محاولة اقناع عماد بالموافقة فبدأت : انا شايفة انه
ابن حلال ربنا يجعله من نصيبك يا ندى
رد ببالغ ضيقه : متضغطيش علي ندى و سببها تفكر براحتها
شريفة : و أنا قلت حاجة يا عماد
عماد : اصل أنا عارفك نظام ده دكتور و هي دكتورة و قدام الناس و شكلنا ، المهم عندي
يكون راجل بجد و يسعد بنتنا يا شريفة
ثم قاطعها وهو يضع الوسادة فوق رأسه و يقول : و طفي النور عشان عايز انام يا شريفة ،
تصبحي علي خير

زفرت و حاولت النوم فلم تستطع فقررت أن تخرج مستوقفها صوت ضحكات ندى و نيفين
التي تحاول تقليد ثريا و هي تقترب من ندى و تبدأ : افتحي بقلك كده - - - - -

قولي اه

ضحكت ندى ثم قامت بفتح فمها فعقبت نيفين : عندك سنه مسوسة أنتِ حاشية ضروس ،

لوزك شيلاها مش باينة عندي

استوقفتها ندى هاتفة و هي غير قادرة علي التماسك من شدة الضحك : كفايه يا نيفين مش

قادرة

فقاطعتهم شريفة : خشي يا نيفين شوفي اللي وراكي

نيفين : انا خلصت اللي ورايا من 3 ايام

شريفة بجدية : قومي يا نيفين

زفرت نيفين بقوة ثم اتجهت لغرفتها لتجلس أمام الكمبيوتر ، نظرت شريفة لندی و سألت

:ايه يا نادو ايه رايك

عقبت نيفين من داخل غرفتها : نادو برضو يا ام نادو

ردت شريفة بضيق : نيفين

فردت : حاضر حاكمم

ردت ندى : و الله يا ماما ربنا يقدم اللي فيه الخير

شريفة : أنا شايفة إنه دكتور و كويس و مؤدب و --- ---- قاطعتها ندى : ايوة يا ماما بس انا

معرفش عنه حاجة ، طباعه ، اسلوبه انا حاتجوزه مش

حاكشف عنده و اروح

شريفة : ما أن ت لما حتخطبي له حتعرفيه و تفهميه و تحبيه

ندى : وجايز العكس

شريفة : و جايز ايوة

لم تجد ندى بد من الكلام فاثرت الصمت و شردت بخيالها لكل التوقعات المطروحة وهي

تتمتم : ربنا يستر

كتمت ندى دمعة شعرت أنها تخنقها و هي تحاول اللا تهطل و هي تسير الي جوار سيف ،

مر

اسبوعين علي قرار الموافقة و ثمة قائمة من التنازلات تتوالي ، اكملت النظر مع سيف في

محلات الصاغة بينما يجاورهم والدتها و ثريا ، لم يكن من حق ندى أن تختار ما تريد إذ أن

نصائح شريفة لازالت تتردد في أذنها : مش عايزاكي تنقي و تقيسي كل شوية و كده

عقت نيفين سائلة : امال هي نازلة ليه

شريفة : انا عايزة ثريا تاخذ فكرة عنها كويسة و متقولش اننا طمعانيين في ابنها

ندى : خلاص يجيبوا هما الشبكة

شريفة : مينفعش لازم العروسة تكون موجودة طبعا أنت عايزها تقول ايه

ندى : مادام وجودي ذي عدمه يبقي هاتوا اللي أنتما عايزينه و خلاص

شريفة : متوجعش قلبي يا ندى وعدي المشوار علي خير يا بنتي

قاطعها سيف من شرودها ليسأل : ها عجبك يا ندى

ندى :ها ايه

ثريا : عجبك الطقم ده يا ندى ها ايه رايلك في ذوقي

ندى : جميل يا طنط تسلم ايدك

ثريا : كده مبقاش غير مشوار الفستان وان شاء الله الخميس اللي جاي تكوني احلي عروسة

قاطعتها نيفين من شرودها لتسأل : ندى أنت فين يا بنتي

لم ترد ندى فتابعت نيفين : في عروسة تسرح كده يوم خطوبتها

ردت ندى وهي تتنهد بعمق : لا مفيش

نيفين : طب مش حتلبسي فستانك بقي

ندى : حلبسه دلوقتي

نيفين : هو مش عاجبك و لا ايه يا ندى

ندى : المهم يكون عاجب طنط ثريا

تقاطعهم شريفة بدخولها و قد اندهشت و هتفت : معقولة يا ندى كل ده لسه ملبستيش دي

الكوافيرة جاية كمان عشر دقائق

ندى بحسم : انا مش حاحط ميك اب ماشي

شريفة : ده يوم يا ندى

ندى بغيظ : والله يا ماما لو ضغطي عليا اكر من كده حاحلف ما اطلع واللي يحصل يحصل

شريفة : خلاص يا حبيبتى أنت حرة أنت اصلا قمر و مش محتاجة حاجة

ندى بعتاب شديد : دلوقتي حرة امال كان فين الكلام ده من الاول

شريفة : خلاص اهدي يا نادو و يلا البسي

مرت لحظات الاستعداد للخطوبة إلي أن انتهت بوقوف ندى أمام المرأة ناظرة للمسرات

الاخيرة

قبل خروجها نظرت نيفين لها بخبث و عقبت و هي تتنهد : يا بختك يا عم سيف

ردت ندى بعصية معقبة علي صوت الدي جي بالخارج : اطلعي شوفي مين اللي شغل

الاجاني

اللي بره دي انا قولت من امبارح مفيش غير الاناشيد الاسلامي و بس

ردت نيفين وهي تحاول تهدأتها : خلاص يا ندى انا حاسة انك حتضربي سيف بمطواة لما

يجي

خرجت نيفين في محاولة منها لتلطيف الاجواء و ضبط الاناشيد لبيدأ الاتزان يعود الي

الحفل

، عندها هدأت ندى قليلا إلي أن دوت الزغاريد معلنة عن وصول العريس

كانت الغيرة تأكل قلبه وهو يراها في المقعد المجاور لسيف ، شعر بمنتهي الضيق الذي بدأ

واضحاً أمام الجميع فاضطر أن يخرج للشرفة تارة ثم يعود تارة اخري و لازال نظره معلق بها ،

فهو يحبها منذ الصغر و كان يمني نفسه بها ، لكنه يعلم كم سيكون هذا صعب

قاطع والده من شروده عندما وجدته بالشرفة و هو يقول : مدحت مدحت

التفت ليرد : ايوة يا بابا

نبيل : واقف هنا ليه

رد مدحت بضيق : لا مفيش حاجة

ثم تركه و عاد للدخل ، جلس شاردا يفكر بالامر كان ، يعلم إنه لن يستطيع أن يتزوج ندى

فهي تختلف عنه جملة و تفصيلا و لن ترضي به زوجها و هو صاحب العلاقات المتعددة في

العيلة (معروف انه بتاع بنات ، بيشرب سجاير ، السنه بسنتين في كلية اداب

وباختصار هو أمام العيلة فاشل اخر حاجة) ، إذا لا جدوي من تفكير في عناق بين السماء

والارض لأنهم أبدا لن يتقابلا

مرت أشهر علي الخطبة لم تشعر ندى فيها حيل سيف باي شئ رغم الزيارات وتبادل الهدايا

التي استشعرت إنه فرضها الواجب و الذوق ، و كلما اقتربت ندى من شخصية سيف كانت تشعر بالاحباط فسيف عملي للغاية و لا يحب الاخطاء مهما كانت سواء مقصودة أو غير مقصودة ، كثير التعقيب علي كل شئ و يقارن بين ندى و بين كل فتاة يعرفها أو أي خطبة من

حوله ، حتي أن المكالمات كانت تبدو هكذا دائما

سيف : ازيك يا ندى

ندى : الحمد لله

سيف : عملتي ايه في الامتحان اللي كان عندك

ندى : الحمد لله

سيف : تقديرك كان ايه

ندى : جيد

سيف : ايه جيد أنتِ مش بتذكري كويس

ندى : لا بذاكر

سيف : ازاي بتذكري و جيد انا عمري ما قليت عن امتياز في اي مادة او امتحان سكشن هي

دي المذاكرة

ندى : برافو يا سيف شاطر

سيف: أنتِ كمان بتتريقي عليا

ندى: لا انا بقول انك شاطر مش بتريق ولا حاجة

سيف بغيظ: طيب ماشي

سيف: كنت عايز اسألك علي حاجة

ندى بضيق: اسأل

سيف: متعرفيش باباكي ناوي يجيب الغسالة والتلاجة اي ماركة بالضبط

ندى: لا معرفش

سيف: اصل واحد صاحبي اشترى نوع كويس اوي بس غالي شوية قلت اقولكم عليه

ندى: لما تيجي ابقني قوله ، عايز حاجة

سيف: حتقفلني

ندى: اصل ورايا مذكرة كثير و عايزة اذاكر علشان ابقني شاطرة و كده ، سلام عليكم

عادت شريفة للنفس الكلام: يا ندى بكرة تخدي عليه

ندى: يا ماما كفاية بقني

شريفة: كتب الكتاب هو الحل صدقيني عارفة لما تبقي مراته حايقولك كل الكلام الحلو

اللي

نفسك تسمعيه

ندى: يا ماما

شريفة: يا بنتي هو مكسوف علشان محترم ومتربي مش زي شباب اليومين دول اسمعي

كلامي

يا ندى وأنتِ حاتعرفي ان كلامي صح

مر اسبوع بعد كتب الكتاب ولم يتغير شئ بل ظلت الطريقة نفسها و الاسلوب نفسه ، و لكن

ندى قررت ان تتصرف لكي تعرف و تقرر و تتحدث بشكل اكثر صراحة في كل شئ ، كانت تعلم

بقدم سيف اليوم وعليها ان تضع حدا لما آلت اليه الامور ، ارتدت ندى شئ مميز لا يظهر الكثير من فنتتها فقد ارتديت فستانا طويلا تحته بدي بتلت كم ، وتركت لشعرها العنان حتي يراها سيف هكذا ، وتري رد فعله ، خرجت ندى وجلست أمام سيف وقالت بنعومة : ازيك يا سيف

بديت الصدمة علي سيف فسألت ندى باستغراب : ايه مالك

سيف : أنتِ شعرك بني

ندى : ايوة

سيف : ازاى بني و أنت عنيكي زرقا

ندى : اومال انت كنت فاكر ايه

سيف : كنت فاكره اصفر

ندى : و ده كل اللي يهمك

همت من مكانها وهي غير مبالية بسيف و دخلت الي غرفتها و اغلقت عليها الباب ، بعد عشر

دقائق شعر سيف بالحرج وانصرف ، ظلت ندى تجوب الغرفة ، و تضرب بكفها المكتب بقوة

، ثم خرجت من غرفتها متجهة إلي والديها و هي قاطعة أمرها ثم هتفت : ماما ، بابا ، انا مش
حاجوز سيف و لو انطبقت السما ع الارض
ثم نظرت اللي والدتها محذرة و اكملت : وده اخر كلام عندي

(2)

دوت الزغاريد في الشارع كان سيف يبدو متأنقا في بدلة عرسه أنها ليلة زفافه ، قرر أن

تصدق فيها الاغاني و لكن تحت بيت ندى

كانت شريفة تنظر اليه و يملأ قلبها الحزن و هي تنتهد قاطعتها نيفين قائلة : ادخلي بقي يا

ماما انا مش فاهمة أنتِ بتتفرجي علي ايه

شريفة : شايفة العريس اللي اختك ضايعته بغائها

نيفين: دي كانت اذكي حاجة ندى عملتها

شريفة : خاليكو كده قاعدين جانبي لما اشوف اخرتها في دماغك دي أنتِ و اختك

كانت ندى تسمع ما يدور في غرفتها ولا ترد ، فقط تتذكر ما حدث منذ ستة اشهر حينما

خرجت من غرفتها لتعلن رفضها الارتباط بسيف مهما كان ثمن ذلك ، كانت تتوقع ندى ان

موقفها سيغير من طريقة تعامل سيف معها ، او يجعلها تعرف بالضبط حقيقة شعوره نحوها ،

لكن ما صدمها أنها وجدت عند طلبها مواقفة منه علي انهاء الارتباط و تمت اجراءات

الطلاق اسرع مما كانت تتخيل

يوم طلاق ندى اتفقوا ان يتقابلوا عند مكتب المأذون كان سيف ينتظرهم لم يتحدثوا في اي

شئ ولم ينظر اي منهم الي الاخر فقط مضوا اوارقهم ثم مضي كل منهم في طريقة ، جاور

عماد ندى في طريق العودة و بدأ حوارها معاها : انا اسف يا ندى يا بنتي

ندى : بتعتذر علي ايه يا بابا ده نصيب في الاول والاخر

عماد : بس كان المفروض اصبر شوية حاسس اني اتسرت انا ووالدتك في موضوع كتب

الكتاب والصراحة طلع ميستهلكيش

ندى : انا مش زعلانة يا بابا بالعكس دلوقتي احسن من بعد كده مهما كان دلوقتي برضو

اسمنا

علي البر

عماد : ربنا يا بنتي يرزقك بابن الحلال اللي يستهلك ويقدرك ، نفسي افرح بيكي أنتِ

واختك

واطمن عليكم

ندى : ربنا يخليك لنا يا ابو ندى

ولم يمضي اقل من شهر الا وخطب سيف وبعد حوالي ثلاثة اشهر قرر ان يزف من أمام

شقتهم القديمة حتي تعرف ندى انه تزوج بغيرها و ربما أفضل منها

بدأت تمر ايام ندى في الكلية فهي في السنة النهائية وعلي اعتاب التخرج ، كان كل

تركيزها في

انهاء دراستها و حفظ القران وها هي قد وصلت للجزء العشرين ولم يبقي سوى عشرة اجزاء

وتختم الحفظ

في يوم ميلادها اتجهت نيفين لإيقاظها بفرح : نادو يا نادو يا نادو قومي بقي

ندى وهي تتشاءب : صباح الخير ايه النشاط ده كله من امتي كده يا نيفين

نيفين : قومي بقي كل سنه وأنتِ طيبة

ندى : و أنتِ طيبة

نيفين : يلا نفخ الباليلين عشان عيد الميلاد

ندى وهي تضحك : طب انفوخيهم أنتِ عقبال ما اروح وارجع

نيفين :رايحة فين اوعي تقوليلي الكلية

ندى : ايوة لازم اروح أنتِ عارفة يوم السكشن مش بينفع غياب

نيفين : ايه البواخة دي يا ندى حتي يوم عيد ميلادك

ندى : معلش يا نيفو انا خارج علي طول واعمل كل اللي أنتِ عايزاه ، سلام

عادت من كليتها و رنت جرس الباب ، استقبلتها شريفة مستغربة من كيس هدايا كبير كانت

تمسكه بيدها فسألت : ايه الكيس اللي في ايدك ده حد من صحابك جابلك هدية

ندى : ايوة يا ماما

اتجهت ندى مسرعة الي غرفتها و قد بدت متوترة و قلقة ، اغلقت الباب جيدا ثم وضعت

اشيائها علي المكتب واخذت تتفحص كيس الهدايا بكثير من الريبة ، إذ انها وجدته أمام

باب

شقتها ، فمن وضعه يا تري؟؟

فتحته لتجد فيه بوكيه ورد رائع جدا من ورود باللون الورد والابيض ، كان رقيق للغاية وعلبة

ملفوفة فتحتها فوجدت فيها عروسة لعبة مرتدية فستان زفاف

عادت لتسأل : تري من وضع هذا الكيس أمام باب الشقة

ظلت تبحث داخل الكيس هل من شئ اخر حتي وجدت كارت فتحته وكان مكتوب فيه:

(ندى ملقتيش ارق من الورد ده يقولك بحبك وكل كلام الدنيا مش ممكن يعبر عن اللي انا

حاسه بس يا ريت العروسة تكون وضحت اني عايزك ليا انا وبس)

بحبك-----مدحت

شعرت ندى بارتباك شديد ابتلعت ريقها بصعوبة وهي تغلق الكارت وتقول : معقولة - - - - -

جلست ندى وسط جلسة عائلية جميلة ولكن كان يبدو عليها كثير من التوتر فلا تزال
الكلمات المكتوبة في الكارت ترن في اذنيها وهي لا تعرف ما هو التصرف المناسب ، ظلت
تنظر

الي الساعة وكأنها تنتظر وصول احد حتي قاطعتها عمته أحلام قائلة : كل سنة وأنتِ طيبة يا

ندى

ندى : وأنتِ طيبة يا عمتي

اعتماد (زوجة عمها) : والسنة الجاية في بيت عريسك عايزين نفرح بيكي يا ندى

نيفين: ما احنا فرحانين يا طنط ، انا شخصيا فرحانة بيها وماما فرحانة بيها وبابا كمان ولا ايه

يا سي بابا

عماد وهو يضحك : هو انا اقدر اقول حاجة

اجتمعت أحلام وشريفة حول السفرة وهم يعدون الاطباق من اجل تقديمها وكل منهن تتبادل

الحديث مع الاخري

سألت أحلام بصوت عالي : امال مدحت مجاش ليه يا اعتماد

اعتماد : مش عارفة والله يا أحلام ده قالي انه مش حيتأخر

بعد دقائق دق جرس الباب معلنا عن وصول الاستاذ مدحت ، الذي كان معلقا نظره بندى

وهو يسلم علي الحاضرين حتي وصل أمامها و قال : مش حامد ايدي عارفك حتكسفيني

ندى : ازيك يا مدحت

رد مداعبا : مدحت كده حاف مفيش استاذ مدحت

عقبت نيفين : حطيلوا اسمه في نص رغيف

ندى لنيفين : خلاص يا نيفين

فعقب مدحت : علشان خاطر ك بس يا ندى

قاطعهم عماد و هو يسأل مدحت : كنت فين يا بني من الصبح

مدحت : ما انت عارف الشغل بقي يا عمي

اعتماد: مدحت دلوقتي ماسك الشغل مع ابوه

أحلام : وكليتك يا بني محل ابوك مش حيطير

مدحت : ادرس واشتغل يا عمتي

عقبت نيفين مازحة : يا سلام بجد قصة كفاحك دي لازم تتعمل فيلم

ضحك الجميع ما عدا اعتماد فالكلام لم يأتي علي هواها ، تناولوا الحلوي و تبادلوا اطراف

الحديث بينما اثرت ندى الصمت اغلب الوقت و تفادي النظر لمن لم يستطع غض بصره

عنها

لحظات و جلس عماد ونبيل للعب الطاولة بالشرفة بينما اخذ البقية في حمل الصحون

وتنظيف السفرة

توجه مدحت الي الشرفة وجلس يتحدث لعمه وابيه ، لم يفهم احد و لم يسمع احد الحوار

ولكنه انتهى وعماد يوجه كلامه لمدحت : ربنا يسهل يا مدحت

انصرف الجميع وكالعادة جلست الفتاتان تتاسمران بينما كان عماد وشريفة يتحدثون داخل

غرفتهم

شريفة : لا انا مش موافقة طبعاً

عماد : ليه بس ده مدحت ابن حلال وشكله شاري البنت وعاييزها وابن اخويا

شريفة : ما هو عشان ابن اعتماد

عماد : هي ندى حتتجوزه ولا حتتجوز اعتماد

شريفة : بعد ما كانت حتتاخد دكتور تقوم تاخذ واحد بياخد السنة في اتنين في اداب

عماد : الشهادة مش مشكلة مادام شغال في محل ابوه ومستواهم كويس

شريفة : اللي انت عايزه اعمله ، انا قولت رأبي

نيفين : مش ملاحظة حاجة

ندى : ايه

نيفين : ابوكي وامك هاتك يا ودود في اوضتهم

ندى : يا بنتي بطلي

نيفين : ترهيني ان الواد مدحت طلب ايدك انهارة

عقدت الكلمات لسان ندى و هتفت : معقولة

نيفين : حتشوفي

أغرورقت عيناها بالدموع و هتفت : يعني أنتِ موافقة يا ندى

ندى : ايوة موافقة

شريفة ببالح ضيقها : ابن اعتماد يا ندى

نيفين : هي كل مشكلتك اعتماد المشكلة انه مش مناسب اصلا يا ندى ، كفاية تجربة

فاشلة

ندى : انا شايفة انه كويس وكفاية انه بيحبني

شريفة : وشرب السجاير والبنات اللي كان ماشي معها

ندى : هو وعدني انه حيتغير و حبيداً معايا صفحة جديدة

نيفين : أنتِ نسيتي قولتي ايه علي سيف الطبع مش حيتغير يا ندى

ندى : دي حياتي يا جماعة وانا عايزة اكملها مع مدحت

نيفين : خلاص يا ندى

شريفة : بس متلوميش الا نفسك

بعد مرور ستة أشهر جلست ندى علي سريرها وقد مسكت في يدها قلم وقررت ان تكتب ما

تشعر به بصدق وتريد ان تقرره لنفسها

كانت تريد ان تعرف فيما اخطأت وان كانت ، فما عليها فعله حتي لا تكرر اخطائها:

تجربة سيف

كانت تجربة خاضتها بعقلها وكانت تحاول ارضاء والدتها من ناحية ومن ناحية اخري كانت

تمني نفسها انه سيتغير مع مرور الايام ولكنها حينما تأكدت من ان الاستمرار لا جدوي منه ،

اتخذت قرارها في اللحظة الاخيرة ولم تندم بل كانت ستندم لو استمرت في مسلسل ارضاء

الاخرين علي حساب ارضاء نفسها

اما تجربتها مع مدحت

حينما كتبت اسمه شعرت ، بدمعة نزلت من عينها وتتذكر كلمات والدتها لها (بس يا ندى

متلوميش الا نفسك)

هي ملامة انها صدقت انه احبها ، هل هي لا تستحق ان تجد من يحبها و هنا كتبت في

اجندتها

(كان علي ان اتذكر ان للعقل دور مثل القلب)

نعم لقد صمت اذنها ولم تسمع كلام كل من نصحتها سواء والدتها او اختها او حتي عمته
رغم

انها بعد معرفة تصميمها حاولت مساعدتها اكثر من مرة ولكنها كانت دائما تقول لندی : ربنا
يخيّب ظني

وها هي خطوبة اخري تم فسخها بعد كتب كتاب قد طلقت منه ، ولازالت دموع ندى تنزل
وهي

تتذكر اول مرة كانت تشعر بفرحة حقيقة
قبل ستة أشهر

مدحت : انا عايزك تختاري اللي يعجبك وملكيش دعوة بحد

ندی : مش مشكلة بس برضو انا نفسي اللي نختاره يرضي مامتي ومامتك

مدحت : مامتي ومامتك أنتِ بتطلبي المستحيل ، المهم انا قلت علشان المشوار يخلص
علي خير

ناخد معانا عمته أحلام احسن ، تمام يا نادو

ندی : انا قولتلك بلاش نادو وكده ، الكلام ده مش وقته اتفارقنا

مدحت : اتفارقنا مش حتتقي الشبكة بقي

ندی : حانقي اهو

أحلام : ها يا ولاد مفيش حاجة عاجبتكم

اشارت ندى الي اسورة اعجبت بها قائلة : دي عاجبتني يا عمته

فهتف مدحت : اخيرا اشهد ان لا اله الا الله

ندى وهي تضحك : أنتِ بتشاهد من الشبكة

أحلام : لسه بدري يا عم مدحت

مدحت : والله يا عمتمو لو ندى توافق اعمل الفرح بكرة

خجلت ندى و ابتسمت و اثرت الصمت ، فهمس لها مدحت و قد تجاوزوا السير : مبروك

علي

الشبكة

ردت ندى و لاتزال خجلة : الله يبارك فيك

و علي الرغم من أن الخطبة كانت عائلية وبسيطة الا ان ندى كانت سعيدة وسعادتها كانت

تزيد عندما تسمع كلمة اطراء او تري نظرة اعجاب في عين مدحت

بدأت الخطوات الجادة في الموضوع تأخذ منحاسا حتي كانت ندى تخطط لكل شئ

وتتخيل

حياتها مع مدحت

والتغيير الحقيقي الذي ستفعله بحياته

وكلما شردت حاولت التركيز اكثر علي الدراسة وحفظ القران حتي تنتهي السنة علي خير

وحتي

تنتهي حفظ القران قبل الزواج فكلمة الحاجة أماني مديرة الدار لازلت ترن في اذنها : أنتِ

دلوقتي بقي فاضلك خمس اجزاء وتنتهي حفظ القران لو قدرتي تنهيمهم قبل الجواز اكيد ده

حيكون افضل ليكي ويا ريت لو اشتغلتي معانا في الدار يا ندى

ندى : ان شاء الله انا كمان حاسة ان الخطوة دي نفس ي فيها اوي احفظ القران واحفظه

قاطعهم رنين هاتف ندى و قد عقبتم : نمرة غريبة بقالها كام يوم وكل ما احول ارد تقفل

خرجت ندى خارج الدار لترد علي هاتفها : سلام عليكم

المتصلة : انسة ندى

ندى : ايوة مين معايا

المتصلة : انا حد عايز يقابلك ضروري يا انسة ندى عندي ليكي كلام مهم اوي لازم تسمعيه

ندى : من حضرتك يعني

المتصلة : ارجوكي قابليني انهاردة وانا حاقولك

ندى : مش لما افهم في ايه او بخصوص ايه

المتصلة : بخصوص مدحت يا ندى و لمصلحتك تيجي

توجهت ندى مع عمته وهي تقول لها : مش عارفة يا عمتي دي ثالث مكالمة ليها معايا

ومصممة

تقابلني

أحلام : ادينا حنشوفها عايزة ايه

كانت تنتظر فتاة يبدو عليها الحزن رغم أناقتها و جمالها الواضح ، جلست في الكافتيريا

التي

حدودها للمقابلة حتي لاحت أمامها ندى وهي تقترب منها و تسأل : حضرتك انجي

انجي : ايوة انا

أحلام : خير يا بنتي أنت تعرفي ندى منين وعايزاها في ايه

انجي : انا اعرفكم كلكم علي فكرة مدحت حكالي عنكم كلكم

ندى باندهاش : أنت تعرفي مدحت منين

انجي بتلثم : بصي انا عارفة انك مش ح تصدقيني بس اقسملك دي الحقيقة

ندى تنظر لعمتها : قولي

انجي : انا مرات مدحت

ندى : مش ممكن

انجي : دي ورقة الجواز

ندى : ايه الورقة دي ----- عرفي -----

انجي : ايوة

تنظر ندى لعمتها باضطراب : مدحت متجوز عرفي

أحلام : اصبري بس

ثم تنظر الي انجي و تكمل : هي اي واحدة تقول اي حاجة احنا حنصدقها

انجي : من الاخر كده يا جماعة انا متجوزة من مدحت من حوالي سنه وكان جوازنا عرفي

وقالي

كده لحد ما يخلص الكلية وانا صدقته ، دلوقتي هو بيقولي لما اخلص اجراءات جوازي من

ندى ، حاكتب رسمي بس مش هي دي المشكلة

ندى : امال ايه المشكلة

انجي : المشكلة اني حامل وهو مش عايز يعترف بالبيبي وبيقولي مش ابنه ، ممكن ارفع

قضية

واثبت بتحليل ال DNA بس انا مش عايزة فضايح و عشان كده انا قررت الجألكم

دوت الصفة علي وجهه بينما هتف ببالغ حنقه : سودت وشي مع عمك يا حيوان

ردت اعتماد مدافعة : هي اي واحدة ترمي بلاها نصدقها

نبيل : ابنك مأنكرش يا هانم وادي اخرت دلحك فيه

نبيل : بكرة تكتب كتابك علي البنت دي ومش عايز فضايح الموضوع يتلم ، فاهم
مدحت : طب وندى

نبيل : ندى تنسي اسمها ومتجيش سيرتها علي لسانك تاني و ده اخر كلام عندي
قاطعت نيفين ندى من شرودها وهي جالسة علي سريرها

نيفين : أنت بتكتبي ايه يا ندى

ندى : ابدأ براجع حساباتي بس

نيفين : متزعليش نفسك بكرة نتيجتك تطلع ونفرح بيكي يا دكتورة

ندى : ان شاء الله ربنا يخليكي ليا يا نيفين

نيفين : ربنا ما يحرمنا من بعض يا ندى

عماد : مبروك يا ندى

نيفين : مبروك يا نادو بجد أنت اللي فلحتي في العيلة يا بنتي وبقيت كده رسمي اخت
الدكتورة

ندى : الله يبارك فيكم يا جماعة بس انا فرحتي الحقيقية حتكمل يوم ما اخذ الإجازة من
الدار واختم حفظ القران

شريفة : أنت مش بتقولي فاضلك بس جزء تبارك

ندى : ايوة بس برده ده جزء يعني مش حيخلص في يوم

نيفين وهي تمسح علي كتفها : ربنا يجعلنا من بركاتك كده

بعد يومين يدق هاتف ندى فتد : السلام عليكم

مدحت : ازيك يا ندى ارجوكي متفليلش انا غيرت رقمي علشان تردي عليا

ندى : خير يا ابن عمي عايز ايه

مدحت : انا بس عايزك تسامحيني يا ندى

ندى : مبقاش ليه لزوم الكلام ده يا مدحت يا ريت تحترم دلوقتي البنت اللي انت اتجوزتها

واللي في بطنها و كفاية لحد كده

مدحت : انا بس عايزك تسامحيني يا ندى انا فعلا حبيتك ومتجوزتش انجي الا لانني كنت

فاكر

انك حتتجوزي سيف

ندى : قتللك خلاص مبقاش لي لازمة الكلام ده ، ارجوك خليك في حياتك وسبني في حياتي

وكويس انك خلاص مسافر وحتشتغل بره كده كويس ليك وليا

بعد مرور شهرين جمعت الحاجة أمانى كل العائلات من محفظات و كل الاطفال وكل من

يحفظ القرآن اجتمعوا جميعا وذهبت ايضا نيفين لتحضر الحلقة الخاصة بختم ندى

لحفظ القرآن

بدأت ندى بالتسميع الي ان وصلت لسورة الانسان ثم المرسلات ثم ختمت بجزء عم سورة

سورة

شعرت ندى وكأن الكلمات تنساب منها لم يكن هناك شعور من الممكن ان يوصف ابدا ما

تشعر به ،

كانت تشعر وكأن القرآن امتلك قلبها بل امتلك كل جارحه من جوارحها كانت الدموع

تنساب

من عيناها كقطرات الندى

حتي وصلت الي سورة الاخلاص شعرت وكأنها تقرأها لأول مرة وما ان وصلت لسورة الناس وانتهت اخر كلمة فيها والا ووجدت نفسها تسجد لله شكرا انها النعمة الاكبر انها المنه التي ليس بعدها منه ان تحمل في قلبك كتاب الله

كانت ندى تمنى نفسها ان تموت اليوم وتبعث بين يدي الله وتسال لما حفظت القران فتقول لك يا ربي فتسمع باذنيها صدقتي

في أحد ارقى الاندية بالقاهرة جلست سيدتان يبدو عليهما الثراء و الرقي يتبادلان اطراف

الحديث فقالت الاولي : لوجي حفيدتي في المدرسة دي علي فكرة

ردت ميرفت : معقولة يا فريدة حفيدتك كمان في نفس المدرسة بس المدرسة دي مشكلتها

الوحيدة ان مفيهاش اهتمام بالدين خالص

فريدة : طبيعي استاف المدرسة اغلبه مدرسين اجانب ومديرة المدرسة كمان امريكية

ميرفت : ما هو علشان كده بسمة مودية ابنها يحيي دار التحفيظ دي بقي

يقاطع حديثهم ابنة ميرفت وهي قادمة مع ابنها يحيي لتجاور والدتها الجلوس هي و

صديقتها

فريدة

فريدة هي سيدة مجتمع من الدرجة الاولي انيقة جدا ويبدو من مظهرها علمها الواسع بكيفية

اهتمامها بنفسها و ميرفت هي احدي صديقاتها من النادي ، تجاورهم بسمة الجلوس قائلة:

مساء الخير يا ماما

ميرفت : ايه يا بوسي ، اتأخرتوا كده ليه

بسمة : اول ما يحيي خلص الدار جينا علي طول

فريدة : وماشي كويس في الدار

بسمة : والله المكان كويس ، و التعامل معاهم حلو و مش بيعقدوا الولاد و ده المهم عندي

ميرفت : كويس و الله و بيأخدوا كلام فارغ يا فريدة ، مش حاجة يعني

فريدة : مش مهم الفلوس ، المهم يكونوا كويسين

بسمة : دول كمان عملولهم مسرح عرايس و العاب عشان الولاد يحبوا المكان

فريدة : طب تفتكري توافق تحفظ قران في البيت

ميرفت: أنتِ بتفكري تجيبي محفظة للوجي يا فريدة ولا ايه

فريدة : وليه لا

بسمة : والله يا طنط أنتِ ممكن تسألني في دار وهما يفيدوكي

و بالفعل قررت فريدة الاتصال بالدار و طلبت من الحاجة أماني ارسال محفظة لحفيدتها ،

كل ما فكرت به عند هذه الخطوة هو التفاخر بحفيدتها مثلما كانت ميرفت تتفاخر

فكرت أماني بندي و قررت أن تفاتها من أجل الذهاب : ها ايه رايك يا ندى

ندى : مش عارفة

الحاجة أماني : مش عارفة ايه يا بنتي ، بقالك سنتين من يوم ما ختمتي و أنتِ دايمًا مترددة

كده

ابتسمت ندى و ردت : مش سهل اقرر اروح و لا لا و كمان لسة مش عارفة رأي بابا

الحاجة أماني : فكري براحتك خالص و شوفي أنتِ حتقرري ايه

شردت للحظة فقطاعهم رنين هاتفها و قد استوقفها بكاء نيفين فهتفت : ايه أنتِ بتقولي ايه يا

نيفين

(3)

امتلك ندى ونيفين وشريفة وأحلام القلق وهم يقفون أمام غرفة العناية المركزة ، لم تعلم ندى ما الذي حدث بالضبط ولكنها وجدت اختها تحدثها ان والدها قد دخل المستشفى وانه قد سقط مغشيا عليه بغيوبة سكر جديدة مرة أخرى كاد القلق يقتلهم جميعهم وبينما دموعهم تنهمر وكل منهم يحاول تهدئة الآخر ، حتي خرج الطبيب وبدي علي وجهه انه يحاول طمأنتهم قائلا : خيرا جماعة الاستاذ عماد

فاق وحيخرج دلوقتي في أوضة عادية

شريفة : اقدر اشوفه دلوقتي

الطبيب: لا نستني شوية بس وبعدين اخلي حضرتك تشوفيه

خرج عماد من العناية المركزة وجميعهم مصوب بصره في اتجاهه وهم يمشون خلف السرير النقال ونيفين تقول بصوت باكي بابا وندى تدمع وهي تحاول ان تضمها اليها وشريفة وأحلام يحتضنون بعضهم البعض من كثرة القلق والخوف

مضت ساعات الليل بكل ما فيها و صباحا استقرت الامور ، فتح عماد عيناه نظرا لمن طوقوا سريره و قد امتلأت قلوبهم بالقلق و عندها هتفت شريفة : حمد لله علي السلامة

عماد وقد علت وجهه ابتسامة ذابلة : الله يسلمك ، مكانش ليه لزوم القلق ده كله يا شريفة

أحلام : طب يعني لو مقلقناش عليك حنقلق علي مين يا عماد

عماد مداعبا شريفة : بس انا مكنتش فاكر انك بتحبيني كده يا ام ندى

شريفة و قد شعرت بالخجل أمام بناتها : انت يعني مش عارف غلاوتك عندي يا عماد ثم اقتربت من يده وهي تقبلها ربنا يخليك لينا يا ابو ندى

ندى ونيفين قاما سويا بصوت نحنحه متمعد قاطعته ندى وهي تقول : انزلكم بكمانجة واتنين ليمون هنا ولا ايه

نيفين : كمانجة مين والناس نايمين انا شايفة يا حاج عماد انك تاخذ الحاجة كده و
تروحوا يومين شرم

ضحكوا جميعهم فعقت أحلام : مش حتخلصوا من العيال دي ما أنتم عارفينهم
نظر عماد لهم بحب و رد : ربنا يخليكوا ليا

مريومين و كان عماد قد عاد الي منزله ، بينما تواجد بغرفته من أجل الراحة ، كانت
ندى و نيفين بغرفة الصالون يتبادلان اطراف الحديث فسألت ندى : ها يا نيفين ما
قولتليش رايبك

نيفين : رايب في ايه

ندى : في موضوع فريدة اللي عندها حفيده

نيفين وهي تضحك : أنت بتعرفي تقسمي كمان

ندى : انا مش باهزر علي فكرة بجد اقبل احفظ حفيدتها في البيت ولا لا

نيفين : أنت ايه اللي قلقك

ندى : خايفة يكون بيت مش كويس

نيفين : طب ما تخلي الحاجة أمانى تسأل علي الناس قبل ما توديكي البيت

ندى : حاقولها و اشوف حترد عليا تقولي ايه

قاطعتهم أحلام و التي أتت لتجاورهم الجلوس معقبة : باباكم ومامتكم محسسنى اني

عازول وسطهم

ندى : معلىش بقى يا عمتو اصل الدكتور قال بابا لازم يتدلح فهى بتنفلد كلام الدكتور

نيفين : متفهميهاش صح يا عمتو

ضحكت أحلام و ردت : ما تتلمى يا بت منك لها ، وانا يعنى حاكره ان اخويا يدلح ،

الحمد لله انه قام بالسلامة

ثم اردفت : أنتم بقى كنتوا بتلكوا فى ايه

نيفين : اصل ندى جايلها شغل ومحتارة توافق ولا ترفض

أحلام : شغل ايه يعنى

ندى : ابدا يا عمتو فى ناس عايزينى احفظ قران فى البيت وانا مش عارفة ارواح ولا لا

أحلام : طب هو فىن المكان يا ندى

ندى : فىلا رفعت الصاوى فى جاردن سىتى

صدمت أحلام و شحب وجهها و تمتت بحزن : فىلا رفعت الصاوى

نيفين : هو فى حاجة و لا ايه

أحلام : لا ابدا انا حانزل بقى اشوف عمك طارق

عقت نيفين و هى تبدي نظرة المفتش كرمبو : هى عمك قلبت كده ليه

نزلت أحلام بينما دخلت شريفة عليهم و سألت : هو حد جيه

ندى : لا دى عمتو نزلت

ثم سألت : ماما أنتم تعرفوا حد اسمه رفعت الصاوى

شريفة وهى تحاول التذكر : رفعت الصاوى هو الاسم مر علىا

ندى : طب انا حاشتغل عندهم

شريفة : حشتغلى ايه

ندى : محفظة لحفيدته اسمها لوجي

شريفة : هو احنا اللي حنعيده حنزيده يا ندى عموما أنتِ حرة يا ندى انا معترضة علي
شغلك من الاساس والاحسن انك تشتغلي بشهادتك
ردت ندى و هي تنظر الي نيفين ثم الي والدتها : طب انا حستخير واللي فيه الخير
يقدمه ربنا

في مطبخها وهي تحدث نفسها عقبت أحلام : معقولة بعد سنين دي كلها مش لاقية
غير بيت رفعت الصاوي يا ندى
قاطعها طارق سائلا : عماد عامل ايه انهارده
لم ترد من شدة شرودها فهتف : أحلام أحلام أنتِ مش سمعاني ولا ايه
انتبهت أحلام و ردت : هه ، طارق لا ابداء كنت بتقول حاجة
طارق : ده أنتِ مش معايا خالص بقولك عماد عامل ايه
أحلام : كويس
طارق : امال أنتِ مالك في حاجة مضايقاكي
أحلام : لا ابداء بس شوية قلق علي عماد
رد طارق وهو يخرج من المطبخ : ربنا يطمنك عليه يا أحلام

ردت الحاجة أماني : يعني نويتي تروحي يا ندى
ندى : انا حاجرب شهر مع البنت لو ارتحت للمكان والناس حاكمل لو مرتحتش
حامشي

الحاجة أماني : بس يا ريت تجددي نيتك مع البنت وأنتِ بتحفظيها
ندى : أكيد ان شاء الله يا حاجة بس ليه بتقولي كده
حاجة أماني : ابدا بس حاسة ان مدام فريدة دي عايز تتفاخر بتحفيظ حفيدتها انا
عايزكي تحفظيها القران لله عز وجل مش للتفاخر
ندى : ربنا يرزقني واياكي الاخلاص يا حاجة
حاجة أماني : اللهم امين

بخطوات قلقة ذهبت ندى الي حيث العنوان المكتوب ، تنهدت وهي تري أمامها فيلا
لم تري مثلها الا في الافلام ، اظهرت هويتها عند البوابة وضحكت وهي تمر الي
الداخل ، كانت تقول في نفسها : يا تري الجهاز اللي بيشفو اللي في الشنط موجود
ولا لا

دقت الجرس ودخلت الي داخل الفيلا حيث استقبلتها احدي الخادومات ، بدأت تنظر
يمينها ويسارها في انتظار نزول فريدة هانم ، و ما هي الا دقائق بسيطة حتي سمعت

ندى صوت اقدام تنزل علي الساللم و رائحة عطر اخاذ للغاية ينم عن وصول امرأة
مميزة ويبدو من اول طلة لها انها بالفعل احدي هوانم جاردن سيتي

حاولت ندى اخفاء ابتسامتها وهي تقول لنفسها : ايه جو المسلسلات ده بس يا تري
مين دي معقولة تكون دي فريدة دي جدة دي شكلها اصغر من نيفين اختي

قاطعتها من شرودها فريدة وهي تشير لها بالجلوس ثم قالت : حضرتك انسة ندى عماد
ندى : ايوة انا و حضرتك مدام فريدة

قاطعتها فريدة : ايوة انا فريدة

ندى: هو حضرتك اللي جيتي الدار بخصوص حفيدتك

فريدة: ايوة انا ايه مش باين عليا

ندى : الحقيقة مش باين خالص انا قلت اكيد حضرتك مامتها

ابتسمت فريدة فهي تعشق الاطراء و ردت : ميرسي ليكي اوي يا انسة ندى عموما احنا
مش حنخلف مع بعض في اي حاجة اي طلب ليكي انا تحت امرك بس انا ليا طلب
واحد

ندى : اتفضلي يا فندم

فريدة : الميعاد يكون من 5 بدل من 4 يعني من 5الي 7 ونفس الايام اللي أنتِ حددتها
السبت والاتنين و الاربعاء

تنهدت ندى و ردت : طب اتفقنا ان شاء الله ممكن اشوف لوجي

نادت فريدة : دادا محاسن

اتجهت امرأة قد جاوزت الخمسين من عمرها اليهم و ردت : ايوة يا فريدة هانم

فريدة : طلعي انسة ندى اوضة لوجي

صعدت ندى السالم وهي لاتزال تشعر برهبة من المكان ولكنها بحق منبهرة بكل ركن فيه ، طرقتوا باب أحدي الغرف و فتحت دادا محاسن الباب ليقع بصرها علي لوجي ، شعرت بفيض من الحنان داخلها وهي تنظر الي وجهها المليء بالبراءة ، كانت لوجي مميزة للغاية رغم صغر سنها فهي حوالي 5 سنوات الا انها كانت صاحبة شعر اصفر طويل وومموج ووجه مشرق تكسوه البراءة

ابتسمت ندى لها وهي تقول :اهلا أنتِ لوجي

ردت لوجي ببالغ الهدوء : ايوة انا

ندى : طب تعرفي انا ابقى مين

ابتسمت لوجي ابتسامة مصطنعة و ردت : أنتِ متعرفيش أنتِ مين

ندى : لا عارفة

لوحي : طب بتسألني ليه

ندى : انا بسألك اشوفك عارفاني ولا لا ، وعموما يا ستي انا ابقى

قاطعتها لوجي : ميس ندى محفظة القران

ندى : طب ما أنتِ عارفة اهو و عارفة حنعمل ايه مع بعض

لوحي : ملوخية

صدمت ندى و ردت : نعم

ردت لوجي بامتعاض : مش حضرتك المحفظة برضو يبقى حنعمل ايه يعني

ابتسمت ندى ابتسامة مصطنعة وهي تقول لفريدة هانم : حفيدتك عسولة اوي يا مدام

فريدة

ولكنها في نفسها كانت تقول : يخرب بيت الرخامة يا شيخة

عقبت فريدة قبل خروجها من غرفة لوجي : ارجوكي يا ميس ندى واحدة واحدة علي لوجي

ندى: متقلقيش يا مدام فريدة

تركت فريدة الغرفة و تابعتها دادا محاسن بعد ما وضعت كوب العصير لندى وهي تشير لها : اتفضلي

، خرجوا واغلقوا الباب خلفهم وياليتهم ما فعلوا ، هكذا قالت ندى في سرها وهي تدفع عن نفسها كل دمي لوجي و التي كانت تقذفها في وجهها دمية دمية ، ظلت ترجع بقدميها للخلف حتي هوت علي سرير لوجي وبمجرد ان وقعت جرت لوجي نحوها وقفزت فوقها واخذت طرحتها في يدها وهي تحذرنا قائلة : انا مش حاحفظ قران وأنتِ حتقولي لآنة انك مش جاية تاني فاهمة ولا لا

ردت ندى وهي في قمة الاندهاش من تحول البراءة الي ما رأته : حاضر هو انا ممكن اروح

تركتها لوجي وهي تنظر لها نظرة اشبه بنظرات ربا وسكينة ، اعتدلت ندى ولكنها فوجئت بلوجي تصرخ وتنزوي في ركن وتبكي
صعدت فريدة علي وقع بكاء لوجي وفتحت الباب وهي تنظر لندى : أنتِ عاملتي ايه

ثم الي لوجي : مالك يا حبيبي ايه اللي حصل
لوجي :آنة فريدة انا خايفة اوي من الميس دي
فريدة : ليه يا لوجي

لوجي:دي زعقتلي جامد وكانت عايزة تضربني
نظرت فريدة لندى بعتاب وضيق و ردت : يا ميس ندى ارجوكي براحة عليها ده انا اخترتك علشان اسلوبك كويس مع الاطفال
ردت ندى بضيق وهي تنظر للوجي بيالغ الغيظ : معلش يا فريدة هانم اوعدك اني

حاعاملها براحة

خرجت فريدة فنظرت ندى للوجي مرة اخري وهي تزفر بقوة : اللهم طولك يا روح
ضحكت لوجي وهي تخرج لسانها بينما جلست ندى وسحبت كوب العصير بدأت
لوجي تدور في الحجرة وهي تغني باحدي عرائسها وتدور وتدور حتي وصلت عند ندى
وسكبت عليها كوب العصير

عقت شريفة عند رؤيتها : ايه اللي عامل فيكي كده
ندى ببالغ ضيقها : محدش يكلمني دلوقتي
نيفين: أنتِ كنتي في خناقة
ردت ندى بضيق من كل تعقيباتهم : اللهم طولك يا روح ، يا جماعة اهدي و نبقني
نتكلم
شريفة : طب ، وطبي صوتك علشان عمك نبيل جوه
ندى : عمو نبيل
بمجرد ان سمعت ندى اسم عمو نبيل شعرت بضيق الدنيا وقالت في نفسها : هو اليوم
كان نقصه عمو نبيل

عماد : انا عاتب عليك و زعلان منك اوي يا نبيل ، ده انت اخويا الكبير و اول واحد المفروض يكون جنبي
نبيل : انا معدتش ليا عين ارفعها فيك يا عماد بعد اللي حصل
عماد : انا مسامحه يا اخي وكفاية اللي هو فيه
ثم سأل : مراته ولدت بالسلامة
نبيل : جابت بنت وسماها ندى

عماد : قوله يتقي الله في تربيتها علشان تبقي زي ندى بنت عمه كده

نبيل : يا رب يا عماد ربنا يهديه ويصلح حاله

عماد : و مش ناويين ترجعوا البيت هنا تاني

نبيل : و الله انا شايف ان كده الاحسن و خصوصا بعد اللي حصل ما انت عارف

اعتماد و شريفة و عموما انا حابغي اجي اظمن عليك لحد ما تقوم بالسلامة

ندى : أنت بتضحكي علي ايه كل ده ، انا مش باقول نكت

نيفين : نكت والله ما قادرة امسك نفسي بقي المفعوسة دي تعمل فيكي كل ده

ندى : لا و جدتها في الاخر تقولي معلش لوجي رقيقة اوي يا ميس ندى عاملها براحة

هي بس خايفة منك عشان اول مرة تشوفك

ثم اردفت بحددة : نفسي اعرف لو مش خايفة دي كانت عملت ايه

نيفين : البت دي مش سهلة خالص علي فكرة ، انا رأيي تخلعي من لوجي و(فيلم

Home Alone) اللي أنت دخلتي فيه ده

ندى : عارفة انا كنت ناوية اعتذر و روحت بس علشان جدتها تسكت ، و كنت ناوية

فعلا ماكملش بس بعد ما شفت البت دي من الاخر كده يا انا يا هي

نيفين: نادو يا حبيبي راجعي نفسك

ندى : ايسلوتلي ، ان شاء الله البت دي حتربي علي ايدي واهو مدام مفيش ادب ييقي

نتربي

توجهت ندى بخطوات اكثر تحدي في اتجاه فيلا رفعت الصاوي ، لم تكن هذه المرة

تشعر بنفس الرهبة التي كانت تملأها في المرة السابقة ، بل كانت تفكر في لوجي و

فيما تنوي فعله ، كان تركيزها كيف تجعل لوجي تقترب منها ، في رأسها الكثير من الافكار يقاطعها سؤال في نفسها : هل يا تري لوجي يتيمة الام والاب ، توقفت عن اسئلتها فقد شغلها دخولها الي البوابة ومنها الي الفيلا ، كان الصمت سيد الموقف استقبلتها دادا محاسن لتصعد بيها الي غرفة لوجي فاستوقف ندى هذا الهدوء فسألت دادا محاسن : هو مفيش حد هنا ولا ايه

دادا محاسن : لوجي في اوضتها

ندى : لا انا قصدي فين جدتها فين مدام فريدة

دادا محاسن : في الجيم اصل مواعيدك في نفس مواعيد الجيم بتاعها

ردت ندى باستغراب : جيم ، طب ليه مطلبتش مني اغير المواعيد او الايام

دادا محاسن : و تغيريهم ليه هي اصلا ظبطتهم علي مواعيدك

ندى : يعني لوجي حتبقي لوحدها في البيت ولا انا حاقابل مامتها

دادا محاسن : مامة لوجي مش هنا اصلا

ندى وهي تستوقفها عند اخر سلمة : هي لوجي يتيمة

دادا محاسن باقتضاب : لا ، وكفاية كده اسئلة ، لوجي مستنياكي

دخلت ندى غرفة لوجي وهي تتوقع بالطبع المقالب ولكنها وجدت لوجي تجلس صامتة وهي تسرح لاحدي عروستها ثم تقول لها : اقعدني هنا بقى لحد ما باباكي يجي هو حيحي كمان شوية

ندى : ازيك يا لوجي

ردت لوجي دون النظر اليها : كويسة

ندى : ها ناوية عملي ايه فيا انهارده

لوجي بصمت وحزن : ولا حاجة حنحفظ قران

ندى وقد شعرت بالتعاطف محدثة نفسها : ومن امتي الادب ده

ثم قالت للوجي : طب يلا بينا

اقتربت لوجي من شنطة المدرسة واخرجت منها وردة لتقدمها لندى وهي تقول بابتسامه

: دي عشان اصالحك

ندى اقتربت منها وابتسمت وهي تاخذ الوردة : شكرا يا لوجي

وما ان مسكتها ندى حتي كان بيها صاروخ و ضرب فيها بصوت قوي افزع ندى وبدي

اثاره علي طرحتها وكانها محروقة ، ضحكت لوجي ضحكات قوية وهي تنظر لندى

بتحدي ولكن ندى قامت من مكانها دون النظر للوجي وقامت بتعديل طرحتها وهي

تضع ما بدي عليه اثار الحرق من الداخل

لم تنظر ندى للوجي ولكنها اقتربت من لعبتها واخذت العروسة التي كانت تسرح لها

وضممتها بحنان واجلستها الي جوارها و قررت التحدث لها : أنتِ ساندى صح ، انا

ندى شعرك حلو اوي علي فكرة ، انا عارفة باباكي واحب اقولك بقي انه مش جاي

انهاردة

كانت لوجي تراقب من بعيد وتنظر لندى فقطاعتها : وأنتِ عرفتي مينين

ندى : كحلوش قالي

لوجي : كحلوش مين

ندى : ده المحافظ بتاع بابا ساندى وصاحبي علشان احنا الاتنين بنحفظ قران زي بعض

وهو اللي قالي ان بابا ساندى مش جاي

لوجي : بس ساندى عروسة مش بتعرف تسمع اصلا ازاي تحتفظ

ندى : ما هو كحلوش لعبة زيبها علشان كده هو اللي بيعرف يحفظهم

لوجي : مفيش حاجة اسمها كحلوش اصلا

ندى : لا في بس أنتِ عمرك ما حتشوفيه

لوجي : ليه بقي

ندى : علشان كحلوش بيشفوه بس الولاد اللي بيحفظوا قران ويسمعوا الكلام

صمتت ندى ثم أجلست دمية لوجي أمامها و اصتعت انها تحفظ معاها القران بينما

لوجي تختلس النظر لكليهما صامته

انتهت ندى الحلقة و قررت ألا توجه كلامها للوجي بل اکتفت بدميتها و ودعتها علي

امل اللقاء ، بينما لوجي علي حالها ، خرجت ندى وهي تعلم انها كسبت نقطة أمام

لوجي ، وجدت دادا محاسن تنتظرها و تسأل : خلصتي مع لوجي يا انسة ندى

ندى وهي تنظر لها بعتاب : ايوة و اوعدك اني مش حاضيك بأسألتي مرة تانية

استوقفتها محاسن قبل أن ترحل قائلة : اسمعي يا ندى يا بنتي ، أنتِ سألتني عن بابا

لوجي ومامتها وانا حاجاوبك ، بس ارجوكي بلاش تسألني لوجي عنهم ، باباها مسافر

متجوز في فرنسا واحده فرنسية بيحي يقعد فترة هنا وبعدين يسافر تاني ، ومامتها

متجوزة برضو وبتجي تزورها بس ممكن كل شهر مرة او مرتين

ندى : وهي عارفة ان باباها ومامتها كل واحد فيهم متجوز

دادا محاسن : ايوة واكثر من كده

ندى : طب هي جدتها مش بتحاول تخفف عنها

دادا محاسن : جدتها ممكن تجبلها اي حاجة وتديها اي حاجة الا اهم حاجة ناقصة

لوجي

ندى : لوجي ناقصها حاجة

دادا محاسن : ابوة ان حد يحبها بجد

(4)

عادت فريدة و بالتأكيد أول شئ سألت عنه كان ندى : ندى جت المرة دي

محاسن : ابوة جت ومشيت

فريدة : متعرفيش عملت ايه مع لوجي انهارده

محاسن : بيتهيا لي كويسين المرة دي

فريدة : طب اعمليلي نسكافية و هاتيهولي في التراس

اتجهت فريدة لتجلس بالتراس و أمسكت بهاتفها مقرررة التحدث لابنها ، والد لوجي

. حازم حبيبي وحشتيني

رد حازم مبتسما : فريدة هانم بذات نفسها بتتصل بيا

فريدة : بطل غلاسة بقي يا حازم مش بتسأل عليا خالص نسيت ماما

حازم : ابدا يا ستي ، انا فعلا كنت ناوي اكلمك انهارده بس أنت كالعادة سبقتيني

فريدة : عامل ايه وجوليا عاملة ايه

حازم : جوليا كويسة اهي جانبي بتسلم عليكي ولوجي عاملة ايه يا ماما

فريدة : لوجي كويسة بس لازم ترجع قبل عيد ميلادها والا حتزعل منك جامد

حازم : انا قربت اخلص اللي ورايا وحارجع

فريدة : خد بالك من نفسك وسللمي علي جوليا

حازم : اوكي يا ماما سلام

اغلق حازم الهاتف وهو ينظر لجوليا , كان يشبه لوجي كثيرا بشعره البني وعيناه العسلية
،اما جوليا فهي صديقتة الفرنسية من اصل عربي والدها لبناني بينما والدتها فرنسية
اقتربت منه وهي تلف يدها حول عنقه بينما كانت ترتدي شورت جينز قصير وبادي
اسود حمالات ثم سألت :سكرت موبايلك
حازم : ايوة ماما بتسلم عليك علي فكرة
جوليا : وانا كتير مشتاقتلها هي ولوجي
حازم : ما انا اكر من مرة اقولك نتجوز وننزل نعيش في مصر علي طول ، أنتِ اللي
مش راضية
زفرت جوليا و ردت : حازم مو من حين لآخر نفتح ها الموضوع ، انا قتللك بدك تعيش
هون ونستقر هون بيقى نتجوز ، انا مني موافقة اعيش بمصر
رد حازم بضيق : طب ممكن اعرف حنفضل في الوضع ده لحد امتي
جوليا : المفروض اني انا اللي اصير مضايقة
زاد حازم من عصبيته و رد : ما انا مش فاهم انا اللي بتحايل علي الجواز وأنتِ عايزة
نفضل كده ، بقالنا 3 سنين كده وانا خلاص مش عايز افضل معاكي في الوضع ده
وضعت جوليا يديها علي وجهه و ابتسمت لتهدئه قائلة : كل مرة بتكون هون بتقول
نفس الحكي وما بيتغير شي
ازاح حازم يديها بفراغ صبر و رد : خلاص اوعدك المرة دي يتغير يا جوليا

جلست ندى علي سريرها يملأها الشرود ، لاحظت نيفين ما بها فسألت : مالك يا

ندى بتفكري في ايه

تنهدت ندى و ردت : ابدا

ثم تابعت : عارفة يا نيفين في نعم كثير الواحد مش بياخد باله منها الا لما يشوف غيره

محروم منها

نظرت نيفين باستغراب ثم سألت : عاملتي ايه مع البت اللي في فيلم Home Alone

ابتسمت ندى و ردت : لوجي , تعرفي انها صعبانة عليا قوي

زاد استغراب نيفين و سألت : ليه بقي ، كل الافتري ده ، وصعبانة عليك ليه

شردت ندى للحظة ثم ردت : اصلك مش عارفة يعني ايه تعيشي مع دادا هي اللي

تربيكي علشان بابا وماما وتيتة عندهم اهتمامات تانية

نيفين : دادا كمان في دادا

ندى : دادا محاسن

نيفين : اية الجو ده ، ده فيلم لعماد حمدي

ندى : طب و الله ، ست طيبة اوي تحسسك انها فردوس محمد كده

ردت نيفين وهي تضحك : ايه يا بنتي البيت الاكشن اللي أنت فيه ده

ندى : شوفتي بقي

نيفين : يعني أنت خلاص نوتبي تكلمي مع لوجي

ندى : اكيد ، نويت اجدد نيتي و اكمل معاها ، علي الاقل تلاقي اللي ناقصها عندي

هتفت نيفين : ناقصها ، اتقوا الله بقي ، هي دي ناقصها حاجة

تنهدت ندى و ردت : ناقصها تلاقي اللي يحبها بجد

وضعت نيفين يدها علي كتف ندى ثم عقبته : ربنا يعينك يا وحش ، اما نشوف اخرتها

بينما كانت الايام تمر بين لوجي و ندى بين الجذب و الشد ، كان والد لوجي يجاهد من اجل اثناء جوليا عن قرار رفضها العيش بمصر ، يزداد شعوره بالضجر كلما زادت في عنادها و رفضها ، فهو لا يريد أن يفرض عليه العيش في فرنسا ويجد نفسه تاركا لوجي نهائيا ، الحل اذا أن تأتي لوجي للعيش معهم ، لكنه يعلم جيدا ان جوليا لا تحب الاطفال ولن تعتني بها ، بل انه ايضا لا يريد تربية لوجي هنا ، اذا ما الحل؟؟ ----
----- صدقا لا يعرف

وبينما هو غارق في شروده اتاه ذلك الصوت علي هاتفه الخليوي معلنا وصول رسالة علي الواتس اب :

أنتِ مش ناوي تيجي يا بني ادم انت

الشغل كله فوق دماغي

يا اخي احترم نفسك بقي

وابقي هاتلي معاك مشبك من الحلواني اللي علي اول شارع الشارزليزيه

رد حازم :

الشارزليزيه ، انت منين يا ابني

رد عصام :

متغيرش الموضوع و هاتلي لفتين و تعالي يا عديم الدم

رد حازم :

يا بني انت فاكروني بالعب هنا

انا اشتغل وانت عارف الشغل هنا متعب اد ايه

وعموما انا راجع السبت الجاي
ويا ريت اشوف خلقتك في المطار
مش زي المرة اللي فاتت
حاكم الندالة ليها ناسها
رد عصام وهو يضحك :
تعبان في فرنسا و لا تعبان مع جوليا
الف سلامة عليك
تعبان مع جوليا
ما هي اللي زي جوليا دي تتعب بلد
ضحك حازم و رد :
نفسن كمان يا معقد
سلام مؤقت دلوقتي و حاكلمك بعدين
ضحك عصام و رد :
ماشي يا عم التعبان

قاطعته سالي و هي تطرق الباب لتدخل سالي (ظهرت بجيبها القصيرة وبلوزتها
الضيقة وبرفانها الواصل لجنوب اسوان) ثم اقتربت من عصام قائلة : مستر عصام
الاوراق دي لازم تتمضي دلوقتي
رد عصام ببرود دون النظر اليها : حطي الاوراق عندك واطلعي
خرجت ليزفر عصام و قد شرد للحظة في تصرفات حازم و ما يفعله مع ابنته ، تلك
التصرفات التي دائما تذكره بما عاناه
قاطعته صوت طرق الباب ليدخل عليه الصديق الثالث هشام ، هشام هو خال لوجي و
اكثر شخص يكرهه عصام حاليا رغم ما كان بينهم في الماضي ، كان وسيما بعض الشئ

لكنه دائما ما كان يمتلك تلك النظرة المملوءة بالغل تجاهه هو و حازم ، كان يدرك اسبابها فكل ما مضي كان كفيلا ان يحولهم إلي اعداء ، لكنهم اثروا ارتداء الاقنعة و إظهار المشاعر الاكثر زيفا بينهم

جلس هشام بالمقعد المقابل لمكتبه قائلا : ازيك يا عصام

رد عصام بحدة : جاي ليه

هشام ببرود : دي مقابلة يا اخي ، ده بدل ما تقولي اتفضل وتجبلني عصير ، ولا اقولك هالتلي سالي

ضرب عصام بيده علي المكتب و رد : تعالي علي نفسك وحاول تكون محترم ولو لخمس دقائق ، ده مكان شغل ، عايز تقل ادبك ، خد بعضك و قوم امشي

هشام بابتسامة مستفزة : بالراحة يا عم يطلقك عرق و بعدين ما انت عارف اني مبعرفش ا بقي محترم يا عصام

عصام : يبقي تتفضل مع السلامة

هشام بضيق : ماشي ، عموما انا كنت جاي اسألك علي حازم و اشوفه راجع امتي

عصام : لما يرجع حتعرف حاجة تانية

طريقة عصام اجبرت هشام علي الرحيل فقام من مكانه هاتفا : طيب انا ماشي و ا بقي بلغني لما يقولك علي ميعاد وصله ، اصله وحشني اوي ، سلام

زفر عصام و تمتم حين خروجه : سلام

اصبحت معتادة علي وجدها ، بل احيانا تنتظر في النافذة حتي تجدها تدخل من البوابة ، فتدخل و تنزوي الي كرسي صغير تجلس عليه داخل الحجرة مثل كل مرة ، تبتسم ندى لصنيعها و لكنها لا تعيره اي اهتمام ، فمنذ ثالث مرة جاءت فيها الي الآن تصعد ندى لغرفة لوجي ، وتأخذ عروستها ساندى وتحتضنها وتقبلها

وتتكلم معها ، ثم تبدأ في ترتيب القران لها وتشعر في كل مرة ان لوجي تهمس معها ولكنها عنيدة لن تعترف
ان ندى نجحت معها ، ليس سهلا علي لوجي ان تفعل ذلك
انهت ندى الحلقة كعادة بقية الحلقات واتجهت لتخرج ولكن تلك المرة قالت للعروسة ساندى : ليكي المرة
الجاية عندى مفاجأة كبيرة يا ساندى بس اوعي تقولي حاجة للوجي
خرجت وتركت لوجي تفكر وهي تقول لنفسها : يا تري ايه المفاجأة
ما لم تتوقعه ندى هو أن تستوقفها فريدة لتسألها : اخبار لوجي معاكي ايه يا ميس ندى
حفظت اد ايه لحد دلوقتي
ندى : احنا بقالنا شهرين بس يعني لسه شوية علي الكلام ده
فريدة : امال انا شفت يحيي بيسمع كويس الظاهر أنت مش مهتمة بلوجي كفاية
شعرت ندى ببالح الضيق من طريقتهما فردت : صدقيني انا باعمل كل اللي اقدر عليه
بس البيت كمان مش مساعد
ردت فريدة ببالح الغرور : وانا ايه المطلوب مني المفروض ده شغلك
ندى : لا المفروض البيت كمان لي دور ولو حضرتك عايزة لوجي زي يحيي ممكن
تسألني مدام بسمة هي بتعمل ايه مع ابنها
الجمت ندى فريدة بتلك الكلمات فغيرت الموضوع وقالت بهدوء : الاسبوع الجاي
عيد ميلاد لوجي
ندى : كل سنة وهي طيبة
فريدة : اكيد حتحضري ارجوكي بجد يا ميس ندى
ندى : مش حاقدرا اوعدك ، ربنا يسهل
فريدة : طب بابا لوجي راجع يوم السبت الجاي يا ريت لوجي تكون اجازة
ندى : بسيطة تحت امرك بس انا جاية بعد بكرة ، ان شاء الله
فريدة : اوكي

اتجهت ندى للخروج و لكن استوقفت داد محاسن وهمست في اذنها علي ما فكرت
فيه واتفقا سويا علي تنفيذه يوم الاربعاء

يوم الاربعاء وقفت في النافذة تنتظر ، اصبحت الساعة الخامسة ولم يأتي احد ، شعرت لوجي بالقلق لماذا لم
تأتي ندى ، حتي شعرت باقدام تتقدم نحو الغرفة والباب يفتح ، فجرت مسرعة باتجاه الكرسي ولكنها
وجدت دادا محاسن تقول : ميس ندى مش جاية انهاردة

شعرت لوجي بالضيق و زفرت و ظلت بمكانها ، فعقبت محاسن : تحبي نكلمها في التليفون نطمئن عليها
استحسننت لوجي الفكرة وخرجت مع دادا محاسن باتجاه التليفون ، ظل الهاتف يرن ولا يجيب احد حتي
شعرت لوجي بالاحباط ، فصعدت الي غرفتها ولكنها تفاجأت عندما وجدت شيئا يشبه مسرح العرائس
الصغير به دمية تشبة كحلوش الذي كانت توصفه ندى وعروستها ساندى يدور بينهم هذا الحوار :

كحلوش : أنتِ بقي تاعباني اوي يا ساندى ومش عايزة تحفظي القران خالص مع ميس
ندى ليه

ساندى : ابدا بس انا كان نفسي حد تاني اللي يحفظني

كحلوش : يعني عايزة مين اجييلك بكار مثلا ولا دورا ولا اجييلك اسكارا يكلك
ونخلص

ضحك لوجي علي الكلام فقالت ساندى : الحقيقة انا نفسي لوجي هي اللي تحفظني
علشان لوجي هي اللي صاحبي

كحلوش : بس لوجي مش بتحفظ

ثم نظر للوجي و سأل : ولا أنتِ بتحفظي يا لوجي

اجابت لوجي : انا باحفظ قران يا كحلوش

(اصغر سنا)

اقتربت من لوجي وسلمت عليها لكن لوجي استقبلتها ببرود ، وما ان اطل حازم حتي اسرعت لوجي اليه

واحتضانته هاتفة : حمدلله علي السلامة يا بابي وحشتيني اوي

حازم : أنتِ اللي وحشتيني اوي يا لوجي

اخذ السلام مجري الحوار اقبل الجميع علي السلام والحضن والتقبيل بما فيهم نيرة ،
فنيرة وحازم بعد الطلاق اتفقوا ان يظلوا اصدقاء خصوصا ان لوجي تربطهم ، وكي
يبدوا أمام الناس من اصحاب الطلاق المودرن

و اخيرا عاد حازم الي القاهرة ، اتجهوا جميعهم الي فيلا الصاوي وما ان دخلوا و التفوا
جميعا حول العشاء حتي بدأ حازم بسؤال لوجي : عاملة ايه في المدرسة بقي لسه
بتعملي مقابل في اصحابك والمدرسين

ضحكت لوجي و ردت : لا خلاص انا بطلت اعمل علشان كحلوش يجيلي ويلعب
معايا

عقب هشام : مش من دلوقتي يا لوجي كحلوش أنتِ لسه صغيرة
نظر حازم و عصام له ببالغ الضيق و عندها رد عصام بصوت هافت بحكم انه جلس
علي يمينه : بطل سفالة يا هشام و احترم نفسك

قاطعهم حازم بنظرة حادة و عاد يسأل : مين كحلوش ده يا لوجي

ردت فريدة بضيق : ده من اخرة القاعدة مع ميس ندى

سألت نيرة باستغراب : مين ندى

لوجي : محفظة القران بتاعتي

رد حازم بانهار وهو ينظر الي والدته : أنتِ جبتي للوجي محفظة قران ، معقول

لوجي : ايوة وحفظت معها سور كتير

بدأت لوجي في تسميع قصار السور التي حفظتها وهي مبتسمة ، بينما هشام يحاول
كتمان ضحكاته و هو يهمس لنيرة : بنتك أنتِ و حازم تحفظ قران ، يالا الهول
داست من جلست علي شماله علي قدمه التي كانت تجاورها بكل ما امتلكت من غيظ
و عقبته بهمس : اخرس
انتهت لوجي التسميع وسط انبهار الجميع ، فعقب حازم : واو يا لوجي شطورة برافو
عليكي

شعرت نيرة ببالح الضيق ثم عقبته علي استحياء : برافو يا لوجي

عصام : باين عليكي حتكوني شاطورة يا لوجي

ثم عقب هشام : وحلوة ميس ندى يا لوجي

رد عصام بضيق : يا اخي احترم اللي قاعدين بقي

ردت لوجي : اوي اوي يا انكل هشام

ابتسمت فريدة و شعرت بالسعادة إذ انها الان تستطيع التفاخر بلوجي مثلما تفعل
ميرفت مع حفيدها ، زادت عندها غيرة نيرة فحاولت تغيير مسار الحوار ، لكنها
فشلت وبدي الكل لديه فضول في معرفة ندى و كل منهم لديه اسبابه ، الاعجاب
سبب والشكر و الامتنان سبب و الشغف لمغامرة جديدة سبب ولكن اصعب الاسباب
هي من سولت له نفسه الصيد في الماء العكر

(5)

ظل الارتباك سيد الموقف كان عماد يشعر بالقلق و نظر لندى لا يعرف بما يرد ، نظرت
ندى له ثم قالت بشكل قاطع : خلاص يا بابا انا مش حاروح غصب عنك لو مش
موافق بلاش

عماد : انا مقولتش متروحيش انا قلت متروحيش لوحدك

ندى : ما هو مش معقول اروح احضر عيد ميلاد لوجي وحضرتك معايا

عماد : و انا معنديش استعداد انك تروحي وترجعي لوحدك متأخرة او واحد من اللي
حاضرين الحفلة يستعبط ويقولك اوصلك يا انسة ندى

عقبت نيفين من أجل تخفيف الموقف : انت بتغير علينا احنا كمان يا سي بابا ، طب
عموما انا عندي حل وسط ، ندى تروح واول ما الحفلة تخلص حضرتك تكون مستنيها
وتروح معاك

ندى : انا مش حاقد لحد ما تخلص انا اخري الساعة 9

عماد : خلاص كده نبقي اتفقنا تروحي وانا حابغي مستنيكي الساعة 9

صفقت نيفين فنظر عماد بضيق بينما نظرت ندى لنيفين فهدأت و اتجهت سويها لغرفة
ندى فعقبت نيفين : كده مش فاضل غير اللي حتلبسيه

ندى : ايه اللي حلبسه يعني

نيفين : مش حتلبسي فستان حلو كده

ندى : لا طبعا انا اصلا رايحة علشان لوجي مش اكرر حروح بهدوم الخروج بتاعتي

عادي ده عيد ميلاد مش فرح

نيفين : طب حتشوفي الستات والبنات حيكونوا لابسين ايه

ندى : و انا مالي يا نيفين ، المهم بالنسبة ليا اني اشوف لوجي مبسوطة ، والمفاجأة

اللي محضرها ليها تعجبها وخلص

نيفين بضيق : انا كان قصدي -----

قاطعتها ندى بحدة : خلاص يا نيفين ، و ريجيلي دماغك دي

يوم عيد ميلاد لوجي ، وقفت فريدة تجاور لوجي لتسألها : ها يا لوجي عجبك الفستان

اللي حتلبسيه ، ده بقي هدية بابا من باريس

دارت لوجي حول المرآة مبتسمة و ردت : حلو اوي يا آنة

دخل حازم عليهم ثم نظر للوجي بابتسامة و سأل : عروستي خلصت لبس ولا لسه

لوجي : خلاص يا بابي

حازم : عجبك الفستان يا لوجي

لوجي : حلو اوي يا بابي ميرسي مي ميرسي

نزل حازم علي ركبتيه ليحتضنها ثم قال : أنتِ اللي حلوة اوي يا لولو يلا بينا بقي ننزل

استوقفته لوجي وهي تبسم : انت كمان بتقولي زيها علي فكرة

رد حازم مستغربا : زي مين

لوجي : زي ميس ندى ، هي اللي بتقولي يا لولو

حازم : هو كل حاجة ميس ندى ميس ندى ميس ندى

قاطعتهم فريدة : يلا ننزل يا حازم ناس كتير زمانها جت ، ثم نظرت لدادا محاسن

فريدة لمحاسن : اتأكدني ان مفيش حاجة ناقصة عايزكي تتأكدني بنفسك من كل حاجة

محاسن : متقلقيش يا فريدة هانم

لوجي لمحاسن : ميس ندى جت يا دادا

محاسن : لا لسه زمانها جاية

كانت خطواتها مترددة وهي تري الانوار تملئ مقدمة الفيلا ، كانت تنظر أمامها تري اطفال وكبار يبدو وكأنه حفل اكبر بكثير مما كانت تتوقع ، ابتسمت وهي تتذكر والدها وهو عائد من عمله ومعه تورتة واحدة واحيانا بعض الحلويات ثم يتناولنها هي نيفين من يديه يفتحونها وكل منهم تحاول اخذ جزء من زيتها بيديها وهي تقول للاخري استني حنقطعها بالليل ، ضربت ندى بيدها علي جبهتها وهي تضحك ثم وضعت وجهها في الارض وهي متجهه الي داخل الفيلا

بدأت ندى تنظر حولها والاضطراب يملأها ، وهي لا تعرف ما الذي عليها فعله ، ولم تري لوجي ولا اي مما تعرف بدأت تبحث بعينها بسرعة علي مكان تجلس فيه ، وهي تشعر ان الجميع ينظرون لها ، يريد اي منهم ان يقول لها ، انك بالطبع اخطأتي في

العنوان ، وجدت اخيرا مكان بجوار مجموعة من السيدات يبدو انهم صديقات فريدة ،
اقتربت وجلست صامئة مقررة أن تكتفي بالمشاهدة

ما هي الا دقائق ، بدأت الموسيقى السلو تعزف ليبدأ ثنائي من الحاضرين بالرقص
بتناغم واضح

، في نفسها قالت ندى يبدو انتهم متزوجين حديثا ، وما هي الا دقائق وبدأت الثنائيات
في استكمال المشهد الراقص

ندى امتلاكها ضيق الدنيا لم تكن تتوقع ابدا ، ان حفلة لوجي ستكون هكذا ، كيف
يقبل والديها ان تتربي وتري أمامها ما تري ، زفرت بضيق وهي تريد ان تنصرف ولكنها
تفكر في الهدية التي اعدتها حتي قاطعها صوت عالي ينادي أمام الحاضرين : ميس
ندى

جريت لوجي اليها فالتفت الجميع واولهم بالطبع هشام ، ثم نظر حازم وعصام وأشرف
ثم قالت نيرة بسخرية : هي دي بقي ندى ، اللي لوجي فلقانا بيها

رد هشام وهو يرمقها بنظرات مفحصة : اوياااااااااااااااا طب دي حنة لوز علي الاخر

قاطعهم أشرف وهو يسأل : ندى مين

نيرة : مش انط فريدة جايبة محفظة قران للوجي

رد أشرف بسخرية : بنتك أنت بتحفظ قران

رد هشام وهو يضحك : ما انا برضو قولت كده

اتجاه حازم نحوهم وهو يقول : بتقطعوا في فروة مين ارحموا نفسكم

هشام : انت شوف ندى واااااااااااااااا او عمري ما تخيلت ان انط فريدة عندها بعد نظر
كده

حازم : انت اهل يا بني انا مش فاهم ، هي عجبك في ايه بالضبط

هشام : هي معجبتكش انا مش مصدقك علي فكرة

حازم : هي حلوة بس عادية ولبسها عادي ، اللي لفت نظري فيها انها صغيرة اوي ، انا

توقعت انها في سن ماما متوقعتهاش صغيرة

التفتت نيرة في اتجاه عصام الذي تعمد الا يقف الي جوارهم و عقبته : والله انت

العاقل اللي فيهم

رد عصام بضيق : نعم

نيرة : ابدا بس انت سايب الحفلة وواقف مع نفسك تجي نرقص

زاد ضيقه و سأل : أنت فين جوزك

ردت نيرة وهي تزفر : اهو واقف مع هشام وحازم والحوار كله علي الشحرورة اللي

هناك

استغرب عصام ثم التفت ناظرا باتجاههم : مين الشحرورة دي

نظرت نيرة باتجاه ندى و ردت : ميس ندى انت محطتش بالشرف وشوفتها

نظر عصام باتجاهها فوجدتها تجلس صامته اخذه بصره وهو يقول في نفسه : اول

محترمة بعد كبار السن

اقتربت نيرة منه اكثر ثم امسكت بيده و سألت : حتفضل تعاملني بالطريقة دي لحد

امتني ، عصام انا -----

سحب يده بقوة و قاطعها بحدته : روحي شوفي أشرف بدل ما تلاقيه مع واحدة كده ولا

كده علي اخر الحفلة

ردت ببالح التحدي : اللي يتجوزني ميقدرش يبص لغيري

ابتعدت عنه و اثرت أن تقف بعيدا عن الجميع غير مبالية بلوجي ، اتجه هشام ليقف
الي جوارها ثم قال ببالح ضيقه : مش تراعي أشرف شوية
غضبت نيرة و عقدت ذراعيها أمام صدرها هاتفة : انا عملت ايه يعني
هشام : تعالي علي نفسك و راعي أشرف شوية ، او حتي حاولي تعملي أم ليوم واحد
و مثلي قدام الناس إن لوجي فارقة معاكي
نظرت له بابتسامة باردة و اخرجت من حقيبتها علبة السجائر الخاصة بها ثم قررت أن
تتجهة إلي التراس ، بينما كان أشرف يتابعها و قرر الاتجاه خلفها

اتجه حازم ليقف الي جوار هشام سائلا : هي نيرة مالها هي و أشرف
رد هشام بينما كانت عينه تطالع ندى : لا مفيش حاجة
حازم : هو أشرف اضايق علشان رقصت مع نيرة ولا ايه
هشام : ما هو واخذ علي كده ايه الجديد
ثم تابع مقررا تغير الموضوع : ما تفكك بقي من الحوار ده و تعالي عرفني علي ندى
قالها هشام و هو متجهها لندى ، فاستوقفه حازم ممسكا بذراعه ، هامسا : باقولك ايه
مش عايز مشاكل في عيد ميلاد لوجي
هشام : ايه يا بني انا حاتعرف عليها بس ، اصلها دخلت دماغني اوي ، حاجة جديدة
غير المعتاد عليه
ثم اردف بثقة : عارف يا حازم اللي زي ندى دي تجي سكة اسهل مما يمكن
حازم ساخرا : ازاي بقي يا فتك زمانك

هشام : ابدا تدخل عليها انك معجب بايمانها وتدينها ولبسها ، باصص في الارض
وحتموت علي طريق التوبة والرجوع لربنا ، بس مش لاقى اللي ياخذ بايديك وهي دي
اللي حتساعدك ، تقعد تقولها نفسي نطلع عمرة مع بعض نفسي حد يرنلي الفجر
علشان يصحني كده يعني

حازم : طب بس لاحسن حايط من كمية الايمان اللي جواك

هشام : طب تحب تشوف

حازم : go ahead

كانت ندى شاردة و من آن لآخر تنظر في ساعة يدها و هي تشعر ببالح الضيق ، اتجه
هشام و جلس بالمقعد الذي يقابل مقاعدها و سأل : انسه ندى مش كده

ردت ندى : ايوة انا

هشام : انا هشام خال لوجي

ندى : اهلا وسهلا

هشام : تعرفي إن لوجي مش مبطله كلام عنك خالص

ثم صمت قليلا و اكمل : حضرتك اسلوبك في تحفيظ القران ممتاز ، ينفع اسألك بقي
علي حاجة بخصوص التحفيظ

فهمت ندى ما يرنو إليه فابتسمت ببرود و ردت : اتفضل

هشام : هو انا لو عايز احفظ اقدر اروح الدار اللي أنتِ فيها

ردت ندى ساخرة : هو حضرتك عايز تحفظ قران

هشام : دي امنية حياتي ، متصويريش انا سعيد قد ايه بلوجي و نفسي ابقى زيها ، ها

حتساعديني

ردت ندى وهي تفر بضيقة : حضرتك عايزني اساعدك بايه بالظبط

هشام : يعني لو تجيلي البيت و تحفظيني -----

وقفت ندى و قد شعرت بانفعالها و تماسكت حتي لا تصفعه و قالت بحدة : في دور

تحفيظ كويسة ممكن تسأل فيه و بيكون فيها مواعيد تناسب الرجالة و محفظين رجالة

ثم التفتت لتمسك بحقيبتها مقررة الانصراف و هي تكمل : ده لو حضرتك اصلا عايز

تحفظ

استوقفتها لوجي و التي اتجهت اليها و الابتسامة تملئ وجهها و امسكت بيدها هاتفة

بصوت سمعه الجميع : ميس ندى ، ميس ندى ممكن تقفي جانبي واحنا بنطفي الشمع

زاد ضيق ندى و ردت : معلىش يا لوجي انا بتفرج عليكى اهو روجي اطفيه أنتِ

زادت لوجي من التمسك بيدها و قررت الترجي بشدة : بالله عليكى يا ميس ندى ،

مش أنتِ قولتلي اقول كده

اتجهت فريدة نحوهم معقبة : يلا يا لوجي علشان تتطفي الشمع

ردت لوجي : انا مش حاروح الا و ميس ندى معايا

نظرت فريدة لندى و عقبته : يلا يا ميس ندى ارجوكى

اقتربت ندى من الواقفين حول كعكة عيد الميلاد ، ف اشارت فريدة لها لتوقف الي جوار

لوجي وهي تقول لصديقتها : دي بقي محفظة لوجي

ثم التفتت لحازم وعصام ونيرة وأشرف وهي تشير اليهم : ده بابا لوجي ودي ومامتها

قاطعها عصام وهو يمد يده لندى و امتلى وجهه بالابتسامة قائلا : اتشرفنا بمعرفتك يا

انسة ندى

اومت ندى برأسها دون ان تمد يدها و ردت : شكرا

شعر عصام بالاحراج بينما ابتسمت نيرة لذلك فصمت عصام و اشاح بوجهه عنهم

شعرت ندى باحراجها و لكنها اثرت الصمت ، وقفت لوجي أمام كعكتها التي تتزين بصورتها واطفأت الانوار وبدأ الغناء حتي اطفأت لوجي شمعاتها الست ، تعالي التصفيق ثم قاموا باضأة الانوار

و يبدو أنه قد حان موعد مفاجأة ندى حينما التفت الحاضرين الي راجل طويل يرتدي ملابس دمية ، نظر الاطفال حوله وهو يسأل في صوت عالي : فين لوجي

صرخت لوجي بفرحة وهي تنظر لندی هاتفة : كحلوش جه اهو يا ميس ندى

شعرت ندى ببالغ الاحراج و السعادة و ابتسمت رغما عنها علي ردة فعل لوجي ، توجهت الي مكانها بينما انهمك الجميع في العرض ، حيث كانت تنشد اناشيد اسلامية للاطفال وعلي رأسها طبعاً :

(انا فرحان انا فرحان حفظت جزء من القران والقران يحميني يا بابا ويحسنني بكل امان -----)

شرفت الساعة علي التاسعة ، تهيأت ندى للخروج دون ان يراها احد متفادية أن تظل اكثر من ذلك ، خرجت ندى من البوابة باتجاه والدها الذي بدي وكأنه شاردا معلقا بصره بتلك اليافطة المكتوب عليها (فيلا رفعت الصاوي) ، ظل يفكر أيعقل أن يكون هو نفسه ----- ، قاطعته ندى من شروده وهي تسأل :

بابا اتاخرت عليك

تنهد وكأنها قطعت حبل ذكرياته هاتفها : ندى ، اخيرا

ندى : يا سلام انت هنا من امتي احنا متفقين علي 9 ودلوقتي 9 وربع

عماد : انا هنا من 8 و نص

ندى : طب معلش يا بابا ، بس انت كنت سرحان في ايه ، اوعي تكون عينك زاغت كده ولا كده

داعبها عماد و رد : الحقيقة يا ندى اول مرة احس اني اتسرعت من 20 سنة ضحكت ندى فقاطعها والدها ، بينما تجاوروا السير : اتبسطي بقي في حفلة لوجي زفرت ندى بكل ما داخلها من ضيق فتابعها والدها سائلا : في حد ضايقتك ولا ايه ندى : في حد ضايقتني ده انا مفيش حاجة حصلت الا وضايقتني

عماد : مادام كده يبقى بلاش تروحي البيت ده تاني

ندى : انا فعلا فكرت في كده بس لوجي هي اللي صعبانة عليا اوي

ثم تباعت : اول مرة احس معني طوبي للغرباء اول مرة الاقي نفسي غريبة فمكان كأني نزلت علي ناس غير الناس ، عمري ما تخيلت اني اشوف اللي شفتوا النهاردة ، عمري ما تخيلت اني في ام واب بدل ما يعرفوا بنتهم الصبح من الغلط ، يتعاملوا مع الغلط علي انه التطور الطبيعي للحاجة الساقعة

زفر عماد ببالح ضيقه و رد : لا حول و لا قوة الا بالله ، طب و بعدين كده مش حينفع تجي تاني يا بنتي

تههدت ندى وهي تنظر لوالدها : و الله ما عارفة يا بابا ، كل ما افكر في التغيير اللي حصل في حياة لوجي و اني لو مشيت حاسيها للجو اللي هي فيه ، اتردد

عماد : طب ما تعرضي علي اهلها تجي الدار و خلاص

ندى : ما انا فعلا فكرت في كده ، و ناوية المرة الجاية اتكلم مع فريدة هانم في الموضوع

استوقف عماد ما قالت فسأل و قد بدي عليها القلق : فريدة ، هو رفعت الصاوي ده
عائش و لا ميت

ندى : جد لوجي اعتقد ميت ، و حتي لو عائش انا اكيد حاتعامل مع جدتها بس مدام
مامتها متجوزة و عائشة مع جوزها ، و مرات ابوها من فرنسا
تعجب عماد و رد : ده ايه يا بنتي الوضع ده
ندى : مش باقولك يا بابا ، قول ربنا المستعان

بمجرد أن دخلت قذفت بحقيبتها الي اقرب مقعد ، امتلكها كل غضب الدنيا و هي
تشعل السيجارة الخامسة ، ليجدها أشرف تضرب بقدميها الارض من شدة الغيظ
المكتوم داخلها ، وما ان اغلق الباب حتي بدأ صراخها فيه وهي تنهره : و من امتي
النعمة الجديدة دي يا استاذ ولا انت كمان اتأثرت بشيخة ندى و فجأة كده افتكرت
انك راجل واني مراتك

ابتسم أشرف ببرود : عارفة انا لا حاتعصب ، ولا حاتضايق من كلامك ، انما حانصحك
نصيحة لوجه الله

ضحكت ملئ فيها ساخرة و ردت : معقول أشرف يتأثر و يفتكر ربنا ، و يا تري ايه
النصيحة

زادت ابتسامته الشماتة و ردت : يا ريت تفكك من عصام يا ناني ، لانه عمره ما
حيبصلك

دار حولها و اكمل : يمكن أنتِ مش عارفة يعني ايه راجل يحتقر واحدة ست ، انما انا
عارف و عشان كده عصام اخره يدوس عليكي بأقدر جذمة عنده
بدأت الدموع تناسب من عيناها و ردت : انت اخر واحد تتكلم عن الحقارة
ضحك أشرف بسخرية : طب بلاش الدموع دي اصل انا عاطفي وممكن اعيط
تهد ثم اتبع : يا ريت توفري الدموع دي ، انا عارفك كويس اوي ، الدموع دي كنتي
بتعرفي تضحكي بيها زمان علي عصام وحازم انما انا لا ، انا وأنتِ من نفس الطينة و
العينة ، و يوم ما تحبي تنضفي متنضيفش عليا انا
جلست و قد أجهشت بالبكاء و عندها اتجه هو الي باب الشقة مرة اخري هاتفا : انا
خارج اكمل سهرتي بره ومنتسش تبقي تكلمي هشام تعرفي منه بقية تفاصيل البت اللي
انا ماشي معاها مع انك لو سألتني كنت حاقولك
وقفت و هتفت ببالح غيظها : طول عمرك غاوي رممة و قرف
أشرف ولا يزال ساخرا : اكيد طبعا ، امال انا متجوزك ليه ، سلام
ثم صفع الباب خلفه

سحب اجندته المعهودة وفتح صفحة جديدة وضع رقم جديد ثم كتب أمامه : ندى
عماد عبد الدايم ظل ينظر للاسم ثم اعتدل للخلف و شرد للحظة في كل ما مضى ،
في هشام الذي بات يحاول أن يتصدر المشهد عوضا عن حازم ، او حازم الذي قرر أن
يتنحي عما كان يفعله ، هل سيكون الايقاع بندى ذات لذة خاصة إن قرر حازم و
عصام و أشرف الخروج من المنافسة ، ما قيمة أن يحصل عليها إذا ، زفر متمنيا لو أنها
أغرقت أحدهم فاتخذ قرار منافسته

كان من اواخر من غادروا الحفل وقد شعر بأن هدية ندى قد أثرت فيه بشئ كبير ،
وجد نفسه يغني وهو يقود سيارته عائدا الي منزله انا فرحان انا فرحان حفظت جزء من
القران ها ها ها

ثم يضحك ويغني ثم يعاود الشرود ، حتي بدأ يفكر في حاله يوم أن ينجب أطفالا ،
ابتسم ولكنه تذكر كعادته والده و والدته ، تنهد حتي وصل الي بيته و فيه فتح
الكمبيوتر الخاص به و بحث عن اغنية انا فرحان ثم قام بتحميلها و ابتسم للمرة الثانية
وهو يسمعها

ثم نظر لنفسه و قال : هي عقدك دي مش ناوية تنفك بقي يا عم عصام

عندما دقت الساعة الثانية عشر كانت حفلة لوجي قد انتهت ، رحل الجميع وبدأت
دادا محاسن مع من يعمل في الفيلا في ترتيب المكان ، لم تنظر لوجي لاحد ولا حتي
لكومة الهدايا التي أتت ، بل اتجاهت الي الكيس الخاص بندى واخرجت منه الدمية
التي اهدتها (كحلوش) ، صعدت دون ان تنظر لاحد ودخلت الي حجرتها وضمت
الدمية اليها ونامت دون ان تشعر

كان حازم يشعر بالنعاس بينما نظر لفريدة و قال : كان هايل اوي اللي عملته ندى
والفقرة اللي جابتها في الاخر دي ، مكنتش فاكر ان اللي حصل حيخلي لوجي فرحانة
كده

كانت فريدة شاردة للغاية عندما ردت : ابوة

استوقف شرودها حازم فسأل : أنتِ معجبكيش اللي حصل ولا ايه

فريدة : لا كويس

صعدت فريدة لغرفتها ، بينما اتجه حازم الي غرفة لوجي ليطمئن عليها ، عندما فتح الباب نظر اليها وقد نامت بفستانها وهي تحتضن هدية ندى ، قبلها والقي عليها الغطاء ، و تفهم فيما شردت فريدة وشعر بنفس القلق علي لوجي ، فهي لم تتعلق باحد من قبل مثلما تعلقت بندى

في ميعاد الحلقة الجديدة اتجهت ندى لفيلا الصاوي مقررة التحدث بشأن انهاء وجودها مع لوجي ، بينما جلس حازم مقررا أن يتابع ما تفعله ندى لعله يدرك سر تعلق ابنته بها

تهددت و هي تدخل الي الفيلا ولكن ما استوقفها هو انتظار لوجي لها في مدخل الفيلا جرت لوجي نحو ندى واحتضنتها سائلة : أنتِ اتأخرتي كده ليه استوقف ندى ما فعلت لوجي و تألمت لقرارها و ردت : معلىش يا لوجي ، يلا بينا علشان منتأخرش أكثر

صعدا سويا بينما كانت لوجي ممسكة بيدها كمن تخشي أن تضيع منها ، فتح حازم باب مكتبه متبعا رؤيتهم و تشبث ابنته بندى و عندها زفر ، فكر بأن علي ندى الرحيل من حياة لوجي و الآن و إلا فالكل سيخسر بوجودها ،

صعد الي غرفة لوجي و وقف أمامها يسمع صوتهم ، كان صوت لوجي بترتيل القران
رائعا جعله يسعد بابتته ولكنه تنهد وهو لا يزال يفكر في وجود ندى في حياتها

من شدة الضيق قرر الخروج ، و ما إن انصرف حتي كان هشام علي اعتاب الفيلا
بانتظار خروج ندى ، و قد قرر الجلوس في الحديقة

انهت ندى حلقتها واتجهت الي الخارج ، استوقفتها محاسن عند نهاية السلالم فسألتها
ندى عن فريدة ، كانت اجابتها انه لا يوجد احد ، شعرت ندى ببالغ الضيق وقررت ان
تهااتفها عندما تعود ، اتجهت للبوابة فجاءها صوت قريب من اذنيها قائلا : ازيك يا
انسة ندى

استدارت و قد تملكها الذهول : استاذ هشام ، خير

هشام : خير أنتِ اتخصيتي كده ليه

ندى : ابدأ في حاجة

هشام : ابدأ بس احنا مخلصناش كلامنا امبارح

ندى بحدة : احنا مفيش بينا كلام اصلا

ثم زادت حدتها و اكملت : ممكن تعديني لو سمحت

زاد هشام من اعتراض طريقها و رد : مش قبل ما نخلص كلامنا ، انا معرفش ابدأ
موضوع ومنهيهوش بدأ صوتها اعلي وامتلكها الغضب و هي تكمل : قولتك عديني لو
سمحت

رد هشام ببرود : ولو معدتتكيش ايه اللي حيحصل

وجهت بصرها الي الفيلا ونادت : دادا محاسن يا دادا محاسن

جذبها هشام من ذراعها هاتفا : أنتِ فاكربي حاخاف من دادا محاسن

نفضت ندى يدها وبكل ما أوتيت من قوة صفعته علي وجهه وهي تدفعه بعيدا عنه
ولكنه قرر أن يجذبها مرة اخري فصرخت ، و حينها سقط أمامها اثر لكمة علي وجهه
فنظر هشام في اتجاه من لكمه وهو يسمع : طول عمرك زبالة يا هشام
ثم نظر الي ندى سائلا : أنتِ كويسة يا انسة ندى
لم تعرف ندى بما ترد فقد الجمها الذهول ، سحبت حقيبتها وخرجت غير ملتفتة لمن
هما بالشجار ودون النظر لمن لكم هشام ، فعيناها الممتلئة بالدموع حجت عنها الرؤية

(6)

حاول هشام القيام ومن مكانه وهو ممسك وجهه من اثر اللكمة ، نظر الي عصام الذي
كان يريد ضربه مرة اخري ولكنه دفع يديه عنه بعصية وهو يقول : أنت غبي يا عصام
بتضربني

هتف عصام بكل ما تملكه من غيظ : انت مش عارف تحترم نفسك ابدا ، عايزني كنت
اعملك ايه وانا شايفها بتصرخ

رد هشام بعصية : انت فاكرني كنت حاعملها حاجة ، هي اللي واحدة متخلفة ، انا
كنت باتكلم معها مش اكر ، ومفيش حاجة لاني يا اغبي زمانك لو في فداغبي حاجة
مش حابقي مستنيها في الجنينة ، وانا عارف ان لوجي ودادا محاسن جوه ، هي بقبي
كبرت الموضوع ضربتني قلم وانت دخلت قبل ما ارده

ثم تنهد وأكمل : ماشي يا ندى والله لاوريكي
رد عصام بعصية : انت ضايقتها وكمان مش عاجبك انها ضربتك قلم ، لا وكمان عايز

ترده ، يا بجحتك يا اخي

كان حازم يركن سيارته و عندها سمع صوت شجارهم ، دخل فوجد عصام وهشام فوقف بينهما هاتفًا : في ايه ، ايه اللي حصل
قبل أن يجييا استوقفه رؤية لوجي تقف في نافذة حجرتها تبكي ، اما محاسن فكانت متصلة في مكانها لا تفهم ما الذي حدث ، كل ما تعلمه انها سمعت ندى تصرخ وتنادي عليها ، لكنها تجهل السبب و خرجت فلم تجدها
جذب حازم هشام وعصام بكل قوة من ذراعيهما و دفعهم الي الداخل واسرع الي غرفة لوجي ليسألها : في ايه يا لوجي يا حبيبي
ردت لوجي وهي تبكي : انكل هشام كان يزعق لميس ندى وهي ضربته وكان عايز يضربها وانكل عصام ضربه وانا خايفة ميس ندى تزعل ومتجيش تاني
هدئها حازم وتوجه لباب الغرفة و نادي محاسن ، بينما لايزال صوت شجارهم عاليًا ، دخلت محاسن لغرفة لوجي فوجه حازم لها كلامه : خليك مع لوجي دلوقتي لحد ما تهدى

ثم قال للوجي : متعيطيش يا حبيبي ، ميس ندى مش حتكون زعلانة و حتيجي تاني

ثم توجه بضيق وعصية الي هشام، نزل و وقف أمامه هاتفًا فيه: انت ايه اللي جابك وأنت عارف ان مفيش حد في البيت
هشام : امال لوجي ودادا محاسن دول ايه
امسك حازم بقميصه ثم رد بعصية : انت حتستعبط انا عارف كويس اوي انت ناوي علي ايه من يوم ما شفت ندى في الحفلة
ثم اتبع : زي ما انا متأكد ان اسم ندى مشرف في الاجندة اياها
ضرب عصام يده في الكرسي المقابل له وقد فهم معني كلامه ثم وجه كلامه لهشام :

عمرك ابدا ما حتنضف

زفر هشام وهو يسخر منهم و رد : أنتم دلوقتي حتعملوا ملايكة بجناحات وانا بقيت

الوحش اللي فيكم

ثم زفر و أكمل : علي العموم للمرة الثانية يا حازم انا كنت جاية اتكلم معاها مش أكثر

، وكنت فاكر انها حترد عليا والكلام يجيب بعضه اقوم اخذ رقم تليفونها ، انما هي

طلعت غيبة ونرفزتني عليها ، ده اللي خلاني شدتها من ذراعها والباشا حب يعمل فيها

هرقليز راح ضربني قدامها

حاول اصلاح هيئته وهو يتجه لباب الخروج و تابع : لو واحد فيكم حاطط عينه عليها

يقول ، احنا مش حنموت بعض علي دي ، مش مستهالة يعني

ثم استدار و أكمل : انا ماشي

خرج متجها الي سيارته ركبها بعصية وهو يقول في نفسه : ماشي يا ندى يا بنت عماد

عبد الدايم بتعملي عليا انا شريفة

ضرب بيده في عجلة القيادة و لم يكن يري أمامه سوي اللحظة التي سيرد فيها الصنفة

جلس حازم صامتا وقد امتلئ بالضيق ، بينما نزلت دادا محاسن وهي تقول : لوجي

نامت

ثم تابعت وهي تنظر لعصام : هو ايه اللي حصل يا ابني

ضرب عصام كف بكف و رد : والله ما عارف

ثم تنهد وقال لها : لما تجي ندى ابقني اسألها لاني فعلا مش عارف

عقب حازم : اعملي قهوة انا وعصام وهاتيها علي المكتب

محاسن : حاضر

توجهها إلي المكتب وجلس حازم وهو يفكر و قد شرذ بعيدا ثم عقب : مش عارف

اعمل ايه في هشام واخته ، بجد شكلي مش حاعرف اسافر فرنسا ولا اخذ خطوة
جديدة في حياتي و لا اخلص منهم
رد عصام باستغراب : أنتِ ناوي تسافر تاني
حازم : ما ده الموضوع اللي كنت عايزك فيه
ثم اتبع : انت عارف ان جوليا مش عايزة تعيش في مصر
وقف عصام في ذهول و رد بحدة : أنتِ ناوي تعيش في فرنسا علي طول وتصفي
الشركة هنا ، كل ده علشان جوليا
وقف حازم قبالتة و رد : ما انت عارف اني بحب جوليا وناوي اتجوزها ، وبعدين ما نيرة
اتجوزت وعاشة حياتها
عصام : طب ولوجي حتعمل ايه في بنتك ، حتسيبها لمامتك تربيتها كأنها يتيمة الام
والاب ، طب كنت بتخلف ليه لما هي مش فارقة معاك كده
حازم بحدة : انت ناوي تطلع عقدك عليا ، انا اصلا مش ناقصك
عصام : لا يا سيدي انا ماشي قبل ما يجوالي حاجة في البيت ده ، بس حاقولك حاجة
واحدة قبل ما امشي ، اوعي تزعل في يوم لو لاقيت لوجي مش طايقة تبص في وشك
ولا وش نيرة ، اوعي ساعتها تقول بنتي وحشة ، افتكربس قد ايه انت كنت اناني و
مش بتفكر الا في نفسك
خرج عصام مسرعا غير عابئ بهتاف حازم في محاولة منه ليستوقفه ، دخلت فريدة و
سألت بحدة : هي ندى جات انهاردة
أوما حازم برأسه وهو يشير لها بالجلوس قائل بالبالغ الضيق : ماما ، انا شايف اننا لازم
نناقش موضوع ندى ده ، و اعتقد إن وجودها من الاول كان غلط
جلست فريدة و وضعت قدم فوق قدم و ردت : صح يا حازم ، بس آن اوان تصليح
الغلط ده

هتفت نيفين : طب افتحي الباب طيب أنتِ قافلة عليكي ليه
ردت ندى بعصيبة : يووووووو يا نيفين قولتلك سبيني لوحدي شوية

نيفين : بابا وماما قلقانين عليكي ، طب ايه اللي حصل

ندى : انا حاطع دلوقتي يا نيفين بس سبيني شوية

ظلت ندى تفكر ما الذي يستوجب عليها فعله ، تريد بشدة ان تترك عملها ولكنها كلما
تذكرت لوجي وهي تجري نحوها وتعانقها شعرت بالالم كانت تقول في نفسها : بجد
لوجي خسارة في البيت ده

بينما كانت ندى شاردة في غرفتها ، كان والدها يحاول أن يفهم هل أصحاب هذا
المنزل — منزل رفعت الصاوي — هم المعنيون بما حمله الماضي أم أنه مجرد تشابه
بالاسماء ، الشخص الوحيد القادر علي اجابة هذا السؤال هو أحلام و لكن هل
ستجيب بعد 27 عام أم ستأثر السلامة و الصمت كما اعتادت

قاطعته من شروده صوت ندى و التي كانت قد قررت أن تهاتف منزل لوجي قائلة :
السلام عليكم

كان حازم هو المجاور للتليفون فرد : وعليكم السلام ، انسة ندى

ندى : ايوة ، ممكن اكلم مدام فريدة لو سمحت

حازم : طب ممكن الاول ، اعتذرك عن اللي حصل ، بجد هشام مكنش يقصد
يضايقك هي طريقته كده مع الناس ، بس انا اسف علي اللي حصل وارجوكي تقبلي
اعتذاري

لم يشيها ما قاله و اعادت طلبها : ممكن اكلم مدام فريدة

اشار حازم لوالدته انها تريد التحدث اليها ، فاشارت فريدة انها لا تريد ، فاضطر حازم

للكذب قائلا : بس هي لسه مرجعتش في حاجة تحبي ابليها

ندى بحزم : ايوة حضرتك بلغها اني مش حاقدرا اجي للوجي تاني ، ولو عايزة لوجي

تحفظ ممكن تيجي الدار

رغم أن حازم كان يفكر بنفس القرار الا انه صدم و عندها رد : طب يا ميس ندى انا متفهم قرارك بس احنا الاول لازم نفكر في لوجي ، قرار زي ده مش سهل تقبله ، دي عيطت من ساعة ما مشيتي وكانت خايفة انك متجيش تاني ، تقومي فعلا تاخدي القرار ده

ندى : يا استاذ حازم لو فعلا تحفيظ لوجي القران فارق معاكم فالدار موجودة ، مع اني مش شايفة ده ، لكن علي كل حال القرار قراركم و انا اللي اسفة علي الازعاج

أغلقت ندى الهاتف بينما التفت حازم لفريدة قائلا بضيق : كويس جت منها ، بس أنا خايف لوجي تزعل
ردت فريدة ببرود : كده احسن يا حازم و لو علي لوجي حتنسي بعد اسبوع او اتنين بالكثير و خلاص

كانت ندى تجلس حزينة علي سريرها بينما دخلت عليها
نيفين سائلة : ايه يا نادو وحدوووووووو
ندى : ايه يا نيفين عاوزة حاجة
نيفين : أنتِ من يوم عيد ميلاد لوجي وأنتِ مش عايزة تقولي لي حاجة وكأنك مصدومة وساكتة كده ممكن بقي اعرف في ايه
ندى : ابدأ أنتِ اللي كان عندك امتحان ومعرفناش نتكلم
نيفين : طب اديني خلصت اهو ممكن تحكي لي بقي ايه اللي حصل
بدأت ندى تحكي لنيفين كل شئ من لحظة دخولها يوم عيد الميلاد الي لحظة خروجها وهي لا تعلم من الذي قام بلكم هشام

زفرت نيفين وهي تقول : يخربيت كده يا شيخة اللي اسمه هشام ده نرفزني علي فكرة
انا حاعملي سندوتش جبنة اعملك معايا

ندى وهي تضحك : تصدقي ان انا غلطانة اني اتكلمت معاكي

نيفين : مش كفاية نرفزتيني وانا جعانة ، عموما هشام ده حد زبالة صحيح بس كونه
مستيكلي في جنبنة الفيلا وهو عارف ان دادا محاسن ولوجي جوه ده معناه انه كان
ناوي علي استظراف مش اكثر من كده

ندى : وانا حاستني للاكثر من كده لا وكان عايزني اساعده علشان يحفظ قران

نيفين : حقيقي ربنا يقوي ايمانه ، بس تعرفي انا لوجي صعبانة عليا قوي

تنهدت ندى بحزن وهي تقول : وانا كمان خصوصا اني عارفة كويس ان فريدة مش
تجيبها الدار تاني ، انا اصلا متأكدة انها ما صدقت دلوقتي

اتجه حازم في الصباح الي غرفة لوجي للاطمئنان عليها و لكنه تعجب مما رأي

حازم : صباح الخير يا لولو

لوجي : صباح النور يا بابي

حازم : أنت بتعملي ايه يا لوجي

لوجي : انا باحفظ ساندى القران اصلها عندها حلقة معايا دلوقتي

حازم وهو مبتسما : أنت عايزة تبقي محفظة

لوجي : أنا عايزة ابقني زي ميس ندى ، هي قالتلي لو حفظت القران كله يوم لما نروح انا

وانت عند ربنا حتلبس تاج جميل اوي اسمه تاج الوقار

حازم وقد بدى عليه بعض الضيق : أنت بتحبي ميس ندى اوي كده

لوجي : اوي اوي خالص جدا

حازم مبتسما : اوي اوي خالص جدا طب وبابي مفيش واحدة اوي او خالص او جدا

لوجي : ما انا بحبك برضو يا بابي مع انك حتسبني وتسافر

حازم : مين اللي قالك كده

لوجي : مش انت حتتجوز انط جوليا زي ما مامي اتجوزت انكل أشرف

حازم : لا عمري ما حاسيبك يا لوجي ، الا دلوقتي علشان عندي شغل

في طريق خروجه نادي دادا محاسن وهو يسألها

حازم : معاكي تليفون ندى

محاسن : ابوة

حازم : طب عايزه

اتجه حازم لشركته و ظل طوال الطريق يفكر بكلمات لوجي و ما قالتها و يفكر بما فعلته والدته ، أقدمت علي خطوة لا يفهم كيف أقدمت عليها ، من أجل التفاخر و تقليد ما فعلته بسمة مع طفلها دون التفكير في العواقب ، يجب أن تخرج ندى من حياة لوجي خاصة بعدما تأثرت بها و لكن كيف ، يبدو أن حازم لن يصمت و يأثر دور المتابع ، بات لزاما عليه التدخل ، لكن من أين يبدأ ؟؟؟؟؟

اتجه حازم لمكتب عصام الذي بدي غير مهتم لوجوده وقف أمام مكتبه وهو يقول : ايه يا عم حتعمل عليا زعلان

نظر عصام لحازم ثم اكمل ما في يده ، زفر حازم وهو يجلس أمامه وقد بدي عليها الضيق فسأله عصام : برضو موضوع جوليا

حازم : لا لوجي

زفر فشعر عصام بضيقه و سأل : ايه اللي حصل

سرد حازم ما حدث لنهايته و كأنه ينتظر من عصام رد اخذ عصام يفكر وهو لا يعلم بما ينصحه ثم سأل : طب انت عايز ندى متسبش لوجي و لا عايزها تسببها

حازم : مش عارف ، انا فعلا محتار

عصام : و جوليا سبب الحيرة طبعا

حازم : لا ، عايز الحق ، نيرة

ضرب عصام يده بالمكتب و رد : طب و الله ما فهم منك حاجة ، انت مشكلتك مع مين بالظبط مع لوجي ولا انط فريدة ولا جوليا ولا ندى ولا نيرة بمسلسل حريم حازم اللي انت عايش لي فيه ده

ضحك حازم رغم ما يمتلكه من ضيق ثم زفر وكأنه يخرج من صدره هم سنوات ، نظر له عصام مرة اخري وهو يقول : للدرجة دي يا حازم

حازم : للدرجة دي واكثر

عصام: طب ايه اللي خانقك كده ، نيرة ولا جوليا

حازم : لا بجد نيرة

عصام : انت لسه بتحبها

حازم : عصام انت اخر واحد تسأل السؤال ده

ثم مال الي الخلف وهو يسند رأسه الي الكرسي وكأنه يعود بشريط الذكريات الي الورا قائلًا : انا عمري ما حبيت نيرة ، نيرة بالنسبة ليا كانت توب الشلة ، كنت حاسس ان مفيش واحد في الشلة الا وعينه عليها كان نفسي انا اللي اخدها ، كنت مبهور بجرأتها وتصرفاتها اللي مش بيهمها حد وهي بتعملها ، كنت حاسس ان حياتي معاها حتبقي فريش ومفيش مشاكل نخرج نسهر نرقص ، لكن الحقيقة مكنتش كده

لم يكن عصام بحاجة لان يسمع كلمات حازم فما كان يحكيه كان يعلمه و لكنه يعلم حازم جيدا فرد : لكن في الاخر أنت و نيرة بتمثلوا كويس ، مطلقين بس ناس شيك و قدام الناس اصحاب و متفاهمين بخصوص لوجي

رد حازم حزينا: لوجي ، أكبر غلطة حصلت في حياتي

وقف عصام هاتفا ببالح ضيقه : غلطة ، لوجي هي اللي غلطة

وقف حازم قبالتة و رد : مش قصدي غلطة إنني مش عايزها ، إنما لوجي كانت تستاهل أب و أم غيرنا

ثم زفر مرة اخري ثم جلس ، اتجه عصام ليجلس قبالتة ثم أكمل حازم : عارف يا عصام انا واخذ بالي من يوم ما رجعت من التغيير اللي لوجي فيه ومش حاكذب عليك انا مبسوط بلوجي من جوايا ، بفرح اوي لما اسمعها بتقرا قران مع ندى ، بس بزعل لما بابص لنفسي ، ندى علمت لوجي حاجة عمر ما حد فينا كان حيعلمهلها ، علمتها تحب ربنا و تخاف من ربنا انا ابوها عندي 30 سنة وعمري ما صليت ، و لوجي اللي عندها 6 سنين اتعلمت تصلي ، ندى شقبت حياتها ، و أنا فعلا خايف علي لوجي ، نفسي ندى تفضل و خايف من وجودها و لو ندى استمرت في حياة لوجي و بعدها

خرجت ، ايه اللي ممكن يحصل للوجي ساعتها

عصام : طب ما تعرض عليها تبقي المربية بتاعتها

حازم : مع كل اسف ماينفعش

عصام : ليه

حازم : علشان ندى دكتورة صيدلانية مينفعش تبقي مربية في بيت

عصام : و الله ما عارف اقولك ايه ، بس اصلا ندى بعد ما هشام الزفت ضايقها

حترضي تيجي من اساسه

حازم : هي قالت لوجي تكمل في الدار و ماما طبعا رافضة إن لوجي تحتك بالاطفال

لأنها حفيدة رفعت الصاوي

عصام : طب و العمل

حازم : برضو معرفش

عصام : عايز رأيي ، مع احتراممي لفريدة هانم ، ارضي لوجي و دور علي مصلحتها ، و

لو مصلحتها مع ندى يبقي خلي لوجي ماتبعدهتش عنها ، بس وديها الدار و خلاص ،

علي الاقل ندى مش حيكون لها تأثير زي البيت

حازم بتردد : تفتكر

(7)

جلست كعادتها تتابع اعلانات الوظائف علي الانترنت ، اتجهت ندى لتجاورها الجلوس
فسألت نيفين: أنتِ ليه كلمتي بابا لوجي امبارح كده

ندى : كلمته ازاي يعني

نيفين : حاسة انك بتقفشي اوي من غير ما تدي فرصة للي قدامك

ردت ندى و هي تزفر : اصلك مشوفتيهوش في عيد ميلاد لوجي و اولهم باباها ده ،
ده افتح الرقص في الحفلة مع طليقته و كأنه متجوزها امبارح لا و جوزها واقف عادي
ولا فارق معاه ، كلهم بلا استثناء هزار و ضحك و رقص و متعرفيش مرات مين مع مين
هيصه

تنهدت و اتبعت : بجد ، خايفة افتح سكة الكلام مجرد كلام حتي لو يخص لوجي

الاقبي الموضوع قلب لكلمة في غنوة في حدوتة والنوعية دي ربنا ينجينا من شرهم
ويعدنا عنهم وبس

نيفين : يعني أنتِ خلاص نويتي تسيبي بيت رفعت الصاوي

ضحكت ندى و ردت : مش ملاحظة بجد ان الاسم ده عامل قلق

نيفين : رفعت الصاوي ، انا حاسة ان الموضوع لي علاقة بعمتو أحلام بس مين رفعت
الصاوي ده الله اعلم

ندى : انا سألت ماما وقالتي مفيش حاجة مع اني كنت سامعة حوارهم مع بعض وانا
رايحة عند التليفون

نيفين : مش عمتو كانت متجوزة قبل عمو طارق يمكن كان جوز عمتو

ندى : لا عمتو جوزها الاولاني كان اسمه توفيق ومات وبعد كده اتجوزت عمو طارق

نيفين وقد رسمت نظرة المفتش كرومبو : يمكن توفيق ده هو رفعت الصاوي

ندى وهي تضحك : يا بنتي بطلي القصص اللي بتقريها علي فتكات دي حتلحسلك
مخك

نيفين : وانا لقيت حاجة اعملها بعد ما خلصت الكلية وقلت لا وبعدين بتحصل يا ندى

ندى : بتحصل ان توفيق يطلع رفعت

نيفين : ايوة عارفة وحازم يطلع اصلا ابن عمك وفريدة هانم اخدته من عشرين سنة

وعمتك كانت بتدور عليه طول السنين دي وبعدين لقيته وبعدين دموعهم تنهمر و تنهمر

تنهمر جامد يعني و بعدين -----

قاطعتها ندى من فيلمها العربي وهي تقذفها باحدي الوسائد هاتفية : غوري يا بت من
هنا

لاتزال الصفعة مؤلمة ، ألمها يكمن في داخله ، في أكثر شئ يخشاه هشام طيلة حياته ، سيؤلمه جدا أن يقابل

ولاول مرة فتاة محترمة بالفعل ، فكل الفتايات مثل نيرة او هكذا تربي ، هكذا كانت تبرر والدته كل يوم تصرفات اخته ، نيرة تلبس مثل كل البنات ، تتصرف مثل كل البنات ، حتي انها تخطئ مثل كل البنات ، كان عليه ان يقبل تصرفات اخته لانها ببساطة تصرفات مثل كل البنات ، طيلة حياته يبحث عن اقدر البنات ويتعامل معاهم حتي يقنع نفسه ان بالفعل كل البنات هكذا، حتي لو كانت متدينة فتدينها ما هو الا غطاء لتصرفاتها السيئة ، لكن ماذا لو ان ندى ليست مثل نيرة ، ماذا لو قابل هشام الفتاة التي لا تلبس مثل اخته او تتصرف او تخطئ مثلها

نظر الي اسم ندى ثم قال في نفسه : ندى هي نيرة ونيرة هي ندى ، برضاها او غضب عنها

ظل حازم يفكر بكلام عصام و بعد جذب و شد ، قرر أن تستمر ندى إلي جوار لوجي ، لم يدرك لما أشعره هذا القرار بالراحة و أمام عناد ندى لم يكن أمامه سوى المشول لرغبتها ، إذا استكمل لوجي ما بدأت مع ندى و لكن في الدار التي تعمل بها ، أمسك بهاتفه و قرر أن يهاتف ندى ، وقد قرر البدء بالسلام عليكم بدل الو

ردت ندى : وعليكم السلام مين يا فندم

حازم : اكلم انسة ندى لو سمحتي

ندى و هي تزفر : ايوة يا استاذ حازم يا تري حضرتك حتبغني بقرارك

حازم : ايوة ، بس في حاجة مهمة أنا عايز أوضحكالك ، مش سهل علي لوجي أنها

تروح الدار ، لكن أنا فكرت أنها لو معاكي فأنا حأكون متطمئن عليها

ندى بترقب : يعني حضرتك قررت أنها تجي الدار

حازم : ايوة ، بس -----

رغما عنها ردت بسعادة : بس ، مش مهم أي بس المهم أنها جاية ، ألف شكر يا

أستاذ حازم بجد بجد ، ألف شكر لم يعرف حازم بما يرد ، لكنه شعر براحة أكبر حينما

شعر أنها تحب لوجي ، فتنهد و أكمل : طب ممكن أكمل
ندى بحرج : آسفة ، أتفضل

حازم : بس حضرتك المسئولة قدامي عن لوجي ، يعني أنا وافقت لأنها متعلقة بيكي و
عايزة تكمل معاكي و حضرتك رافضة تيجي ، فأرجوكي تخلي بالك منها كويس
ندى : حاضر ، إن شاء لوجي حتكون مبسوطة معانا ، بلغ شكري لمدام فريدة ، سلام
عليكم

رد السلام و أغلق الهاتف و اتجه للشرفة ، ظل يفكر كثيرا بمكالمة ندى و طريقتها و
جوليا و سفره و زواجه و أنها أفضل شخص ممكن أن يربي لوجي و لكن كيف ، لكن
أخيرا أطلت فكرة !!!

غادر عصام و بطريقه كان يفكر بكل كلمة قالها حازم بشأن نيرة ، كل كلمة كانت
تخترق عقله و قلبه و تزيد ضيقه ، ثمة أشياء لو عرفها حازم لانقلبت حياته رأسا علي
عقب ، لكن كتمانها علي صديق عمره أولي ، ثم أطلت صورة ندى ثم صورة لوجي التي
كلما رآها باتت تأرقه ثم صورة والده و والدته ثم صورتها هي تلك الفتاة التي -

و من شدة شروده كاد يرتطم بأحدي السيارات ، لكنه ضغط علي المكابح في اللحظة
الاخيرة و ارتطم وجهه هو ، رفع رأسه بينما هتف فيه أحدهم : مش تحاسب يا عم
فرد هاتفا : أنا آسف
ثم أعاد تشغيل سيارته ، ليكمل طريقه محاولا تفادي الشرود

استوقفته و هو يصعد الدرج لغرفة لوجي هاتفة : أنت كلمت ندى انهاردة

وقف والتفت ثم رد : عرفتي مين

ببالغ عصبيتها ردت : الدار اللي بتشتغل فيها ، واحدة كلمتني تقولي المواعيد ،

حتودي بنتك البتاع ده ، أنت أكيد اتجننت

حازم : و مين اللي دخل ندى من الاول البيت و مين اللي سابها لوجي لحد ما اتعلقت

بيها

زفر ثم نزل الدرجات التي صعدها و اتكى بيده علي ظهر أحدي المقاعد و أكمل :

أنتِ قولتي أن ندى لازم تمشي من البيت و أنا مشيتها

ردت فريدة بضيق : انا عايزاها تمشي من حياة لوجي ، تقوم تخلي لوجي تروحها ،

يعني في الاخر ندى اللي مشت كلامها

حازم : اسمعيني كويس ، لوجي عييدة و لو ندى مشيت بالطريقة دي لوجي حتعلق بيها

أكثر ، أنا ناوي أخرج ندى من حياة لوجي خالص بس بطريقتي

فريدة : حتعمل ايه

حازم : حتعرفي ، بس يا ريت تسيبيني اتصرف

كعادتها هذه الايام تجلس أمام التلفاز تشاهد اي شئ ليس مهما ما تشاهده المهم أن

تشرب وتشرب حتي يعود أشرف ويجدها ثملة

هاتفتها فريدة لتقص عليها كل ما حدث ، لم تبدي نيرة اي استغراب لما حكته عن

هشام و ذهابه للفيلا من اجل ندى فهي تعرف هشام جيدا، و بالطبع ايضا تعرف ما

تريده فريدة، فهي ترنو أن يصل حديثها لهشام ، لكن نيرة اغلقت الهاتف وهي لا تعر

المكالمة اي اهتمام ، حتي لو ان الامر متعلق بلوجي ، بل اتجهت نحو الزجاجة القابعة

أمامها وظلت تشرب دون وعي منها بينما من ان لآخر تنظر الي صور قديمة اعتادت
النظر اليها

تجمعوا بغرفة المعيشة ، كانت أحلام تجلس إلي جوار شريفة و عماد في المقعد
المقابل لهم بينما ندى و نيفين في الأريكة المجاورة ، كانوا يتبادلون أطراف الأحاديث
المعتادة حتي استدارت أحلام لندی و سألتها : عاملة ايه في شغلك الجديد يا ندى

نظرت نيفين لندی و التي ردت : أنهى شغل يا عمتمو

عقبت نيفين و نظرت لأحلام بترقب : قصدك بيت رفعت الصاوي

توترت أحلام و ردت : اه

نظر عماد لأحلام بضيق و رد : سابت الشغل طبعاً

لم تفهم شريفة نظرة عماد ، فهي ليست علي علم بما حدث بينما شعرت أحلام
بالخجل و أثرت الصمت ثم نظرت لندی قائلة : أكيد حتلاقي شغل أحسن ، إن شاء
الله

ردت ندى : هو بابا لوجي قرر يجيها الدار

وقف عماد رغماً عنه و رد : مقولتليش يعني أنهم حيجيوها الدار

ندی : ما هي مش حاجة تستاهل ، ده موضوع خلص و خلاص

نظرت نيفين لوالدها و عمتهما و قد امتلكها الفضول فسألت : هو حضرتك كنتي
تعرفيهم قبل كده

نظرت أحلام لعماد ثم ردت : مين دول

ردت ندى : نيفين قصدتها حضرتك تعرفي مدام فريدة أو يعني -

قاطعتهم أحلام ضاحكة : طب و أنا حأعرفهم منين ، أنتم القاعدة معاكم تنسي الواحد

اللي وراه

قالت جمعتها الاخيرة و هي تقف ثم أكملت : و أنا يدوبك ألحق أحضر العشا لعمكم طارق

أسرعت في المصافحة و الخروج و العودة إلي شقتها و ما أن أغلقت الباب حتي أسندت ظهرها عليه متنهدة بضيق متذكرة رغما عنها ما كان

لا يزال صوت المطر قويا ، يرافقه ضوء البرق ليتنافس صوت الرعد و شدته مع صوت هطول الماء ، تجوب منزلها و هي تفرك يدها شاعرة بالقلق ، لِمَ تأخر توفيق ، أنها ليست عادته ، هاتف المكتب لا يرد ، إذا أين ذهب ، قاطعها طرق باب منزلها و

فأسرعت لتفتح الباب الموصل بسلسال أبقته مغلقا إلا فتحة صغيرة سألت منها : مين

رد من وقف خلف الباب : مدام أحلام ، أنا من الشركة و لازم تيجي معايا دلوقتي

. خير في ايه

. توفيق بيه وقع و نقلوه ع المستشفى

وقع قلبها بأخمص قدميها و هتفت : بتقول ايه ، طب دقيقة واحدة

لم تنتبه أحلام إلي شئ و لا حتي المطر ، سارت مسرعة خلف من أتي ، ركبت إلي

جواره وقاد بيها إلي المشفى ، لم تري الطريق من كثرة الدموع ، وصلا و دخلا باتجاه

الغرفة ، كانت تشعر أنها تجمدت من البرد ، وقفت تنظر حولها لعلها تجد من يطمأنها

خرجت اخيرا ممرضة من غرفته استوقفها أحلام بقلق شديد سائلة : لو سمحتي ممكن

تطميني علي جوزي

الممرضة : هو جوز حضرتك اللي جوه

أحلام : ايوة هو عنده ايه

الممرضة : جلطة في المخ والدكاترة معاه جوه ربنا يطمنك عليه

أحلام : هي الحالة صعبة

الممرضة : ادعيه

جلست أحلام غير عابئة بالشخص الذي قاد بها، ظل يمشي أمامها مبديا القلق الشديد ناظرا لدموعها و قد مد يده بمنديل ، لم تنظر إليه ، مسحت دموعها و قد بدأت ترتجف من البرد ، خلع سترته و مد يده بها قائلا : البسيه و حتتدفي

اخذته و ارتدته و قد اضطرت للالتفاف شاكرة

دقائق مرت طويلة لم تسألت ماذا تفعل وهي وحدها في المنصورة ، قاطعها احد الاطباء يسأل: حضرتكم من اهله

وقفت أحلام وهي تجيب : ابوة أنا مراته

الطبيب : انا اسف جدا يا جماعة البقاء لله

لم تعرف أحلام ما الذي حدث بعدها اخر ما تذكره انها سقطت مغشيا عليها مأكدة لنفسها أنه كابوس ولكنها حين استفاقت وجدت إلي جوارها ذلك الشخص ليأكد عليها أنه واقع

واقع فرض نفسه و مرت معه أيامها فزوجته الشابة كان عليها خيار من اثنين أما بيع المصنع و الانتقال إلي القاهرة أو ادارته و تحمل المسؤولية بكل صعوبتها

اختلفت الثاني و توجهت للمصنع استقبلها كل العاملين بترحاب و علي رأسهم ذلك الشخص الذي أتى اليها يوم وفاة توفيق نظرت له و قبل أن تسأل عرف نفسه قائلا :

رفعت ، المهندس رفعت الصاوي

(8)

في مكتبه كان حازم شاردا بعد تلك المكالمة التي كانت من جوليا ، اخيرا تحدث وليتها
لم تتحدث : اشتقتك كثير يا حازم
حازم بالضيق : أنتِ لسه فاكرة أنا حاولت اكلمك كثير وبعاتلك رسايل وأنتِ ولا أنتِ
هنا
جوليا : حازم انت ما بتعرف ظروفى أنا بس لهلا فقت واقدرت اتكلم شوي حتي
موبايلي كان مسكر

حازم : ليه ايه اللي حصل

جوليا : بس امي اتوفيت بعد سفرك بوقت قصير و هالا انا بحضر نفسي ويمكن يرجع

علي لبنان

حازم : نعم ، البقية في حياتك يا جولي ، بس لبنان ، أنت أكيد بتهزري

جوليا : حازم انت لهالا ما حسمت شئ وبكل مرة متردد وهالا بابا منو عاوزني اضل

هون لحالي

حازم : انا قولتللك لازم اتظمن علي لوجي وبعدها استقر معاكي في فرنسا ، علشان اقرر

قرار زي ده لازم قبلها خطوات كتير تتعمل

جوليا : حازم انا هالا بعطيك اخر فرصة ما بقي الا شهرين يا ايما بنتجوز و نضل هون و

تنقل شغلك وحالك لهون او بارجع ع لبنان

زفر بكل قوة وهو يضرب مكتبه متسألاً لماذا لا تأتي التضحية إلا مني ، أتهه الاجابة

لانك أنت من تريد الارتباط بها و ليس العكس ، رن الهاتف مرة اخري و كانت فريدة

المتصلة و قالت باقتضاب : اسمع في حاجة تخص ندى عايزة ابقى اكلمك فيها لما

ترجع

هتف بضيق : يا دي ندى اووووووووف

فريدة : خلاص انا مغلتطش في البرنسيس بتاعتك

حازم : برنسيس ايه بس

ثم زفر مرة اخري : مالها ندى

فريدة : المفروض كانت تستلم مرتبها قبل ما تمشي

حازم : طب ايه المشكلة

فريدة : مفيش المشكلة ، انا قررت اديه لدادا محاسن تديهولها بس قوت اقولك
حازم : دي تبقي قلة ذوق جامدة اوي مش للدرجة دي ، خلاص انا حاتصرف
زفر وهو يغلق الهاتف و يقول بصوت بات مسموعا : ناقص انا ندى واللي جابوا ندى
قاطع عمام وهو يفتح الباب بقوة وعصبية هاتفا : اسمع يا حازم اللي اسمها سالي دي
انا مش عايزها في الشركة
التفت حازم وقد تعصب كثيرا : في ايه يا عمام أنت كمان هي مصر كلها نوية تتخانق
معايا انهاردة
عمام وقد بدأ أنهم دخلوا في شجار دون قصد : هو أنا لما أقولك فوق لنفسك
ولشركة أبوك تبقي مش ناقصني ، لو داخلك معايا واحدة كنت حتفوقلي صح
بأعلي صوته رد : احترم نفسك يا عمام وبلاش كلام فارغ ع الصبح ، أنا اصلا مش
ناقصك
عمام : و أنت من امتي ناقصني ، بكرة تخرب عشان تبقي تترتاح ساعتها
ضرب المكتب بقوة وهم بالخروج ولكنه التفت مرة اخري وهو ينظر لحازم بحدة : بس
اللي اسمها سالي حتسيب الشركة و يا أنا يا هي
ثم ضرب الباب خلفه وخرج

عاد مبكرا من سهرة الخاصة ، إذ أن شريكته قد كُشف أمرها ، علم عمام بأمر
علاقتهم و إن تم طردها فلا قيمة لرفقتها ، فتح باب شقته ليجد نيرة كعادتها تجلس
أمام التلفاز لتشاهد أي شئ وفي يدها زجاجة الخمر تحتسيها ومن آن لآخر تنظر

لصورها القديمة معه ، تلك الصور وما تحمله من ذكريات ؛ كم احبته بل عشقته وهي تعلم أيضا أنه الوحيد الذي أحبها بصدق ، تذكر مزاحه تصرفاته بل وحتى غيرته ، كل شئ جمع بينهم ، أنتهي يوم تخليت عني دون أن تدافع عن هذا الحب ، تساقطت دموعها وهي تنظر للصور هاتفة : ليه يا عصام ليه

اتجه نحوها سحب الهاتف من يدها ونظر الي الصور وبشماتة معقبا: ثاني عصام

سحبت من يده الهاتف وهي تترنح من السكر هاتفة : ملكش دعوة بيا هات الموبايل

جذبها أشرف من ذراعها و رد : أنا صبرت عليك كتيير ، بس الظاهر أنك محتاجة اللي يفوقك علشان تبصي لنفسك كويس، يا نيرة عصام مش بيحتقر حد قدك ، أنت بالنسباله واحدة حقيرة حقيرة

وضعت يدها علي أذنها حتي لا تسمع ثم صرخت : أنت السبب أنت السبب ، أنت اللي حقير وزبالة ، أزل بني ادم شفته في حياتي

جذبها نحوه بحدة و رد : زبالة عشان لميت واحدة زيك ، واحد غيري مكنش بصلك بعد ما حازم رماكي

ردت بعصبية وهي تدفعه عنها: أنت اللي كنت السبب ، طول عمرك حيوان و ندل

صفعها أشرف بقوة وهو يرد : انا بقي حاوريكي الحيوان يا نيرة

صفعته جعلتها ترتطم بالأرض ، سحبها من يديها وهو يجرها متجها بها لغرفة النوم ، لم يعبئ لشعورها بالألم بل كانت سعيدا بسماع الانين ، و بجوار السرير سحبها من الارض ليدفع بها عليه و بدأ متعته بما اعتاد ، انهال عليها بالضرب بينما كادت تفقد الوعي و عندها شرع في تمزيق ملابسها بينما خارت قوها وهي تمت حيوان حيوان ولم تستطع ان تفعل شئ سوي الاستسلام لمرارة ما يحدث

عصام : طيب سلام

زفر ثم أغلق هاتفه وقد تملكه الضيق من اصطناعها الامومة ، الان تذكرتي يا امي ،
قالها ساخرا ، إذ أن عقله لم يعد يحوي ذكرى للمعني أو الاسم

فجرا كان السكون هو العنوان والصمت يسود الارحاء ، إلا من تحركاتها و هي تفرد
سجادة الصلاة لتصلي ، كانت الوحيدة المستيقظة بينما فوت الجميع الصلاة كالعادة
كل يوم في فيلا رفعت الصاوي ، محاسن ستبدأ عملها بعد قليل ولن تنسي دعوة كل
صباح لحازم ولوجي ، حازم من ربه حتى كبر و اعتبرته تعويض الحياة

كان يتقلب علي سريره يمني ويسري يشعر ان رأسه ستنفجر من كثرة التفكير تمزقه
الحيرة بين شعوره كرجل يعشق جوليا وشعوره كأب يحب ابنته ، يألمه ما يفعله عصام
بوالديه ، و لا يريد للوجي أن تعاني ما عناه أو حتي ما عناه حازم نفسه حينما تركته
فريدة لمحاسن تتولى راعيته .

عند السابعة هم من فراشه متجها الي الشركة جهاز حاله واتجه الي النزول لكن مروره
بجوار غرفة لوجي استوقفه ، فتح الباب واقترب منها وعلي وجهه ابتسامة كانت نائمة و
قد احتضنت دمية ندى ، عندها تملكه بالغ الضيق و كاد يقذفها و لكنه بدلا من ذلك
، أعاد وضع الغطاء عليها و قبل رأسها و خرج باتجاه غرفة مكتبه مناديا محاسن و التي
هرولت لتلبية نداءه هاتفه : ايوة يا حازم بيه ، تحب احضرك تظطر

التفت مستغربا و رد : حازم بيه

ضحك ثم رد : هو أنا بقيت بيه

ردت خجلة : ايوة مش كبرت خلاص تبقي بيه

حازم : بس أنا عمري ما أكبر عليك يا جميل

محاسن : ايوة خودني في دوكة ، عشان تطنش الفطار ، مش كفاية شكلك مش نايم

علا الاستغراب وجهه من ملاحظتها و لم يعقب و رد : طب اعملي فنجان قهوة من

ايدك الحلوين

محاسن : من غير ما تفطر

ابتسمت و عقبته : طب ايه رأيه في طبق سندوتشات من بتوع زمان

حازم : ياااااااااااا يا دادا أنتِ لسه فاكرة

محاسن : انا عمري ما نسيت يا بني ، بس وقتها كانت بدل القهوة اللي تحرق الدم دي

كوباية لبن

حازم : طب والله وحشني اللبن يا دادا

محاسن : بقي وحشك دلوقتي ، نسيت لما كنت بتغلبنى و تخبي الكوباية وتنزل تديها

لسميرة

لم يتمالك حازم نفسه وأخذ يضحك متذكرا تلك الايام : ده أنتِ فاكرة سميرة كمان يا

دادا ، ده أنا كنت نسيت كل ده ، تعرفي يا دادا اهي سميرة دي كانت بتصعب عليا ،

خصوصا لما ماما قطعت عيشهم

زفر بشدة وكأن الشخص الوحيد الذي لا يريد أن يتذكر ذكرياته معه هو فريدة عندها

ردت محاسن : أنت طول عمرك كنت حنين يا حازم ، بس فريدة هانم لما لقيتك

بتشيل من الاكل الكويس وتدي لسميرة خافت انك تحبها ومشيتهم

حازم : هي ماما كده عندها عقدة رد قلبي ، عايزاني اتعامل مع الناس كلها علي إنني

حازم ابن رفعت الصاوي ، متعرفيش بقي عم محمد و سميرة راحوا فين

محاسن : سميرة اتجوزت وعندها 3 عيال دلوقتي وعمك محمد الله يرحمه

حازم : يااااااه هو مات - الله يرحمه ، و سميرة كمان اتجوزت كويس

ارتسمت ابتسامة علي وجة محاسن و هي تتحدث للحازم ، استغرب نظرتها و سأل :

مالك يا دادا بتبصيلي كده ليه

محاسن : ابدا بس مكنتش فاكرة أنك ممكن ترجع تتكلم معايا زي زمان بقالك سنين

معملتهاش

شعر بالخجل من نفسه و لكنها أسرعت قائلة : يووووووه عليك يا محاسن ، جري

أحضرك الفطار و ارجع

أسرعت للمطبخ و عندها التفت حازم للصورة المتراصة علي مكتبه ، صورة لوجي ،

صورة جمعت بينه و بين نيرة و لوجي تتوسطهم ، و أخيرا صورة نظر لها ببالغ الحزن ،

إذا أنه يكره و بشدة ذلك اليوم الذي تم تصويرها فيه تلك الصورة التي جمعت

الأصدقاء الأربعة و من بعدها فرقتهم تلك الصورة التي جمعت (حازم و عصام و هشام

و أشرف)

كان أسبوعا طويلا ولكنه انتهى وقد عرف كل ما أراد أن يعرفه ، عنوانها ، أسرتها ، حتي

عمل والدها ، و مواعيد حلقاتها

أخرج هشام من درج مكتبه هاتفنا قد خصصه بشريحة خاصة لمهمة محددة ، سجل عليه رقمها وهو يتسم ثم سجل الاسم " ندى اللي حاورها

مساء طرق باب شقتها ، اتجهت لفتح الباب مستغربة من توقيت مجيئه ، نظرت لوجهه و شعرت بضيقه فسألت : مالك يا عماد ، تعالي اتفضل دخل و جلس دون كلام فاقتربت منه و سألت : اعملك كوابية شاي نظر لها و رد بهدوء : تعالي اقعدى يا أحلام ، أنا عايز أتكلم معاكى شعرت بالقلق و سألت : خير يا عماد ، فيه ايه تنهدت بضيق ثم سأل : طارق لسة مجاش مش كده أحلام : ايوة ، في ايه قلقنتي

عماد : البيت اللي كانت بتروحه ندى ده بيت رفعت الصاوي صح ، رفعت اللي ---

انتفضت و ردت : هو مفيش رفعت الصاوي إلا ده ، ما يمكن تشابة أسماء قام و جاورها و رد : تشابة كمان إن مراته فريدة و ابنه حازم ، أنتِ يوم ما روحتي المصنع مش لقيتي مراته معاه و قولتي أن اسمها فريدة ، أنا عارف أنه كان قايلنا علي اسم تاني لي ، بس أنا واثق أن لو هو ، فأنتِ أكيد عارفة الحقيقة ردت بانكسار : ايوة هو يا عماد ، الراجل اللي موثقتش في حياتي كلها في حد قد ما وثقت فيه ، الراجل اللي جالك أنت و نبيل القاهرة و اقنعكم أنه بيحبني و بيخاف عليا و كانت النتيجة خطوبة قدام الناس و توكيل رسمي باع به لنفسه كل حاجة و اخذ اللي ورايا و اللي قدامي

أنهت كلماتها بتهيدة حارة اختلطت بدموعها و ردت : أنا كنت فاكرة أني نسيت يا عماد ، جاي تغلب في كلام من 27 سنة

عماد : أنا مش جاي أقلب في القديم ، أنا بس عايز أفهم ليه ندى بنتي ، ليه فريدة طلبت ندى من الدار و هي و ابنها عايزين ايه من بنتي

أحلام : أنا باقول دي مجرد صدفة ، و اهي ندى سابت البيت و البنات راحتها الدار ، يعني الموضوع اتحل ملوش لزوم نفتح في القديم ، اما ارواح اعملك شاي

استوقفها هاتفنا : طول عمرك بتخافي من المشاكل و خلاص ، زمان اول ما رفعت خطبك قولتي هو يتحمل مسؤولية المصنع و أنا مليش في مشاكل العمال ، و لما سرق المصنع ، خوفتي نرفع قضية و لما رفعناها أنا و نبيل خوفتي تكمل و اتحكم لرفعت و قبل الاستئناف وقفتي القضية ، و قولتي أنا حاعيش وسطيكم و سكتي ، حتي شريفة و اعتماد خوفتي نعرفهم ، حنفضل لحد امتي نقول مدام المشكلة بعيد خلاص ، خرينا احنا في حالنا

أحلام بتوتر : الناس مبترحمش يا عماد ، و أنا عايزة أعيش في حالي يا أخي ، ليه أدور ع المشاكل

عماد : احنا مش بندور ع المشاكل أنما بنواجهها ، أحلام ، أنا عايز ندى تعرف بيت رفعت الصاوي كويس عشان تخلي بالها

اضطربت و ردت بتلعثم و قد بكت : أبوس ايدك يا عماد بلاش حد يعرف و أولهم طارق ، أنت مش فارق معاك بيت أختك ، هو ده العشم يا أخويا

عماد : يا أحلام -----

قاطعته و قد شهقت بالبكاء : خلاص يا عماد اللي شايفه صح اعمله ، و أنا مش

حاتكلم

شعر ببالغ الحزن إذ أن طريقتهما للمرة الثانية ستفرض عليهم الصمت ، لكن ما يريحه
ظنه أن ندى لن تدخل بيت الصاوي مرة أخرى ، و لن تعرف أن كل ما انبهرت به عندما
وطأت قدميها بوابة الفيلا ، هو ميراث أحلام المستولي عليه سلفا

(9)

علا صوتهم بالقرآن بينما ترسم علي شفاتي لوجي ابتسامة عريضة لأنها هنا و مرة أخرى مع
ندى ، علا التصفيق من كل الأطفال علي ما قالوه و عندها هتفت ندى : أعلي و كلنا مع
بعض

ثم أخرجت كيس كان به حلوي ، تفذها في الهواء فيلتقطها الطفل الذي كان عليه الدور في أخذها و تعاود الكرة و الكل يضحك ، ثم يعود صوت الاطفال عاليا هي تردد و هم معها

1. وَيَلُّ لِكُلِّ هُمَزَةٍ لُّمَزَةٍ
2. الَّذِي جَمَعَ مَالًا وَعَدَّدَهُ
3. يَحْسَبُ أَنَّ مَالَهُ أَخْلَدَهُ
4. كَلَّا لَيُنْبَذَنَّ فِي الْحُطَمَةِ
5. وَمَا أَدْرَاكَ مَا الْحُطَمَةُ
6. نَارُ اللَّهِ الْمَوْقُودَةُ
7. الَّتِي تَطَّلِعُ عَلَى الْأَفْئِدَةِ
8. إِنَّهَا عَلَيْهِمْ مُّوَصَّدَةٌ
9. فِي عَمَدٍ مُّمَدَّدَةٍ

ثم مرة أخرى علا التصفيق و عندها أخرجت ندى لوجي لتقول أمام زملائها و وقفت لوجي و قالت فرحة و صفقوا لها علي تميزها فزادت سعادتها ، هنا عرفت ندى أنه من الممكن أن يكون للوجي قوالب أخرى غير تلك المفروضة عليها من قبل والدتها أو جدتها لكن فريدة لم تكن علي ما يرام ، كانت تغلي أن ندى هاهنا انتصرت و صورة هشام تلوح في الافق ، أنه ضايقها مرة و منها تركت الفيلا ، ماذا لو حاولت أن تساعد بطريقتة غير مباشرة فتخرج ندى من حياتهم نهائيا

و بينما هي تفكر في هشام ، كان حازم يتمم كلامه لمحاسن : فهمتي حتعملي ايه؟

محاسن : أنت بس في دماغك ايه؟

حازم : نفذي و خلاص يا دادا

محاسن : حاضر يا ابني

انتهت ندى من حلقتها و اتجهت لتجلس بجوار لوجي بانتظار من سيأتي لتوصيلها فعقبت

لوجي : أنت زعلانة مني.؟

ندى : أنا أقدر أزعل منك ، أنا بحبك أوي خالص جدا.

لوجي : و أنا كمان ، بلاش تزعلي من اونكل هشام.. ممكن؟

ابتسمت و ردت : حاضر.. عشان خاطرك

استدارت لتجد محاسن قد أتت، سلمت عليها و عندها شعرت محاسن بحرج الدنيا و هي

تمد

يدها بظرف فعقبت ندى : ايه ده يا دادا؟

ردت و قد زاد إحراجها : ده مرتبك يا بنتي ، فريدة هانم بعناه معايا عشان-----

و قبل أن تكمل استوقفها ندى و ردت : فريدة هانم باعته المرتب معاكي ، و أنا مش حاخده

يا

دادا

محاسن بعتاب : كده برضو يا ميس ندى ، هو أنا مليش غلاوة عندك!!؟

ندى : ربنا يعلم غلاوتك عندي قد ايه يا دادا محاسن ، بس مش دي الطريقة اللي أخذ بيها

مرتبي ، متزعليش مني

قبلت ندى رأسها ثم ردت : قولي لفريدة هانم ، ندى عبد الدايم مش عايزة مقابل للحلقات

بتاعتها و اللي فات خلاص أنا متنزلة عنه و شكرا

محاسن : أنت زعلتي ، يا بنتي-----

ندى : و حأزعل ليه بس ، أنا كل اللي يهمني أن لوجي تكمل و مستعدة ادفعها الدار هنا

بس

هما يخلوها تيجي

ثم نزلت إلي جوار لوجي و سألت : اتبسطني انهاردة؟؟؟

ردت لوجي : اووي اووي ... و حاجي ثاني

احتضنتها ندى و قبلت خدها ثم ردت : و أنا حاستناكي ، سلام

عادت محاسن و وضعت الظرف أمام حازم قائلة : مرديتش تأخذ الفلوس

ابتسم ثم تتمم في نفسه : زي ما توقعت بالظبط

ثم التفت لمحاسن و رد : طيب حوطيهم عندك يا دادا

وضعتهم و انصرفت بينما اتسعت ابتسامه حازم شاعرا باكتساب خطوة أمام ما نوى

اتجهت فريده لمكتبه و عقبته : ارتحت لما وديت بنتك هناك ، بكرة نلاقيها بتردد أي كلام

و

خلاص

حازم : كان عندك حل ثاني

فريده : أنت حر يا حازم ... كل ما اكلمك تقول بعدين و أنا حاتصرف ، أما أشوف آخرتها

قالتها و كادت تنصرف لولا أنها عادت و قالت بحسم : ياريت تتفضل ع السفارة و لا كمان

لوجي مش حاتشوفك ع العشا

اجابها بهدوء لعله يمتص غضبها : حاضر يا فريده هانم

تجمعوا حول المائدة و بدأت فريده بالاكل بينما لوجي تريد و بشدة أن تحكي عما حدث ،

تنظر

إلي والدها تريده أن يسأل ، لكنه كان شاردا، تتجه بنظرها لجدها فتجدها غير مبالية لتسمع

و لكن لوجي لن تيأس ، قاطعت الصمت سائلة والدها : بابي أنا روحت لميس ندى انهاردة
و قبل أن يرد أكملت : أنا كنت مبسوطة أوي أوي ، و أخذنا سورة اسمها الهمزة و طلعت
قولت قدام كل العيال و صقفولي و ميس ندى ، قالت أني بقيت شاطرة و عارف بقي كمان
، يحيي كان هناك و غلط غلطة ، أنا قولتها كلها صح ، أقولها لكم
ابتسم حازم و ترك الملعقة وضعها يده علي خده مراقبا طفلته و هو سعيد و لوجي لم تنتظر
الرد و هي تكمل :

وَيْلٌ لِّكُلِّ هَمْزَةٍ لَّمْزَةٍ الَّتِي جَمَعَ مَالًا وَعَدَّدَهُ يَحْسَبُ أَنَّ مَالَهُ أَخْلَدَهُ
كَلًّا.....

توقفت ثم سألت حازم : اللي بعد كده ايه

اندهش حازم و ابتلع ريقه و لم يعرف بما يرد و عندها ضربت فريدة يدها بالسفرة و قالت
بحدة : لوجي ، يا تأكلي و أنت ساكتة يا أما تطلعي علي أوضتك

انكسر خاطر لوجي و كادت تنهمر الدموع من عيناها فرد حازم : أنا عايز اسمعها و اعرف
ايه

اللي حصل ، ليه زعلتها كده

دفعت فريدة بالفوطة التي كانت أمامها و وقفت هاتفة بحدة أكبر : يبقي خلاص أنا اللي
حاطع أوضتي

قالتها و أسرعت بالصعود لغرفتها بينما شعرت لوجي بالحزن

بغرفتها بلغ بها الضيق مبلغه ، زفرت و هي تحاول ألا تعير اهتمام لما قالت لوجي و خصوصا
ما

رتلته ، اتجهت لدولابها و فتحتة و أخرجت منه علبة ثم جلست علي طرف السرير ، فتحتها

مدت يدها لورقة كتب عليه (من رفعت حسان الصاوي - - - - هذه هي وصيتي أنا - - - - -

تنهدت و تمتت قائلة في نفسها : عارفة أنك كنت عايز ترجع لأحلام كل حاجة ، ضميرك
صحي

بعد كل السنين دي ، بس خلاص يا رفعت ----- فات الآوان -----

صباح اليوم التالي كانت نيفين تتصرف بجلبه كعادتها ، بينما ندى تجلس علي طاولة السفارة

بيدها مصحفها فسألته نيفين : لسه بتراجعي يا نادو

ندى : هانت اهو أنت صحيتي اخيراً!!

نيفين : اخيراً ايه يا بنتي دي 8 و نص ، طب ده انا كده اخذ جايزة نوبل في الاستيقاظ المبكر

ردت ندى بضحك : الاستيقاظ المبكر وايه اللي خلاكي استيقظتي مبكرا

نيفين : عندي انترفيوز و يا ريت بقي بما انك من الصبح كده بينك و بين رينا عمار تدعيلي

دعوة حلوة انهم يقبلوني بقي في الشركة دي

ثم جلست إلي جوارها و أكملت : و الله ، بجد زهقت و نفسي اشتغل بقي

ندى : ما انا قلتك تعالي الدار و اشتغلي معايا أنت اللي مش راضية

نيفين : يا بنتي أنا مليش طقطان علي العيال انا اللي ينرفني باديله في وشه ، وبعدين انا نفسي

اشتغل بشهادتي يا ندى في الحسابات ، السكرتارية ، اي حاجة المهم شغل في دراستي

عصام بحددة : من غير كلام كثير نفذي اللي انا طلبته

سالي بيأس : حاضر

خرجت سالي و بعد لحظات أتبعها عصام موجهها كلامه لأميمة : انا خارج عندي معياد بره

الشركة

أميمة : اوكي يا مستر عصام

عصام : عايزك تعملي اعلان عن سكرتيرة جديدة بدل آنسة سالي ولما ارجع بلغيني بالخبار

أميمة : حاضر

نظرة اخيرة من عصام لسالي هاتفا :ايك ارجع و ألاقيكي

خرج عصام بينما نظرت أميمة لسالي و سألت : أنت عملتي ايه

ردت سالي بعصبية وهي تجمع اشياها : معملتش حاجة بس عصام ده بقي متخلف

أميمة : يعني هو حيطردك من الباب للطاق

سالي : انا حاوريه

أميمة : طب ما تكلمي مستر حازم

سالي : انا اصلا ناوية اعمل كده

اتجه عصام لموعده المحدد بشركة لبيب عابد ، أمام الشركة كانت نيفين تسبق عصام

بخطوات حيث إتجهت للمصعد بينما لمحها هو فاندعش قائلا في نفسه : معقولة آنسة

ندى

يا تري ايه اللي جابها هنا

لم تختلف نيفين في شكلها كثيرا عن ندى ، إذا حمل وجهها نفس الملاح الهادئة ، لم يكن

يتوقع

ان يقابلها للمرة الثالثة بعد عيد ميلاد لوجي ويوم شجارها مع هشام ، اقترب و علي وجهه

ابتسامة و قال: آنسة ندى ، صباح الخير ، ايه اللي جابك هنا؟

التفتت نيفين ونظرت إليه سائلة : حضرتك تعرفني؟

استغرب الشبة و رد : أنا اسف ...افتكرت حضرتك حد تاني

وضعت نيفين وجهها في الارض وهي تحدث نفسها : ندى معقولة الراجل ده يعرف ندى

عصام محدثا نفسه : حقيقي يخلق من الشبه أربعين بس سبحان الله دي شبة اوي

أتي المصعد فتح عصام الباب ودخل ولايزال ممسكا الباب وموجها كلامه لنيفين : مش

طالعة

نيفين : لا اتفضل حضرتك

عصام : حضرتك مستنية حد؟

نيفين : لا اتفضل حضرتك

عصام : طب لو كده حضرتك اطلعي لانك موجودة من الاول

دخلت نيفين دون التحدث بكلمة أغلقت باب المصعد وصعدت بينما اخترق عطره المميز

أنفها

، زفرت بعد ما وصل المصعد متحسسة وجهها الاحمر وهي تتجه إلي غرفة السكرتارية و

أمام

مكتب أحدهم سألت : أنا جاية بخصوص الوظيفة اللي عندكم

سهى : أوكي أبلغ مستر لبيب بوجودك

دقائق ودخل عصام بابتسامة كبيرة علي وجهه وهو يحدث السكرتيرة : صباح الخير يا آنسة

سهى

ردت سهى وقد مدت يدها لتصافح بحرارة : اهلا اهلا يا فندم اهلا بحضرتك اتفضل مستر

لييب منتظرك ثانية أبلغه انك وصلت

جلس عصام أمام المكتب بينما ، أثرت نيفين الجلوس علي الأريكة المجاورة لمكتب
السكرتيرة ،

رمقها مرة أخرى قائلا في نفسه : تكون أختها؟

خرجت سهى وهي تشير لنيفين بالدخول وتشير لعصام أن عليه أن ينتظر ، دخلت نيفين

لمكتب المدير الذي رملها سريعا بشئ من الضيق ، ثم مد يده ليصافحها فكانت النتيجة

المعتادة بخذلانه فرد بتأفف : اهلا و سهلا يا آنسة نيفين اتفضلي

قابلت مد يده معتذرة : معلىش يا فندم انا باعتذر أنا مش بسلم بالايدي

لييب بضيق : و انت اي عميل حيجيلك حتقوليله كده

نيفين : ايوة ، بس-----

قبل أن تكمل قاطعها :طب سيبى ورقك وانا حاتصل بيكي

بالطبع فهمت نيفين وهمت بالانصراف و قد ترقرت الدموع بعيناها ، ثم هم عصام بالدخول

شعرت سالي باليأس فالساعة اقتربت من الثانية عشر و لم يأت حازم بعد ، خشيت أن يعود

عصام و يجدها فأثرت الرحيل

عندها كانت ندى تخرج من الدار و بعد عدة خطوات وجدت من يستوقفها هاتفا : آنسة

ندى

التفتت و صدمها رؤيته فهتفت : أستاذ حازم

حازم : معلىش أنى وفتك فى الشارح ، بس مكش قدامى حل تانى عشان اعتذرلك
ابتغرت فأكمل : دادا محاسن قالتلى إن والدتى بعثلك مرتبك معاها امبارح و أنك
اتضايقتى
و بصراحة معاكى حق ، أصلا أنا مش لاقى كلام أوصف به اللى عملته مع لوجى ، الواجب
أنى
أشكرك و-----

ثم أخرج الظرف من جيبه و مديده متابعا : و دى أقل حاجة ممكن أقدمها لحضرتك مقابل
تعبك مع لوجى ، أرجوكى يا ميس ندى متكونيش زعلانة و تقبليها منى
أجمعها ما فعل لدقيقة ثم ردت : الموضوع مش مستاهل كل ده ، أنا المهم عندى لوجى
حازم : و ده يخلىنى حريص أكثر أنك متكونيش زعلانة ، كفاية أنك سيبتى الفيلا بسبب
هشام
، ممكن تاخديهم؟؟

مدت يدها و أخذت الظرف و قالت بهدوء : طيب يا أستاذ حازم ، حصل خير ، أستأذن
حضرتك
التفتت لترحل فاستوقفها : طيب ممكن أوصلك ، على الأقل تثبيلي أنك مش زعلانة
اندهشت للحظة و ردت : و ايه علاقة ده بده ، أنا قولت لحضرتك أنى مش زعلانة ، بس
لازم

امشى و شكرا لعرض حضرتك أنما مينفعش
ابتسم و رد : خلاص و لا يهمنى و بجد متشكر جدا لكل حاجة عملتها مع لوجى
ندى : الشكر لله ، سلام عليكم

قالتها و رحلت مسرعة بينما اتسعت ابتسامة حازم و عاد لسيارته و هو يصفر منتشيا

أنهي عصام المقابلة خرج و قد انجز ما أراد لكن الأهم هو حصوله علي اوراق توظيف نيفين بعد ما عرف أن المهندس ليب لا ينوي توظيفها ، نظر إلي الأوراق عائدا إلي مكتبه في الشركة و بمجرد ما وصل نظر لأميمة سائلا : سالي مشيت؟

أميمة : ايوة يا فندم ، أنا حضرت لحضرتك إعلان الوظيفة تحب تشوفه قبل ما أنزله؟
عصام : لا متنزليهوش أنا خلاص لقيت سكرتيرة...

ثم تابع: خدي الأوراق دي واتصلي بالنت وقوليلها عندك بكرة انترفيو
نظرت أميمة للاوراق ثم قالت : اتصل بالانسة نيفين

اتسعت ابتسامة عصام و رد : ايوة

استيقظت علي صوت الهاتف كانت بالكاد تستطيع أن تفتح عيناها ، تشعر بالألم في كل
جزء

من جسمها بل و تشعر بصفعات أشرف علي وجهها ولا تعرف ما الذي حدث ، مدت يدها

لتحاول أن تجيب علي الهاتف فأتاها صوت فريدة هاتفة بحدة :الو أنت فين يا نيرة

نيرة : ايوة يا انط ازيك

فريدة : مكنتيش بتردي علي التليفون ليه

نيرة : ابدا كنت نايمة

فريدة : طب مش ناوية تيجي انهارده

نيرة : ليه في حاجة

فريدة : مش ناوية تيجي تشوفي لوجي ، اسمعي لوجي عندها تمرين في النادي ايه رأيك تيجي

تحضري معها التمرين ونتغدى سوا في النادي

نيرة : طيب حاول اجي

فريدة : لازم تيجي أنت لازم تشوفي لوجي شوية مش حينفع كده

نيرة : طب أوكي باي ، بقي

اغلقت فريدة وهي تزفر وتضع الهاتف بقوة : مفيش فايدة

كانت في طريقها للعودة عندما دق هاتفها بوصول رسالة فتححتها لتجدها (مجرد أني اشوفك

من بعيد انهاردة كان كفاية)

استغربت ندى لكنها لم تعر الرسالة اي اهتمام نزلت من سيارة الاجرة وعندما مرت

استوقفتها زوجة حارس العقار المقابل هاتفة : يا ست ندى

وقفت و ردت ندى : ايوة يا ام سعيد ، ازيك

زوجة الحارس : ازيك أنت يا ست البنات ، أنا بقي عايزة الحلاوة يا ست ندى

ضحكت ندى و ردت : حلاوة أنا معيش حلاوة ، أروح اشتريلك

زوجة الحارس : اترقي عليا يا ست ندى بس انا باتكلم جد انا عايزة حلاوة العريس

ندى باستغراب ، عريس ايه

زوجة الحارس : العريس اللي كان جاي يسأل عليك

ندى : هو في حد كان بيسأل عليا

زوجة الحارس : ايوة من يومين جاي واحد بعربية حمرا وكان عمال يسأل عليك وقال انه

عايز

يخطبك هو لسه مجاش البيت

ندى : لا مفيش حد جيه عموما لو حد جيه حلاوتك محفوظة

انصرفت ندى و هي تفكر : مين اللي جاه يسأل عليا

مساء كان حازم في غرفته شاردا كعادته ، دخلت لوجي الغرفة و وضعت يديها الصغيرتين

حول عينه و سألت : أنا مين

التفت حازم لها و رغما عنه ضحك و سأل : لوجي ؛ ايه اللي أنت عاملاه في نفسك ده

كانت لوجي ترتدي اسدال الصلاة و رغم أن مقاسه صغير إلا أنه كان كبيرا و بدي فضفاضا
عليها اقتربت منه و هي تجره بيدها و قالت : بابي شكلي حلو ، انا لبسته علشان اصلي معاك

اندهش منها و اعتدل ليكون أمامها و سأل : حنصلي ، طب احنا حنصلي ايه دلوقتي

لوجي : حنصلي العشا هو أنت مش حنصلي

شعر حازم با لا حراج و رد : لا طبعا حاصلني بس -----

لوجي : بس ايه

حازم : بس أنت لسه صغيرة يا لوجي لما تكبري شوية نبقي نصلي

لوجي : هو أنت مش حنصلي العشا لحد ما أنا أكبر

ضحك و رد : لا حاصلني ، اقولك يلا نصلي ما أنا عارف مش حاخلص منك يا لوجي

ثم قام من مكانه متوجها للحمام و هو يكمل : استيني هنا عقبال ما اتوضي

دخل حازم ليتوضأ ، فقررت لوجي أن تفرد سجادتين للصلاة خرج حازم ونظر لما فعلت و

عقب مبتسما : أنت فردتهم غلطت علي فكرة

عدلهم باتجاه القبلة ثم وقف يقول للوجي : يلا بقي أوقفني جانبي علشان نصلي

لوجي : لا مينفعش أنا حأقف وراك علشان أنا بنت
زاد ضحكاته ثم عقب : لوجي في أي تعلمات تانية قبل ما نصلي
ضحكت و ردت : لاء

عادت ندى الي منزلها يملأها الاستغراب وعادت نيفين الي منزلها يملأها الضيق ، كل فتاة
جلست علي سريرها تفكر بيومها و ما كان فيه قاطع نيفين من ضايقها صوت والدتها
تنادي : تليفون يا نيفين

خرجت من غرفتها للرد فقاطع ندى صوت وصول رسالة جديدة من نفس الرقم
(متحاريش انا مين و متفكريش كثير انا معجب نفسه يقولك بس تصبحي علي خير)

]

صباح اليوم التالي كانت ندى ترتب نفسها للخروج للدار ، ليوم شاق من 10 صباحا إلي
السابعة مساء ، بينما استعدت نيفين للخروج إلي الشركة التي اتصلت بها بالامس رغم أنها
لم تتقدم إليهم بأوراقها.

بمجرد وصول ندى للدار قاطعها صوت هاتفها معلنا عن وصول رسالة جديدة
(نمت بافكر فيكي وصحيت مشتاق لعينيكي... بدمتك ينفع كده)

زفرت ندى و عقبته : يا فتاح يا عليم ، هو في ايه بالظبط!؟

قاطعتها الحاجة أمانى سائلة : ايه يا ندى في ايه مالك؟

ندى : أبدا مفيش حاجة

التفت ندى لتدخل لأحدى الغرف فاستوقفتها أماني سائلة: اتصلت بيكي الست اللي كانت

عايزكي تحفظي بنتها

ندى : اي ست

حاجة أماني : في من يومين واحدة جت تسأل عليكي واخذت رقم الموبايل بتاعك علشان

تكلمك ، بتقول ابن أخوها معاكي هنا

ندى : و اخدت الرقم

أماني : ايوة مش قولتي أي ولية أمر تطلبه تاخدوه

فهمت ندى و عندها ردت : طب ممكن من هنا و رايح حتي أمهات الأطفال ميخدوش الرقم

أماني : ليه يا بنتي حصل حاجة

ندى : لاء ، بس أفضل إن التواصل يكون عن طريق الدار و بس

أماني : حاضر يا بنتي زي ما تحبي

بخطوات حاولت أن تبدو واثقة إتجهت نيفين للشركة رفعت الصاوي صعدت و اتجهت

حيث

أشير إليها من الاستقبال ، قابلتها أميمة سائلة : آنسة نيفين عبد الدايم؟؟

ردت بتوتر : ايوة

أميمة : اتفضلي مستر عصام منتظر حضرتك

تقدمت نيفين خطوات داخل مكتب عصام و بمجرد أن دخلت استقبلها عطر الامس ،

تذكرت الرجل نفسه بينما كان يتحدث هو في هاتفه ناظرا للنافذة ، استدار ثم أشار لها

لتجلس بينما لا يزال يكمل حديثه ، و ما أن رأته نيفين حتي تسمرت في مكانها و لم تجلس ، أنهى عصام مكالمته ثم نظر إليها سائلا باستغراب : مش حتقعدى؟

حافظت علي هدوئها و ردت : لا مش حاقد

التفت لتخرج من الباب فقاطعها هاتفا : آنسة نيفين حضرتك رايحة فين ، مش في انترفيو؟؟؟

ردت دون أن تنظر إليه : لا ما أنا تقريبا عارفة نتيجتته ، سلام عليكم

قاطعها و رد : أنت فعلا أخت ندى ، مش بس شكلها كمان حماقية زيتها

علا الاستغراب ملامح وجهها فسألت : هو حضرتك تعرف ندى

عصام : طب ممكن حضرتك تفضلي تقعدى و نعمل الانترفيو و بعدها أقولك أنا أعرف ندى

منين

تقدمت نيفين لتجلس ، بينما جلس هو علي مكتبه متفاديا مد يده ، يكفيه سابقة إحراجه

من ندى

بدأ ينظر في أوراقها مستغربا من أن لبيب بالأمس رفضها ثم سأل : حضرتك متخرجة من

حوالي سنتين

نيفين : ايوة

عصام : طب أخذتي دورات الإنجليش و التويفل و دبلومة، كل ده في السنيتين

نيفين : الدبلومة بعد التخرج علي طول وعملتها في إدارة الاعمال ، وأنا بأدرس في الكلية في

الصيف كنت بأخذ كورسات

ابتسم ثم رد وهو لا يزال ينظر في الأوراق : أحسن حاجة فيكي أنت و الآنسة ندى أنكم

مش

بتضيعوا وقت ، بجد أتمني أن توافقي تشتغلي معنا

ثم نظر باتجاهها : الوظيفة المتاحة هي سكرتيرة لمكتبي مع آنسة أميمة و اللي تبقي سكرتيرة

مكتب حازم طبعاً حضرتك شوفيتها وتقدري تستلمي الشغل من أول دلوقتي

تلعثمت نيفين و ردت : دلوقتي ، طب ممكن الاول أعرف حضرتك تعرف ندى منين

قام من مكانه و قال و قد اتجه ل ناحية الباب : دي شركة رفعت الصاوي ، بابا حازم ، حازم

رفعت الصاوي

ردت ببالغ اندهاشها : تقصد والد لوجي

فتح الباب لينادي أميمة ثم رد : ايوة ، بابا لوجي اللي ندى تبقي الميس بتاعتها

دخلت أميمة لتجيب عصام عما يريد ف أشار لأوراق نيفين قائلاً : حضري لنيفين عقدها

عشان تستلم شغلها من انهاردة

أميمة بابتسامة : تحت أمرك يا مستر عصام

استوقفته نيفين و عقبته : بس أنا لسه موافقتيش

عصام : طيب استني ردك امتي

نيفين : يومين إن شاء الله و أرد علي حضرتك

عند قرابة السابعة ، أنهت ندى يومها بالدار ، خرجت برفقتها لوجي فاستوقفتها بسمة و التي

بدي عليها الاستغراب من وجود حفيدة فريدة هنا فسألت : ايه ده هي لوجي جت هنا

ابتسمت ندى و نظرت للوجي ثم ردت : شفتي بقي ، المهم يحيي عامل معاكي ايه

بسمة : لا تمام هو بيتشافي شوية عقبال ما يحفظ بس في الاخر بيحفظ عشان مينفعش

يزعل ميس ندى

ندى : كويس

بسمة : هو أنتم طالعين يوم الخميس رحلة ، حاجة أماني كانت لسة بتقولي

ندى : اه ، دار ايتام و ملاهي و حديقة الحيوان ، و أنا الاشراف كمان

بسمة : يعني حضرتك حتكوني معاهم

ندى : اه إن شاء الله

بسمة : خلاص ، إن شاء الله يحيي يجي ، و لوجي جاية؟

نظرت ندى للوجي و ردت : احنا حنبلغهم و يارب يوفقوا

كان يركن سيارته حينما نظر بالمرآة نظرة أخيرة ثم اتجه للدار ، ما كانت تظنه ندى أو لوجي
أن

محاسن من سيأتي في كل مرة ، أستأذنت ندى لصلاة العشاء قبل لحظات من دخول حازم

لاستلام ابنته ، انطلقت لوجي إلي جواره فرحة إذ أنها ستحكي له كل ما حدث بالسيارة ،
نظر

حوله بينما سألته أماني إن كان يرغب بانضمام لوجي للرحلة ، ظل ينظر حوله ثم سأل

بعفوية : هي ميس ندى فين

سؤاله جعل كل من بالدار يلتفت إليه ناظرا بحدة و عندها عقبته أماني : لو في أي حاجة

اتفضل اتكلم معايا ، أنا مديرة الدار

ابتلع ريقة بقلق ثم رد : لا أبدا كنت حاسألها علي لوجي

أماني : في كراسة متابعة مكتوب فيها كل حاجة مع لوجي و حضرتك تقدر تتواصل مع

المحفظة من خلالها و اي اسئلة أنا ممكن أوصلها

شعر حازم بالضيق و عقب : لا شكرا ، ايه موضوع الرحلة

بدأت أماني تشرح له الإعلان و ما ينوه، سمع ثم سأل بعفوية : طب ميس ندى حتكون معاهم

ردت أماني بهدوء و قد شعرت بالضيق : أكيد طبعا ، هي المشرفة علي الحلقة بتاعتها حازم : تمام يبقى لوجي معاكم في الرحلة دي

صباح اليوم التالي فتحت ندى عيناها ببطئ لتجد نيفين تتجول بالغرفة ذهابا و ايابا ، ما السر القلق البادي علي وجهها قررت أن تعتدل و تسأل ، سؤالها استوقف نيفين فوقفت لهنيهة تفكر في الرد ثم تقدمت لتجلس مجاورة لها علي السرير ثم سألت : مسألتيش ع الانترفيو امبارح زي عوايدك

تشاءبت ندى ثم سألت : سبع طيب؟ و لا زي كل مرة؟

تهدت نيفين و أجابت : مش عارفة دي أول مرة ابقني محتارة عايزة ارفض و شايفها فرصة مش حتتعوض

ازاحت ندى الغطاء و نزلت من سريرها و توجهت حيث باب الغرفة سحبت المنشفة و وضعتها

علي كتفها و هي تقول : صلي استخارة يا نيفو

لكن تعقيب نفين سرعان ما حول مسار ندى للتوقف و الالتفاف عندما اخترق اذنيها ما

قالته نيفين : حتي لو كانت شركة رفعت الصاوي

وقفت ، استدارت ثم توجهت لتقف أمامها سائلة بقلق : و شركة رفعت الصاوي تعرفك منين

، حازم اللي كلمك يعني

أعادتها نيفين للجلوس مجاورة لها علي طرف السرير هاتفة : طب اقعدني و فهميني أنت ،

هو

عصام عرف أننا أخوات منين

ندى : عصام مين

ثم انتظرت دقائق و أجابت : ايوة افكرت ، ده صاحب حازم و كان في حفلة لوجي

نيفين : ده فاكرك بشكل ، و موافق علي كل اللي قولته و راضي و مرحب و يمكن كمان

بيتحايل أني أرضي أشغل معاهم

زاد التوتر داخل ندى و لكنها حاولت إظهار الهدوء قائلة : نيفين ، بالهداوة كده فهميني

الموضوع ، ايه حكاية عصام بالظبط؟

طرق الباب هاتفا : يا صباح اللي بتغني

لم يفكر عصام في رفع وجهه و النظر إليه حتي بعد ما اتجه للمقعد المقابل لمكتبه و أكمل:

طب ما أنت في الاخر عملت اللي في دماغك و طردت سالي ، عايز ايه تاني

رد عصام بحدة : و الله يا حازم دي لو شركة ابويا انا مش ابوك أنت ما ينفع ابدا أرضي بأن

كل حاجة تبقي عليا و خلاص و أنت مريح دماغك

زفر حازم و رد : هو يا عصام بقي اساسي كل ما اشوف خلقتك نتخايق ، ده بدل ما أشوفك

واقف جنبني و بتفكر معايا

هدأت حدته لكنه رد بضيق : يا حازم ، يا حازم أنا خايف ع الشركة اللي عمي رفعت بناها بدم

قلبه و تعب فيها و وصانا عليها ، و أنت طول عمرك حاطط في دماغك أن الشغل خط أحمر

مههما حصل

تنهد حازم و رد : ماشي ، أنا أنشغلت غصب عني و عارف أنك حتقوم بالواجب
هنية ثم أكمل ساخرا : و شكلك قمت بالواجب و زيادة ، مين نيفين بقي اللي أنت عينتها و
طلبت من أميمة تكتبها عقد في نفس اليوم

ابتسم عصام ساخرا و قام من مكانه ليجلس بالمقعد المقابل لحازم و رد : مش حتصدق مين
نيفين دي ، أخت ندى علي فكرة

اندهش حازم و سأل : مين ندى ، قصدك ندى عبد الدايم

ضحك عصام و رد : هو احنا نعرف ندى غيرها

اندفع و سأل : و أنت تعرف أختها مينين؟

ابتسم عصام و رد : دي قصة طويلة أوي ، عموما أنا عايزك تقولي مبروك

حازم : مبروك علي ايه

عصام : أنا نويت أتجوز

ثم صمت لدقيقة و أكمل : أنا عرفت عنوانها و روحت و سألت عليها ، مرات البواب قامت
بالواجب و زيادة

زفر حازم بضيق و رد : هي مين دي

رد عصام مستغربا : ندى ، ندى عبد الدايم

وقف حازم ثم نظر باتجاهه و رد : أنت ناوي تتجوز ندى

عصام : امال أنا عينت نيفين ليه؟

صمت حازم و لم يرد فأكمل عصام : حتساعدني

حازم : في ايه

عصام : عايزك تلمحلها إن معجب بيها و ناوي علي جواز ، أصل اللي زي ندى ملوش سكة
تانية ، هه قولت ايه؟

أوم حازم رأسه علي مضض بالإجاب قائلا : ماشي

تمتتم في نفسها بهدوء : يعني العربية الحمراء بتاعة عصام ، معقول هو اللي جه هنا

أكملت نفين : بس ياستي أدي كل الموضوع

زفرت ندى و سألت : طب و أنت قررتي ايه ، حتشتغلي في شركة الصاوي؟؟

نيفين : المشكلة أن بابا حيرفض و من غير سبب ، أو في سبب بس محدش عايز يقوله

ندى : لو مقتنعة بالشغل معاهم خلاص ، أنت مش رايحة بيت أنت حتشتغلي في شركة

زفرت نيفين و ردت : علي العموم أنا قدامي لحد يوم السبت ، أنا لو موافقة حابدأ من أول

الاسبوع الجاي و أميمة السكرتيرة اقترحت عليا أروح الخميس أخذ فكرة لو ناوية أروح

السبت و ابدأ معاهم ، أديني بأفكر بس مش حاقول لبابا إلا لو فعلا قررت أشتغل معاهم

ندى : خلاص روعي الخميس و شوفي وضع الشغل ايه

بتلك الجملة انتهى حوار الأختين و توجهت ندى للنوم ، لكن رغما عنها ظلت تفكر بما

عرفت

، جاهدت نفسها أن تنام لكن سرعان ما انقطعت عن النوم عند سماع صوت وصول رسالة

إلي هاتفها

فتحتها ببالغ الشغف و نظر لها و قرأت " رحلة سعيدة يا ندى "

زفرت ثم تمتتم ببالغ الضيق : و يا تري ده بقي رقم عصام ولا هشام و لا حازم ، أكيد

حأعرف

!!!!

(11)

ظل طوال الليل يتقلب بفراشه ، شاعرا بالضيق محاولا نفض الفكرة عن خاطره يومان مروا عليه و لايزال علي حيرته

أكان مغفلا أم مستغفلا ، بدأ يفكر بالأمر و كأنه يعيد ربط الأحداث ببعضها في مهمة بينه و بين نفسه " أكيد لما ضرب هشام بعدها حاول يعرفها و مش بعيد يكون راحلها الدار مرة و فاهمها أنه دافع عنها و طبعاً بشوية صد منها عصام حيحاول كمان مرة و الهانم مبسوفة مرة حازم و مرة عصام و يمكن هشام ، و أنا اللي فاكرك ساذجة ، طلعتي مش سهلة يا بت عبد الدايم ، أنت تلعبى بينا احنا ماشي يا ندى صوت اذان الفجر فرض عليه أن ينفذ غطاءه و يقوم متجها للشرفة مكملها مهمته : طب أنا شاغل دماغى ليه ، اووووووووف

محاوفا مرة أخري أن ينشغل عن صوت الآذان لكن ثمة شئ يدفعه للسمع و آخر للصلاة ، سؤال احتار منه هل الصوت بعيد أم أنني لم أعتاد السمع و بعد جذب و شد وجد قدمه تدفعه لما لم يكن يتوقعه ، إذ أنه قرر النزول إلي ذلك المبني البعيد و المسموع منه دوي الآذان أمن باب الفضول أم لشئ في نفسه لم يستطع تحديده بعد ؟؟؟

لم تغمض جفونها طوال الليل بل و علي مدار اليومين ظلت تفكر بكل ما حدث ، تربط كل الاحداث ببعضها، انتهت صلاة الفجر ثم جلست ممسكة بيدها ورقة وقلم ، كتبت فيها حازم وعصام وهشام ثم ظلت تنظر لها بضيق دار سلسال من الاسئلة متبوعا بكل موقف جمع بينها وبينهم عصام صاحب السيارة الحمراء ، هل هو من يرسل الرسائل كانت توقعتي هشام لكن دخول عصام علي الخط اربكني و حازم ----- اووووووووووووف

زاد شعورها بالضيق فقررت الاتجاه للمطبخ و إشعال النار بالورقة التي حوت أسمائهم

لوجي ايضا لم تنم جيدا إذ أنها كانت خائفة أن تفوتها الرحلة ، و بمجرد أن فتحت
محاسن الباب هبت لوجي من السرير متجه إلي الحمام وهي تقول : يلا بقي يا دادا
علشان زمان ميس ندى مستيناني

عند باب الشقة كانت ندى تتجه للنزول استوقفها والدها سائلا : بدري كده أنت مش
قولتي حتتجمعوا 9

ردت ندى : لا ما انا إشراف في الرحلة دي فلازم أكون موجودة من بدري و بعدين
عقبال ما اوصل ، يدوبك

اقترب منها و احتوي كتفيها بيديه و سأل : مالك يا ندى في حاجة مضايقي

نظرت لعينه و شعرت أنها لن تستطع الكذب فأجابت : لا ابدأ مفيش

ثم تنهدت راجية : ممكن نتكلم لما ارجع

ابتسم و رد : اكيد ، و أنا حاستناكي علشان أعرف الورقة اللي دخلتي حريقتيها في
المطبخ دي كان مكتوب فيها ايه

ندى : ابدأ ، هي ورقة كانت تستاهل الحرق فحرقتها

احتضنها أكثر ثم نظر لها و عقب : يا بنتي أنا عايزك تخدي بالك من نفسك

ثم تنهد : و من أختك كمان مش عايز أشوفك مهمومة زي ما شوفتك من شوية كده
أي حاجة مضايقي تعالي واحكي لي ماشي يا نادو

ندى بابتسامة عريضة : ماشي يا ابو نادو

انتظرت ندى كعادة كل يوم رسالة جديدة لكن اليوم لم يأتيها أي شيء ، جال بخاطرها
أن الثلاثة يشغلونها صحيح أن الفكرة باتت معتادة وحدثت في كثير من الافلام لكن

التفسير الوحيد هو إما أنهم يتنافسون أو يتراهنون ، تخيلتهم يجتمعون كل ليلة
يضحكون علي رد فعلها من تصرفاتهم و ربما اشترك عصام وهشام معا في تمثيل ما
حدث حتي تصدقهم أكثر ثم همهمت في نفسها : لو اللي انا بافكر فيه صح يبقي
انهاردة حازم حيحاول يفضلي علشان انشغل بيه واكيد هشام حيحاول في انه يعتذر
وطبعا الرسايل حتوقفلها يومين كده و بعدين ترجع ، ماشي لما اشوف

وصل بسيارته أمام الدار ، لمح ندى فقرر أن يظل بالسيارة بينما نزلت لوجي باتجاه
ندى التي كانت تقف أمام أتوبيس الرحلة تنتظر الاطفال و تحدثت مع أحدي العاملات
في الدار ، اقتربت لوجي من ندى فنزلت ندى بركبتها حتي تكون في واجهت لوجي
وهي تسلم عليها و تمازحها ، عند تلك اللحظة لم يستطع حازم التزام مكانه و لا يدري
لماذا ، توجه إليهم بينما انشغلت ندى بحقيبة لوجي و ترتيب أدواتها ، منهمكين
بحديث دار بينهم بدأته لوجي قائلة : بابا قالي بلاش اعمل شقاوة انهاردة علشان
متزعليش مني

ردت ندى و هي تغلق سحاب حقيبتها : انهاردة كلنا حنعمل شقاوة يا لوجي وانا اول
واحدة

فقاطعها صوت حازم معقبا : و أنت بتعرفي تتشاقى يا انسة ندى

فزعت ندى وهمت واقفة و قد شعرت ببالغ الإحراج و هتفت : استاذ حازم

خالف توقعاتها ما فعله ، لكن عليها أن تتذكر ما قالته لنفسها ، لحظة صمت حاولت
ندى أن تتحاشي النظر فيها باتجاهه فنظرت للوجي بينما حازم لم يفعل ، ثمة شئ فرض
عليه سبر أغوارها ، من أنتِ سؤال طرحه عقله فاستوجب البحث عن إجابته ، عندها
شبكت لوجي يدها بيد ندى من ناحية و يد حازم من الناحية الاخرى ثم رفعت نفسها

لتأرجح بين ايادي الاثنين و كأن ندى أعطتها الاذن بالشقاوة فقررت أن تبدأها مبكرا،
قطع حازم الصمت سائلا : ازيك يا انسة ندى

أجابت وجلة : الحمد لله

شعر بطريقتها فأجاب : أنا مكنتش ناوي أنزل أسلم ، خفت أخرجك بس كنت عايز
أطلب رقمك قبل ما أمشي

أجابت بدهول : رقمي ، ليه

حازم : يعني لو حبيت اطمن عليكم

احمرت وجنتيها لكنها ردت بهدوء : في رقم الدار حاطها علشان اولياء الامور يتصلوا
يطمنوا علي ولادهم ، ثانية واحدة

حاولت ندى إخراج الرقم من حقيقتها لكن لوجي مازالت ممسكة بيدها فرحة بما تفعل
، استوقف أماني المشهد فضايقتها ، إذ وضعت ندى نفسها بهذا الموقف ، اقتربت منهم
ثم نظرت بحدة لندی سائلة : في حاجة يا ندى

نظرتها أوقفت لوجي و اربكت ندى و حازم ، فقرر تولي الرد : أنا كنت باطلب من
انسة ندى رقم الدار علشان لو حبيت اطمن علي بنتي ، بس بنتي شقية حبتين
اتمرجحت في ايدينا

ثم نظر لندی معتذرا : أنا آسف علي اللي حصل

أومت ندى برأسها دون رد بينما ردت أماني : طب ادخلي أنتِ يا ندى وخدي لوجي
وأنا حأكتب لأستاذ حازم رقم التليفون

سحبت ندى لوجي لتدخل الدار فسألته لوجي بهمس : هي طنط دي حتيجي معانا
الرحلة

ندى : ايوة طبعا

لوجي : هو احنا كده حنعرف نتشافي

ضحكت ندى و ردت : اهو حنحاول

في شركة ال الصاوي كانت نيفين علي مكتبها للمرة الاولي ، تحاول أن تثبت أنها ستكون جديرة بالمسئولية إن نويت تحملها ، رفقتها أميمة علي مدار ساعتين لتفهم أغلب نقاط عملها و بعدها عادت لمكتبها معقبة : و أنتِ بمرور الوقت حتأخدي ع الشغل متقلقيش

نيفين : لا تمام ، الله المستعان

أشارت أميمة للغرفتين المتجاوتين خلفهم و أكمل : الأوضة اللي ع اليمين دي أوضة مستر حازم و الثانية مستر عصام ، تمام يا نيفين
نيفين : تمام

قامت أميمة من مكانها و اتجهت للخروج معقبة : في أوراق حأخلصها أنا في الحسابات و أي تيلفون تستقبيله و توصليه لمستر عصام لحد ما مستر حازم يجي ، أوكي

أومت نيفين برأسها و أجابت : حاضر

وصل حازم و صعد باتجاه مكتبه ليستوقفه رؤية نيفين بمكتبها و يفهم كيف لعصام أن يدرك من الوهلة الأولي أنهن أختين ، اتجه لمكتبها و وقف شاعرا بأرتبكتها مقرررا فتح حوار بدايته : صباح الخير يا انسة نيفين ، مش نيفين برضو

وقفت و ردت : صباح النور أي خدمة

ابتسم و رد : أكيد ، بس أميمة فين يا ترى

نيفين : في الحاسبات ، بس حضرتك ممكن تقولي أي خدمة ، أنا زميلتها في المكتب أشار لمكتبه ثم رد : طيب أول ما تيجي أميمة قوليلها أني عايز الملف بتاع شركة عابد

قالها و اتجه لمكتبه فتمتمت بخفوت : مستر حازم

ألنفت مبتسما و رد : ايوة ، ايه اخبار الشغل معنا

نيفين : أنا لسه انهارده اول يوم

حازم : لو احتاجتي حاجة اسألني أميمة او اسأليني ومتقلقيش من حاجة

قالها هو يفتح باب مكتبه ليدخل فردت نيفين بخجل : حاضر

أعاد عليها قبل دخوله : خلي أميمة تجيلي مكتبي أول ما توصل

نيفين : حاضر

جلست متنهدة ، تضع يدها علي قلبها ذات الدقات السريعة في محاولة للهدوء و

التنفس ، وصلت أميمة زافرة و عقبته : مستر عصام ده عليه حاجات

نيفين : هو في حاجة

أميمة : ابدأ طلع في أوراق تانية لازم نراجعها

قالتها و هي تسحب أحدي الملفات لتخرج فاستوقفتها نيفين : استاذ حازم قصدي

مستر حازم عايزك تديله اوراق شركة عابد

أميمة : طب يا نيفين هي عندك علي المكتب دخليها لمستر حازم عقبال ما ارجعلك

نيفين : حاضر

أمسكت بالملف و اتجهت ببعض القلق للباب طرقته ثم دخلت بالاوراق المطلوبة ،

رفع حازم رأسه ، نظر لها ثم سأل : فين أميمة

نيفين : كان مستر عصام طالب منها اوراق تراجعها له في الحسابات و أنا جيت

لحضرتك الملف بدالها

أشار لها بالجلوس ثم عقب : طيب اتفضلي

تابع ملف عمله دون النظر لها ثم بعدما انهى النظر فيه قال : بصي يا انسة نيفين

شركتنا دي المسؤولة عن توريد قطع غيار الترينات في مصر و ماسكة توكيلات

لشركات برة و بعد توردها لمصانع هنا ، ده كان شغل بابا و هو اللي فتح الشركة دي

من الصفر

ثم ابتسم و أكمل : معلىش بقي نبذة صغيرة عشان تكوني معايا في الصورة

ابتسمت و ردت : أنا فهمت من مستر عصام أنها قطع غيار بتستوردها الشركة و
بعدين توريدها للمصانع علي حسب طلبات المصانع و بحاول أفهم معاكم
حازم : كويس أوي ، المهم المرة دي عندنا طلبية كبيرة علشان كده شركة عابد
حتدخل معانا شراكة ، لحد كده تمام
نيفين : تمام

فتح حازم الملف و أخرج منه ورقة ، قاطعهم عصام بدخوله فجأة ، نظر لحازم بضيق
ثم قال : صباح الخير
رد حازم : صباح النور

ثم نظر حازم لنيفين و أكمل : الرد ده عايزك تبعيته علي الايميل اللي مكتوب قدامك و
اي رسالة توصل منهم هاتيها و تعالي
وقفت نيفين و همت بالخروج مجيبة : حاضر يا فندم

رمقها عصام بنظرة غيظ ثم نظر لحازم و بمجرد خروجها و سأل : لوجي وصلت
للرحلة

استغرب حازم و رد : وأنت عرفت موضوع الرحلة مين

رد عصام بتلثم : هو مش أنت قولتلي

رد حازم بضيق : لا انا مقولتكش

جلس عصام علي المقعد المقابل لمكتبه و قرر تغير الموضوع سائلا : هي نيفين دي
مش المفروض سكرتيرة مكنتي أنا ، ممكن أعرف كانت ليه في مكتبك
حازم : نعم ، ايه شغل الحضانة

رد عصام بحدة : حازم أنا مش بأهزر نيفين من دلوقتي تعتبر مسؤولة مني و مدام
سكرتيرة مكنتي يبقي شغلها معايا

زفر حازم و رد : انت ايه حكايك بالظبط

نظر عصام لالارض ثم عاد و نظر لحازم و رد : اسمع يا حازم ، ندى و نيفين دول خط

أحمر ، و بعدين ندى طلبت مني اخلي بالي من أختها
هم حازم من مكانه متجها للعصام وجلس أمامه وبدت عصبيته واضحة ثم قال : يعني
أنت بتكلم ندى
عصام : لا
حازم : امال وصيتك ازاى علي أختها وعرفت منين أنها طلعة رحلة مع لوجي
قام عصام مقررا الخروج بينما وضع يديه علي كتف حازم معقبا بشئ من الخجل : لا ما
هي متعبرش مكالمة يعني
ازاح حازم يده و رد ببالغ ضيقه : يعني بترد علي تلفوناتك ، امال كنت عايزني ألمحلها
ليه لما أنت بتكلمها
زاغ بصر عصام و لم يرد فأكمل حازم : طيب يا عصام أوعدك أني لا حضايق ندى و
لا نيفين ، اتفضل بقي علي مكتبك
ابتسم عصام و قرر الخروج و عند الباب التفت و عقب : ابقى خلي جوليا تحاول
تيجي ع الفرع ، سلام يا زومة

في حديقة الحيوان كانت الرحلة بين الضحكات والمرح والتصوير الذي تولت مهمته ندى ، الشئ الوحيد
الذي عكر الصفو هو نظرة العتاب التي كانت تنظرها الحاجة أماني لندی كلما تلاقت أنظارهم مما دافعها
لتحاشي النظر ، أما لوجي فكانت سعيدة بكل شئ و كأنها اليوم عرفت معني الضحك و اللعب ومعني أن
ينكسر قالب الجمود الذي كان مفروضا عليها من قبل جدتها و تكون طفلة فقط بنت ست سنوات

فريدة ربما هي الاخري لم تعد تذوق طعم النوم ، تمنى نفسها بيوم تتلاشي فيه ندى للابد
، قررت أن تجذب نيرة لحياة لوجي من جديد لعلها بتلك المحاولة تستطيع حل

المشكلة ، فاتصلت بها ، كانت عند الكوافير و ما أن رأَت رقمها حتي زفرت و ردت
:ازيك يا انطي

فريدة : نايمة كالعادة

نيرة : لا يا انط أنا عند الكوافير

فريدة : طب اسمي أنا عايزكي تيجي أنتِ وهشام انهاردة علشان نتعشي مع بعض ،
اكلم هشام ولا حتكلميه أنتِ

نيرة : انا حاكلمه وحاطلع من الكوافير عليكي وكده كده أشرف مسافر

فريدة : خلاص و انا حاكلم حازم وعصام دلوقتي

ما إن سمعت اسم عصام حتي ابتسمت و ردت : أوكي يا انط أنا جاية علي طول ، باي

انتهت زيارة دار الايتام كانت لوجي طوال الرحلة ممسكة بيد ندى حتي ظنها البعض
ابنتها أو أختها الصغيرة ، لم يبقي أمامهم سوي الملاهي ، جميع اطفال ركبوا و رافقتهم
ندى و بعد لحظات جذبوا الحاجة أماني لركوب أحدي الالعاب بينما كانت ترفض و
بشدة ، هبط علي كل عربات اللعبة إما منتقبة أو مختمرة ، نظر اليهم الرجل الذي يدير
اللعبة و قرر أن يعقب بطريقته : نسير علي بركة الله يا اخواتنا
فرد الاطفال عاليا : سير

و هكذا انقضت ساعات الرحلة التي كانوا يظنوها طويلة ، انقضت إذ آن أوان الرحيل

ببالغ ضيقه هاتف والدته ليطلب منها أن يصل السائق للدار ليحضر لوجي ، ابتسمت
فريدة و نظرت باتجاه هشام المرافق لنيرة بغرفة الصالون و أجابته بأن يطمئن و هكذا
أغلق حازم الهاتف زافرا ، شاعرا أنه لو رأي ندى أمامه سيوليها الصفعات علي وجهها

لأنها توهمت أنها تستطيع التلاعب به

أما فريدة فقررت أن ترسم الاسف علي وجهها متعلقة بأن السائق قد رحل و لا يوجد من يأتي بلوجي من الدار ، قرر هشام أن ينفذ اذنه عن كلماتها ، حتي هتفت هي فيه :
هشام ممكن أنت تروح تيجب لوجي من الدار

زفر و رد : لا يا انط ، أنا اللي اسمها ندى دي مش طايق أشوف وشها

فريدة : أوووف ، يا هشام يعني حسيب لوجي من غير ما حد يجيبها

هشام : طب خلاص خلاص ، اديني بس العنوان لأنني مش عارفه ، أوكي

تهاللت أساير فريدة و كتبت العنوان ، اصتتع هشام شعور الضيق و هو يأخذ من يدها الورقة و يتجه للخروج ، و ما إن ركب سيارته حتي مزقها و ابتسم ساخرا

و أخيرا وصلوا للدار ، كان يوما ممتعا رغم مشقته ، داخل الدار جلسوا يتبادلون التعليقات علي بعضهم البعض و يتذكرون المواقف التي مرت باليوم موقف موقف ، فكرت ندى أن حازم حين يأتي قد تعقب بعدها أماني فقررت أن تنتظر بأحدي الغرف حتي تنصرف لوجي ، وصل هشام و دخل للدار ليستوقفه رؤية من كانوا فيه فتمتم في نفسه : هو في ناس كده و لا في بنات كده

نظر بعينه فيهم فاستوقفته أماني سائلة : أي خدمة

هشام : انا خال لوجي و كنت جاي أخذها

حاجة أماني : طب ثانية واحدة

نادت أماني علي لوجي والتي أتت و قد استغربت من رؤية خالها فعقبت : انكل هشام ، هو بابي مش حيحي

امسك بيدها و رد : بابي عنده شغل يا لوجي فأنا جيت بداله ، هه اتبسطي

لوجي : ايوة

جال بنظره في المكان مرة أخرى ، بتأكد يبحث عن ندى ، نظرته فهمتها أماني

فسألت : في حاجة تانية

شعر بالحرج و رد : لا ابدا

انصرف متجها إلي سيارته ، جلس فيها ولم يتحرك فسألت لوجي : احنا مستنيين حد

نظر هشام لها و رد : ايوة ميس ندى

ثم عاود النظر لمدخل الدار فسألت لوجي : هي ميس ندى حتروح معانا

زفر و رد : حنشوف يا لوجي ، ممكن تسكتي بقي

شعرت بالاحباط فتنهدت بضيق و جلست صامته ، دقائق وخرجت ندى من الدار بينما

قررت أماني الخروج خلفها ، انتفض هشام لرؤيتها و ترجل نحوها مقررا أن يستوقف

خطواتها السريعة بصوته هاتفا : سلام عليكم يا ميس ندى

التفتت ثم زفرت و ردت : وعليكم السلام ، خير يا استاذ هشام في حاجة

ابتسم و رد : ده أنتِ شكلك لسة زعلانة مني ، علي العموم أنا بس كنت عايز

اعتذرلك عن اللي حصل

ثم اقترب خطوة منها و أكمل : أنا بجد يا ندى اسف اسف اسف اسف اسف

قالها وهو يعد علي اصابعه محاولا التقاط ابتسامة من وجهها لكنها أومت برأسها و

همت لتصرف فقطاعها مرة اخري هاتفا : أنتِ حتمشي كده علي طول مفيش صافية

لبن و حليب يا قشظة وكده ، تبقي لسه زعلانة

زفرت ندى ولم تلتفت ولم ترد و أكملت السير في طريقها فأسرع خطواته و استوقفها

و أكمل : ده أنتِ قلبك أسود أوي يا ميس ندى طب علي الاقل قوليلي سامحتك

ردت ندى بضيق : يا ريت يا استاذ هشام تتفضل و حصل خير

هشام : طب ينفع اوصلك ، علي الاقل اتأكد ان سامحتني

نظرت ندى للسيارته الزرقاء ثم لم تبدي أي اهتمام ثم أكملت : لاء ، و يا ريت تعديني

شعر هشام ببالغ الضيق فاستوقفها بجذب ذراعها إليه هاتفا : أنا حاوصلك لأنك كده
كده علي سكتي
نظرة عينه أخافتها و لكنها دفعت يده و ردت بحدة : لا يا استاذ هشام مهما عملت
ومهما حاولت عمري ما حابغي علي سكتك
وفي تلك اللحظة هتفت الحاجة أماني غاضبة : ندى
التفتت ندى وتوجهت إليها بينما عاد هشام لسيارته و قد ملأه الضيق من طريقتها و قد
زاد تحديها من استفزازه
أمام أماني وقفت دون أي تعقيب بينما قررت هي تعنيفها هاتفة : ممكن اعرف ايه اللي
انا شفته منك انهاردة الصبح و دلوقتي ، مين دول يا ندى
ردت ندى بمنتهي الحرج : بابا لوجي وخالها
حاجة أماني : و من امتي المحفظات بيقفوا مع اولياء الامور في الشارع ، و لما حدي
يشوفك من الدار أو برة حيقول ايه يا ندى
انهمرت دموع ندى و ردت : أنا و الله ما عملت حاجة غلط
وضعت أماني يدها علي كتفها و ردت بهدوء : و أنا متأكدة يا ندى ، بس الناس يا بنتي
ليهم الظاهر و كلامهم ع الملتزم أكثر من الوحش ، و بعدين الشابين دول نظراتهم
ليكي مطمئتيش
ربطت علي كتفها و ردت : أنا زي والدتك و متزعليش أني خايفة عليك و بأنصحك
، أوعي تحطي نفسك في المكان الغلط حتي لو حتصرفي صح ، لأن اللي حوالكي
حيسبوا الصح و يمسكوا في الغلط ، فاهماني يا بنتي
ندى : فاهماكي

التفوا جميعا حول مائدة الطعام جلست فريدة علي رأس السفرة ، جوارها حازم من اليمين يليه عصام و هشام و نيرة من اليسار ثم لوجي ، لم يبدي أي من الحاضرين اهتمامه بسؤال لوجي عن يومها حتي حازم رغم فضوله أثر الصمت ، لم يكن سهلا علي لوجي السكوت حتي سألتها عن يومها فاسترسلت في الاجابة و بدأت تحكي تفاصيل رحلتها و كل ما فعلته هي و ندى ، و التي بمجرد ذكر اسمها تابع الثلاثي الرجالي و كأن علي رؤوسهم الطير ظلوا يسمعونها بانصات غير عابئين لما أمامهم من طعام حتي قاطعتهم نيرة هاتفة
فيهم بغيظ : الاكل برد

نظرت فريدة لها و عقبته : كلي أنتِ اصلهم شعبوا خلاص
تضايق حازم من التعقيب فقرر ألا يلتفت للوجي و يكمل طعامه ، بينما حاولت فريدة كظم غيظها ، ناظرة لهشام متممة في نفسها : يا ريتك تعرف تعمل حاجة فعلا و
تطفش اللي اسمها ندى

حاولت طوال الطريق أن تتوقف عن البكاء و لكنها لم تستطع ، عزائها الوحيد أنها ستحكي لوالدها و ستجد عنده الحل والنصيحة ، بل و اليد التي ستكفكف دموعها ، قاطعتها صوت الهاتف إذا أتاه صوت نيفين باكيا هاتفة : ايوة يا ندى احنا مش في البيت

انزعجت من صوتها و سألت : في ايه يا نيفين
نيفين : احنا في المستشفى بابا تعب تاني يا ندى احنا في مستشفى الهلال تعاليلينا
علي هناك

حاولت ندى استيعاب ما سمعت رغم أنها لم تعد تري الطريق من كثرة الدموع ، وصلت للمستشفى وهي لا تعلم كيف وصلت ، نظرت لنيفين و والدتها و عمتهما و عمها و زوج عمتهما كانوا جميعهم يقفون أمام باب العناية المركزة ، منهم من يتمتم بالدعاء و اخر بالقران ، مضي الليل ثقيلًا بانتظار كلمة لطمأنتهم

بدي القلق والتوتر سيد الموقف وبعد لحظات سَمِع آذان الفجر ليعلن عن ميلاد يوم جديد ، اتجه طارق ونبيل إلي المسجد للصلاة ، دخلت أحدي الممرضات لغرفة عماد لرؤيته ، كان عندها قد فتح عيناه ببطئ يردد خلف الاذان و يتمتم بالصلاة ، شعرت أنه ربما تحسن فخرجت تطمئن أسرته

كان نبيل قد وصل عندما سمعها فعقب : طيب ممكن أدخله

الممرضة : الدكتور اول ما يجي و يسمحله ينزل اوضة عادية حينفع كلكم تظمنوا عليه

فعقب طارق عندها محدثا أسرة عماد و زوجته : روحوا أنتم صلوا الفجر و عقبال ما ترجعوا يكون نزل من العناية

بالفعل اتجهوا للمسجد لكن نبيل استشعر شئ من القلق دفعه للدخول بهدوء ، اقترب من سرير عماد فوجده يتمتم الصلاة و ينهيهها فسأل : احسن دلوقتي يا عماد

رد عماد بتثاقل : احسن ، كويس أنك هنا ، أنا كنت مستتيك

نبيل : خير يا عماد

عماد : نبيل ، أنا -----

سعل ثم حاول التنفس ثم أكمل : أنا خايف أوي علي ندى و نيفين ، بس أنا عارف أنك حتخلي بالك منهم ، صح

دمعت عين نبيل و رد : أنت حتقوم بالسلامة و حتفرح بيهم

عماد : يا ريت ، بس كل شئ نصيب ، خالي بالك منهم ، دول أمانة في رقبتيك ، أوي تجوز واحدة منهم لواحد ميتقيش ربنا فيها ، و مهما حصل خالك جنبهم و جنب

شريفة ، أنا عارف أنك قد الوصية ، ربحيني و أوعدني

نبيل باكيا : حاضر يا عماد حاضر

قالها ليجد عماد قد تمتم الشهاداتين ببالغ الثاقل ، فأغمض نبيل عيناه و قد فاضت روحه ، و هكذا انقضت ساعات الرحلة التي نظنها طويلة ، انقضت إذ آن أوان الرحيل

(12)

كان لا يزال نائما عند العاشرة صباحا حينما أصر هاتفه علي الرنين ، تأفف و هو يلتقطه
ثم نظر للاسم وعرف من المتصل ، تهللت اساريه واتسعت ابتسامته والتقطت هاتفه
ليرد : صباح الخير

. صباح النور ناموسيتك كحلي انهاردة

عصام : امبارح كان يوم متعب و لما رجعت نمت علي طول

. طب مكلمتنيش ليه امبارح أنا لا عرفت اكلمك في الفيلا ولا حتي و أنت مروح

عصام : معلش ما هو مينفعش نتكلم في الفيلا خالص ، افرضي حازم حس بحاجة احنا

عايزين نخلص خطتنا علي خير

. ما أنا عايزة أعرف أنت وصلت معاه لحد فين

عصام : مفيش تتطورات ، أنا بس قولتله أني عايز اتجوزها و أني روحت عند بيتهم و

سألت عليها

. وقالك ايه

عصام : لحد دلوقتي مش عارف دماغ حازم فيها ايه ، لكن أنا خايف اللي بتفكري فيه

ميحصلش ، متنسيش جوليا

. لاء حيحصل ، أنت بس خليك مكمل اللي اتقنا عليه

عصام : أنا خايف من كلامي يحط عينه علي نيفين

. وانت مالك و مال نيفين

عصام : مفيش حاجة ، خايف علي خطتك ، أو يحصل حاجة مكو ناش عاملين حسابها

. لا أنا متأكدة إن الامور حتمشي كويس إن شاء الله

عصام : طيب ينفع أكمل نوم يا عم محسن ممتاز و لا في خطط تانية

. لا كفاية عليك كده ، روح كمل نوم ، سلام

اتجهت لوجي لغرفة والدها ، طرقت الباب و دخلت علي أطراف أصابعها لتوقظه هاتفه

: بابي اصحي بقي يلا انهارداه الجمعة

أفاق حازم و فتح عيناه فوجد ابتسامة ابنته أمامه ، ابتسامتها كانت كافيته ان تيقظه

مبتسما وهو يرد : صباح النور يا لوجي

لوجي : مش تقوم بقي يا بابي انت مش حتروح تصلي الجمعة انهارداه

حازم : أنت ايه حكايتهك يا لوجي أنت متوصية عليا ولا ايه

لوجي : ايوة ميس ندى مواصيانى عليك

كان قد نزل من سريره بينما لوجي لاتزال جالسة عليه فالتفت و عاد ليجلس بجوارها

وسأل باهتمام : أنت بتتكلمي جد ، هي ميس ندى قالتلك حاجة

نظرت لوجي لوالدها ثم قررت أن تراوغه في الاجابة فردت : امم -----

مش عارفة

حازم : مش عارفة ايه

لوجي بمراوغة واضحة : مش عارفة

حازم : بقي كده طب انا حاعرفك

جذبها من ذراعيها ثم بدأ يدغدغتها ، بينما لوجي تصرخ وهي تضحك بقوة : خلاص يا
بابي حاعرف حاعرف

أتدرك معني أن تأتيك لحظة رغما عنك تقرر أنتشالك من خضم الحياة ، دون ترتيب ،
دون انتظار ، دون مقدمات ، أنه الموت حينما وضع راحته هنا ، لحظة توقفت معاها
وردية الأحلام ليصيح بعدها صدي الواقع و مراراته بما ستأول به الايام
هنا و علي أعتاب منزله تلون كل رداء بالاسود ، حتي فنجان القهوة نُزع منه السكر ،
هنا احتضن الألم كل شيء ليعلن عن الفراق

انتهت صلاة الجمعة فسيقَ جثمانه ليتقدم الصفوف من أجل صلاة الجنازة و مر اليوم
سريعا حتي أتى ليله و بدأ مراسم الجنازة و صوت القرآن عاليا واصلا لبيته و لابنته التي
اتخذت من سريرها و تمددها فيه ناظرة للشرود مأوي ، بينما ظلت تتمم خلف الصوت
"إِنَّ الَّذِينَ قَالُوا رَبُّنَا اللَّهُ ثُمَّ اسْتَقَامُوا تَتَنَزَّلُ عَلَيْهِمُ الْمَلَائِكَةُ أَلَّا تَخَافُوا وَلَا تَحْزَنُوا
وَأَبْشِرُوا بِالْجَنَّةِ الَّتِي كُنْتُمْ تُوعَدُونَ نَحْنُ أَوْلِيَائُكُمْ فِي الْحَيَاةِ الدُّنْيَا وَفِي الْآخِرَةِ وَلَكُمْ
فِيهَا مَا تَشْتَهِي أَنْفُسُكُمْ وَلَكُمْ فِيهَا مَا تَدْعُونَ نُزُلًا مِّنْ غُفُورٍ رَّحِيمٍ وَمَنْ أَحْسَنُ قَوْلًا مِّمَّنْ
دَعَا إِلَى اللَّهِ وَعَمِلَ صَالِحًا وَقَالَ إِنَّنِي مِنَ الْمُسْلِمِينَ "

اجتمعوا حول مائدة الافطار تظاهروا وكانهم يتناولوه لكنهم استعاضوا عنه بالصمت كعادتهم ، فقاطعتهم شريفة
: احنا بقالنا أسبوع من يوم بابا ما مات و أنتم ع الحال ده ، يلا افطروا و بلاش تغلبوني معاكم

ردت نيفين بضيق : انا مليش نفس

بينما أثرت ندى الصمت و لم ترد ، نظرت لها شريفة ثم عقبته : أنتم فاكرين ان كده ابوكم حيكون مرتاح في

قبره ، فين الرضا بقضاء الله و قدره

لم تستطع ندى أو نيفين كتم دموعهم و أجهشت كل منهن بالبكاء ، احتضنتهم شريفة ثم أكملت : لا كده

انا مش شايفة قدامي ولاد عماد ، ايه يا بنات لو العياط هيرجع اللي راح كنت بكيت بدل الدموع دم لكن

مفيش حاجة حترجع و بعدين احنا عايزين نقرر حنعمل ايه لبابا انا كنت عايزة اعمله صدقة جارية وعايزاكم

تساعدوني نفكر سوا

قاطعهم رنين جرس الباب ، كانت عمتهم أحلام قد أتت للاطمئنان عليهم ، نظرت للفتور المعد علي الطاولة

و عقبته : برضو مش عايزين تاكلوا

ردت شريفة : أنا حاقوم و اتكلمي معاهم أنتِ يا أحلام

جلست أحلام علي أحد المقاعد المجاورة لهم و قالت : يا بنات ، أنا مش عايزة

اشوفكم كده ، لازم تكونوا أقوي من كده

ثم نظرت لنيفين و سألت : ممكن أعرف منزلتيش الشغل ليه

تنهدت نيفين و قبل أي رد أكملت أحلام : من أول الاسبوع الجاي ارجعي انزلي

شغلك من تاني

ثم لندی : و أنتِ يا نادو ، ده أنا بأقول أنتِ اللي حتقوي ماما و نيفين ، عايزكي ترجعي

الدار و تكلمي في اللي بدأتيه ، اتفقنا يا بنات

أوم الاتنين رأسهم و ردوا : اتفقنا يا عمتو

صباح السبت ، طرقت الباب ثم دخلت و وضعت ما بيدها علي المكتب ثم سألت : مستر عصام ، أنزل

الاعلان بتاع السكرتيرة و لا استني

انهمك بالنظر للاوراق و أجاب : اصبري شوية يا أميمة ، لو الاسبوع ده انسة نيفين
مجيئش ، نبقي نتصرف ، احنا ماضي العقد و بعدها حصل ظروف موت باباها ،
فنشوف الاول

أنهي الاوراق ثم مد يده بها لتأخذها أميمة و تخرج ، بالخارج كانت نيفين تضع حقيبتها
علي المكتب مما استوقف أميمة هاتفة : آنسة نيفين ، حمد لله ع السلامة

ثم صافحتها و أكملت : البقية في حياتك

نيفين : البقاء لله

جلست كلا منهما بمكتبها ثم سألت نيفين : أخبار الشغل ايه

أميمة : تمام

ثم أكملت : مستر عصام ، كان سأل عليك ، فخدي بقية الاوراق دي و قوليله أنك

رجعتي

قامت من مكانها و قررت التوجهة لمكتب عصام و الذي كان علي جالسا علي مكتبه
شاردا حتي رآها أمام عينه فوقف و قد علا وجهه الاستغراب و توجهة نحوها هاتفيا :

آنسة نيفين ، حمد لله ع السلامة و البقية في حياتك

أومت برأسها و لم ترد فأكمل : أنا فكرت أنا و حازم أننا نجني نعزي لكن خفنا

الموضوع يكون محرج

ردت بحرج : الدوام لله

ثم أكملت و هي تمد يدها : دي بقية الاوراق اللي حضرتك كنت عايزها

و قبل أن يرد طرق حازم باب مكتبه و اتجاه صوب نيفين سائلا بقلق : أنتم كويسين
تراجع سريعا عما قال شاعرا بالخرج ثم أكمل : البقية في حياتكم يا آنسة نيفين
أومت رأسها سريعا و ردت : البقاء لله
ثم أكملت : أنا علي مكتبي يا مستر عصام ، حضرتك تؤمرني بأي حاجة
أجابها : لا شكرا يا نيفين
خرجت سريعا ليبدو علي حازم الاضطراب ، ينظر عصام باتجاهه و يسأل : مالك
فيرد : تفتكر حترجع الدار زي ما نيفين نزلت الشغل
عاد عصام لمكتبه و رد : و أنت شاغل دماغك بالموضوع ده ليه
حازم : أبدا عشان لوجي
ابتسم عصام ساخرا و رد : اه عشان لوجي ، طيب متقلقش علي لوجي
سأل حازم بضيق : أنت كلمتها عازيتها ، هي كويسة
عصام : حازم أنا مفيش بيني و بين ندى كلام ، كل الموضوع أني كنت ناوي أخطبها و
صرفت نظر
أستغرب حازم و رد : صرفت نظر ، ليه
نظر عصام لعين حازم و رد : عشان مينفعش يقي صاحبي يفكر فيها و أروح أخطبها
تحاشي حازم نظرات عصام و رد : قصدك هشام
عصام : و الله ، احنا حنستعبط علي بعض ، أنت مش حاسس بنفسك يا حازم ، ايه
احنا لسه حنعرف بعض
رد حازم بحسم : علي فكرة أنت فاهم غلط ، أنا قلقان عشان لوجي اتعلقت بيها و ده
مكنش صح

عصام : لوجي بس

رد حازم منفعلا : اه لوجي بس

عصام : خلاص ، لو لوجي بس ، عندك الدار اسأل فيها و لوجي تروح و تعرف و لو

ندی مرحيتش أكيد حيشوفوا غيرها

قالها ببرود و هو يلتفت لعمله ، بينما ظل حازم يفكر بكلامه لثواني ثم خرج

لاتزال ندى في غرفتها لا تريد الذهاب إلي أي مكان ، مر شهرين علي وفاة والدها ، لم تري فيهم لوجي و لم تحاول و لو مرة أن تتجه للدار أو ترد علي أي مكالمات ، قرار بداخلها اتخذه و هو أن تحاول التعود علي الابتعاد عن كل ما مضي ، بل و البحث عن ندى عماد بعيدا عن كل ما مضي ، كانت شريفة تراقبها عندما دخلت عليها الغرفة و وجدتتها تتصفح أحدي الجرائد باحثة عن عمل فسألت : حفضلي كده لحد امتي يا ندى

ندی : ماما ، انا كويسة متخافيش عليا

شريفة : طب الدار اتصلوا بيكي كثير اوي تقريبا كل يوم حد منهم بيتصل حتي الحاجة أماني مزهقتش و بتصل كل الشوية تسأل عليك حتي لوجي اتفلقت اتصالات نفسها تكلمك

ندی : معلش ، هي قاطعة بيا اوي بس لازم تتعود و أنا كمان أتعود

شريفة : طب حتي ردي عليهم ، دي لوجي بتقولي قولي لميس ندى أنها وحشتني اوي

ابتسمت ندى ثم تنهدت و ردت : شوية و حيزهقوا

شريفة : قصدك ايه

ندى : قصدي إني ناويت ادور علي شغل بشهادتي

شريفة : و الدار حتسببها

ندى : ايوة ، كده احسن

تبدل حال لوجي علي إثر هجر ندى ، لم تعد تلعب أو تفرح أو تضحك مثل سابق عهدها ، أكثر ما أحزنها شعورها أنها هانت علي ندى فتركته ولم تعد تسأل ، كانت تتجه في كل مرة للدار تمنى نفسها أنها ستأتي هذه المرة و لكن بلا جدوي ، فرافق لوجي الصمت و الحزن إذ أن ندى أخلفت وعدها و تخلت مساء صعد حازم لغرفته لينام كانت الواحدة صباحا وبعد فترة وجد من يقظه بفرع : اقوم يا حازم اقوم بسرعة

أستيقظ مفزوعا و رد : في ايه يا دادا

ردت بتلعثم و هي تحاول جمع الكلمات : لوجي سخنة أوي و عمالة ترجع

انتفض حازم من سريره متجها لغرفة لوجي ، جري ليجدها بسريرها و قد شحب وجهها و جبينها متعرق ، تحسس حرارتها ثم عقب : دي مولعة يا دادا

اتجه لغرفته ليتصل بالطيب لكن هاتفه كان مغلق حيث أنها الخامسة صباحا فعاد لمحاسن هاتفها فيها : لو عندنا خافض هاتيه وهاتلي طبق في كمادات ومنديل

جرت محاسن و هي تهتف : حاضر يا ابني

جلس بجوار ابنته يحاول بكل الطرق أن يخفض حرارتها لكن بلا جدوي ، يعاود الاتصال بالطبيب مازال نائما ، أذن الفجر التفت حازم للصوت ثم أشار لمحاسن ، أنا حاروح أصلي و ارجع علي طول ، خالي بالك من لوجي

اتجه لغرفته بدل ملابسه و انصرف ، فكرت محاسن عندها حيث علا بصيما من الشروق أن تتصل بندي ، كانت الساعة السادسة صباحا عندما علا الرنين قامت ندى من الصلاة و طوت سجادتها ثم ردت و قد شعرت بالقلق عندما وجدت محاسن باكية : سلام عليكم اكلم انسة ندى

ندى : ايوة يا دادا ، ازيك عاملة ايه

ردت محاسن بعفوية : الحقينا يا ندى الله يكرمك يا بنتي

انزعجت ندى و ردت : في ايه يا دادا ايه اللي حصل

محاسن : لوجي عيانة اوي و طول الليل سخنة و بترجع انا قلت اقولك لانها يا حبة عيني كانت زعلانة اوي انها مش بتشوفك

ردت ندى ببالغ خوفها : أنا جاية حالا يا دادا

لم تنتظر ندى بعد ما سمعت فقط وضعت السماعة و انطلقت لمنزل الصاوي ناسية كل ما كانت تشعر به اتجاههم

أما حازم فلا يزال يحاول الاتصال بالطبيب أو إخفاض الحرارة لعله يستطيع فعل شئ حتي رد الطبيب و أخبره أنه قادم ، لكن حرارة لوجي المرتفعة دفعت حازم لحملها بين ذراعيه متجها بها لحمام غرفتها ، فتح الدش الخاص بيها واحتضنها لينزل الماء علي كليهما لم يهتم لحاله الذي كان يرثي له لكن عند تلك اللحظة دمعت عينه لحال ابنته

و لشريط طويل مليئى بذكريات التقصير في حقها و حق نفسه و ذنوب لم يفكر بمحوها ، وصلت ندى استقبلتها محاسن و دخلت مسرعة ليصعدوا سويا باتجاه غرفة لوجي ، فتحت محاسن الباب و جرت و ندى للداخل ، سمعوا صوت المياه و صوت اخر ضعيف يبدو أنه ممزوجا بالبكاء فتسمروا في مكانهم حين رأوا حازم و ما يفعله ، هنا ألجمت ندى و تذكرت والدها و هل كانت تستطيع نسيانه ، دموع انهمرت من عيناها أمام فيض من مشاعر الابوة كانت تمنى نفسها أن تحظي بها لولا الفراق ، لايزال حازم محتضن ابنته و هو يرجوها : يلا يا لوجي يا حبيبي يلا فوقي بقي انا بابي

مدت محاسن يدها بالمنشفة و أمسكت بلوجي بينما التفت حازم فجأة ليجد ندى أمامه فهتف : ندى

ندى : ازيك يا استاذ حازم

نظر لها معاتبا و لم يسأل عن شئ ، فقط اتجه لغرفته ، يكفي كليهما ما يحملوه هي حزنها علي أبيها ، و هو قلقه علي ابنته ، نظرت ندى لمحاسن ثم قالت : هاتي هدوم للوجي علشان نغيرلها هدومها

تولت ندى مهمة تبديل ملابس لوجي ثم قالت لمحاسن : دادا في صيدلية قريبة من هنا محاسن : ابوة ، ليه

ندى : لوجي شكلها كده نزلة معوية ، حاكبتلك اسم إبرة و دوا شرب تجيهم دلوقتي محاسن : ماشي ، ربنا يكرمك يا بنتي

علي السفارة جلست فريدة تتناول فطورها كانت بالطبع تشعر بالقلق علي لوجي لكنها لن تبديه ، مرت ساعة كانت ندى قد أعطت للوجي الدواء ، أتى الطبيب و صعد مع

فريدة و التي تفاجأت برؤية ندى و هي تجاور لوجي ، فحصها الطبيب ثم قال : الحرارة
نزلت الي حد ما

ردت ندى : احنا حاولنا علي قد ما نقدر هي عندها ايه

الطبيب : عندها نزلة معوية

أمسكت ندى بالورقة التي كتبتها لمحاسن و عقت : أنا توقعت كده و أدبتها الابرة دي
و 5 سم من الدوا ده

نظر الطبيب لندى و رد : طب لما أنتِ شاطرة كده امال جوزك كان بيصوت في
التلفون ليه

ثم نظر لحازم : بعد كده ابقى سيب المدام تتصرف

لم يعقب أحد فقط ابتسم حازم بينما شعرت ندى بالخجل و لم تستطع التوضيح ،
فزفرت فريدة بالبالغ الضيق ، انهى الطبيب كشفه و نظر لندى مرة اخري و هو يقول :
بصي يا مدام -----

أجابت و هي تحاول كتم إحراجها : ندى

الطبيب : بصي يا مدام ندى و جوزك شاهد اهو الادوية دي كل 8 ساعات و إبرة اللي
أخذتها حتاخذ زيتها بكرة و بعده ، و بعدها إن شاء الله أجي أشوفها ، تمام
ندى : تمام

خرجت فريدة و حازم يرافقان الطبيب بينما ظلت ندى الي جوار لوجي
نظرت لها محاسن و قالت : أعذورني يا بنتي أني جيبتك علي ملي وشك
ندى : و لا يهملك يا دادا ، المهم لوجي تكون بخير
محاسن : أنتِ فطرتي

ندى : شكرا يا دادا أنا مليش نفس

محاسن : انا اسفة يا بنتي نسيت اقولك البقية في حياتك ، أنتِ شكلك مش بتأكلي يا ندى و كمان انا حاسة بالذنب اللي نزلتك ع الصبح كده ، أنا لازم اعملك فطار . طب وانا مليش فطار

قالها حازم و هو يدخل الغرفة موجهها نظره لندى ، ثم أكمل : حضري الفطار للانسة ندى يا دادا ، و اعلمي حسابي معاها

محاسن : حاضر ، حانزل احضر احلي فطار

ردت ندى بحسم : لا يا جماعة أنا مليش نفس ، اتفضل حضرتك يا استاذ حازم أفطر

نظر حازم لمحاسن و عقب : طب يا دادا ما تعملي السندوتشات بتاعتك و -----

و قبل أن يكمل نظر لندى سائلا : ليكي في النسكافية

و قبل أن ترد أكمل : طب اتنين نسكافية و تشكيلة سندوتشات كده حاسسني اني روحت عند مؤمن

ابتسمت محاسن و ردت : من عينيا

ساد الصمت بينما اتجه حازم للاريكاة المقابلة لسرير لوجي و جلس عليها ، نظر لندى و قال : البقية في حياتك

ردت ندى دون النظر إليه : الدوام لله

ثم أمسكت بيد لوجي و نظرت لوجهها ، فكر حازم أن يسألها عن شئ اخر لكنه خشي شعورها بالضيق فأثر الصمت ، و ما هي الا دقائق وعادت محاسن بما طُلب منها

بدأوا بتناول فطورهم بينما قررت فريدة إخبار نيرة لعلها تأتي مسرعة ، إلا أنها لم ترد علي الهاتف ، لازالت تشعر بالغليان في رأسها و لكنه حسمت أمرها بأن تتدخل الان ،

لكنها تعرف ما الذي ينبغي عليها فعله

فتحت لوجي عينها وعلت الابتسامة وجهها إذ وجدت ندى ممسكة بيدها فقالت :
ميس ندى

ردت ندى ببالغ فرحتها : و اخيراااااااا صباح الخير

ردت لوجي بصوت خفيض : و اخيراااااا أنت صباح النور

قام حازم من مكانه نظرا لها و رد : و كمان فايقة تهزري حضرتك

لوجي بابتسامة : صباح الخير يا بابي

جلس حازم أمام سريرها علي ركبته و أمسك يدها الأخرى و مسح علي شعرها ثم قال :

كده برضو يا لوجي كده ، تخضيني عليكي

لوجي : سوري يا بابي

حازم : خلاص حصل خير بس تاخدي الدوا بقي علشان تخفي بسرعة و ترجعي

تحفظي مع ميس ندى تاني

لوجي : بجد

كانت ندى تحاول ألا تنظر إليهم ، إذ لو أنها حاولت كان حازم يسترق النظر إليها

وكأنه يقول : أنا شايفك يا ندى ، فتعاود النظر لشيء اخر

إستيقاظ لوجي جعل ندى و دادا محاسن يلتهون فيها و في إفطارها ، لم يعد لحازم

دور فغطي في ثبات عميق علي الأريكة بجوارهم ، بعد أن تناولت لوجي دوائها و نامت

، نظرت ندى حولها و شعرت أنه وجب عليها الرحيل ، ملست علي شعر لوجي و

قبلتها و همت لتخرج فإذا بصوت حازم يستوقفها قائلا: ندى أنا ... بحبك

التفتت فإذا بحازم نائما و لوجي كذلك ، نفضت ما سمعت و اتجهت للأسفل بينما

ابتسم حازم وهو يعيدها مرة أخرى : بحبك يا ندى
لم يتوقع رد لكنه اتاه : وانا كمان يا بابي بحبها اوي
حازم : أنتِ صايحة يا لوجي
لوجي : زي ما انت صاحي يا بابي

ضحك ثم عاد ليكمل نومه و قد غمرته السعادة لانه رآها اليوم ، و رغم كثرة الاسئلة
الملقاه علي عقله إلا انه نفضها عن رأسه و قرر ألا يعكر شئ من سعادته ، و لا حتي
تلك الرسالة التي وصلت لهاتفه و لم يراها
(حازم اشتقتك كثير و بدي خلاص ارجع مصر و نستقر سوا و بنتزوج زي ما انت
عايز طابرتي بتوصل الساعة 2 بعد بكرة)
جوليا

--- اه يا مناخيري

نظر حوله وهو ممسكا بانفه فكان لا يشعر بها من شدة الالم فتح عينه وجد نفسه قد سقط من فوق الاريكة التي كان ينام عليها في غرفة لوجي بدي أنه مساء نفس اليوم ، قام من مكانه واتجه إلي جوار لوجي يتحسس حرارتها فوجدها قد تحسنت ، عاد و جلس علي الاريكة وامسك بالوسادة ثم وجه كلامه لها : دي رابع مرة عملي معايا الحركة ، كده مناخيري حتروح ، ده أنا عقبال ما اتجوزها حبقي و لا ابو الهول

خرج من الغرفة باتجاه الاسفل وجد فريدة تجلس مع نيرة ونفس الحال المنطبق علي فريدة منطبق علي نيرة تشعر بالقلق علي لوجي لكنها لن تظهره لان القلق يظهر التجاعيد مبكرا ، قاطعته فريدة سائلة : كل ده نوم يا حازم

حازم : معلش اصلي مكنتش نمت امبارح كويس

ثم نظر الي نيرة بعدم اهتمام سائلا : ازيك يا نيرة مش ناوية تطلعي تشوفي لوجي

نيرة : كنت مستنياكم تصحو انا طلعة اشوفها دلوقتي

ثم نظرت له باستغراب : هي مال مناخيرك

تحسس حازم انفه و هو يقول : مالها

نظرت فريدة و هي تقول : ورمة

حازم : اصل كنية لوجي صغيرة و انا بتقلب وقعت من عليها

قالوا سويا : طيب

صعدت فريدة و نيرة إلي لوجي بينما توجه حازم إلي مكتبه و هو ينادي دادا محاسن و

التي أتت مسرعة و ردت : ايوة يا حازم بيه

رد ساخرا : علي فكرة ماما و نيرة طالعوا خلاص

فردت محاسن : كده طب عايز ايه يا حازم

حازم : هي بقت كده طب انا دي ماما ----- يا ماما

محاسن : ما خلاص بقي يا بني خلصني عايز ايه

حازم : سايبني نام لحد دلوقتي ولا صحتني علي الغدا ولا كأني هنا
ردت محاسن وهي تزفر : انا يا بني طلعت اصاحك 3 مرات كل مرة اطلع اصاحك ،
تشدد ايدي وتقعده تقولي طب قوليلي بحبك يا حازم ،اروح قايلالك والله بحبك يا حازم
يا بني ، تقولي لا مش مصدقك و تشدني تقعدني جنبك و بعدين في اخر مرة كنت عايز
----- استغفر الله العظيم ، قولت لا انت ميتسكتش عليك يمكن سخن
و بتهلوس وبعدين لاقيتك كويس قولت اسيبك اما تصحي لوحدك احسن

تعالات ضحكات حازم بينما شعر ببالغ الاحراج ثم نظر محاسن و رد : و كمان كنت
عايز -----استغفر الله العظيم ، لا حول ولا قوة الا بالله استغفر الله العظيم ، طب يا
دادا حضريلي الغدا بقي لاني جعان

محاسن : مش حتستني عصام ده جاي في السكة
حازم : طب ماشي اول ما يجي عصام حضري الاكل
التفتت محاسن لتخرج ولكنها عادت لتسأل مستغربة : اومال مناخيرك مالها
حازم : مالها

محاسن : ورمة
حازم : اصل كنبه لوجي صغيرة و انا باتقلب وقعت عليها
ردت وهي تخرج : علشان تبقي تتقي ربنا في الأحلام اللي بتحلمها
ضحك بينما خرجت و ما هي الا دقائق و أتى عصام، فتحت محاسن الباب و جذبته
من ذراعه نحوها وهي توجه إليه كلامها معاتبة : لما افتكرت انا مش متفقة معاك تكلمني
رد هامسا : والله مفضيتش يا دادا خالص و بعدين اديني اقدمك اهو كنتي عايزني في
ايه

محاسن : ما هو مش حينفع هنا علشان حازم
عصام : طب يا دادا أنتِ مش قولتلي انك حاسة دلوقتي انه خلاص جها عايزة مني ايه
تاني

ردت محاسن وهي تزفر : عايذة حازم يتجوزها
عصام : طب أنت عايذني اعمل ايه و انا اعمله

محاسن : عايذاك تنحرره

عصام : انحرره و ده اللي هو ازاي

محاسن : يعني تستفزه و تشجعه

عصام : الاتنين ، طب روحي حضري العشا وانا اوعدك اني استفزه و اشجعه و انحرره
يلا يا ستي

اتجه عصام لمكتب حازم وطرق الباب ليدخل هاتفا : مساء الخير يا حلاوة يا مدوخي

حازم و قد بدي شاردا ثم التفت لعصام : مساء النور تعالي اقعد

عصام : لوجي عاملة ايه دلوقتي

حازم : كويسة الحمد لله الحرارة نزلت اخيرا

عصام : و أنت مالك

حازم : مالي

عصام : مناخيرك ورمة

رد حازم و هو يضرب يده بالمكتب : كنت نايم علي الكنبه اللي في اوضة لوجي و
وقعت من عليها

عصام : علي مناخيرك ، انا اعرف الواحد يقع علي وشه علي رجله لكن مناخيره دي

جديدة ده انت متطور اوي يا حازم

حازم : خلاص يا اخي اللي حصل المهم اخبار الشغل ايه الشحنة كان معادها انها ردة

عصام : لا كله تمام

قاطعتهم محاسن : يلا العشا

اتجهوا سويا للسفرة فنظرت محاسن لعصام فتمتم : حانحرره

لم تكن سعيدة مثل حازم الذي بدى سعيدا هذا اليوم رغم كل ما مر به ، كان كافيا له رؤيتها ، فكلما رآها و هي تجاور لوجي ، كان يشعر أنه حازم فقط دون أن يقترب اسمه برفعت الصاوي

أما هي فجالسة علي سريرها ، تطرق بأذنيها كلمات الحاجة أماني ثم قالت لنفسها : واخرتها يا ندى حتي لو يبحك ده متجوز ، دادا محاسن قالت انه متجوز في فرنسا ، يعني حازم ده يا اما بيخون مراته أو خايف اني اسيب لوجي و فاكر انه لما يهتم بيا حافظل معاها

زفرت مقررة أن تحسم طريقة التعامل معه ، حتي لا تتعلق أكثر بوهم أو تضع نفسها في موقف لا يليق بها ، ستحتاجها لوجي بالغد و بعد الغد ثم سينتهي الأمر

صباح اليوم التالي اتجهت ندى لفيلا الصاوي ، و قد اشترت معها هدية للوجي و شيكولاتة ، كانت لوجي مستيقظة في غرفتها تتناول الفطور و كان والدها إلي جوارها و يعطيها الدواء كانت تنظر الي الساعة وتساءل : هي ميس ندى مش حيجي

حازم : زمانها جاية ، عشان ميعاد الحقنة

لوجي : بابي هو انت فعلا بتحب ميس ندى

شعر بالاحراج و رد : بلاش الكلام ده يا لوجي

لوجي : مش أنت اللي كنت بتقول ببحك يا ندى

لم يكن يعرف بما يرد و لكنه رد : ما هو ---- اصل ----- ، ما احنا كلنا

بنحب ميس ندى يا لوجي

لوجي : طب أنت حتتجوزها

رد حازم بحدة : لوجي عيب مينفعش تتكلمي كلام الكبار

ردت لوجي وكأنها لم تسمع : طب هي انط جوليا مش حتزعل لو انت اتجوزت ميس

ندى

زفر حازم و رد : لوجي قتللك ده كلام كبار

أكملت لوجي غير عابئة : حتي لو انط جوليا زعلت أنت راجل والراجل ممكن يتجوز
أربعة صح

قام حازم من مكانه مقررا الخروج من الغرفة و هو يهتف : طب يا لوجي انا قايم و
سيك خالص

ثم التفت و أكمل : بس الكلام ده اوعي تقوليه لميس ندى ، مفهوم
خرج من غرفتها و اغلق خلفه الباب بينما ابتسمت لوجي وهي تقول : ححاول

طرقت ندى باب الفيلا في توقع منها أن دادا محاسن هي من سيفتح و لكنها تفاجئت
عندما رأت حازم هو من فتح بنفسه ، تقدمت خطوة وهي تنظر إلي الارض ولم تحاول
رفع وجهها والقت السلام ، بينما حاول حازم كتم ابتسامته و هو يرد : و عليكم السلام

ندى : لوجي عاملة ايه انهاردة

حازم : كويسة الحمد لله ، بجد مش عارف اشكرك ازاي

ندى : علي ايه

حازم : أنتِ نسيتي كلام الدكتور لما قالي خالي مراتك تتصرف بعد كده علشان هي
اشطر منك

شعرت ندى ببالغ الاحراج و الضيق ، فرسمت علي وجهها ملامح اكثر جدية وأومت
برأسها دون رد و لكنها التفتت لوجه حازم حيث انفه المتورمة كادت تسأل و لكنها
صمت ، شعر باستغرابها فجاب : مناخيري صح ، ورمة من امبارح انا عارف ، اصلي
وقعت من علي الكنبه

عندها قطعته دادا محاسن وهي تقول : علشان تبقي تنغطي كويس وتبطل أحلام

وقبل اي رد قاطعت ندى كلامهم وهي تقول لدادا محاسن : انا حاطلع للوجي

التفتت لتصعد عندها استوقفها حازم وهو يسأل : ايه اللي معاكي ده

التفتت و هي ترد : دي شيكولاتة

حازم : حقيقي ميرسي قوي علي ذوقك

وضعت ندى العلبة علي المنضدة التي كانت أمامها و لم تعقب فقط التفتت و صعدت
لغرفة لوجي بينما كان حازم يحاول ان يطيل الحوار و لكنه شعر بجدية تصرفها فصمت
حتي لا تحرجه

ثم توجه لعلبة الشيكولاتة و أخذ منها واحدة و جلس ليأكلها فقاطعته فريدة و التي
خرجت بعدما فرغت من تناول فطورها لتسأل : أنت مش شايف أنك بقيت رافع الكلفة
أوي بينك و بين اللي اسمها ندى ، ثم ايه اللي جابها تاني مش كنا خلصنا من
الموضوع ده

حازم : لما عرفت أن لوجي تعبانة جت ، و بعدين أنا باشكرها علي اللي عملته مع بنتي
عقدت ذراعيها أم صدرها و نظرت بضيق ثم ردت : ايوة بس انت بقيت مزودها اوي
يا حازم كده حتاخذ عليك و النوعية دي مابتصدق
رد حازم ساخرا : النوعية دي ، طب يا ريتها ما تصدق ده ساعتها انا اللي ما حصدق
مش هي

ردت فريدة بغيظ : طب و جوليا

زفر حازم و ردت : مالها جوليا ، جوليا انا بقالي 3 سنين بتحايل عليها نتجوز و نعيش
في مصر و هي مش راضية ، عايزني انا اصفي شغلي واقلب حياتي عشانها وانا سبق و
قولت مش حاعيش في فرنسا ومش حتخلي عن لوجي
ردت فريدة بالبالغ عصبيتها : ما انا قولتلك حنعيش كلنا في فرنسا

حازم بحسم : ومين قالك ان انا عايز كده ، بصي يا ماما تقدرني تعتبري موضوع جوليا
ده منتهي بالنسبة لي

شعرت بالصدمة من كلماته و حاولت أن تستوعب ما قال و هتفتت : يعني مش
حتتجوزها

حازم : لا

قالها و غادر باتجاه عمله ليتركها و يأكل الضيق بصدرها، بينما امتلئ وجهه محاسن
بابتسامة و هي تقول في نفسها : يا رب يا حازم ما تتجوزها

قررت فقط أن تمكث لمدة ساعتين ، أعطت لوجي الحقنة و جلست معها ، طلبت
لوجي منها أن يراجعوا سويا شيئاً مما حفظت ، فوافقت ندى و أمسكت بالمصحف
الذي أحضرته لها و بدأوا بالقراءة ، و رغم شدة إلحاح لوجي عليها لتظل معها إلا أنها
صمتت و انصرفت ، أرادت ندى أن تطلب من محاسن إحضار أحدهم من أجل حقنة
لوجي باليوم التالي لكنها رفضت بالآخر إذ شعرت أن لوجي ستحزن ، أما فريدة فمنذ
الصباح و هي تغلي بغرفتها و لا تعرف ما الذي ينبغي عليها أن تفعله ، حتي كاد الضيق
يقتلها فقررت أن تهاتف جوليا و بدأت : أنتِ مش قولتي انك جاية

جوليا : مضبوط انا باجي بكرة

فريدة و قد ابتسمت : امتي

جوليا : طيارتي بتوصل 2 الظهر

تنهدت فريدة و هي تشعر ببعض الراحة و قالت : جوليا انا عايزة مسألة الجواز دي
تخلص بسرعة و مهما حصل وافقي اوكي

جوليا : اوكي ، بس ما كان من الاول انا كتير قولتلك حازم منو مقتنع بالعيشة هون و

أنتِ اللي كنتي مصممة اننا نعيش في فرنسا شو اللي غير رأيك

فريدة : حتعرفي لما تيجي المهم انك تيجي ، مفهوم

جوليا : علي رأسي ، اوكي

عاد حازم للمنزل سعد لغرفة لوجي ليطمئن عليها وجدها نائمة بينما وجد كيس الهدية الذي كان مع ندى موضوع علي المكتب المجاور لسريرها ، شعر بالفضول فقرر أن يأخذ الكيس معه في غرفته ، جلس علي طرف سريره و فتحه فوجد علبة قטיפه زرقاء ، فتحها ليجد بها مصحف تجويد ، ابتسم لرؤيته و ظل ممسكا به وهو ينظر داخل صفحاته و كأنه يممسك لأول مرة في حياته مصحف أو ربما هي الحقيقة ، قرر أن يضعه في غرفته واختار مكانه بعد تردد ----- علي طرف التسريحة صباح يوم التالي

تبدل حال فريدة لأنها كانت تدرك مدي تأثير جوليا علي حازم حين عودتها ، لذا شعرت بالبالغ السعادة و قررت بما أن جوليا آتية ، أن تجمع الكل بها (نيرة و هشام و أشرف و عصام و من قبلهم وضعت ندى علي رأس القائمة) ، علي غير كعادتها اتجهت لندی شاكرة و مترجية أن تنتظر فقط لوقت الغداء ، شعرت ندى بالخرج و من شدة ترجي فريدة اضطرت للقبول ، زادت سعادة فريدة و منت نفسها بنظرة شماتة ستلقي بها في وجه ندى عندما تأتي جوليا

اتصلت فريدة بالجميع و طلبت منهم الحضور ، بل و قررت أن تشرف بنفسها علي الطعام ، اتجهت للمطبخ نظرت لمحاسن بضيق ثم سألت : عملتي اللي طلبته منك استغربت محاسن من بالغ اهتمامها و ردت : ايوة يا فريدة هانم عملت كل حاجة فريدة : عايزها عزومة مبهرة يا محاسن

محاسن : و ايه الجديد انهاردة ما هما كل مرة بيتعزموا عندنا

فريدة : لا انهاردة يوم مميز بالنسبة لي

عند الواحدة ظهرا وصلت نيرة و هشام و معاهم أعتذار أشرف عن الدعوة ، كانت ندى

في غرفة لوجي تريد أن تنصرف لكن فريدة للمرة الثانية صعدت إليها و أصرت عليها أن
تمكث ، مترجية أياها مرة أخرى : ارجوكي يا ندى انا قولتلك متكسفنيش يبقي
متكسفنيش ، ارجوك اتغدي و روحي

خرجت فريدة من الغرفة تاركة ندى في بالغ حيرتها ، شعرت أن هناك سر وراء ذلك
الاصرار ففريدة لا تلقي عليها السلام فلماذا تصر بقائها ، هل من مفاجأة؟؟

بعد دقائق كان باب غرفة لوجي يطرق فتحت لتجد أمامها هشام و قد قرر التعامل بكل
ادب قائلا : البقية في حياتك يا انسة ندى

شعرت بالاستغراب و زاد شعورها بالقلق عندما رآته و ردت : البقاء لله وحده

هشام : انا كان نفسي اجي البيت عشان اعزي حضرتك لكن انا مكنتش عارف العنوان

أومت ندى برأسها لتجده التفت بكل أدب و اتجه للأسفل ، همت لتغلق الباب و قد
انتبهت الاستغراب وهي تقول في نفسها : فريدة و هشام

كانت الساعة الثالثة جلست فريدة بغرفة الصالون المقابلة لباب الفيلا ، و إلي جوارها
نيرة و هشام و قد أخبرتهم بقدوم جوليا بينما لم يبقي سوي عصام وحازم ، عادوا و
اتجهوا لغرفة المكتب ، خرجت ندى من غرفة لوجي لتنزل السلالم متجهة إليهم ،
استوقفها خروج حازم و عصام من المكتب ، فأكملت الدرجات المتبقية أمامها ثم
وقفت علي بعد خطوات منهم موجهة كلامها لكليهما : ارجوكم يا جماعة اعفوني من
موضوع الغدا ده

نظر حازم لندی و رد بإصرار : خلاص بقى يا انسة ندى

ثم اتبع عصام : لو تحبني أقعد أنا و حازم و هشام في حطة تانية أنا معندش مانع
فاتبعه حازم : خلاص ماشي انا موافق

قام هشام من مكانه و رد و هو ينظر لندى : طب تدفعوا كام ، اصلي بصراحة عايز
اقعد مع انط فريدة و نيرة
كانت ندى سترد لكن جرس باب الفيلا قاطع الجميع فاتجهت محاسن لتفتح و هي
تقول في نفسها : خير يا رب

عندها دخلت فتاة شقراء ترتدي جيب أسود جلد قصير و بادي هاي كول كات لونه
ابيض و عليهم قميص مفتوح الأزرار وهاف بوط أسود ، دخلت و هي تجر خلفها
حقيبتها ثم خلعت نظارتها السوداء و هتفت : هاي

التفت الجميع حولها و ساد الصمت ، ليستوعب من لم يكونوا علي علم بحضورها أنها
هنا ، علا وجه فريدة و نيرة بابتسامة التشفي و صوبوا نظرهم نحو جوليا ثم ندى ، و
التي الان أدركت سر تمسك فريدة بوجودها ، أنها وجهها لوجه مع زوجة حازم و كأنها
كانت بحاجة لأن تراها حتي تجد إجابة علي تلك الاسئلة التي طلما ألمت رأسها من
كثرة التكرار

اطلق هشام صافرته المعهودة لييدي انبهاره بمن أتت و هو ينظر لحازم ، بينما عصام
نظر لدادا محاسن بضيق و قد ارتسم علي وجهها الالم

لتجتمع نظراتهم و تتجه لحازم الذي كان يشعر أن دلو من المياه الباردة قد سكب علي
رأسه ، تاركها نظرات الجميع محاولا سبر أغوار ندى متسائلا هل فهمت ، مقاطعا
الصمت بندائه : جوليا

طارت نحوه بأقصى سرعة لتلقي بنفسها بين ذراعيه ، و قد الفت ذراعيها حول عنقه
وامطرته بوابل من القبلات و هي تردد : اشتقتلك ، اشتقتلك كثير كثير يا حازم

حاول حازم إبعادها لكنها كانت متشبثة به بقوة ، فتمسك بذراعيها بقوة و هو يعيها
قائلا : خلاص يا جوليا

ابتعدت جوليا و هي مستغربة تصرفه فقاطعها عصام قائلا : خلاص يا جوليا صلي علي
النبي واهدي كده ده أنتِ شكلك راجعة تعبانة اوي
جوليا : فعلا يا عصام انا كتير تعبانة و انت كيفك
رد و هو ينظر باتجاهه محاسن : منيح ، منيح علي الاخر
ضحكت جوليا و نظرت لفريدة لتسأل : كيفك انط فريدة و كيفك كلكم
ردت فريدة ببالغ سعادتها : أنا مبسوطة أوي عشان شوفتك وحمد لله علي سلامتك
ثم وجهت كلامها للحاضرين : يلا علشان ناكل الاكل جاهز
انتهت جملتها و التفت لدعوة الجميع علي للغداء و لكنها لم تجد ندى أو هشام أو
حازم
التفت لعصام لتسأل باستغراب : هما راحوا فين
ألقت حوله و رد : مش عارف

(14)

جوليا أطلت ليعلق الجميع بصره بها ، إلا هو ، ظل ينظر لندى و يتفرس ملامحها كان يريد أن يعرف فيما تفكر و بما تشعر ، حتي جرت نحوه جوليا و بدأت في تقيله عندها نزلت دمعة من عين ندى لم يلاحظها أحد سواه ، لكم اراد لو استطاع أن يخطو نحوها ، يمسح تلك الدمعة عن عينها و يعترف بصدق أن ما تراه عيناها ليس سوي كذب

لكنها لم تمهله الفرصة ، رمقته بنظرة لم يستطع أن يحدد ما بها أكانت غيرة أم كره أم احتقار ام عتاب لم يفهمها لكنها لملمت ما تبقي من كبريائها و خرجت في هدوء ، رمقه هشام الذي كانت يتابع نظراتهم بنظرة امتلأت بالتشفي و وجهه علاته ابتسامة باردة ، ثم خرج خلف ندى ليزيد من غيرة حازم فيدفع عنه جوليا و يخرج خلفهم كانت ندى تعدو بخطوات سريعة كمن يريد أن يهرب مما رأي ، خطواتها السريعة جعلت هشام يعدو خلفها حتي يستطيع اللحاق بها لم يكن هشام يتوقع أن حازم خلفه حتي انعطفت ندى الي اليمين ، انعطف هشام و سبقها بعدة خطوات من اجل ايقافها ،

بينما وقف حازم قبل المنعطف ، نظر هشام لندی ثم سأل : مشيتي ليه يا آنسة ندى
حاولت الرد بهدوء : ابدأ مفيش حاجة

نظر هشام لدموعها و رد : يا تري الدموع دي عشان حازم ، اتصدمتي فيه ، امال أنتِ
كتبي فاكرة ايه ، هو ده حازم الصاوي يا ندى ، تحبي اقولك ازاي عرف يشغلك به ،
كنت متأكد انه حيحاول زي اي بنت بيشوفها و يحطها في دماغه و اللي تستعصي
عليه ممكن يتجوزها زي نيرة ، شوية و لما يشبع منها يرميها و تيجي غيرها ، بس أنتِ
مينفesch تبقي زيهم

حاولت التماسك و ردت : ايه الكلام اللي حضرتك بتقوله ده يا استاذ هشام الموضوع
كله ان كنت ناوية امشي من الصبح ومدام فريدة مش عايزة لما لاقيتكم ركزتوا مع مدام
جوليا خرجت ، أنا مالي و مال حازم و مراته ، أنا كان لازم امشي فمشيت
هشام : أنتِ فاكربي مصدق الكلام ده يا ندى ، طب دموعك دي ليه
ندى : خلاص يا استاذ هشام أرجوك سيبي امشي

هشام : لا يا ندى انا مش حسيك تمشي انا خلاص ما صدقت لقيتك ، انا اتأكدت
قد ايه أنتِ انسانة محترمة و كويسة واللي زيك لما الواحد يعرفها مينفesch يضيعها من
ايداه ، ندى أنا ----- أنا بحبك

وقفت مذهولة و قد شعرت بقمة التلاعب بها ، لم تتوقع أن تسمع من هشام ما
سمعت ، و قبل الرد قاطعها بكلمة واحدة : تتجوزني يا ندى

فزعت لا مما سمعت بل مما رأت ، فلقد كانت لكمة حازم لهشام في وجهه أسرع من
كلمات هشام الاخيرة لها ، ارتد هشام للخلف بقوة ، بينما وقف حازم أمام ندى و
نيران الدنيا قد اشتعلت بداخله ، اذهلها وجوده غير المتوقع ، و ساد الصمت في
محاولة من الثلاثة لاستيعاب الموقف ، و ما إن أدرك هشام ما فعله حازم حتي ثارت
ثورته و باغته : انت بتستعبط يا حازم بتاخدني علي خوانة ، جي وراها عايز منها ايه

جذبه حازم من ملابسه و رد ببالغ عصبية : أنت اللي بتستعبط يا هشام ، اللي جابك

وراها عايز منها ايه ، إذا كنت فاكر اني حاسمحللك تضايقها أو تأذيها تبقي غلطان مجرد تفكيرك في ده حدفحك ثمنه غالي

لأول مرة تستشعر ندى مرارة اليتم بصدق ، مرارة ألا يكون الي جوارها رجل يحميها ممن استضعفوها، لكنها قررت أن تستأسد و تواري ضعفها ، فهتفت بكل ما امتلكت من غضب : كفاية

استوقفهم صوتها الحاد و قد نظرت لكليهما باحتقار ثم نظرت لحازم وقد قررت ان تبدأ به : اسمع يا استاذ حازم انا مفيش بيني و بينك و عمر ما حيكون بيني و بينك إلا تحفيظ بنتك القران و اذا حضرتك فسرت حبي للوجي و اهتمامي بها تفسير تاني فدي غلطتك مش غلطتي ، اتفضل ارجع حضرتك لمراتك اللي لسه راجعة من السفر و اللي مفروض حضرتك تكون جنبها مش هنا

نظر لعيناها و رد بحسم : لا يا ندى انا عمر اللي بيني وبينك ما كان تحفيظ لوجي و بس انا متأكد انك حاسة بمشاعري ناحيتك ، أنا عايزك تعرفي إن جوليا مش مراتي ، جوليا -----

قاطعته و ردت بحدة : أنا ميهمنيش أعرف ، و ده شئ ميخصنيش علشان لو جوليا مراتك يبقي مشاعرك دي ملهاش عندي غير معني واحد انك راجل خاين و لوهي مش مراتك يبقي مفيش مبرر واحد للي عملته معاك دلوقتي و في الحالين أنت واحد أبعد ما يكون عن الرجولة والاحترام

كلماتها كانت كحد السكين ، أوغرت قلبه و فرضت عليه الصمت و لم يستطع النطق بكلمة ، لتزيد من تشفي هشام فتفرض علي ندى النظر باتجاهه و ليحين دوره : أنا كلامي مش بيضحك علي فكرة و إذا كنت فاكر اني صدقت التمثلية اللي حضرتك جيت تسمعهاالي تبقي غلطان ، انا فاهمة كويس اوي انت عايز ايه بالظبط وده شئ واضحلي من يوم ما وصلتني الرسايل ، و أحب أعرفك أن مش ندى عماد عبد الدايم اللي يتلعب بيها بدبلة أو كلام عن الجواز ، أنا أعرف أميز كويس أوي بين الانسان

المحترم و بين اللي بيمثل الاحترام علشان مش متعود عليه
شعر هشام أنها قررت أن تصفعه دون أن تمد يدها ، رمقها بكل غيظ و قد توعدها في
مكون نفسه أن تدفع ثمن كلماتها غاليا ، حينها نظرت ندى لكلاهما وقد قررت ان
تتهي كلامها : يا ريت مرة تانية متحولوش تعملوا عليا رجالة علشان كلمة راجل دي
كلمة كبيرة اوي عليكم
قالت جملتها و التفتت غير عابئة بهم مقررة الرحيل ربما للابد

نظر عصام حوله فلم يجد أي منهم خرج إلي حديقة الفيلا و منها الي البوابة ثم عاد و
هو يتمتم في نفسه : هي الارض اتشقت و بلعتهم بجد راحوا فين و ايه اللي حصل
التفت ليجد محاسن و كأنها كانت تنتظره ثم قالت : لو طلعت ناحية طريق ندى
حتلاقيهم

عصام : هو ايه اللي حصل

محاسن : ندى مشيت بسرعة يا حبة عيني والمدعوق اللي اسمه هشام ده طلع وراها ،
و بعد المدعوقة اللي اسمها فونيا دي ما سابت حازم بالعافية بص ملاقهمش فطلع
وراها ، قولي بقي يا فالح حنعمل ايه دلوقتي ده كان خلاص بيقول لفريدة هانم
الموضوع انتهى تقوم الحيزبونة دي ترجع تاني

عصام : اسمعي يا دادا احنا عمالنا اللي علينا ودلوقتي كل اللي في ايدينا اننا ندعي
ربنا يستر ، أنا عارف حازم كويس و للاسف تأثير جوليا عليه حيكون اكبر مننا و من
ندى ، شوفتي دخلت عليه ازاي و ادامنا

محاسن : شوفت يا بني ده ولا كأن في حد واقف ولا خشي ولا ادب

عصام : يعني هي نيرة اللي كانت مؤدبة يا دادا

ردت محاسن ببالح ضيقها : و بعدين يا ابني هو حازم ده يقوم من نقرة يقع في دحديرة

عند هذه الكلمة عاد حازم و كأنه يجبر هشام إلي جواره ، كان واضحا من هيئتهم أنهم تشجارا ، استوقفهم عصام و هو يسأل حازم : أنتم رحتمو فين وايه اللي بهدلكم كده
نظر حازم لعصام و لم يرد ، كانت نظراته ناربة مليئة بالغيط والضيق رمق هشام بنظرة كمن يتوعده ثم انصرف باتجاه الفيلا باقصي سرعته ثم لحقوا هم به ، اتجه حازم نحو جوليا حيث كانت تقف أمام فريدة يتحدثان ، جذبها من ذراعها بقوة ثم قال ببالغ عصبية : أنت ايه اللي جابك

فزعت من طريقته و لكنها قررت أن تحتويها فردت : شو حازم ما اتوقعت منك هيك اعاد حازم السؤال بحدة أكبر : بقولك ايه اللي جابك دلوقتي خلاص قررتي ترجعي هدأت من نبرة صوتها أكثر ، كانت تعلم أن مهما حدث في نهاية هي جوليا و تعلم مدي تأثيرها عليه ، مدت يدها واخذت تلمس علي شعره ثم ردت : اشتقتك كثير و ما فيني عيش بلاك وما كنت متوقعتك تعاملني هيك ، انا جيت مصر من شان نتجوز وما عاد بدي شي الا اني اصير معك

أبعد حازم يدها عنه بقوة ثم استدار إلي محاسن قائلا بحدة : انا حاتفدي في اوضتي طلعي الاكل فوق
صعد إلي غرفته و فتح الباب واغلقه خلفه بقوة، استدارت فريدة لتسأل هشام : في ايه ، ايه اللي حصل

رد ببرود : مفيش حاجة حصلت

فعقبت نيرة : حازم ماله و بعدين أنتم كنتم فين احنا بصينا ملاقيناش حد

زفر هشام و رد : احنا مش حناكل بقي

قاطعته فريدة لتسأل : أنتم طالعتمو ورا ندى

هشام : ايوة

شعر عصام بقلق فاقرب منه و سأل : وايه اللي حصل

هشام : مفيش يا عم عصام كل الموضوع إن كنت عايز أعتذر لندى عن الفصل اياه

فقلت اطلع وراها

عصام : بس كده

هشام : بس حازم لاقني واقف معها افكر أني بأغلس عليها زي المرة اللي فاتت ،
فتخانق معايا و بعدين سيبتهم و مشيت و سمعتهم بيتخانقوا مع بعض
علت الابتسامة وجه فريدة و قررت قطع الحوار قائلة : طيب يلا بقي ناكل لأنني
جوعت اوي

لم يصدق عصام ما قاله هشام ، لكن ما الذي حدث ؟ ما الذي جعل حازم يعود و قد
امتلكه كل هذا الضيق ما الذي قالته ندى حتي يبدو هكذا

عندما نحب !!!!

نترجي عقولنا أن تنحي التفكير جنباً ، أن تري الخطأ و تلتمس العذر و تضع التبرير ،
أن تصدق الكذب بكل رضا بل و تسعد لسماعه ، لكن للاستطاعة حدود ، و قد
فاقت تجاوزاته الحد

و رغم ذلك ما الذي حدث ، دموعها التي تنساب الآن علي وجتيها ما سرها ؟
أهي ألما من كلماتها التي أوجعته بها ، أم لشعورها بالغيرة بل و الإحترق بنيرانها ،
كانت تريد أن تظل متظاهرة بأن أمره لا يعنيه حتي رآته في احضان غيرها ، لتدرك أن
عقلها قد أستبقها ليقع بالفخ ذاته حينما صدقها ، إذ استكبرت علي قول الحقيقة ، أنها
..... أحبته

في صباح اليوم التالي قام حازم من نومه و اتجه إلي الحمام ليستعد للخروج إلي عمله ،

وضع بدلته الأنيقة أمام سريره و بدأ في تبديل ملابسه ، عندها كانت جوليا في غرفتها تتألق من أجل لحظة تسعي لها ، واثقة أنها ستحصل عليها فهي تعرف حازم جيدا ، أنه دميتها ، عزمت عزمها و بدأت خطتها و أرادت ما كانت تدرك أنه سيثير رغبته ، وضعت عطرها المميز و اتجهت إلي غرفته بخطوات مملوءة بالتحدي ، هجره مقابل إغرائها و هي تدرك جيدا من سيربح؟؟

وصلت لباب الغرفة و فتحته ، فالتفت ليري من دخل ، دخلت و أوصدت الباب خلفها ، و قفت تتأمله ثم زادت من جرأة نظراتها و قد اقتربت منه بخطوات ثابتة ، نظر إليها و بدأ يتفرس ملامحها و قد فرض عطرها علي أنفه الرغبة فتناسي ما نوي ، شعر حينها في قلبه برجفة و كأن شيئا فيها يجذبه نحوها حاول إصطناع المقاومة فأبتعد ، و أكمل إغلاق أزرار قميصه ، لكنها ابتسمت و اقتربت حتي وقفت أمامه ، الفت ذراعيها بعنقه و أعادت عليه كلمات الامس و لكن أكثر عزوبة و أكثر نعومة و أكثر رقة : اشتقتك كثير اشتقتك كثير ، ما اشتقتلي

عندها تهاوت المقاومة ، تكالبت أنوثها عليه فحاول أن يتذكر شئ ينتشله مما هو فيه فلم يجد ، فبدأت لعبتها حينما خطى هو للخلف فقابلتها بخطوة تقربها منه ، زاد من خطواته حتي استند للحائط ، فزادت ابتسامتها و همست باسمه حتي شعر بذوبانه بين أنفاسها الحارة ، فأدركت معني استسلامه و أدرك معني انتصارها

جلست محاسن علي سرير لوجي و قالت في ضيق : عشان خاطري يا لوجي كملني
الفطار

ردت لوجي ببالغ حزنها : هي ميس ندى مش حتيجي تاني خلاص
ردت محاسن في ضيق : معرفش يا لوجي ، بس خلاص الحقن خلصت امبارح ، و هي

مش حتعرف تيجي

زاد حزن لوجي و ردت : هي مش حتيجي تاني عشان خلاص ، انط جوليا جت و هي

اللي حتتجوز بابا ، يا ريتني قولتلها

محاسن :قولتلها ايه بس

لوجي : قولتلها إن بابي ينفع يتجوز أربعة و ممكن يتجوزها و يتجوز انط جوليا

ضحكت محاسن رغم ضيقها و ردت : طب بس كملني فطار عشان تاخدي الدوا و

تبقي كويسة ، فتروحي الدار و ترجعي تشوفها

ابتسمت لوجي و ردت : حاضر

انهت فريدة فطورها ، و قررت الصعود باتجهه غرفة لوجي مرت بفريدة حازم و علت

الابتسامة وجهها لأنها عرفت أن جوليا ستجح ، استدارت و اتجهت لغرفة لوجي و

قبل أن تدخل ، فتح حازم باب غرفته و دفع بجوليا الي الخارج بقوة ، دفعته جعلتها

تسقط أرضا و قد وضعت يدها علي وجهها تحاول استعاب صفعاته المتتالية ، نظرت

فريدة في ذهول فقد أجمها ما رأت عليه جوليا و التي كانت تبادلها النظرات بعيون

امتلات بالدموع ، الصوت فرض علي محاسن و لوجي الخروج لمعرفة ماذا حدث ،

ليستوقفهم صوت بكاء امتزج بالنحيب يخرج من غرفة حازم ، بدي الصوت واضحا

الي حد انزعاج فريدة و التي طرقت باب الغرفة هاتفة : افتح يا حازم

أناها صوته مبوحا : سيبيني دلوقتي

زاد انزعاج لوجي و قد امسكت في محاسن و سألت : في ايه يا دادا

لم تعرف محاسن بما تجيب و لكنها ردت : تلاقي طنط جوليا كانت حتقع و تيته

لحقتها

لوجي : هو في حد بيعيط عند بابا في أوضته

أدخلتها محاسن لغرفتها و ردت : يمكن التلفزيون

ردت لوجي باستغراب : بس بابي معندوش تلفزيون في أوضته

زادت طرقات فريدة علي الباب بينما اتجهت جوليا إلي غرفتها و قرر حازم ألا يرد و لا يفتح ، فقررت فريدة أن تتجه لجوليا لعلها تفهم ما الذي دفع حازم لما فعله ؟؟؟

كان يجلس علي الارض خلف باب غرفته ، عيناه مثقلة بالدموع و صدره يعلو و يهبط ، قام من مكانه و اتجه إلي حمام غرفته بخطوات مألها الهم ، توضأ و خرج ، مد يده ليمسك بالمصحف الذي اشترته ندى ، جلس علي طرف سريره و نظر فيه و لاتزال دموعه تنهمر ، أخذ يقلب في صفحاته ثم اغلقه و ضمه الي صدره وهو غير مستوعب أنه حين أستند بجسده علي الحائط أتكى بيده علي طرف التسريحة ، سأل بينما جوليا بين يديه ، ما هذا الذي تتكى عليه يدي علة أو كتاب ---- كتاب ----- ، فهتف و هو يدفعها بعيدا عنه : المصحف

ظل ينظر لجوليا ثم لنفسه ثم للمصحف الذي كان تحت يده مذهولا ، لقد كان علي أعتاب الزنا بينما كتاب الله تحت يده ، ارتجف قلبه خوفا ألهذا الحد قررت أن أكون فاجرا

جلس علي سريره كأنه يستوعب لكنها لم تفهم ، ظنت أنه لازال غاضب منها ، فعادت الكرة و إلي جواره جلست لتضع خدها علي خده فانتفض من مكانه جاذبا اياها من ذراعها صارخا : اطلعي بره اطلعي بره
ردت في ذهول : انا ايش سوتلك شو اللي صار
فزاد صراخه : اطلعي بره

حاولت تهدئته فوضعت يدها علي خده وهي تحاول الاقتراب ثانيا و عندها و دون أن

يشعر توالد صفعاته علي وجهها ، جاذبا إياها من ذراعها ليدفع بها خارج غرفته أو ربما خارج حياته

ظل بغرفته طوال اليوم لا يريد أن يري أحد ، ممتددا علي جانبه الايمن فوق سريره ، يألمه ما كان سيفعل رغم أنها لم تكن المرة الاولي لرجل مثله ، لقد اعتاد الزنا إلي حد أنه أدمن ، محقة هي جوليا في استغرابها من تصرفه ، و هنا ابتسم شيطانه مقبرا أن يسأل منذ متي و نسيت نفسك ، هل صدقت أن ذات الراجل تغير ، أنك أنت الراجل ذاته ، أنت من كان يزني ، يذنب و يسكر ، فلم تألمت من لمسة مصحف ، أغرورقت عيناه بالدموع أيستسلم لشيطانه و يكمل ، فأجابته نفسه بل أستفق فما مضي لم يمضي سدي بل كان يُحسب

علا صوت اذان الفجر فقرر أن يغتسل و يتجه للمسجد ، مستشعرا أول ركعات سيصلها بصدق ، حاول قدر المستطاع أن يركز بما كان يسمع إلي أن استوقفته آية سمعها و ما إن أنتهت الصلاة هل سأل أحدهم من أي سورة فأنته الاجابة : يوسف أسرع إلي منزله الذي كان يكسوه السكون ، متجها لغرفته و قد تأملها منذ أن وطأت قدمه فيها ، و كأنه شخصا آخر غير الذي غادرها ، تقدم بخطوات هادئة نحو طرف التسريحة حيث المكان الذي اختاره لهدايتها ، أمسكه و جلس لبحث عن الآية التي استوقفته ، مر بين الصفحات حتي أتت السورة أمام عينه "يوسف" ، بدأ يمر بأصبعه علي الايات إلا أن وجدها فقرأها بل و ظل يرددتها شاعرا بفرحة (وَلَقَدْ هَمَّتْ بِهِ وَهَمَّ بِهَا لَوْلَا أَنْ رَأَى بُرْهَانَ رَبِّهِ كَذَلِكَ لِنَصْرِفَ عَنْهُ السُّوءَ وَالْفَحْشَاءَ إِنَّهُ مِنْ عِبَادِنَا الْمُخْلَصِينَ)

لم يعلم سر سعادته رغم كونه يدرك أنه لم يكن يوما مخلص ، لكنه الآن سيتغير ، لقد

كتبت فريدة بيدها نهاية المسار الخاطئ من حياته ، و سطرت لبداية جديدة دون أن
تقصد ، لقد حصلت علي ما أرادت من تغيير في حياته لكنه سيخالف مرادها....

صباحا جلست فريدة علي رأس المائدة و جوراتها جوليا لتناول الفطور ، بدل حازم
ملابسه و وضع عطره و صفف شعره و اتجه لغرفة لوجي ، طرق الباب و دخل ليجد
محاسن قد صففت لها شعرها و بدلت لها ملابسها ، لقد تعافت لوجي و ستجاورهم
الفطور ، حملها بيده و نزل بها الدرج لكنها لم تكن سعيدة فسألها : مالك يا لوجي
ردت لوجي حزينة : دادا محاسن قالت إن ميس ندى مش جاية تاني ، و مش عارفة هي
حترجع الدار و لا لاء

حازم : و هو ده اللي مزعلك

لوحي : ايوة ، و بعدين أنت مش قولتها أنا بحبك يا ندى ، متجاوزتهاش ليه بقي
توقف حازم عن النزول و ابتسم و رد : مش قولنا نبطل كلام الكبار ، و مع ذلك أقولك
علي سر بس توعديني محدش يعرف

لوحي : أوعدك

همس في أذنها : أنا حتجوز ميس ندى يا لوجي

لوحي : بجد

حازم : بجد

اتسع وجه لوجي بابتسامة كبيرة و احتضناته بقوة وهي تقول : يا حبيبي يا بابي ، يعني
ميس ندى حتفضل معانا علي طول

ابتسم لابتسامتها رد : ايوة ، بس زي ما اتفقنا

اتجهوا سويا لغرفة السفارة و جلسوا مجاورين نظر حازم لفريدة و جوليا بيروود قائلًا :

صباح الخير

ردت فريدة : صباح النور

أما جوليا فاشاحت بوجهها غير مهتمة بوجوده، نظر إليها حازم ثم قال : ممكن لما

تخلصي فطارك نتكلم مع بعض

ردت ببرود : لا ما بدي

أكمل فطوره و رد : براحتك

غمزت فريدة لجوليا لكي تقبل ثم ردت : أفطر الاول و بعدين اتكلموا مع بعض

قام حازم من مكانه معقبا : أنا فطرت

فسألت جوليا و قد مألها الفضول : أنت شو بدك

رد و هو يخرج من الغرفة : أنا في مكتي لما تخلصي فطار ، تعالي

هي الاخرى كانت قد انتهت من تبديل ملابسها و استعدت للخروج ، استغربت نيفين

حين نظرت لهيئتها فسألت : علي فين يا ندى

ابتسمت و ردت : ع الدار طبعاً

زاد استغرابها و ردت : ايه ده ، أنت مش قولتي حتسببيه و تدوري علي شغلك

بشهادتك

حملت ندى حقيبتها و ردت : كانت سحابة صيف و عدت الحمد لله ، رجعت ندى

لقواعدها سالمة

اقتربت نيفين منها و نظرت لعيناها و سألت : أنت متأكدة أنها رجعت سالمة يا ندى

ابتسمت ندى بهدوء و ردت : متقلقيش عليا ، أنا كويسة ، ياما دقت ع الراس طبول

، مرة سيف و مرة مدحت و كله بيعدي

نيفين : بس المرة دي الدق ع القلب مش ع الراس

ندى : أنا حابقي كويسة ، متخافيش

وضعت يمين يدها علي كتف ندى و ردت : ندى أنا لا خايفة عليكى و لا حتى قلقانة
عشان أنا عارفكى كويس ، أنما أنتِ صعبانة عليا ، جلد الذات و تأنيب الضمير اللي
أنتِ عايشة فيهم ، يا بنتي احنا بشر و ممكن نغلط حتي لو ملتزمين

وضعت يدها علي يد نيفين و ردت : لا يا نيفين ، غلط الملتزم في مجتمعنا يعني دبحه
، أنا قدوة يعني كان لازم أراعي ده ، أراعي أنه مينفعش مفضش بصري ، أو أخضع
بالقول ، أو أسمح لنفسى أقف مع راجل غريب في الشارع و قدام الناس ، أنا عارفة إن
عليا جزء من اللي حصل ، أنا افترضت حسن النية ، بس ده كان غلط

نيفين : علي فكرة أنا مش شايفة أنك أتصرفتي غلط

أتكئت ندى علي المكتب ثم ردت : لا يا نيفين ، أنا كان المفروض أشوف كويس أنا
رايحة اشتغل فين ، لكن أنا عناد لوجي استفزني و خلاني أكمل و لما نجحت مع
لوجي و حبتها نسيت ، نسيت حاجات مكنش المفروض أنساها و روحت عيد ميلادها
و شوفت تجاوزات و كملت

تنهدت ثم شردت بعيدا فعقت نيفين : بس أنتِ نيتك كانت خير ، صح

ابتسمت ندى و ردت : صح

نظرت نيفين في ساعة يدها و هتفت : يا خير ، أنا كده أتاخرت ، عجبك كده

قبلتها و اتجهت لتخرج مسرعة و لكنها عادت و سألت : نادو بأقولك

ندى : نعم

نيفين : لو حازم سأل عليكى اقله ايه

ردت ندى ساخرة : حازم عمره ما حيسأل تاني عشان خلاص ، مراته رجعت من فرنسا

قالتها و علقته حقيبتها و اتجهت لتجاور شريفة الفطور ، فادركت نيفين سر ضيقها و

قد زاد شعورها بالشفقة عليها

— و ده آخر كلام عندي ، و معاكي مهلة تفكري و شوفي حترري ايه
قال جملته و اتجه للخروج من غرفة المكتب ، بطريقه كانت تقف فريده و لكنه لم
ينظر إليها و خرج من باب الفيلا متجها لعمله ، لتخرج خلفه جوليا و هي تضرب كفا
بكف و تهتف مصدومة : ياالله يا الله

ثم زفرت بقوة ، فأمسكت فريده بكلتا يديها و سألت : ممكن افهم في ايه
جوليا : أنا مسافرة هالا ، العمي ، ما باستني لحظة هون ، اتجنن هاد
زاد قلق فريده و ردت : ارجوكي فاهمني قالك ايه

ردت جوليا بعصبيه : بادو أعلن اسلامي بالازهر والبس حجاب مثل هايدي البنت ندى
، هاد شرطه حتي يتمم لجوازة ، مو بس هيك ، بدو بالاول يتجوز ندى و بعدين أنا راح
صير مارتة الثانية

ثم زفرت مرة و عاودت : شو اتجنن هاد
شعرت فريده بنيران تأكل في صدرها من الغيظ و لكنها حاولت التماسك و سألت :
هو قالك كده

عند هذه اللحظة طرق جرس الفيلا ليدخل هشام و ليتجه لفريده قائلا : صباح الخير
زفرت فريده من فرط ضيقها لتأخيره و ردت : و أخيرا يا هشام ، صباح النور
هشام : خير يا انط ، لما كلمتني جيت

ثم نظر لحال جوليا و لوجه فريده و سأل : أنتم مالكم ، كنتم بتتخانقوا و لا ايه
لم ترد جوليا اصطنعت البكاء و جلست تضع يدها علي وجهها ، تصنع هشام الفرع
من أجلها و جلس إلي جوراها و سأل : ايه ده معقولة يا جولي مين بس اللي زعلك
ثم نظر الي فريده و أكمل : أنتم مزعلين جوليا و لا ايه
أجهشت أكثر ببكائها فاقترب منها و وضع رأسها علي صدره و أكمل : لا يا جولي
متعمليش في نفسك كده أنا قلبي رهيف و ما بستحملش

نظرت لها فريدة ثم ردت : اهدي يا جوليا و أكيد في حل ، اطلعي اغسلي وشك و
خلينا نفكر حنعمل

قامت لتصرف فاستوقفها هشام قائلا : جوليا ، غيري هدوك و حاخذك أنت و لوجي و
انط فريدة و نتفسح كلنا ، ايه رأيك

ردت فريدة بضيق : بس لوجي تعتبر لسة تعبانة و أنا مليش مزاج أخرج ، خد جوليا و
أخرجوا ، اهو تغير جو بدل مود الكأبة اللي حازم حطنا فيه

صعدت جوليا الدرج ، فنظر هشام لفريدة و سأل : هو في ايه ، ماله حازم

ضربت كف بكف و ردت : اتجنن ، عايز يتجوز ندى و عايز جوليا تعلن إسلامها في
الازهر

علا الاستغراب وجه هشام و رد متعجبا : مش ممكن ازاي بس ، أنت بتتكلمي جد

أمسكت فريدة بظهر المقعد المجاور لها و شردت للحظة ثم قالت : الظاهر إن اللي
اسمها ندى مش سهلة

اقترب هشام من فريدة و همس بأذنيها : و اللي يخلصك منها

نظرت له و ردت : حتقدر

رد هشام بتحدي : حتشوفي

نزلت جوليا و قد بدلت ملابسها ، لتخرج برفقة هشام الذي قرر إعداد برنامج مميز
لرؤية معالم مصر السياحية ، سيبدأ بالاهرامات ثم ابوالهول و اخيرا منزله ، إذ أنه أحد

المعالم المهمة له

اتجهوا سويا لسيارته و فتح لجوليا الباب فسألت : فتكون فسحة منيحة

رد مازحا : بتشوفي ، أحلي فسح و أحلي سياحة

أنهت ندى حلقتها و اتجهت لتخرج من الدار فقاطعتها الحاجة أماني سائلة : خلصتي
حلقتك يا ندى

ابتسمت و ردت : ايوة يا حاجة خلاص

اتجهت أماني لتقف قبالتها و قالت : اولاً ، أنا فرحانة أنك رجعتي

أومت ندى رأسها ردت : الحمد لله

تابعت أماني : ثانياً ، أنا مش عايزكي تزعلي مني، أنت زي بنتي يا ندى ، و أي كلمة
قولتها كان من دافع الخوف عليكي

ندى : أنا فاهمة ده كويس و مش زعلانة و إن شاء الله ، أرجع أكمل و أرجع من تاني
و ربنا معايا

ردت أماني مبتسمة : يا رب يا بنتي

ثم سألت : مش ناوية تعتكفي معانا السنة دي

تذكرت ندى أن رمضان علي الابواب فردت : كل سنة و أنت طيبة الاول

ثم أكملت : أنا حسأل ماما و لو وافقت ممكن اجي

قرت أماني ممازحتها فعقبت : يبقي ساعتها ربنا يعدي الاعتكاف ده علي خير

ضحكت ندى و ردت : ليه بس كده ده أنا حتي طيبة خالص

ضحكت أماني و ردت : أنت بامارة يوم الرحلة ، أنا علي اخر الزمن اركب مراجيح ده

الحاج حامد لو يعرف كان يموتني

زادت ضحكات ندى و ردت : والله كان يوم جميل يا حاجة يا ريت نرجعه تاني

أماني : ان شاء الله يا ندى ، ربنا يسعدك يا بنتي

ندى : يا رب

عند ال 6 مساءً اتصل حازم بالفيلا ليبري نتيجة ما قاله فهاتف محاسن ليسأل : ايوة يا دادا ايه الاخبار عندك من ساعة ما مشيت الصبح

محاسن : ست فريدة في أوضتها و لوجي أخذت الدوا من شوية و نامت

حازم : و جوليا

محاسن : جوليا راحت تتفسح مع سي هشام من الصبح و لسه مجوش

وقف حازم في مكانه و أعاد جملتها : تتفسح ، تتفسح مع هشام

أوم برأسه و كأنه كان يدرك شيئا و رد : طب يا دادا اوكي ، ابقني قولي لماما أني يمكن أتأخر شوية

أغلق حازم الهاتف و اتجاء إلي سيارته مدركا وجهته ، بل و مدركا طبيعة الخروج برفقة هشام ، كانت جوليا تقف أمام المرأة تكمل ارتداء ملابسها و تصفف شعرها ، أتأها

هشام و قد الف ذراعه حول خصرها قائلا : عجبك فسحة انهاردة

التفتت جوليا لتلف ذراعيها حول عنقه و عقت : أنت منك هين أنبوب

ضحك هشام رد : أنا ، أنا طول عمري أحن واحد في اخواتي

استغربت جوليا فسألت : شو يا زلمة ، أنت ليك حدا غير نيرة

هشام : لا ما هو علشان كده أنا أحن واحد فيهم

أنهت جوليا هندمها و سألت و هي تخرج من الغرفة : مو حتوصلني

رد هشام و هو يرتدي قميصه و ينهي هندامه : ثواني اهو

اتجها إلي الباب سويا ، فتحه هشام لجوليا ، فإذا بحازم أمامهم و ما هي إلا دقيقة

واحدة استوعب حازم فيها وجودهم سويا حتي باغت جوليا بصفعة ، و قبل أن ينطق

هشام أرداه أرضا بلكمة ، جذب جوليا من ذراعها و اغلق الباب ، اتجه الي المصعد و

دفعها فيه ، و حين توقف بمدخل العمارة جذبها من ذراعها مرة آخر إلي أن فتح باب

سيارته و قذفها فيها منطلقا بأقصى سرعة باتجه الفيلا ، وصلا فعاولد الكرة بينما

جوليا تصرخ و تشتم حتي فتح الباب و قام بدفعها أرضا لداخل الفيلا ، كانت فريدة

تنزل الدرج حينما رأتهم ، فجرت باتجاه جوليا لتفهم ماذا يفعل ، لكنه تركهم و صعد السلالم باتجاه غرفة جوليا ليخرج حقيبة سفرها و يدفع بها علي السرير ، و قد جمع كل أغراضها بطريقة عشوائية ثم حمل الحقيبة و اتجه ناحية الدرج ، ليقذفها في اتجاهها فتساقط محتوياتها أرضا و هو يصرخ في فريدة : انا مش عايز الزبالة دي تبات في بيتي انهارده

ردت فريدة ببالغ عصبيتها : أنت فعلا اتجننت يا حازم ، في ايه لكل اللي أنت بتعمله ده

نظر حازم لفريدة و لم يرد ثم وجه كلامه لجوليا : سمعتني قولت ايه ، تاخدي حاجتك و تمشي دلوقتي

عندها طرق باب الفيلا ليدخل هشام و قد لحق بهم ، وجه كلامه لفريدة ببالغ عصبيته : بجد انا مش حاستحمل التخلف و الاستعباط ده كثير

نزل حازم السلالم مسرعا و جذب هشام من ملابسه و هو يصرخ فيه : أنت عارف ايه هو الاستعباط بجد ، أني سمحت لشوية زبالة يكملوا حياتهم معايا ، لكن آن أوان أني افوق ، خدها بقي تكمل سهرتها عندك في شقتك يا متحضر

دفعه هشام بعيدا عنه ثم نظر لفريدة و قال : صدقني يا انط فريدة محصلش حاجة لكل ده ، كل الموضوع أننا اشترينا اكل تيك اوي و قلنا نروح البيت نأكله و بعدين نجني

وقفت جوليا ، كانت تبكي و هي تجمع أغراضها و قد قررت أن ترحل فعلا ، بينما زادت حدة حازم و هو يرد : و المفروض أنا أهبل أصدق الكلام ده و ليه مجتيش الاكل و جيتوا علي هنا و لا روجتوا مطعم ، مفيش غير شقتك

استغربت فريدة مما يفعل حازم فردت : و ايه المشكلة لما يروحوا شقته ، بجد انت فعلا بقيت متخلف يا حازم

ابتسم حازم ساخرا و لم يعرف بما يرد علي فريدة ، فقرر أن يوجه كلامه لجوليا : كلمة واحدة مش ناوي اكررها اتفضلي يا جوليا لمي حاجتك و امشي و مش عايز اشوف

وشك تاني

ثم لهشام : ويا ريت يا عم هشام لو انت كمان تريحنا من طلعتك البهية ومشوفش

وشك تاني

عقد هشام ذراعيه أمام صدره و رد ساخرا : يا سلام دلوقتي بقيت مش عايز تشوف

وشي ولا وش نيرة ولا وش جوليا امال عايز تشوف وش مين ، وش الانسة ندى

جذب حازم هشام من ذراعه و رد : متجيش اسمها علي لسانك

هشام : ليه بقي ان شاء الله

حازم : عشان ندى حتبقي مراتي

اوقعت الكلمة قلب فريدة في قدميها فهتفت بغیظ : أنت فاكر أن أنا ممكن أوافق علي

الجوازة دي

حازم : أنا باعرفكم و مش مستني مواقف حد

الجم فريدة رد حازم فلم ترد ، فاتجاه الي باب الفيلا ليخرج و لكنه التفت التفافه

اخيرة موجها كلامه للجميع : عايز ارجع الاقي البيت نضيف

بعد مرور ساعة طرقت باب البيت رغم بالغ ترده ، استغربت أحلام فمن سيأتي في

الثامنة ، حتي ندى و نيفين إن عادوا فمعهم مفتاح ، فتحت فإذا به يلقي التحية علي

السيدة التي كان يظنها والدتها : مساء الخير

ردت أحلام مستغربة : مساء النور يا ابني ، مين حضرتك

رد بهدوء : حازم ، اسمي حازم رفعت الصاوي

شعرت برجفة من وقع الاسم و ردت بقلق : خير يا ابني

حازم : هي الانسة ندى مش ساكنة هنا برضو

زاد قلقها و ردت : ايوة ، بس ندى مش موجودة
استشعر حازم الحرج فسأل : طب هو أنا حافظل واقف ع الباب
رغم القلق تنحت عن الباب و ردت : لامؤاخذة يا ابني ، اتفضل
دخل و يحمل في يده بوكية ورد و علبة حلوى ثم رد : شكرا
أشارت أحلام لأعلي و قالت : هي شقتها في تاني دور ، والدتها اللي موجودة ، هي
زمانها جاية
استغرب حازم فعقبت : أنا عمته
فرد : اهلا و سهلا
ثم اتجه للصعود لشقة ندى ، طرق الباب فتوجهت شريفة لتفتح في توقع منها أنهم
ندى و نيفين لتفاجئ بمن وقف أمامها قائلا : مساء الخير
شريفة : مساء النور ، مين حضرتك
حازم : انا حازم رفعت الصاوي
تذكرت شريفة فسألت : بابا لوجي
رد حازم : ايوة
تنحت عن الباب ليدخل و يضع ما بيده علي المنضدة المقابلة للباب و هي تردد :
اهلا و سهلا يا ابني ، اتفضل
جلس بأحدي المقاعد فأكملت : أصل ندى مش هنا ، لسة راجعة الدار انهاردة و
خرجت مع نيفين يجيبوا حاجات
ابتسم و رد : أنا اللي آسف إني جيت من غير ميعاد
شريفة : لا يا ابني ده بيتك ، خير
شعر ببالغ التردد و هو يرد : خير ، أنا عارف إن التوقيت ممكن ميكونش مناسب
علشان الاستاذ عماد الله يرحمه ، بس حاسس إنه مبقاش ينفع استني أكثر من كده
شعر ببعض الارتباك و كأنها المرة الاولي التي سيتزوج فيها ثم قطع ما يشعر به و قال :

أنا جاي أطلب من حضرتك ايد الانسة ندى
أدهشها ما سمعت في غير تصديق منها لما يقول ثم ردت : ايوة يا ابني بس اللي اعرفه
انك متجوز
زاد ارتباكاه و لكنه قرر الرد بثقة : لا يا فندم الموضوع بس في سوء تفاهم أنا كنت
متجوز و بعدين خلاص الموضوع انتهى
شريفة : و الله يا ابني أنا مش عارفة اقولك ايه
عندها كانت ندى و نيفين قد وصلا باتجاه شقتهم و عند باب الشقة بدت رائحة عطره
مميزة ، فبدي واضحاً وجود ضيف ، أخرجت ندى مفتاحها و فتحت الباب ، نظرا
سويا قبل للورد و الشيكولاتة
فهمست نيفين لندی : ده مين الرايق اللي عندنا
ندی : استني
دخلا بهدوء ليقع بصر كليهما علي حازم فتقول نيفين في دهشة : مستر حازم
و لم تقل دهشة ندى و هي تأكد لنفسها بذكر اسمه : حازم
وقفت بمكانها و قد شعرت بالصدمة من وجوده ، فقالت شريفة موجهة كلامها لندی :
استاذ حازم عايز يتكلم معاكي في موضوع يا ندى
ثم نظرت لحازم و أكملت : معلىش يا ابني متأخذنيش نسيت اقدملك حاجة
غمزت لنيفين و دخلا المطبخ ، بينما سحبت ندى أحدي مقاعد السفارة و قررت
الجلوس عليه بعيداً عن الصالون ، ساد الصمت حينها قرر حازم أن يبدأ : ازيك يا
انسة ندى ، ولا اقولك يا ندى
حاولت الرد بحدة و لكنها عجزت ، فهدأت و ردت : لا ، انسة ندى
ابتسم و رد : اللي يريحك
نظرت أرضاً و أثرت الصمت رغم ما بداخلها من فضول ثم نظرت مسرعة باتجاهه و
قالت : خير يا استاذ حازم ، في حاجة حصلت

ثم تعود ناظرة للارض لشعورها أنه بدأ تفرس ملامحها و هو يرد : ايوة

تزيد اجابته من شعورها بالقلق فتسأل : لوجي جراحة حاجة

حازم : لا ، لوجي بخير

تزداد دهشتها فتسأل : طب يا تري ايه سر الزيارة دي

حازم : سببين

تنهد بقوة ثم تابع : الاول ، اني كان لازم أعتابك ع الكلام اللي قولتيه ، و أفهمك

موضوع جوليا ، عشان بعد كده مش حسماحلك تغلطي فيا ، جوليا مش مراتي يا ندى ،

جوليا طلقتي زي ما نيرة طلقتي

عقدت ندى ذراعيها أمام صدرها و ردت بجديفة : و أنا دخلي ايه بحاجة زي دي يا

استاذ حازم ، حضرتك حر في حياتك و انا ميخصنيش

رد بجديفة : من انهاردة حيخصك يا ندى

و قبل أن ترد باغتها : و ده السبب الثاني

حازم : ندى ، تتجوزني

(15)

مر أسبوع علي زيارة حازم كل يوم يفكر بالاتصال بندى ليعرف ردها ، يمني نفسه أنها قرأت الكارت الذي رافق باقة الورد و قرأت كلماته لها ، ثم تمتلئ نفسه بعدها بالضيق هل صدقت أنه سيتغير من أجلها ، هل صدقت كلامه عن الحب ، ثم يتسأل بينه و بين نفسه هل أنا بحق تغيرت ، يتجه للهاتف يرفع السماعة ثم يتراجع عند آخر لحظة و يقول في نفسه : اديها فرصة انهاردة كمان

و لم يختلف حال ندى طيلة الاسبوع ، لم تستطع التوقف عن التفكير و الاستخارة كل يوم بل كل ساعة ، أحيانا تفتح الكارت لتقرأه (عن ناس بتدخل حياتك عشان تغيرها للاحسن ، و ده اللي أنتِ عملتيه معايا من أول يوم شوفتك فيه)

بينما كانت ندى علي شرودها كانت نيفين تتجه لتشغيل التلفاز ، جلست علي الاربكة لتجاور شريفة و التي سألتها : هي ندى حتوافق علي اللي اسمه حازم ده التفتت نيفين لها و ردت : هو الموضوع مش عاجبك و لا ايه

شريفة : اه مش عاجبني ، دي الدكتور ندى يعني تستاهل واحد أحسن منه ، مش متجوز و مطلق مرتين

نيفين : و الله القرار بأيد ندى ، هو حازم كلم عمه نبيل
ردت شريفة بضيق : ايوة و راحله و عمك قال حيسأل عليه ، أنا عارفة مستعجل علي
ايه

نيفين : مش عايزة تفرحي بندى يا أم ندى

تمتم شريفة بضيق : مطلق و عنده بنت

لم تعقب نيفين و نادت علي ندى : مش حيتجي تشوفي الرؤبة بتاعة رمضان

قاطعها صوت نيفين من شردوها و سألت : هما مش قالوا بعد بكرة

اتجهت نيفين لغرفة ندى ثم ردت : ايوة ، بس انا بحب اسمع الراجل اللي بيطلع
يقول غدا المتمم لشعبان و بعد غدا هو اول ايام رمضان اعاده الله علي الامة الاسلامية
بالخير واليمن والبركات

ضحكت ندى و ردت : طب يا ستي كل عام وأنتِ الي الله اقرب

نيفين : مفيش كمان كده و السنه الجاية اكون في بيت العيدل

ندى : بيت العيدل يا رب بس ساعتها يطلع عيدل

قاطعهما رنين الهاتف فنادت شريفة علي ندى ، شعرت بالتوتر فسألت : مين يا ماما

شريفة : الحاجة أماني

عادت نيفين لمشاهدة التلفزيون و اتجهت شريفة للمطبخ بينما سحبت ندى الهاتف

لغرفتها لترد : سلام عليكم ، كل سنة وأنتِ طيبة يا حاجة

أماني : وأنتِ طيبة يا ندى ازيك و ازاي ماما و نيفين

ندى : الحمد لله كلنا بخير و بنسمع الرؤية اهو

أماني : ربنا يعود علينا الايام بخير ، انا كنت متصلة اسألك علي الاعتكاف معانا ،

مردتيش عليا نويتي علي ايه

ندى : والله ماما مش راضية كل العشرة الاواخر بتقولي ممكن يوم أو يومين في الاخر كده و خلاص فمعلش بقي

أماني : خلاص يا ندى مفيش مشاكل برضو انا كمان يمكن مقدرش علي الدائم رغم ان الحاج حامد طبعاً بيعتكمهم كلهم بس برضو البيت والولاد مش بيخلوني اعرف اروح الا يوم او يومين ، خلاص بس ابقني قوليلي ساعتها حتروحي امتي علشان نبقني ساعتها نفطر مع بعض في المسجد

ندى : خلاص ان شاء الله اكلمك قبلها يا حاجة

صمتت للحظة ثم سألت : باقولك ايه يا حاجة أماني هو أنا ينفع أطلب منك طلب

أماني : طبعاً يا بنتي ، اتفضلي

سردت ندى علي أماني ما حدث معاها بشأن حازم و ما فكرت به ، شعرت أماني بالقلق و كان آخر ما قالته : يا ندى يا بنتي الكلام سهل ، لكن هل حيقدر و لا لاء ، أنت لازم تعرفي أنه مختلف عنك ، و أنا حاقول للحاج حامد و هو أكيد حيقولنا رأيه

انتهت بينهم المكالمة و عندها بدأ شعور ندى بالقلق يزداد ، حتي دق الهاتف الموضوع إلي جوارها ففزعت و رفعته مسرعة تظنها أماني لتجد صوته فتلعثم هاتفية :

حازم

حازم : حازم كده من غير استاذ طيب بشرة خير ، ها فكرتي في كلامي و لا لسه

ندى : أكيد فكرت

حازم : قررتي ايه بقي

ساد الصمت فلم تكن تمتلك رد فتولي حازم الكلام سائلاً : هو سؤال صعب لدرجة

دي ندى : انا فكرت بس لسه مقررتش

حازم : ليه بس يا ندى

ندى : علشان كل اللي قولته كلام حلو اوي حتي اللي مكتوب في الكارت بس في النهاية مجرد كلام والتصرفات اللي شوفتها متخلنيش أصدق ، ايه اللي يشيت أنك

اتغيرت

حازم : قوليلي طب اعمل ايه علشان اثبتلك

ندى : مش عارفة ، بس حط نفسك مكاني لو حضرتك اللي كنت شوفتي في نفس
المواقف و بعدها جيت و قولتلك انا اتغيرت ، كنت حصدقني
زفر حازم بقوة ثم قال : يعني خلاص يا انسة ندى أنت لدرجة دي شايفني انسان سئ
ومفيش فيا أي أمل

ندى : أنا مقولتش كده أنا قلت أنك محتاج تثبت كلامك علشان أقدر أصدقه و إلا
حقيقي كلام و خلاص

حازم : طب إذا قولتلك إني مستعد اعمل أي حاجة علشان تصدقني كلامي
ندى : أي حاجة أيا كان

حازم باصرار: ايوة

ندى : اوكي ، سيب بيت رفعت الصاوي و روح الاعتكاف السنه دي

وقع قلبه في أحمص قدمه و رد : ده بجد

ندى : ايوة مش بتقول ممكن تعمل أي حاجة ، سيب بيتك وحياتك وعريبتك و روح
اعتكف في المسجد آخر 10 ايام من رمضان

حازم : طب و شغلي

ندى : ما انت ممكن تروح الشغل و ترجع علي المسجد

شعر بجدية كلامها فبدأ يشعر بالتوتر رد : ايوة يا ندى بس ده أنا السنه دي أول سنة

حاصلي التراويح و يدوبك لسه باخد خطوات ، اقوم خبط لزق كده اروح اعتكف مع
ناس معرفهاش و بعدين حنام فين طيب

ندى : اولاً لو علي النوم نام في المسجد ، و ثانياً لو شايف أنك يدوبك بتاخذ
خطوات خلاص مترووحش ، أنا مش بافرض عليك أنك تروح ، أنت قولت ممكن أعمل
أي حاجة علشان اثبتلك ، فأنا افتكرت أنك تقدر تعمل أي حاجة

رد بفراغ صبر : حاضر يا ندى حاروح الاعتكاف

علت الابتسام وجهها و ردت : بجد

حازم : بجد

ندى : عموما ده سيكون اول اختبار ليك

حازم : نعم هو لسه في حاجة تانية بعد كده

ندى : مش أنت اللي قولت مستعد تعمل أي حاجة

أغلقوا الهاتف ، فتمنت ندى عندها لو أنها رأت ردة فعله ، ليضرب حازم عندها يده

برأسه و هو يتمتم : شكلك جبتوا لنفسك يا حازم

صباح أول أيام رمضان ، دخل عصام علي حازم في مكتبه مبتسما و هو يقول : يا

سلام يا جدعان لو رمضان ده يبقى طول السنة و الله الشباب اللي زي كده اول ناس

حترتاح

رد حازم و قد بدي شاردا : ليه يا فالح

عصام : البنات كلها و هي صايمة حاجة تانية ، لا ميكب و لا برفان و اللبس بيوسع

فجأة يا سلام لو يعملوا كده السنة كلها و يريحونا

حازم لم يرد و اكمل في شروده ، فنظر عصام لوجهه و سأل : ايه يا عريس ، صايم

السنة دي و لا زي كل سنة

زفر حازم بشدة و رد : بقولك ايه أنا مش ناقصك

عصام : أنت صايم من غير سحور ولا ايه

رد حازم ببالح ضيقه : يييييييييي يا ابني اطلع من دماغى الساعة دي

حاول عصام تهدئته و قال : طب خلاص ، قولي ناوي تصلي التراويح فين السنة دي

و لا مش ناوي

حازم : بقي كده ده بدل ما تقولي نعتكف مع بعض و تشجعني
فتح عصام الباب و قال قبل خروجه : لا يا عم انا كفاية عليا التراويح
حازم : ماشي يا عصام طول عمرك ندل

و هكذا بدأت نفحات الشهر الفضيل و بدأت أيامه في المرور ، و معه بدأت الكثير
من التغيرات تطراً علي منزل حازم الصاوي و رفيقه
تغيرات كاد تقتل فريدة كمدا من الحسرة علي أحلامها التي راحت سدي ، لقد سعت
طوال السنوات الأخيرة للهجرة لفرنسا و اتفقت مع جوليا في كل خطواتها و حين
اقتربت النهاية تلاشي تحقيق الأمل ، فهل من سبيل للتراجع هل من سبيل
؟

انقضت أيام الرحمة و تابعتها أيام المغفرة ، ليجد ابن الصاوي نفسه أمام ما وعد ، كان
في غرفته يزفر بقوة و هو يجوب الغرفة ذهابا و ايابا ، ينظر بين الحين والآخر إلي
عنوان المسجد في يده و هو يقول لنفسه : طب أنا حاخذ ايه ، و اسيب ايه ، و
اعمل ايه ، اروح فين و اجي منين يا ربي ، الله يسامحك يا ندى

لم يجد أمامه بد إلا أن يتجه صوب العنوان المكتوب في تلك الورقة الصغيرة ، حمل
حقيته و اتجه و هو لا يعرف ما الذي دهاه ليفعل ما يفعل ، كان باستطاعته الرفض

لكنه أيضا يخشي أن يفقدها ، ابتسم و هو ينظر لليافطة الكبيرة المكتوب عليها (مسجد الروضة) ، و تسأل أحقا أنا هنا ، خلع نعليه و توجه إلي الداخل ، ليكون
الاستغراب هو سيد الموقف ، و هو ينظر باتجاه من كانوا داخل المسجد ، كانت
توقعاته أشبه بما يراه في الافلام و المسلسلات ، لكن فجأه العكس ، فخطي ببطئ إلي
أن وقف إلي جوار أحدهم و سأل : لو سمحت الاقي الحاج حامد فين

التفت من كان يمسك بيده كراسة و قلم ناظرا لحازم و قد كان بعمره تقريبا ثم أشار :
الراجل اللي واقف هناك اهو

ثم سأل : حضرتك ناوي تعتكف إن شاء الله

رد حازم بتلعثم : ايوة

ابتسم ثم مد يده مصافحا و قال : طيب يا اهلا و سهلا ، انا علي

صافحه حازم و رد : اهلا وسهلا و أنا حازم

علي : يا اهلا يا اهلا

تركه حازم متجها إلي حامد و الذي كان منهمكا في الكلام مع أكثر من شخص ، شعر

حازم بالتردد و هو يقول : السلام عليكم ، حضرتك الحاج حامد

التفت الرجل الوقور ذو الخامسة و الخمسين من عمره ، ليري حازم وجهه فيشعر

بالرهبة و هو يسمع رده : ايوة يا ابني أنا الحاج حامد ، و أنت مين

حازم : حازم

حامد : يا اهلا و سهلا يا ابني ، حتعتكف معنا إن شاء الله

حازم : ان شاء الله

نادي حامد علي احد الموجودين : يا زياد تعالي

أني أحدهم مهرولا و رد : ايوة يا حاج حامد

حامد : اكتب اسم حازم معاك و شوفه ، حيعتكف جزئي ولا كلي و حط اسمه في

مجموعة عمل

وليد : ماشي يا حاج

ثم نظر لحازم : حتعتكف كل الايام ولا جزء منها

رد حازم بتردد : كلها

زياد : طب احطك في اي مجموعة عمل بقي

حازم : يعني ايه مجموعة عمل مش فاهم

زياد : بص يا سيدي كل واحد هنا في الاعتكاف بيقي مسؤل عن حاجة و يساعد فيها يعني مسؤل عن الاكل أو النظافة أو ترتيب المسجد يعني أنت حتقدر تساعد في ايه

شعر حازم بالضجر و الضيق : لا أنا مليش في عمائل الاكل

زياد : طب خلاص حاخيلك في النظافة

وقبل ان يسأل حازم اتي شخص بجوار زياد ليصافحه هاتفا : زيزو كل سنة و أنت طيب و بعودة الايام

زياد : و أنت طيب يا عمرو ده أنا قلت أنت اتجوزت و اتلميت و مش حنشوف وشك السنه دي

عمرو : والله حاولت يا بني بس ما اقدرتش ، امال فين علي

أشار زياد باتجاهه و قال : هناك اهو بيحضر علشان السحور

عمرو : طب حاروح اسلم عليه

لكنه قبل أن يذهب التفت لحازم : السلام عليكم يا -----

حازم : حازم

عمرو : يا اهلا يا حازم

ثم التفت لزياد ممزحا : أنا مش عايز أغسل مواعين السنه دي يا زياد ، أنا السنه اللي فاتت اتهديت

زياد : لا أنا السنه دي بافكر أدخلك المطبخ

عمرو : يعني ابقني في البيت مبشليش كوباية من مكانها ، و أجي هنا أطبخلكم أنا رايح أشوف علي عمل ايه في السحور

التفت زياد لحازم و سأل : خلاص يا حازم أنت كده في مجموعة النظافة و حتبقي مسئولياتك معايا نشيل الاكل و نكنس المسجد ، تمام

رد حازم ببالح امتعاضه : لا طبعا و انا مالي بحاجة زي دي

شعر زياد من طريقة رده بشئ من التكبر فرد : طب أنت عايز تعمل ايه ، خد بالك
مدام قاعد معانا هنا في المسجد ، فالمسجد مسئوليتنا ، نسلمه أحسن مما استلمناه
وكل واحد بيعمل حاجة علشان نساعد بعض

رد حازم بضجر : بس أنا مينفعنيش الكلام ده ، أنا مليش دعوة

أوم زياد رأسه و رد : خلاص أنا حابغ الحاج حامد و نشوف حيقول ايه

تذكر ندى فصمت ثم جذب زياد من ذراعه قائلا : خلاص يا عم ، أنا بس كنت
عايز أعرف احنا حنكنس جوهر و لا جوهر و بره

ضحك زياد و رد : طب ما أنت حلو و بتألش اهو ، علي العموم ليك عليا أساعدك و
أعطي عليك ، اتفقنا

حازم و قد شعر أخيرا ببعض الراحة : اتفقنا

لحظات و بدأ المسجد في الانتظام استعدادا للتهجد لم يستطع حازم النوم قبله و لو
ساعة ، و بعد انتهاء الصلاة نظر إلي الأرض و حاول افتراشها و هو يتمتم : ابو
الجواز ع اللي عايز يتجوز

و بعد أقل من ساعة كان من يقظه : حازم اقوم اتسحر يلا

توجه بعيون ناعسة و جلس مجاورا لزياد ، نظر للطعام المرصوص أرضا و سأل : هو
مفيش شوك و سكاكين

ضحك الجميع ، فنظر عمرو لعلي و قرر التعليق : أنت اللي مسئول قدامي علي

السحور ، أنا عايز خدمة فندقية ، أنا مينفعنيش الكلام ده

رد علي : ايه يا عم حازم نقوم نقطعلك كنتلوب من التلاجة

قام حازم في ضيق ولم يأكل فنظر لهم زياد و رد : خلاص متسقوش فيها يمكن مش
واحد علي كده

ثم قام من مكانه و اتجه لحازم قائلا : ايه يا عم حازم أنت حتعمل علينا ، حازم ابن
الناس الكويسين و لا ايه

زفر حازم و رد : لا بس أنا مش عايز أكل

جلس علي إلي جواره أرضا و مد يده بما كان يحمل و رد : طب بص ، دول مثلشين
جنبه و رغيف و كوباية زبادي و المعلقة دي نضيفة والله ، بس بالله عليك اتسحر و
بلاش تزعل من حد احنا بنهزر معاك عايزينك تفك شوية ، ها تشرب معنا شاي

ابتسم حازم رد مهازحا : بس تغسلوا الكوبايات كويس

ضحك زياد و رد : ايوة خالك في الهزار ده و بلاش القفش ، علي العموم عمرو اللي
بيغسل

حازم : طب لو كده مش عايز

زياد : لا خلاص حاغسيلك الكوباية بنفسي ، تمام كده

تركه و عاد ليكمل سحوره ، راقبهم حازم و هم منهمكين في تناول السحور ، ثم صنع
لنفسه سندوتش و بدأ يأكله ، و ليشعر نفسه أنه يستطيع أن يقلدهم اقتطع لقمة من
العيش و غمسها في كوب الزبادي ، راقب ما يفعلون و قربها من فمه إلا أن ما فيها
أنسكب علي يده ، فأسرع بأكلها ثم نظر حوله و لعق ما كان بيده ، فعقب عمرو و هو
ينظر له : ايوة هو ده ، عيش يا مان

ضحك حازم بشدة ثم رد : خالك في حالك

دقائق و علا اذان الفجر لبدأوا في الاصطفاف للصلاة ، تنهد و هو ينظر حوله جيدا ،
تاركا العنان لشعور لم يحظي به من قبل يفرض علي وجهه الابتسام ، يدفع مقلتيه لرقرة
الدموع ، كيف كنت بعيدا إلي هذا الحد ، كأن روحه سُحِبَت لِتُغْسَلَ ثم عادت لتنسب
بداخله شيئا فشيئا ، إلي أن انتهت الصلاة و عاد ليتمدد بمكانه شاعرا براحة لم يعرفها
من قبل ، أنه الرضا عندما يدركه القلب

عكس ما كان يتوقع يوما بعد يوما اعتاد ابن الصاوي علي ما لم يكن يتوقعه ، تنازل عن

كبريائه في مقابل أن ينبض قلبه بنبضات الحياة ، لحظات لم يكن طيلة حياته يتوقع أن يعيشها ، ليلة ال27 خرج حازم برفقة زياد من المسجد و الذي تابع حديثه : أنا

مكتش اعرف إن عندك بنت

حازم : لوجي عندها 7 سنين

ثم سأل : هي المكتبة بعيدة من هنا

زياد : لا علي اول الشارع ، انت عايز حاجة غير كارت شحن

حازم : لا

وقفت أمام أقدامهم كرة ثم أتاهم صوت يناديهم : عمو باصي باصي يا عمو

ركل زياد الكرة و دخل في الماتش بعفوية بعد لحظات نظر إليه حازم و هتف : حنتأخر

أشار زياد بيده أن ينتظره ثم أعاد الكرة له ، نظر حازم للكرة ثم دخل معه و استكمل

المباراة ، لحظات مرت مع أطفال لا يعرفوهم فقط لعبوا معهم لدقائق و اشتروا ما

أرادوا و عادوا للمسجد ، كان حازم يضحك و هو يعقب : يا خبر ده انا مش فاكر

اخر مرة لعبت فيها كرة كانت امتي

زياد : بس انت بتلعب حلو أوي ، أنت اهلاوي و لا اهلاوي

حازم : طب ده سؤال أهلاوي طبعا

رد وليد ممازحا : طب خالي بالك بقي ، أحسن عمرو زملكاوي

دخلوا للمسجد فاستوقفهم عمرو و علي و هم ينظرون للسماء ، و قال عمرو :

شكلها انهارده علي فكرة

علي : مع اني توقعت أنها يوم 25

نظر زياد لهم و سأل : بتعملوا ايه

عمرو : بنبص علي السماء شكلها ليلة القدر

اتجه حازم ليقف إلي جوارهم و نظر للسماء و رد : الله السماء شكلها صافي فعلا

علي : طب كل واحد بقي يدعي دعوة حلوة كده شكلها هي

شرد كل واحد منهم في لحظة تخصه و دعوة يتمني أن تتحقق ، حتي استوقفه صوت يعرفه يسأل : السلام عليكم يا اخوة ، ابحت عن شخص يدعي حازم ، فأين أجده

التفت حازم هاتفيا : عصام

عصام : ايه يا عم الجو اللي انت عايش فيه ده

زياد : أنت تعرفه يا حازم

حازم : ايوة ده واحد من أصدقاء السوء اللي ناوي اقاطعهم ما اطلع من هنا

عصام : اخس عليك يا حازم و انا اللي قلت اجي اقعد معاك للعيد ، امال فين الراجل

بتاع لا تناقش و لا تجادل يا اخ علي و الا وقعت في المحذور

ضحك عمرو و رد : قاعد جوه ، ده حتي مستنيك

التفت عصام و سأل حازم : بقولك ايه ، ايه الاخبار الاعتكاف حلو و لا ايه

رد زياد و قد حوط كتيفه بذراعيه : تعالي معايا بس و أنا حابسطلك

ابتسم عصام و رد : بجد ، طب في موز

ضحك حازم و رد : لا في كنتلوب

علا صوت اذان الفجر ليوم جديد لم يحتاج أحد ممن بات في المسجد أن يستيقظ

فكل شخص انشغل بما لديه و أولهم حازم الذي كان لايزال يجمع هو و زياد اثار

السحور ، ابتسم زياد و هو ينظر لحازم ابتسامة استوقفت حازم فسأل : ايه يا عم أنت

معجب ولا ايه

زياد : لا ابدا بس سبحان مغير الاحوال اللي يشوفك دلوقتي ميشوفكش يوم ما جيت و

انت بتقولي ، لا انا مينفعنيش الكلام ده

صمت قليلا ثم قال : و الله حتوحشني يا حازم يا ابن الناس الكويسين

ضحك حازم و رد : عموما انا قلتكم علي عنواني بجد انا عايز نتقابل بعد رمضان و

يا ريت والله يا زياد نبقي اصحاب

زياد : متقلقش يا عم احنا فعلا بقينا اصحاب و لعلمك عمرك ما حتقدر تنسي الايام
دي ابدا

انهوا ترتيب المسجد و التفت كل واحد منهم لينام إلا حازم اتجه إلي الشباك لينظر مرة
أخري إلي شكل السماء ، لم يعتاد أن يراقبها و يراها هكذا صافية ، صفائها يشبه ما
بات يشعر به داخل نفسه ، كم يتمني أن تتوقف عقارب الساعة هنا ، يتسأل كيف
ستكون العودة إلي منزل رفعت الصاوي هل سيعود إلي حازم القديم الذي لا يريد أن
يراه مرة ثانية ، إلي الحوت أو هكذا كان يلقبوه ، إلي حقائق منجولة لو عرفتها ندى ،
لن تنظر بعدها لوجهه ، قاطعه من شروده من وضع يده علي كتفه و سأل : روحت فين
يا حازم يا ابني

التفت علي صوته و رد : ابدا ، ازيك يا حاج حامد ، هو حضرتك لسه صاحي
حامد : انا كنت رايح انام لقيتك قاعد قدام الشباك و شكلك شايل الهم ، قولت
أشوفك قبل ما أنام

زفر حازم من أعماقه و رد : ابدا بس شايل هم أما ارجع البيت مع إن بنتي وحشتني
أوي ، بس نفسي بجد مرجعش

حامد : لا حول ولا قوة الا بالله طب ليه يا ابني كده ، ده مهما كان بيتك
حازم : خايف لو رجعت اخسر اللي وصلته ، و ساعتها مش عارف يا تري حتيجي
فرصة ثانية للرجوع و لا لا

حامد : بص يا ابني ، كل يوم أنت فيه لسة عايش هو فرصة ، أوعي تضيعها من إيدك ،
يوم ما تغلط استغفر في نفس اللحظة و لو وقعت أرجع أقوم ، و لو وقعت بعدها قوم

تاني ، هي الدنيا كده لازم حتمر علينا فتن و ممكن نوقع محدش كبير ع الغلط ، لكن
خلي بوصلتك دايمًا إنك لو غلطت حترجع تاني ، باب التوبة عمره ما حيتقل
حازم : خايف ساعتها ابقى باضحك علي نفسي ، أو بأضحك علي ربنا و ساعتها مش
عارف حاعمل ليه

حامد : لو ده حصل ابقى افتكرني و افتكر إنني قولتلك (إن الله لا يمل من استغفار
العبد حتي يمل العبد من استغفاره) ، افتكرها كويس و أوعي تنسها

بعد مرور يومين كانت الاستعداد لأخر صلاة تراويح ستصلي ، اتجهت ندى للمسجد
حيث الليلة الوحيدة التي سمحت بها والدتها ، استقبلتها أماني قائلة : اخيرا جيتي ده
انا كنت فقدت الامل

ندى : اعمل ايه ماما وافقت بعد ما طلعت روعي ، لما قولتله دي آخر تراويح

أماني : تقومي تيجي آخر تراويح يا ست ندى

ندى : معلىش بقى الحمد لله اني جيت

ثم مازحت أماني : و بعدين ايه الاستقبال ده انا لا شايفة تورت و لا جاتوهات ، هو
الاعتكاف ده نواشف و لا ايه

أماني : التورت والجاتوهات دي ناكلها في بيتك بقى بعد العيد

ابتسمت ندى فجذبتها الحاجة أماني لتحدث اليها : ليكي عندي اخبار كويسة

ندى : خير

أماني : الحاج حامد كلمني انهاردة ، وقالى اقولك على رأييه

ردت ندى بتوتر : و رأييه ايه

أماني : هو بيقول إنه ابن حلال و كويس و هو ارتحاله و ارتاح لتصرفاته في الاعتكاف

ندى : بجد يا حاجة ، يعني هو شايفه انسان كويس

أماني : أنت زي بنتي يا ندى و أنا مش حاغشك و أنت لما قولتلي عايزة رأي الحاج

حامد أنا قولته و هو قال للمجموعة اللي مع حازم ياخدوا بالهم منه و يقولوله رأيهم لانه

متقدم لبنته و مفيش حد اتعامل معاه الا و شكر فيه

ندى : طب مش جايز يكون بيمثل يا حاجة

أماني : أنت للدرجة دي خايفة ، طب لو مش مرتاحاله بلاش

ندى : ابدا ، بس دي تالت مرة و خايفة التالته تبقي ثابتة

أماني : لو استخرتي و ده رأي اللي حوليكي ، اتوكلي على الله و أنت حتشوفي تعاملاته

بعد كده و إن ظهر حاجة منه ساعتها يبقي خلاص

تهدت ندى لان هذه المرة ليست كسابقيها ، أنها أحبته حقا و الجرح لن يكون سهلا

الله أكبر الله أكبر لا اله الا الله الله أكبر الله أكبر و لله الحمد الله أكبر كبيرا والحمد لله

كثيرا وسبحان الله بكرة واصيلا لا اله الا الله ولا نعبد الا اياه مخلصين له الدين ولو كره

الكافرون لا اله الا الله وحده صدق وعده ونصر عبده واعد جنده وهزم الاحزاب وحده

لا اله الا الله

أول ايام العيد صوت التكييرات و الاصفاف للصلوات و كحك علي حلويات و أحلي
بالونة لست البنات

هتفت لوجي : انا عايزة الصفرة يا بابي

مازح حازم محاسن و سأل : مش عايزة واحدة أنتِ كمان يا دادا

محاسن : لا أنا عايزة زمارة يا ابني ، كل سنة وأنتِ طيبة يا لوجي كل سنة و أنت طيب

حازم

مازح عصام لوجي : أنا عايز البالونة دي لوجي

لوجي : لا دي بتاعتي هاتلك أنت واحدة

سألت محاسن حازم : مش يلا بقي تروحوا تترتاحوا علشان احضركم الفطار

حازم : خلاص حنمشي علي طول بس ، اسلم علي عمرو و زياد و علي

لوجي : هم دول صحابك يا بابي

حازم : ابوة يا حبيتي

لوجي : بابي أنت كلمت ميس ندى

حازم : حاكلها انهاردة يا لوجي

لوجي : احنا حنروحلهم في العيد

حازم : يمكن

سأل عصام : مش خلاص يا عم عديت الاختبار ، و لا لسة ، يا رب تنجح يا حازم

ضحك حازم و رد : ادعيلي ابوس ايدك

عادوا للفيلا و ما إن رأي حازم سريره حتي ارتمي عليه ، عصرا اتجهت لوجي لغرفته

لتوقظه و قد شعرت باليأس : اقوم بقي اقوم يا بابي بجد اقوم ، يوووووووووووو

فتح حازم عيناه بصعوبة و سأل : في ايه يا لوجي

لوجي : مش قلت حتكلم ميس ندى

حازم : طب حاضر ، أنام شوية كمان و لما أصحي حأكلمها

استأت و ردت : ما أنت نمت كثير اوي

أعتدل حازم و رد : طب هاتي الموبايل

قفزت من السرير و جرت لتجلب الهاتف ، كانت ندى هي الاخري غارقة في النوم ،

دق الهاتف فاتجهت شريفة للرد و بعد حوار بينها بين حازم اتفقا أن يتصل بعمها نبيل

من أجل زيارة لهم في الغد ، كانت لوجي تشعر ببالغ السعادة و هي تسمع ردود

والدها ، بينما اتجهت نيفين لغرفة ندى لإيقاظها فردت ندى بتشاقل : سبيني أنام يا

نيفين

همست نيفين في أذنيها : قومي كلمي حازم علي التليفون

أمسكت ندى بطرف الغطاء لتكمل نومها و هي ترد : يا نيفين بقي -----

ثم هتفت منزعجة : ----- ايه

انتفضت من مكانها و وقفت أمام المرآة ، ضحكت نيفين و ردت : كل ده و لسه

متردة امال لو متأكدته حتعملي ايه ، عموما هو علي التليفون مش برة و اتفق مع ماما

و عمو نبيل يجي بكرة

ابتلعت ندى ريقها بصعوبة و قاطعتها شريفة وهي تنادي : ندى تعالي كلمي

نظرت لوجهها في المرأة و ردت مضطربة : حاضر
مدت شريفة يدها بالسماعة و قالت : تعالي ، لوجي عايزة تكلمك
عقت نيفين مازحة : لوجي برضو ، كلمي لوجي كلمي
أمسكت ندى بالسماعة و خرج صوتها مرتجف : سلام عليكم ، ازيك يا لوجي
ردت لوجي ببالغ سعادتها : ازيك يا ميس ندى ، بابي قاعد جنبني بيقولي أنك حتخليني
أقولك يا مامي ندى ، بجد
ندى : طبعاً يا حبيبي ، أنتِ تقولي اللي أنتِ عايزاه ، أنتِ عارفة أنا بحبك قد ايه يا
لوجي
حازم : لوجي بس
انزعجت و ردت : استاذ حازم
مازحها و رد : خاليتها أخ حازم بقي يا أخت ندى ، كده بقت اوقع
ندى : اهلا ازي حضرتك
حازم : ازيك أنتِ ، كل عام وأنتِ الي الله اقرب و السنة اللي جاية تكوني منورة بيتك
شعرت أن نيران الدنيا أشتعلت بوجهها و هي ترد : و أنتِ طيب
حازم : ها لسه مقررتيش برضو
ندى : ربنا يقدم اللي فيه الخير
حازم : عموماً انا أتكلمت مع مامتك و عمك و إن شاء الله نقري الفاتحة بكرة و نحدد
معاد الخطوبة و بعدها قرري زي ما أنتِ عايزة ، ها قولتي ايه
ندى : طيب
حازم : طيب ايه

ندى : طيب خير

حازم : خلاص ، اشوفك بكرة

ندى : إن شاء الله

وضعت السماعة و ظلت علي شرودها ، لحظة من التفكير و التعقل ، لا يعقل القبول
أنا مختلفين في كل شئ ، ينحي القلب العقل جانبا ثم يهتف بسعادة سيأتي بالغد و
هذا يكفي

مساء اليوم التالي ، كانت فريدة تتحدث في الهاتف ، بينما حازم و لوجي يستعدان
للذهاب لبيت ندى ، انهت فريدة مكالماتها بجملة واحدة : اوكي يا هشام ، أنا
حاتصرف

أغلقت الهاتف و الابتسامة تملئ وجهها بما عرفت ، اتجهت لغرفة حازم و الذي كان
يرتدي جاكيت بدلتته و يصفف شعره ، طرقت الباب و دخلت و هي تعقب : جاهز يا
عريس

ابتسم و نظر لها بهدوء سائلا : برضو مش عايزة تيجي معايا

خرج صوتها حنون و سألت : أنت لسه مصمم تتجوز ندى

شعر حازم بالضيق و سأل : تفتكري يعني حغير رأيي من امبارح للنهاردة

فريدة : جايز و جايز تغير رأيك دلوقتي حالا

حازم : معتقدش يا ماما ، انا بس حابغي مبسوط لو جتي معايا

قالها و هو يتجه للخروج فاستوقفته فريدة قائلة : حتي لو عرفت أنها مدام مش انسة

التفت حازم قبل خروجه و رد : ايه ، أنت بتقولي ايه

فريدة : ندى كانت متجوزة قبل كده مرتين ، منهم مرة عرفي

تسمر حازم في مكانه ولم يرد فكر وقتا ليس بالقليل ثم قال : مين اللي قالك الكلام

ده ، أكيد الكلام ده كذب

اتجهت فريدة لتقف قبالتة و ردت : لو مش مصدقني اسأل بنفسك و أنت حتأكد و

الجوازة العرفي دي كانت مع ابن عمها نبيل

شعر حازم ببالح الضيق ثم التفت ليخرج من غرفته ، فخرجت خلفه و سألت : أنت

رايح فين

رد حازم و هو ينزل الدرج مسرعا : رايح اتأكد بنفسي

نزل حازم و إلي جواره لوجي ، رأته محاسن عند خروجه و قد ملأه الضيق ، طوال

الطريق كان يكذب ما سمع ، فندى لن تكذب ، وصل للبيت و وقف فقاطعته لوجي

لتسأل : هنا البيت

حازم : ايوة يا لوجي يلا بينا

بينما وصل حازم و وضع علبة الحلوي التي أحضرها أمامه و جلس بغرفة الصالون ،

كانت ندى تقف أمام المرأة ، تتذكر أول مرة أتت فيها سيف ، تتبعها ذكرياتها و عرسه

الذي أقامه بأسفل منزلهم ، ثم مدحت و ما فعله ، كادت تترقرق دمعته من عيناها ،

لكنها تنفست بقوة و قررت أن تهدأ ، وقفت نيفين إلي جوارها و قالت : حازم بره

ندى : قولتي لعمو نبيل ، أني حاتكلم معاه قبل قرابة الفاتحة

نيفين : هو لازم موضوع سيف و مدحت

ندى : يعرف مني أحسن ما يعرف من برة

(16)

ساد الصمت للحظات هي تريد أن تتكلم و هو يريد أن يسأل ، لم تعرف من أين تبدأ ،
ففكرت بسؤاله عن اعتكافه و قالت : أخبار الاعتكاف كان ايه

أوم حازم رأسه و رد : كويس ، يعني تجربة تستاهل إني أشكرك عليها
تهدت ندى ثم استجمعت كلماتها و قالت : في موضوع كده في الاول ، انا لازم
اقوله لحضرتك علشان برضو يكون واضح يعني -----
شعر بالقلق و نظر لوجهها فأكملت : بص يا حازم موضوعنا ده بالنسبة لي مش أول
موضوع ، يعني أقصد كان في موضوعين قبل كده
شعر بالقلق و سأل : يعني أنتِ اتجوزتي قبل كده
ندى : لا ، مرة كتب كتاب و مرة خطوبة و في المرتين محصلش نصيب
حازم : و ابن عمك كان منهم
ندى : ايوة ، عرفت منين
شعرت بالقلق و سألت بوضوح : أنت مضايق أني قولتلك إن سابقلي الارتباط
تهد حازم و رد : أكيد لاء ، أنا سبق و ارتبط قبلك مرتين و متفهم ده حتي لو اتجوزتي
و مكنتش في نصيب ، أنا بسأل علي علاقتك بابن عمك ، كان شكلها ازاي
ندى : ابن عمي اتخطبته فترة و هو كان خاطب قبلي و بعد خطوبتنا أموره اتصلحت
مع خطيبته الاولي و كملوا و معاهم بنوتة دلوقتي ، لما قرر يرجع لخطيبته أنا انسحبت
، بس ،
ابتسم حازم و رد : تمام المحكمة اتنورت يا فندم ، عايزة تقولي حاجة تانية
أومت برأسها و قالت : ايوة ، هما كام نقطة صغيرين حنتكلم فيهم ، عن شكل تعاملتنا
ف فترة الخطوبة ، زي نقط ع الحروف ، ممكن
اتسعت ابتسامة حازم و رد : مدام قولتي خطوبتنا ، يبقى قولي كل اللي أنتِ عايزاه و أنا
سمعتك ، و أوعدك أننا مش حنختلف

تنهدت بكثير من الراحة و ردت : احنا التعاملات بينا حتفضل رسمي ، يعني مفيش
خروج لوحدنا ، مينفعش نركب العريية بتاعتك لوحدنا ، و تقولي اوصلك أو تستناني
عند الدار ، و مينفعش مكالمات في وقت متأخر ، نراعي حدود الكلام بينا و مفيش
سلام بالايدي و حتي الشبكة كمان مامتك اللي حتلبسهاني و -----

قاطعها حازم والابتسامة تعلقو شافتيه ليسأل : هو أنتِ كنتي بتصرفي كده مع ----
-- ، يعني المرتين اللي فاتوا

ندى : طبعا ما ده اللي يرضي ربنا و ده اللي مفروض كل بنت تعمله

شعر ببالغ سعادته و سأل : طب فاضل حاجة تانية

ببالغ القلق ردت : الفرحة هيكون مفصول و أنا حاضل بحجابي

حازم : مفصول ازاي يعني

ندى : الرجالة لوحدهم والستات لوحدهم

ضحك حازم و رد : طب أنا حاضل الفرحة ده و لا لاء

ابتسمت و ردت : لو عايز

حازم : و لو إني مش مقتنع بموضوع الفرحة بس حاضل ، لسة فاضل حاجة و لا خلاص

ندى : لا خلاص

حازم : طب ممكن أخذ دوري

ندى : اتفضل

تنهدت ثم قال في هدوء : ندى ، أنا عارف إن قرار ارتباطك بيا مكنش سهل عليكي و
عارف ، إن جواكي مخاوف من حاجات كتير و للاسف كمان انطباعات كتير غلط ، أنا
بس عايزك تعرفي إن حازم اللي شوفتي يوم عيد ميلاد لوجي أو يوم ما رجعت جوليا ده

مبقاش موجود ، أنا فتحت صفحة جديدة مع كل اللي جاي و مش عايز منك أي حاجة ، غير أنك تثقي فيا ، و تعرفي إني عهدت رينا و أنا في المعتكف أني عمري ما حاخذلك مهما حصل

ساد الصمت ، لم يزد كلمة و لم ترد ، و بعد لحظات عاد الجميع ليكملوا حواراتهم في اتفاق الزواج ، جلس نبيل و حازم سويا ، ظل يحدثان قرابة الساعة ، تم الاتفاق علي مواعيد الخطبة و كتب الكتاب و الفرح ، ثم رفعت الايادي أمام كل وجه ليقرأ كل منهم سورة الفاتحة ، حتي لوجي كانت تقرأها بصوت أعلي منهم ، مما جعلتهم

يضحكون ثم جاورت ندى و قالت : خلاص كده أنتِ حتيجي معانا ، يلا بينا

ضحكت ندى و ردت : لا لسه مش دلوقتي خالص ، لسة شوية

لوجي : هو أنتِ مش كده اتجوزتي بابي

ندى : لا لما نعمل الفرح الاول

لوجي : طب ما نعملوا بكرة

ضحك حازم و رد : و الله أنا موافق يا لوجي ، بس عمو نبيل يوافق

شعرت لوجي بالخجل من نبيل فصمتت ، لترد ندى : لولو ، إن شاء الله قريب نكون مع بعض

قالتها لتفرض بها علي وجه حازم بالغ الشعور بالسعادة ، و كأنها اعترفت بما أراد أن يعرف

مساء اليوم التالي ، كانت تجلس في الحديقة بانتظاره لسؤاله عن ما حدث ، كانت تتوقع سعادته لكنها لم تراه بالامس هكذا ، لحظات و أطل حازم برأسه و لاتزال بعض علامات الوجوم مرتسمة علي ملامحه اقتربت منه لتسأل : مالك يا ابني شكلك من امبارح مضايق مع أنك كنت راجع مبسوط من الاعتكاف

تنهد و رد بضيق : متشغليش بالك يا دادا ، أنا بس عايزك تدعيلي

محاسن : أنت عارف أني علي طول بادعيلك ، مش حتقولي عملت ايه امبارح ، ايه الاخبار و شكلك كان مضايق ليه

اتجه حازم ليجلس علي أحدي المقاعد بحديقة منزله ثم أشار لها لتجاوره الجلوس ، عقد ذراعيه أمام صدره و أسند رأسه علي ظهر المقعد ثم شرد في السماء و سأل : تفتكري يا دادا انا استعجلت في موضوع جوازي من ندى

محاسن : ليه يا ابني بتقول كده أنت مش بتحبها وعايزها

حازم : ايوة بس ----- بس ندى مقدرتش تشتغل هنا من

اللي شافته تقوم تعيش فيه تفتكري ندى حتقدر تعيش وسطينا

محاسن : طب و أنت روحت فين و أنا و لوجي احنا كلنا حنبي معاها

تنهد حازم وهو يرد : تعرفي لو مش خايف إنني اسيب ماما لوحدها كنت عشيت أنا و لوجي و ندى بره بس عارف أنها حتزعل من جواها و أنا مش عايز ازعلها مع انها مصممة تزعلني

محاسن : طب ما تحاول مع فريدة هانم تاني يمكن تقدر تقنعها بموضوع ندى

حازم : انا متأكد اني مهما حاولت مش حاقد ، أنا عارف ماما كويس

قررت تغيير الموضوع و سألت : طب انت عملت ايه امبارح عند ندى قريتوا الفاتحة

حازم بابتسامة : ايوة يا ستي قرينا الفاتحة واتفقت مع عمها علي مواعيد الخطوبة و

كتب الكتاب و قال مفيش فرح قبل سنوية باباها ما تعدي

محاسن : طب علي خيرت الله ربنا يتمملك علي خير و يجعلها من نصيبك

قام من مكانه و هو يرد : يا رب يا دادا

تابعته محاسن و هم يدخلان للفيلا ، لكنه وقف للحظة التفت لها و قال : دادا لو ماما

سألتك قولي انك مش عارفة

محاسن : ليه هو في حاجة

حازم : ابدأ بس اصل في حاجة في دماغى كده عايز اعرفها اوكي

محاسن : حاضر ، احضرك العشا

حازم : لا يا دادا ، تصبى علي خير

قالها و صعد الدرج ، وقف أمام حجرة فريدة ، أمسك بمقبض الباب و كاد يفتحه

لكنه تراجع في اللحظة الاخيرة و اتجه إلي غرفة لوجي قبلها و دثرها جيدا ، ثم اتجه

لغرفته ، بدل ملابسه و حاول أن ينام لكنه لم يستطع ، ظل يتقلب علي سريره يفكر

بما قالته فريدة و من أين عرفت ، زفر ثم وضع الوسادة علي وجهه و بعد قليل زفر

و أراحها ثم نظر للساعة ليجدها الحادية عشر حينها قال في نفسه : لو كلمتها يبقى

متأخر كده و لا ايه

كانت ندى في سريره شاردة تلعب بأحادي خصلات شعرها ، رغم كل ما تخشاه

هناك شئ يفرض عليها السعادة ، فتتهد من أعماقها و قد ارتسمت ابتسامة صغيرة علي

وجنتيها ، قاطعها صوت هاتفها معلنا وصول رسالة جديدة ، شعرت بالضيق لأنها

تذكرت الرسائل القديمة ، لكن سرعان ما تبدل الشعور حينما أدركت أنها من حازم

(بقالي ساعة بحاول انام ومش عارف اعمل ايه دلوقتي)

ابتسم لأنه شعر أنها ابتسمت لرسالته ، و قرر أن ينام لكن هاتفه أخبره برنينه أنها قد

أجابت رسالته ، انتفض غير مصدق ليقراً (اشرب كوباية لبن دافية و اتوضي و اقول

اذكار النوم و بعدها حتنام علي طول ، سلامتک)

عندها تهللت أساريه و قام من سريره متجها للمطبخ ليجد محاسن تنهي ما كان عليها

فعله فدخل و طلب : دادا ممكن كوباية لبن و تكون دافية
علا الاستغراب ملامحها و سألت : و أنت من امتي بتشرب لبن
مازحها و رد : أنت ناسية إنني اتغيرت يا دادا ، خلاص انا بقيت حازم اللي بيشرب
اللبن وبيسمع الكلام و بيغسل رجله و سنامه قبل ما ينام
ردت و هي تضحك : دي ميس ندى طلعت شاطرة اوي اللي قدرت تعمل كل ده
حمل كوب اللبن و اتجه عائدا لغرفته ، فاستوقفته فريدة و نظرت له بضيق و هو يحمل
كوب اللبن بيده و سألت : برضو قرئت الفاتحة و مشيت اللي في دماغك
اتجه لغرفته و قبل أن يدخلها رد : أنا بأهنيكي علي المخبر الشاطر اللي بيعرفك
الاخبار أول بأول ، بس أحب أقولك أنه محتاج يغير مصادر معلوماته و ياريت كمان
تعرفيه إن ندى عندي فوق الشبهات
نظرت له فريدة بتحدي ، فجعلت شعوره بالسعادة يتلاشي و شعر أنها لن تتراجع عن
رفضها فحسب ، بل و ستبذل قصار جهدها لهدم الامر برمته إن أستطعت

في شقتها كانت تجوبها يمينا و يسارا ، ينتبها الشعور بالخوف و التردد ، لا تعرف
هل هي مخطئة فيما تفعل ، تتذكر يوم جائها عماد و قال (أنا بس عايز أفهم ليه ندى
بنتي ، ليه فريدة طلبت ندى من الدار ، هي و ابنها عايزين ايه من بنتي) ، معقولة
الصدفة توصل للجواز ، طب فريدة عايزة ايه ، الفلوس و أخذوها ، أنا اللي حساه أنها
بتحبه و هو بيحبها و نبيل ميعرفش اسم الصاوي ، يعرف بس رفعت حسان و فريدة
علام من أوراق القضية و جايز نسي ، مدام ندى استخارت و الحاج حامد قال ابن
حلال ، يبقى بلاش أضيع فرحة بنت أخويا و بلاش أعمل مشاكل و كده خلاص ، ربنا

يستر

يوم الخطوبة

كلاييت ثالث مرة لكنها ليست كسابقيها ، الاجواء فرض عليها الهدوء لأن ذكري عماد فرضت نفسها عليهم ، كانت شريفة بالمطبخ تبكي حينما استوقفتها أحلام و هي تخرج بالشربات قائلة : أنت عايزة الناس تقول ايه بس ، أنت مش فرحانة عشان ندى

مسحت وجنتيها بيدها و ردت : غضب عني و الله ، كان نفسي عماد يكون حاضر يوم زي ده ، يا حبيبي كان نفسه يفرح بيهم ، كان نفسي يكون موجود يا أحلام ، أكيد و هو موجود كانت حقيقي الفرحة لها معني

وقع قلبها بأخمص قدميها علي وقع الكلمة و أحست أنها أضاعت وصية حملتها و نبيل سويها ثم ردت بهدوء : هو حاسس بينا و أكيد فرحان عشانها

قالتها و خرجت مسرعة لغرفة الصالون التي جلست فيها ندى علي أحدي مقاعد و حازم بالمقعد المجاور لها ، كانت تري بعيناها نفس مقدار السعادة التي كانت يوما ما تملكها ، يوم جاورت رفعت نفس المكان و كان قلبها يرقص من شدة الفرحة ، تعمدت النظر لعين حازم و التي كانت تطالع ندى ببالح الشغف لتتسأل عندها ؛ أيجبها حقا ؟

ماذا لو كان قد ورث الخداع من أبيه ؛ أنها ثروة رفعت الحقيقية ، نظرت لنيل للحظة فكرت فيها قول الحقيقة حتي وجدت طارق يهمس إليها : الجميل سرحان في ايه نظرت له بشدة فتلاشت كل أفكارها إذ أن شعورها بالخوف كان أقوى

عندها خرجت نيفين تحمل صينية عليها أطباق الحلوي ، فهتف نيل فيهم : هي الحاجات دي للعرض فقط و لا ايه

ردت نيفين و قد بدأت به : لا يا عمو اتفضل

ثم اتجهت لتعطي محاسن و التي جلست إلي جوار عصام و قالت و الابتسامة علي شفاتها : اتفضلي يا دادا

ثم إلي عصام : اتفضل

بدي عليها بالغ الخجل و هي تتجه صوب لوجي لتجلسها إلي جوارها تمازحها و

تطمعها ، ابتسمت محاسن و همست لعصام : شد حيلك بقيي ، أظن ملكش حجة
خطف نظرة باتجاهها و سأل : ايه رأيك
محاسن : ما شاء الله يا ابني ربنا يجعلها من نصيبك ، ما تتوكل علي الله و تطلبها
نظر باتجاهه نيفين و رد : استني بس ذو الحجة يعدي
استغرت محاسن و ردت : اشمعني
عصام مازحا : اصلها أكيد عشان تختبرني حتطلعني الحج
ضحكت و ردت : هو أنت تطول

إلي ندى و حازم حيث نظراته التي كانت تتمني لو انشقت الارض و ابتلعتهما لكي
تنفادها ، ابتسم حازم لحمرة وجهها و همس : مبروك
ردت بصعوبة : الله يبارك فيك
ابتسم ناظرا للدبلة التي حوطت يدها و علق : أظن نجحت في الاختبار الثاني و مامتك
لبستك الشبكة اهو ، في اي اختبارات تانية يا فندم
ضحكت و ردت : لاء خلاص ، إن شاء الله مفيش
حازم : و لو في و لا يهملك
ثم استطرد هامسا : أهم حاجة تكوني راضية عني
رغما عنها ابتسمت بشدة و لم ترد ، بل نظرت حولها خشية أن تكون ابتسمتها قد
التفت إليها أحد ، و عادت أطراف الحديث للتبادل بين الجميع ، حديث لم يخلو
من نظرات متبادلة بين الحين و الاخر بعضها يحمل الشغف و الاخر بين القلق و
الترقب
، كان من الممكن أن يمضي اليوم هادئا لنهايته إلا أن أحدهم قرر أن يعكس صفوه
حينهما أرسل لندی رسالة جديدة و هي
(مبروك عليك الحوت يا ندى بس وعد مني تكوني أول واحدة تغرق)

أيام الخطوبة كانت تمر كمثيلتها من أي خطبة ، ايام يمني كل منهم نفسه بحياة جديدة عنوانها الحب والسعادة و ايام يرواضهم القلق هل بالفعل سيكفي ما بداخلهم من حب من اجل مواجهة الاتي ام هناك عقبات ستعيق حياتهم و تقضي علي أحلامهم ، و من بين هذه الايام و تلك ، مواقف تمر بين الشد و الرخو ، لا لشيء الا من اجل ان تسير السفينة ، يدق هاتفها فتتظر و هي تخرج من الدار لترد : سلام عليكم ، ازيك يا حازم

حازم : ازيك يا ندى ، خلصتي الحلقة بتاعتك

ندى : ايوة خلاص انا طلعة دلوقتي

حازم : طب بصي يمينا كده

التفت فإذا به أمامها هاتفها : مفاجأة

اغلقت الهاتف ثم نظرت له بكل ضيق و هتفت : انت برضو جيت يا حازم ، يعني

بتحطيني قدام الامر واقع ، طب برضو مش حاركت العربية

رد حازم ببالغ الضيق : ندى ، أنا مش حابب أنك تروحي تركبي ميكروباص ، يعني يبقى

عندي عربيتي و تروحي تركبي مواصلات

ندى و قد زادت حدتها : احنا اتفقنا و كلامنا كان واضح من الاول و المفروض مدام

اتفقنا ، خلاص

حازم : طب يا ستي اقعدى ورا و افتحي شبابيك العربية كلها كمان و اعتبري نفسك

راكبة تاكسي

زفرت ندى ثم قالت : أنا مش باركت تاكسيات لوحدي

رد بهدوء : طب اعتبريها استثناء و اعتبريه تاكسي و خلاص

ندى : طب اوكي ، يا حازم انا حاركت معاك بس استناني ثانية واحدة

التفتت لتعود للدار مرة اخري حينها من نفسه بخروجة بدون نيفين أو شريفة ابتسم و

هو ينظر في الساعة ، دقائق وخرجت ندى برفقتها الحاجة أماني و زميلتان لها
الجمت حازم حينما رآها اقتربهم و لم يتفوه بكلمة ، فتحت هي باب المقعد الأمامي
و أشار لأماني : اتفضلي يا حاجة اقعدى أنتِ هنا علشان رجلك و أنا حاقعد ورا جنب
شيماء و فاطمة

شعر بالغيظ يكاد يأكله رغم محاوله إخفائه ، ابتسم ببرود و هو ينظر للحاجة أماني
و التي قالت : معلش حنتعبك يا ابني

كتم غيظه و رد : لا ابدا يا حاجة ده أنتم نورتونا
التفت للخلف ليرمق ندى بنظرة حادة و كأنه يعود للخلف بالسيارة ثم سأل : علي
فين

ردت ندى و هي تحاول كتم ابتسامتها : حلوان و عين شمس ، اطلع و حاوصفلك
بالظبط

زاد غيظه و قال في نفسه : كمان ، طب بس لما ينزلوا يا ندى
بعد ساعة كان حازم يقف أمام المكان الذي أشار له ندى ، فتحت أماني الباب و
التفتت لتشكر حازم : تعبناك يا ابني معلش

نظر لندی التي نزلت إلي جوارها و هو لا يفهم فنزل مسرعا ليسألها : أنتِ رايحة فين
ردت ندى و هي تشير إلي مكان ما وقفوا : داخله الدار
اشتعلت عصبية حازم و رد : دار ايه ، أنتِ مش مروحة

ندی : لا أنا مكنتش مروحة أنا عندي لسه حلقة تانية في الدار دي و قدامي 3 ساعات
اتجهت باتجاهها ثم التفتت اليه و هي تحاول كتمان ابتسامتها لتسأل : عايز حاجة
كاد الغيظ ينفجر من كل ملامح وجهه و هو يرد : لا

ثم عاد لسيارته و انطلق بها باتجاه منزله ، فتح باب الفيلا و أغلقه بقوة و اتجه لغرفة
المكتب ، من فرط شعوره بالغيظ قذف بكل مفاتحه فوق مكتبه ، و ركل بقدمه أحد

المقاعد و قد وضع يده في فمه ثم عض عليها ، كانت محاسن في طريقها للمطبخ حين رآته ، اضطرت من رؤيته فاتجهت إليه و قد سمعته يتمتم : ماشي يا ندى والله ماشي

سألت منزعة : مالك يا ابني في ايه

ضرب المكتب بيده و ظل يزفر ، و هو يذهب و يعود ثم نظر للمحاسن التي قررت أن تعيد السؤال : مالك يا ابني

توجه حازم إلي كرسية جلس بعصية و قرر اخيرا أن يتكلم فسألها : دادا تفتكري ندى وافقت عليا ليه

محاسن : أكيد علشان بتحبك يا ابني

حازم : تفتكري يا دادا هي فعلا بتحبني

محاسن : امال ايه اللي يخليها توافق

حازم : لوجي مثلا

محاسن : لوجي ، طب ما لوجي معاها في الدار

زفر ثم أكمل : طب ليه بتعامل معايا كده

محاسن : ايه اللي حصل بس

سرد عليها ما فعلت فظلت تضحك فعلق : أنت بتضحكي يا دادا ، ده أنا مفقوع منها

محاسن : هي مش قالتلك من الاول إن التعاملات في الخطوبة كده، ساعتها أنت كنت مبسوط ، و قولتلي دي حتي اللي اتخطبتلهم كانت جد معاهم ، و لا انت كنت عايزها زي نيرة اللي كانت بتيجي تقعد معاك في أوضتك

حازم : لا طبعا ، أنا مقولتش كده بس خايف يكون في سبب هو اللي خالها توافق علي جوازنا ، ما هو مش معقول يبقى باقي علي كتب الكتاب اسبوعين و لسه التعامل بينا بالشكل ده

محاسن : معلىش يا ابني انت اصبر شوية و متنساش انها غيرك و هي قالتلك من الاول

و أنت وافقت

تنهد حازم ولم يرد ثم فكر قليلا ثم قال : ماشي يا دادا

حدقت بها و لم تعرف بما تجيها ثم هتفت : أنتِ بتهزري صح ، طب و الله حرام عليكي ، بجد حازم ليه الجنة يا ندى أنتِ بتكفريه ذنوبه و لا ايه شعرت ندى بالضيق و ردت : علي فكرة أنا حبدأ أحس بالذنب ردت نيفين ببالغ دهشتها : أنتِ كل ده مش حاسة بالذنب ، هو جاي عشان يوصلك بدل ما تركبي مواصلات تقومي تعملي فيه كده ، حتي لو مش عايزة تركبي كان بطريقة تانية

ندى : هو اللي اضطرني و الله يا نيفين اكر من مرة يقولي جاي و اقله بلاش المرة دي لاقيته قدامي حسسني إنه بيلوي دراعي عشان أروح معاه ، روحت قلت للحاجة أماني و فاطمة و شيماء يجوا معايا

نيفين : ماشي يا ندى اعتذري و ما تركيش ، مش يلف يوصلهم و في الاخر أنا عندي دار عايز حاجة ، فعلا الافتري ليه ناسه

ضحكت ندى و ردت : خلاص ، حاكلمه ليكون زعل و لا حاجة

نيفين : كتر خيرك يا شيخة و جاية علي نفسك ليه بس ، ده لو رد عليكي

قالتها و خرجت نيفين ، لتترك ندى تحاول الاتصال بحازم ، محاولة تلو المحاولة و لا إجابة منه ، و بعد عدة محاولات لم يكن أمامها سوي إرسال رسالة لعله يجيب فكانت

(تدفقت في البحطاء بعد تبهطل و وقعقت في البيداء غير مزركل و سرت بأركان العقيس مقرنصا و همت بكل القارطات بشنكل إن أنت ترد عليا ابدا طب اعملك ايه

تاني ----- بالله عليك رد)

ضحك حازم وهو يرد علي الهاتف : نعم عايزة ايه

ندى : اخيرا رديت

حازم : فارق معاكي اوي

ندى : طبعا فارق

حازم : طب أنتِ كنتي اتصلي لي

ندى : ابدا اصل الحاجة أمانى قالتلي إن وقع منها حاجة في العربية قلت اسألك عليها

هتف بغیظ : بجد أنتِ متصلة علشان كده ، طب اقلبي يا ندى و متصليش بالرقم ده

تاني

ضحكت و ردت : طب خلاص أنا متصلة عشان اكلم لوجي

حازم : لوجي نايمه

ندى : طب يعني مفيش حجة تانية طب امري الي الله ، أنت زعلان مني

حازم : فارق معاكي زعلي اوي

ندى : طبعا حتي اسأل البيداء و العقيس المقرنص و هما حيقولوك

ضحك و رد : لا خلاص الطيب احسن ، المشكلة أني افكرت الاختيارات خلصت

، طلعتي مش سهلة يا ندى

ندى : أنا ، ده أنا غلبان يا بيه ، اهم حاجة صافية لبن

حازم بابتسامه : خلاص يا ستي ، حليب يا قشطة

أغلقت الهاتف و قد شعرتبالغ سعادتها و تمددت علي سريرها واضعة كليتا يديها

أسفل رأسها و قد حلقت بسقف الغرفة ، لتجد صوت الرسائل فتظنها من حازم ، تمد

يديها لهاتفها مبتسمة فإذا بالرقم ذاته و قد أرسل رسالة جديدة و هي

(بصراحة اللي عملتيه انهاردة في حازم كان في الجون شابو)

كان متجها للنوم عندما عاودت الاتصال ، استغرب حازم و رد مداعبا : ايه الحكاية ،

أنا مش واخذ ع الرضا ده كله
ردت ببالغ ضيقها : حازم أنا عاوزك في موضوع مهم
شعر بالقلق و أجابها : خير يا ندى
ندى : مش حينفع في التليفون ، ممكن تيجي بكرة
رد حازم و قد زاد قلقه : حاضر ، بكرة إن شاء الله حاكون عندك

مساء اليوم التالي
انتفض علي إثر ما سمع منها و قال : اسمعي يا ندى ، لو أنتِ مش عايزيني أوصلك
ماشى ، ممكن أخلي إبراهيم يوصلك ، لكن خروج لوحده خلاص
وقفت قبالتة و قالت : أنا مبقتش فاهمة حاجة ، أنت تعرف مين بيعت الرسائل
حازم : تقريبا ، بس مش عايزك تقلقي ، أنا حاتصرف
ردت بقلق : أنا مش عايزة أندم أني قولتلك ، أنا قولتلك عشان مليش غيرك
ابتسم لها و رد : متصوريش فرحتي قد ايه ، بتصرفك ده ، أنا عايزك تعرفي أنك
مسئولة مني بجد ، و أي حد يضايقك لازم تقولي ، اتفقنا
ندى : اتفقنا بس قولي حتعمل ايه
حازم : متخافيش يا ندى ، متخافيش

كان يجلس أمام حاسوبه حين دق جرس الباب ، فتح هشام الباب ليجد أمامه حازم
فهتف ساخرا : شيخ حازم في بيتي اهلا بيك يا أخ حازم ، مش شايف انها زيارة غريبة
شوية لواحد فاسق زي

دخل حازم ثم أغلق الباب خلفه و قال : ازيك يا هشام

رد هشام و هو لايزال علي سخريته : ازيك أنت يا حازم ، مبروك ع الخطوبة مع أنك معزمتيش بس ملحوقة في الفرحة أنا أكيد جاي ، و اهو أشوف ميس ندى في الفستان الابيض

رقمه حازم بغيظ لكنه استطرد : عقبالي كده لما الاقي واحدة زيها ، تطرقعلي لما اروح اوصلها و اتكيس

قالها ثم ضحك بشدة ، مما دفع حازم لجذب ذارعه بقوة متشبثا به و هو يسأل متوعدا : هات من الاخر و قول أنت عايز ايه

أبعد هشام يده و رد بابتسامة ساخرة : أنت عايش الدور أوي ، طول عمرك ممثل شاطر ، لكن مش علي حد عجنك و خبزك ، حتفضل تلعب دور الشيخ التايب ده كثير ، أنا مش ندى و عيلتها و لا دادا محاسن ، أنا أكثر واحد فاهمك يا حوت و لا نسيت

ابتسم حازم و تركه ثم اتجه للجلوس وضعا قدم فوق قدم ثم رد : لا منسيتش ، الظاهر إن أنت اللي نسيت و أني لازم أفكرك ، و أنا لو فكرتك حازعلك و أنت عارف لو حازم الحوت قرر يزعل حد بيعمل ايه

اتجه هشام ليجلس قابله و هتف : ايوة بقي ، هو ده حازم اللي أنا عارفه ، حازم اللي لما ميعرفش يطول واحدة ، بيشفو كل السكك لحد ما يطولها ، و ده اللي قولتوا لندی يوم ما خرجت وراها لكن طبعا مصدقنيتش

أعدل حازم و إنزل قدمه ثم أسند مرفقه عليها و قد نظر لهشام بحدة و رد : و عمرها ما حتصدقك مهما قولت ، فيا ريت تريح نفسك و تسيك بقي من موضوع ندى و تعالي نتكلم (مان تو مان)

رد هشام بابتسامة ساخرة : ده ايه الثقة دي كلها ، طبعاً ما أنت عرفت تأكل الحاج

حامد في الاعتكاف و راجل صدقك و قال أنك زي الفل

ابتسم حازم ثم قام من مكانه و اتجه لهشام و قد أمسك بجانب مقعده و أكمل :

الظاهر مكنش المفروض استهون بيك يا اتش

رد هشام بحدة : تلميذك يا حوت

أعدل حازم و رد : طب اسمع بقي يا هشام ، اسمع يا تلميذي النجيب ، قبل ما

تلاعب أستاذك أحب أفكر بكام شغلة علي رأي جولي

عقد ذراعه أمام صدره و نظر لهشام بتحدي و تابع : فاكر منة الدبريني

وقف هشام و قد انزعج و قبل أي رد قال حازم : الصور و الفيديوهات اللي تخصص

منة لسه عندي ، و أنت عارف إن عم منة نفسه يعرف مين اللي عمل كده في بنت اخو

، مين كان سبب في انتحارها ، الظاهر أنت مش باقي علي عمرك

صمت هشام و قد صدمه ما سمع ، لم يعقب بكلمة ، وقف حازم قبالبته ثم اكمل و هو

يدور حوله : طب فاكر الشيكات اللي كانت بدون رصيد ، علي فكرة لسه عندي ،

طب فاكر وصل الامانة اللي مضيته يوم ما دفعتلك فلوس القمار ، يومها البودي

جارديز بتوع البار اتلموا عليك عشان يضربوك علقة موت لولا أنني نجدتك من أيدهم ،

لعلمك كل ده ممكن يروح النيابة

ابتلع هشام ريقه و رد : الاستاذ حيفضل استاذ برضو

وضع حازم يده علي كتفه و رد بابتسامة باردة : شوفت بقي ، لعلمك لسة فاضل حاجة

، فون صغير عن شقة المعادي و اللي بيحصل فيها كفيل يوديك في داهية ، و ده لأن

عقد الشقة باسمك

ثم وضع يده علي جبهته قائلا : ايه تاني يا حازم يا صاوي ، ايه تاني يا حازم يا صاوي ،
اممم أنا باقول كفاية عليك كده

ببالغ الشعور بالغل رد هشام : أكيد كفاية ، باعتذر يا حازم بيه

حازم : كويس اوي ، يبقى تشيل ندى من دماغك و ملكش دعوة بفريدة هانم ، و لا
اشوف وشك تاني ، و ليك عليا أنساك و أنسي أي حاجة تخصك معايا ، deal يا
اتش

رد هشام ببالح ياسه : deal يا حازم

التفت حازم ليخرج ثم رجع و قال : علي فكرة مصدر معلوماتك اللي قالك إن ندى
كانت متجوزة عرفي ابقني غيروا و بلاش انت بالذات تكلم علي شرف حد ، أنا و أنت
عارفين إنني لما اتجوزت الانسة نيرة مكنتش ساعتها الانسة نيرة ، و إن كنت ناسي
أفكرك

تنهد حازم و قرر أن ينهي كلامه قائلا : الوداع بقي يا اتش لانني مش ناوي أشوف وشك
تاني ، سلام

قالها و صفع الباب خلفه ، فضرب هشام يده بالباب هاتفيا : فعلا يا حازم الوداع و
للابد

(17)

أشرف : هو ده بيرحم دولي و لا محلي ، يا عم الحوت الرحمة حلوة
حازم : ايه يا عم منك له ، هو الاقر كده عيني عينك
هشام : مش قري يا حازم بس ارحم شوية أنت معاك رجالة علي الارض يا أخي
رد بغروره المعتاد : و أنا اعملكم ايه ما هما اللي بيجرؤا ورايا ، المهم اللي اسمها منة
دي سكتها ايه و في النادي من امتي
أشرف : أنتم ناويين تدخلوها الموسوعة
حازم : و ليه لا
بدأ هشام يمعن فيها النظر و هو يقول : ماشي
أشرف : وش كده طب ناويين علي ايه
حازم : شقة المعادي طبعاً
رد هشام بتحدي : بعد قد ايه
أمعن حازم النظر فيها و رد : شهر كويس
هشام : خاليهم اتنين
ضحك حازم ساخرا و رد : ده أنا مرضيتش اقول اسبوع
هشام : ماشي يا عم الحوت اخلص علي كام
حازم : 5 ازايز
أشرف : الرهان علي ازايز و لا فلوس
حازم : لا 5 ازايز ويسكي ، بس أنا مش ناوي ادخل المنافسة دي خاليها بينك و بين
أشرف
أشرف : طب حنقول لعصام
حازم : قوله ، هو فين من الصبح مجاش انهارده
هشام : لا انا شفته و بعدين مفتاح شقة المعادي معاه ، هو اللي كان عليه الدور
الاسبوع ده

قام حازم من مكانه مقررا الانصراف و قال : أنا حاشوفه و أنا خارج
و قبل تركهم بدقيقة التفت لهشام التفافة أخيرة و همس في أذنه : اديني سيتهالك
اهو وريني بقي حتعمل ليه و حتعرف تأخذ مني الازايز و لا لا
زاد تحدي هشام و رد : حتشوف يا حازم

زفر بقوة و هو يدخن سيجارته الخامسة ولايزال يتذكر ذلك اليوم الذي راهن فيه حازم
علي منة و كل محاولاته من أجل الايقاع بها حتي صدقته و نالت نصيها من زيارة شقة
المعادي ، زفر أكثر و هو يقول في نفسه : بعد كل ده عايز تعمل نفسك برئ و تمثل
دور النضيف ، احنا حسابنا تقل اوي و إذا أنت اللي ناسي فأنا اللي حافرك مش بعد
كل اللي عملته عايز كمان تتجوز واحدة محترمة و تعيش مبسوط و لا كأنك كنت
بتعمل حاجة ، زفر أكثر حتي سمع صوت من خلفه يقاطع شروده سائلا : ايه يا اتش ،
ايه حكايتك بقالك كام شهر مش علي بعضك

هشام وهو يزفر دخانه بغل : مفيش

جلس أشرف إلي جواره و سأل : حتروح كتب كتاب حازم

هشام : هو قالك

أشرف : لا طبعا ما أنت عارف إنه بقاله مدة مستندل معنا

رد هشام ساخرا : ايوة من ساعة ما تاب عقبال عندك

ضحك أشرف و رد : تاب مين يا عم أنت مصدق ، دي شكلها لعبة علشان يتجوز

اللي اسمها ندى ، ده حازم الحوت يا ابني ، ده لو إبليس تاب حازم مش حيعملها

زفر هشام متذكرا كلماته لندي يوم خرج خلفها ، قال الحقيقة و لكنها مغيبة لا تدري

إلي الان أين وضعت نفسها ، كل شئ دائما من نصيب حازم الصاوي لأن المال تأثيره

أقوي ، هي الان تريده و لكنها ستدفع يوما الثمن

ضربه أشرف علي كتفه هاتفا : أنت روحت فين ، لا ده أنت مش طبعي ، مالك يا

هشام

قام هشام من مكانه دون رد : أنت عايز حاجة
رد أشرف ببالغ ضيقه : لا يا عم غور أنت اصلا قرفطني

أتكى علي التسريحة لينظر لنفسه بعدما أنتهي من ارتداء بدلتته ، اتسعت ابتسامته و لكنه لا يعرف أهي ابتسامة حازم الصاوي لسعادته ببداية جديدة ، أم ابتسامة حازم الحوت لأنه زفر كعادته بما أراد ، تنهد بقوة و قرب يده من المصحف و حين لمسَه قال في نفسه : مفيش حد مصدق إن حازم الحوت ممكن يجي عليه يوم و يتوب ، أنا نفسي مش مصدق ، و يا عالم لو ندى عرفت الحقيقة حتصدق و لاء
زفر ثم أكمل و قد نظر لنفسه بالمرآة : هي فاكرة أني كنت متجوز جوليا و نيرة و طلقتهم و بس ، يا تري لو عرفت إن نيرة و جوليا دول كانوا نقطة في بحر الحوت حتعمل ايه ، لو عرفت إن جوليا كانت علاقة في الحرام و بس حتشوفني ازاى ، يا تري حيبي يوم ازهق من ندى و لو جيه اليوم ده ، يا تري أنا حاعمل في ندى ايه ؟؟؟

أما هي فكانت تنظر نظرة أخيرة للمرآة و الابتسامة تشع من وجنتيها ، اليوم سيكلل شعورها بالسعادة و ستجاور يدها يدها للابد ، هتفت فيها نيفين قائلة ، حازم و عصام وصلوا تحت

تنهدت ثم نظرت سريعا لفستانها الوردى و حجابها ثم حملت حقيبتها و نزلت ، في سيارة حازم ركبت دادا محاسن و نيفين ولوجي في الخلف بينما ندى في الأمام
في سيارة عصام ركب طارق في الأمام بينما شريفة وأحلام في الخلف ، انطلقت السيارات باتجاه قاعة المناسبات بأحادي المساجد ، و في الطريق قرر عصام إضفاء المرح فحاول أن يسابق حازم إلي طريق القاعة ، يسبق تارة ثم يسبق حازم تارة وفي

الخلف دادا محاسن تتمم : استر يا رب من حازم وعصام
ضحك حازم و هو ضغط زمور السيارة أعلي مما كان يفعل عصام و علق : هو اللي
ابتدي يا دادا

اخيرا وصلت السياراتاتان ، نزلت محاسن وشريفة موجهتان كلامهم لعصام وحازم : احنا
دمنا نشف حرام عليكم

خرج نبيل الذي كان ينتظرهم و سأل : أنتم اتأخرتوا كده ليه
ردت شريفة و هي تنظر لعصام و حازم : مفيش كانوا عاملين يجروا ورا بعض بالعربيات
وجه حازم كلامه لنبيل : ايه يا عمي مش يلا بقي
نبييل : ماشي يا ابني اتفضل

توجهوا إلي داخل القاعة المعدة داخل المسجد من أجل كتب الكتاب ، جلست ندى
بعيدا بعض الشئ لكي تشاهد وحولها كل البنات والسيدات يتابعون منضدة يتوسطها
المأذون علي يمينه نبيل وعلي يساره حازم ، ساد الصمت إلا من صوت المأذون والكل
يتابع ، مد حازم يده و مد نبيل يده و غطها ذاك المنديل الابيض ليبدأ المأذون كلماته
المحفوظة والمعتادة : قول ورايا يا استاذ نبييل ، زوجتك موكلتي الانسة ندى عماد عبد
الدايم السنهوري البكر الرشيد علي كتاب الله و سنة رسوله وعلي مذهب الأمام ابي
حنيفة النعمان وعلي الصداق المسمي بيننا

ثم إلي حازم ، و أنت يا استاذ حازم قول و رايا و أنا حازم رفعت حسان الصاوي قبلت
زواج موكلتك الانسة ندى عماد عبد الدايم البكر الرشيد علي كتاب الله وسنة رسوله
وعلي الصداق المسمي بيننا

وقع اسم رفعت حسان للوهلة الاولي علي أذن نبييل ، لكنه قال في نفسه : اكيد تشابه
في الاسماء

بدأت الاجراءات الكتابية لتحين لحظة إمضاء نبييل نظر قبل الامضاء نظرة سريعة علي
اسم الاب واسم الام الذي يخص حازم

اسم الاب : رفعت حسان عبد الحميد الصاوي

اسم الام : فريدة نور الدين علام

ليشعر و كأن زلزال اجتاحه و هو لا يدري كيف سبيل الخروج متمتما في نفسه : رفعت حسان و فريدة علام ، مستحيل نظر لأحلام و التي فهمت حينها ما الذي كانت تعنيه نظرته ، قاطعه صوت حازم و هو يعطيه القلم : إمضاتك يا عمي

رفع نبيل وجهه يتفرس ملامح حازم وقعت نظراته في قلب ندى و اشعرتها بالقلق فسألت نيفين التي كانت تشاهد : في ايه يا نيفين استغربت نيفين و ردت : مش عارفة عمو نبيل ماله أعاد حازم الجملة مرة اخري و قد شعر بالقلق : إمضاتك يا عمي

تههد نبيل ، نظر لحازم ثم نظر لابنة اخيه غير مصدق أن أحلام قد وضعته في هذا الموقف ، بدأت كلمات عماد تناسب علي ذاكرته ، فأمسك بالقلم لتخرج إمضاتة بايدي مرتعشة

زفر المأذون و قال : أمضت الشهود ، استاذ عصام و الحاج حامد و عندها سحب عصام المنديل بسرعة ووضعه في جيبه وسط ضحك الحاضرين ، إلا أن حازم قد وقع في نفسه نظرات نبيل له ، و شعر كأنه أدرك عنه شيئا ربما هو نفسه لم يدركه ، انتهت الاجراءات إلي الانسة ندى لتضع إمضاتها ليعلن بعدها المأذون أن حازم رفعت الصاوي و ندى عماد عبد الدايم زوج و زوجة ، علا صوت الحاضرين بالمسجد (بارك الله لكما وبارك عليكما وجمع بينكما في خير وعلني خير ان شاء الله)

تقدم الحاضرين باتجاه العروسين لتهنئتهم ، بينما عين حازم كانت معلقة بندى ، فرحتها الصادقة فرضت عليه أن يتسم ، و يخشي في نفسه من نفسه أولا ، يحاول نسيان ما كان عليه مذكرا نفسه أن الغدر لم يكن يوما شمة رجل .

عندما حانت له فرصة تقدم نحوها و قد مد يده للمصافحة ، فقررت المزاح قائلة :
اسفة مش باسلم بالايدي

فأمسك بكلتا يديها و وضعهم بين يده و رد : أنا استثناء

تنهد و قالها مبتسم ثم همس : مبروك

ردت و قد كسي الحياء وجنتيها : الله يبارك فيك

قاطعتهم نيفين هاتفة : عايزة صورة بالصواب المزرقه دي ، بلا ارفعولي صوابكم كده
في وش الكاميرا

تجاوروا و ابتسموا بينما هناك من أثر متابعتهم ، إذا كان قلب نبيل يخفق بشدة كلما
نظر باتجاههم ، انتهت الصورة فنظر حازم له و توجه نحوه سائلا : يا عمي إن شاء الله
علي اتفقنا ، ممكن أخذ ندى و نخرج

شعر ببالغ القلق و سأل : حتروحوا فين

حازم : حنتعشي و نرجع علي طول

نبيل : حترجعوا الساعة كام

حازم : اللي حضرتك عايزه

نبيل : 9 و نص تكونوا في البيت و أنا حاكون عند أحلام مستيكم مش حامشي غير
لما ترجعوا

حازم : حاضر

اتجهوا للانصراف و طوال الطريق لم يشغل تفكير نبيل سوي مواجهة أحلام متمنيا في
نفسه أن تكذب كل ما يظن ، أخيرا توقفت السيارات و اتجهت شريفة مع نيفين إلي
منزلهم و تقدم طارق ليفتح الباب لأحلام و نبيل ، توجهت أحلام لأعداد الشاي بينما
جلس طارق و نبيل يتسامرون ، من آن لآخر ينظر في ساعة يده ثم ينظر لأحلام ،
تجاهل نظراته و تحاول التحدث في أي شئ حتي قاطعهم رنين هاتف طارق و الذي

استأذن منهم و اتجه للشرفة ليرد ، قررت أحلام عندها أن تنسحب للمطبخ بحجة أكواب الشاي ، لكن بمجرد وقوفها وقف نبيل قبالتها و قال بصوت هافت : استني يا أحلام ، أنا عايزك

حدة نظرة عينه كانت كفيلة بقتلها خوفا و هي ترد : خير يا نبيل

رغم حدته همس : اللي اتجوز ندى ده يبقى ابن رفعت حسان

زاغت عينها و نظرت للشرفة لعل من فيها ينجدها لكنه كان منهمكا في مكالمته فحاولت التهرب قائلة : و أنا حأعرف منين

نبيل : لو هما فأكيد أنتِ عارف الحقيقة و يا ريت

قاطعته و ردت : هما يا نبيل

لم يصدقها أو ربما تمني ذلك و سأل : متأكدة

ردت و لاتزال عيناها علي الشرفة : ايوة ، أنا كنت أعرف اسم الصاوي اللي هو مرضاش يستخدموا في التوكيل

رفع نبيل يده ليصفعها لكن دخول طارق اربكه و فرض عليه كظم غيظه ، نظر طارق لكليهما و سأل : ايه يا جماعة في حاجة

زفر نبيل و رد : لا أبدا

رد طارق : طب أنت معانا علي العشا انهاردة ، أنا نازل أجيب أوراق من واحد صاحبي و راجع تكون أحلام حضرت العشا

شعرت أحلام ببالغ الخوف و لم تعرف كيف تشيه و ما إن خرج حتي نظر نبيل لها نظرة بالغة الحدة و هتف :

جبانة طول عمرك جبانة يا أحلام لكن توصل لندی بنت أخونا ، هي دي وصية عماد ، أدخل بنته وسط

التعابين ، و لا اطلقها للمرة الثالثة

بكت و قد شعرت بالخوف و ردت : و أنت ناوي تطلقهم

نبيل : عايزني اسيب بنت اخويا تعيش مع ابن رفعت حسان ، مش ده اللي سرق فلوسك هو و مراته ، ازاي

مخفتيش علي ندى منهم

أحلام : انا كنت ناوية اتكلم بس لما لاقيتك بتقول لشريفة إنه كويس و إن جيرانه و الناس اللي اتعملت معاه في شغله قالولك عنه كويس ، قولى يمكن هو غير أهله ، و بلاش أبوظ علي ندى فرحتها ، ندى بتجبه و هو كمان بيعبها و هما الاتنين ملهوش ذنب في اللي كان بيني و بين أهله ، و أنا مسامحة و بكده

الموضوع يتقفل

نبيل : أنت ايه السداجة اللي أنت فيها دي ، أنت فاكرة انك لما تسامحيهم ساعتها مش حيقوا سرقوا الفلوس ، أنت حفضلي كده لحد امتي ، بجنبك ده ضيعتي حقك من 27 سنة أول لما فريدة جاتلك البيت و هددتك ، ساعتها وقفتي القضية و قولت لنا الطيب احسن ، اللي زيك يا أحلام هموا اللي بيخالوا لناس زي فريدة و رفعت قيمة بسكوتهم عن حقوقهم بس أنا بقي مش ناوي اسكت ، مش حاسيب بنت اخويا تعيش مع ابن حسان مهما حصل

أحلام : حرام عليك يا نبيل دي تالت مرة لندى كده الناس حتقول ايه علي ندى ، ليه تالت عريس أجوزها و طلقها

نبيل : و ليه مفكرتيش في الكلام ده و أنت ساكته و مش عايزة تتكلمي محستيش ساعتها أنه حرام ، هي دي الامانة اللي سابها عماد

انهارت أحلام بالبكاء و هي تقول : أنا مفكرتش في كل ده انا كنت عايزة بنت اخويا سعيدة ومرضيتش اكلم علشان مضيعش فرحتها

نبيل : اسكتي يا أحلام اسكتي ، أنا اللي مش عارف دلوقتي اعمل ايه ، ربنا يستر

عند التاسعة و النصف أوقف السيارة أمام منزلهم نظر إلي ندى و ابتسم و قال : خلاص حننزل و امشي

ابتسمت و ردت : هانت كلها شهر و نكون مع بعض علي طول
قبل يدها التي لم يتركها منذ خروجهم من المسجد و رد : حتوحشني
شعرت ببالح الحرج و ردت : طب يلا احنا كده حنفضل في العربية للصبح
رد حازم و هو ينزل من السيارة : يا ريت

توجهت إلي باب بيتها لفتحها ، فأطل الحوت بداخله يمينه باستغلال الموقف عند
مدخل البيت ، فتحت الباب و دخلت فدخل خلفها و أغلق الباب برفق حتي لا يشعر
أحد أنهم أتوا صعدت ندى بعض السلالم فصعد خلفها وبعد ما تقدمت بدرجات عنه
أوقفها بصوته الخافت : ندى

وقفت فصعد الدرجات المتبقية ليقف وجها لوجه أمامها ، أشعرها إقترابه بشئ من
الامتعاض فحاولت الصعود إلا أنه أبي ، أمسك يدها ناظرا في عيناها سائلا : ندى
أنتِ بشقي فيا

استغربت سؤاله و ردت : طبعا يا حازم بأثق فيك

حازم : و أنا اوعدك إن عمري ما حاضيع الثقة دي و حاثبتلك إنها في محلها
ابتسمت حين أمسك بيدها و صعد بها ما تبقي حتي وصلوا أمام باب شقتها و طرقة ،
فتحت شريفة الباب و قالت : مواعيدك مطبوعة يا بشمهندس ، اتفضل يا ابني
رد حازم : الامانة اهي يا طنط 9 و نص زي ما عمي قال

شريفة : دي دلوقتي مراتك أنت يا حازم يعني الامانة عندك مش عندنا

حازم : يعني اخدها و انزل

ندى : انت ما صدقت و لا ايه لا لسه شهر

شريفة : طب ما تدخل يا ابني

حازم : لا خلاص علشان متأخرش علي لوجي ، لو احتاجتوا حاجة كلموني

ثم نظرة أخيرة إلي ندى قائلا : لو احتاجتي حاجة كلميني

ندى : مع السلامة

اتجه إلي مدخل البيت بينما أغلقت ندى بابها ، شعر به نبيل فانطلق باتجاه باب شقة أحلام ليفتحه مستوقفا حازم و هو يسأل : أنتم رجعتوا أمتي ؟

حازم : دلوقتي حالا ، و ندى فوق

بدت علي نبيل نظرات القلق والاضطراب فقاطعه حازم بسؤاله : في حاجة قلقاك علي ندى يا عمي

نبيل : أنت ليه بتقول كده

حازم : أنا حسيت كده و حضرتك بتكتب الكتاب ، يا عمي أنا أب و مقدر خوفك علي بنت أخوك ، و كل اللي أقدر اوعد حضرتك بيه إن اللي عمري ما حاقله علي لوجي عمري ما حاعمله في ندى ، أنا ربنا اداني فرصة أعيش مع ندى و لوجي الحياة اللي أي راجل يتمني يعيشها ، أنا اللي محتاج وجودهم في حياتي ، و هما معايا أنا اللي بأحس بالامان مش هما

ثم ابتسم و أكمل : تفتكر لو حد ربنا اداله الفرصة دي ممكن يضيعها

شعر نبيل أن الكلمات الجمته ، لكنه نظر هنيهة لعينه كمن يريد أن يكشف سرها ثم رد بهدوء : أنا حاصدق وعدك ، بس أوعدك أنك لو في يوم فكرت تخون الوعد ده ، إنني حادفعك التمن الغالي ، ندى بنتي قبل ما تكون بنت أخويا ، و لو فكرت تستضعفها حتندم

علا الاستغراب ملامح وجه حازم و لم يدرك لما خرجت الكلمات قاسية إلي هذا الحد ، هل من سر تخفيه تلك الحدة ، أم أنها مجرد توصية ، لم يسمح له نبيل بالتفكير و هو يوصله حتي باب سيارته و يودعه بجملة واحدة : يا ريت تكون فهمت كلامي يا باشمهندس

(18)

يوم الزفاف

حازم

استيقظ علي اذان الفجر ليبدأ يوماً ليس كأى يوم ، واخيراً!!!!!!؛ هكذا قال في نفسه ثم زفر حين نزل من فراشه و توجه إلي المسجد ليصلي الفجر ، بطريق عودته كان يخالجه شعور لم يتوقع أن يشعر به ، لقد شعر بالندم ، لم يفهم لما هذا الشعور الآن ، لكن شيئاً بداخله كان يهتف ؛ و من تكون ندى في بحر من عرف ؟، قائلاً لنفسه : أنتِ بجد مصدق نفسك ، مصدق أنك تقدر تبقي حد تاني غير حازم الحوت ، أنتِ حفضل عايش الدور لحد أمتي ، فعلا بتحبها و لا فرحان بلعبة جديدة حتجربها ، طب ندى مش صعبانة عليك ، مش جايز أحبها و فعلا أعيش معها كل اللي نفسي فيه ، سخرت منه نفسه و قالت : ندى تفتكر واحدة زي ندى دي ممكن تملي عينك يا حوت ، يا راجل ده أنت كنت بتغير البنات زي كرافتات البدل ، مهما عملت ندى و مهما حاولت حتفضل أنت الحوت ، الحوت و بس ، فاكر كل اصحابك كانوا بيقولوا ايه ، لو إبليس تاب أنت ملكش توبة كانت فريدة تتابعه و هو يجول بالحديقة و قد علت نظرة تشفي وجهها ، إذ أنها رأت الندم بعينه حتي من قبل أن يبدأ

ندى

أتمت صلاة الفجر و توجهت إلي غرفتها تريد أن تنام حتي ميعاد خروجها للكوافير و لكن القلق ساورها فانطلقت كل مشاعر القلق علي رأسها دفعة واحدة و سؤال لاح بالافق ؛ ماذا لو كان يكذب ؟ لتقول في نفسها :

معقول يعني بعد ما كان متجوز نيرة و جوليا يحب واحدة عكسهم تماماً ، حيقدر

ينسأهم ، حيتوب و لا حيوحشه الجو القديم بتفاصيله و أصحابه ، و أنت روحتي فين
يا ندى ، أنا ؟ هو معقولة أني أقدر أنافس نيرة و جوليا ، ما هو لو حب واحدة منهم
بجد مكنش أختارك أنت ، أنت حاجة تانية عند حازم يا ندى ، أنت حاجة تانية و ده
جوزك يا ندى ، جوزك أنت

عصام

استيقظ عند العاشرة ، كان يشعر بالسعادة ليس فقط من أجل حازم و ندى و لا لأن
لوجي بات لديها أم أفضل من نيرة ، بل تمنى في نفسه أن تنتهي مراسم زواج ندى
لتبدأ مراسم زواج نيفين ، غسل وجهه ثم نظر للمرأة قائلاً : يا سلام يا عصام لو نيفين
دي تبقي من نصيبك البت دي لاقية عليا بشكل وحش
تنهد ثم اكمل و هو يسحب المنشفة : يا ما نفسي أنا كمان اتصور بصباغي المزرق كده
، يا رب البت دي تكون من نصيبي
خرج من الحمام وحين خروجه صدم قدمه بالباب فألمه فصرخ : انا عايز
صباغ إيدي اللي يزرق مش صباغ رجلي

نيفين

وقفت أمام دولابها و هي شاردة فيما سترتيه اليوم ، تذكرت شئ فبدأت تضحك ملئ
فيها و هي تضرب كفا بكف فقطعتها ندى سائلة : بتضحكي علي ايه خير
فاقت نيفين من شرودها و ردت : أنت كنتي بتقولي حاجة
ندى : خير القمر معانا علي الارض و لا في المريخ

نيفين : في ايه يا ندى المفروض إن أنا اللي اشتغل عليك انهارده ، مش أنتِ
ندى : المفروض بس البيت ده مش محسسي خالص إن أنا العروسة و كمان حضرتك
سرحانة و مسخسخة خير افكرتي ايه ، ضحكيني معاكي
نيفين : ابدًا و الله ، افكرت يوم كتب كتابك فقعدت اضحك
لفت ندى ذراعها حول كتف نيفين و قالت : امم افكرتي عصام ، مش كده
تلعثمت نيفين و ردت : ايه يا بنتي الكلام ده أنتِ دماغك راحت بعيد ، الموضوع كله
موقف و ضحكيني
ندى : يعني مش معجبة بيه
صمتت و قد شعرت بالخجل فأكملت ندى : عموما يا نيفين أنا عايزكي بس تخلي
بالك من نفسك ونصيحتي الوحيدة لكي (من تعجل شيئًا قبل اوانه عقب بحرمانه)
نيفين : ايه يا بنتي كل ده انا ----- أنا بس افكرته لما سحب
المنديل ، شكله كان يضحك
ندى : و ساعتها راح بصلك أنتِ و طبعا فاهمة معني ده ايه
ابتسمت نيفين بخجل و سألت : أنتِ أخذتي بالك
ندى : ايوة و بجد لو فعلا عايزك يا نيفين يبقى يدخل البيت من بابيه ، فاهمني طبعا
نيفين أومت برأسها و ردت : فاهمكي ، متخافش عليا يا وحش وراك رجالة
ندى : وحش و حوت ، تصدقي إن أنا بدأت أتوغوش
ضحكت نيفين و ردت : أتوغوش ، ربنا يستر و الاخ حازم مياخودش صدمة عمره
ندى مازحة : ادعيه

هاتف حازم ندى لتستعد لتوصيلها للكوافير ، أنهى المكالمة و توجه لغرفة مكتبه ،

فتح أحد أدارجه ليخرج منها بعض الاوراق منها قسيمة الزواج الخاصة به و مفتاح

الشالية ، نادي محاسن فأتت مسرعة ليسألها : اخبار الشالية ايه يا دادا

محاسن : كله تمام يا ابني و انا حاسبقك مع عم ابراهيم زي ما طلبت ، عايز مني

حاجة تانية

حازم : لا يا دادا عموما الفرح حيخلص بدري أنا متفق يخلص 10 و حاطلع انا و ندى

علي طول ، إن شاء الله نكون عندك علي حوالي 12 أو 1 بالكثير

محاسن : تيجوا بالسلامة يا ابني و ربنا يتمملك علي خير

بمجرد خروج حازم خرجت فريدة من غرفتها و صفعت خلفها الباب ، اتجهت لغرفة

لوجي التي كانت تضع فستانها الابيض علي السرير و تضع بجواره حذائها ، نظرت

لوجي لها بوجه تعلقه الابتسامة قائلة : شوفني يا آنة الفستان بتاعي علشان حروح فرح

بابي

ردت فريدة بضيق : حلو يا لوجي

تركتها و توجهت للاسفل نظرت لغرفة مكتبه و للحقيبة التي أعدها حازم لسفروه و

لمفتاح الشالية توجهت لتأكد و قد أمسكت المفتاح بيدها قائلة : كمان مفتاح الشالية

ده علي اعتبار أنك فاكرها حتعملك شهر غسل

قذفت بالمفتاح فوق قسيمة الزواج ، أشاحت بوجهها عنها و همت لتخرج و لكن

الفضول جعلها تقترب لتنظر فيها ، مدت يدها و هي تنظر لصورة ابنها تجاور صورة

ندى رمقت صورتها بكل غيظ و همت لتضع الاوراق لكنها لمحت اسم كأنها تعرفه ،

أعدت الاوراق ليدها لتقرأها جيدا ، نظرت لاسم ندى فامتلكتها رجفة في قلبها ، و

غصة في حلقها ، أعادت الاسم علي مسامعها بصوت أعلي : ندى عماد عبد الدايم

السنهوري معقولة ، عبد الدايم السنهوري

تفحصت الأوراق مرة أخري كمن تريد تكذيب ما تري ، لكنها الحقيقة ، عندها هوت

علي أقرب مقعد هاتفية : أحلام ----- أحلام عبد الدايم
السنهوري ، بعد 27 سنة يا أحلام راجعة تنتقمي من ابني ، ماشي أوعدك إن التمن
حيكون غالي أوي

اعتدلت في جالستها ومدت يدها إلي السيجارة التي كانت في يد من يجلس إلي
جوارها ، خرجت أنفاسها بضيق ، فنظر لوجهها و سأل : أنت مالك انهاردة يا ناني
مش في المود علي فكرة

ابتسمت ساخرة و ردت : لا ازاي بقي ، ده انهاردة فرح حازم الحوت يعني لازم ابقي
في المود و في المود أوي

زفرت بضيق ثم تابعت : ماشي يا عم حازم بكرة نشوف حتعمل ايه مع اللي اسمها ندى
هيثم : أنت غيرانة ولا ايه

قامت نيرة من مكانها لتبدل ملابسها و ردت حينها بغیظ و هي تطفئ سيجارتها : أغير
، أغير علي مين ، علي حازم ، أنا عمري ما كرهت في حياتي حد قده أنا بس مكنتش
أحب إنه بعد ما كان متجوز نيرة ، يتجوز البتاعة دي اللي اسمها ندى

ضحك هيثم و رد : دي وقعت في شر اعمالها إلا لو كان تاب بقي ، و راح اعتكف و
الفيلم ده

علت ضحكات نيرة ساخرة : تاب ، أنت بتهزر حازم مين اللي يتوب ، أنا متأكدة إنه
انهاردة مش طايق نفسه و كل مشكلته إنه كان نفسه يطول ندى و معرفش ، عارف أنت
هما يومين بالكثير و بعدها حيعملها زي الزفت لحد ما تطلب الطلاق

أمسك بسيجارة جديدة ، فقام من مكانه ليشعلها لها ، ابتسمت و خرجت من غرفة
النوم فخرج هو خلفها فأكملت : أنا رايحة الفرحة انهارده ، ما تيجي تتفرج و لا

خايف من أشرف

نظر لها هيثم و قد وقفت أمام باب شقته ، حوطها بذراعيه و رد ساخرا : و أنا من امتي
بخاف منه

ضحكت و ردت : لاء و نعمة الاصحاب

ضحك و سأل : طب أنا حاشوفك امتي تاني و لا أنتِ بتخافي من أشرف

ضحكت بشدة و ردت ساخرة : و أنا من امتي بخاف منه

هيثم : أنتِ حتشتغليني بقي أنا مش قدك يا نيرة

التفتت بدلال و هي تخرج من باب الشقة و ردت : أنا حاكلمك ، باي مؤقتا

باللحظات الأخيرة ، حازم في غرفته يحاول كتمان همه و بالغ شعوره بالندم ، فريدة في غرفتها تتألق من أجل
حضور عرس ابنها ، فهي لن تتركه لعائلة السنهوري مهما كلفها الثمن ، شريفة و أحلام و نبيل و طارق أمام
باب المنزل ليركبوا سيارة نبيل باتجاه القاعة ، عصام ركب سيارته باتجاه فيلا حازم ، نيرة في أبهي زينة و قد
ركبت إلي جوار أشرف باتجاه حضور الفرح

أما نيفين و ندى فكانوا بالكوافير بانتظار أن يأتي العريس لعروسه ، لحظات كان حازم و لوجي و محاسن أمام
باب الفيلا من أجل الخروج ، حينها علا زامور سيارة عصام و هو يدخل للفيلا ، اتجهوا للخروج فاستوقفهم

صوت فريدة هاتفة : حازم ، استني ----- انا جاية معاكم

التفت حازم ليرها في فستان مميز ، فابتسم و هو يسأل : حتيجي معانا

اقتربت فريدة منه ، فتحت ذراعيها لتحتضنه قائلة : ايوة يا حبيبي ، مبروك يا حازم

حينها اطلقت محاسن عدة زغاريد متتالية و كأنها المرة الاولي التي سيتزوج فيها حازم

اتجه عصام بحازم إلي الكوافير بينما اتجهت فريدة و محاسن و لوجي إلي القاعة ،
لحظات تفصل فريدة عن التأكد مما تشك فيه ؛ هل ندى بنت عائلة السنهوري أم
مجرد تشابه

وصلت سيارة نبيل أمام القاعة نزلت أحلام و شريفة ، ليتوجهوا إلي قاعة السيدات بينما
توجه طارق و نبيل إلي قاعة الرجال
قالت شريفة لأحلام : انا حاقف أستقبل الناس هنا علي الباب خاليكي معايا بدل ما
اقف لوحدي

أجابتها أحلام : طب حاحط الشنط علي ترايبزة قدامنا و ارجع اقف معاكي
توقفت سيارة فريدة أمام القاعة ، و بخطوات تملأها الثقة اتجهت للداخل ، في المقابل
كانت أحلام تتجه بتمهل لتقف إلي جوار شريفة ، استأذنتها شريفة لدخول الحمام
فوقفت أحلام عند المدخل ، تذكرت هاتفها المحمول فعادت لحقيبتها و أخرجته ،
خطوة من فريدة تقابلها خطوة من أحلام ، أو خطوة من أحلام تقابلها خطوة من فريدة
خطوة أمام خطوة أمام خطوة حتي -----

ألتقي الاثنين عند مدخل القاعة فهتفوا سويا

أحلام : فريدة

فريدة : أحلام

أمام الكوافير ترجل حازم ليأخذ ندى ، وجد نفسه يزفر بضيقا لم يتوقعه ، نظر إليها
ليجدها مبهرة ، كم كانت رائعة و فاتنة ، لكنها لم تحرك فيه ساكنا بل علي العكس

شعر بالحزن لان ليلته لن تكون كسابق ليليه ، ركبوا السيارة واتجوا إلي القاعة و عندها شعرت ندى به ، لم يكن بحاجة للكلام لتسمعه ، لقد فهمت ما يجول بخاطره ، هل كره الذئب دور الحمل ، فقرر العودة لطبيعته ، نظرت لعينه لتسأل هل من إجابة شافية ، لكن عيناه خشت المواجهة فأشاح بوجهه و صمت ، فتأرجحت دمعة بين أهدابها ، امتنعت عن السقوط خشية أن تدنس ثوب عُرسها .

اضطرت نيفين للجلوس في المقعد الأمامي بجوار عصام ، تذكرها لكلام ندى كان كفيلا لتأثر هي الأخرى صمتها ، شعر عصام بها فصمت ، و الاصب لديه رؤيته لحازم الذي يعرفه ، شعر بالشفقة علي ندى لكنه يدرك أن حازم لم يكن يوما ليعرف نفسه أو ماذا يريد ، ابتسم مقررا أن يقطع الصمت كعادته ، فظل يضرب بالزموور و هو يزيد من سرعة السيارة حتي شعر أن ندى قد بدأت تبسم و ابتسامة أخري خافتة ارتسمت علي وجه حازم و قد ظهرت متكلفة .

وصلوا فكان الترحيب بالعروسين ، أوصل حازم ندى إلي القاعة المخصصة للسيدات حينها علا وجه نيرة بابتسامة عالية لما رأتها في عين حازم و لرؤيتها تلك الابتسامة المقتضية ، إذ أدركت أن الحوت لم يتحمل توبته .

في قاعة السيدات كل البنات التفوا حول ندى و معاهم الفرقة التي حضرت للإشاد ، بدأت الاناشيد و بدأت معها فرحة ندى بعرس كانت تتمناه لترضي به ربها و من حولها

في قاعة الرجال زفر بقوة و هو ينظر للرجال الجالسون أمامه ، أقترب أشرف و قال ساخرا : سعيكم مشكور يا حازم ، مش كنت تقولي كنت شوفتلك مقراً
رد حازم بضيق : معلش المرة الجاية حابقي أجيب

ضحك أشرف بشدة ليزداد شعوره بالضيق ، فيجد من يدخلون القاعة و يلتفون حوله ،
أصدقائه بالاعتكاف و الحاج حامد و فرقة إنشاد قد حضرت لإحياء عُرسه ،

اقترب عمرو و عليّ و زياد و علي ليسمعوا حازم لأول مرة اناشيد الافراح الاسلامية لم
يتوقع حازم أنه سيقوم من مكانه لكنه فوجئ بمرحهم و مزاحهم ، و بالنهاية حملوه
بأذرعهم و بدأوا بقذفه لأعلي و قد رفاقهم في ذلك عصام ، ليخرج صوت حازم علي
إثر ذلك مازحا : كفاية يا جماعة جبتوا أجلي

لم يتحمل أشرف أجواء الفرح فخرج ليقف أمام القاعة أملا في خروج أحدهن ،
لاحظه عصام فخرج خلفه ، حينها خرجت نيفين لترد علي هاتفها ، كانت تسير باتجاه
المدخل لتوصف المكان لأحدهم ، اتبعتها أشرف بنظراته بل و خطواته ، و ما إن
أغلقت الهاتف و التفتت حتي وجدته أمامها يستوقف طريقها و يسأل : معقول الشبه
ده ، أنتِ شبه العروسة اوي يا تري تقربيلها

استغربت نيفين من اعتراضه طريقها و ردت في حدة : في حاجة يا حضرت
أشرف : ابدأ بس نتعرف

نيفين : نعم

تدخل عصام جذبا أشرف من ذراعه سائلا : في حاجة

أشرف : ابدأ باتعرف علي الانسة بدل الفرح الناشف اللي جوه ده

نظر عصام لنيفين و قال في ضيق : ادخلي أنتِ

توجهت نيفين باتجاه القاعة وهي تنظر لعصام حينها رمقتها نيرة بنظرة غيظ لم تراها ،
حيث خرجت لتدخل سيجارتها بدلا من إجواء الفرح التي لم تلامها و بدأت في متابعة
أشرف و عصام ، حيث بدأ الثاني في حدة : أنا عارف إنه صعب تبقي محترم ، لو
مش قادر ، اتفضل مع السلامة

رد أشرف ببرود : و الله براحتي ، أنت شاييني علي دماغك

ثم أكمل ساخرا : ما بلاش دور الصديق الصدوق ده عشان مش لايق عليك نهائي ، ما

بلاش أنت يا عصام

تبادلا النظر بحدة فرد عصام بحدة : فعلا بلاش عشان عشان أنا لو بدأت حازعلك و

أنت عارفني لما بازعل

أشرف : لا و علي ايه الزعل ، ده فرح زومة ، ياما كان نفسي في كاسيين نشربهم في

صحة أعز صداقة و أعز أصحاب ، حازم و عصام

قالها و ضحك بشدة و اتجه عائدا للقاعة المخصصة للرجال ، كانت نيرة تزفر الدخان

من فمها و ما إن اقترب عصام حتي عقبته ساخرة : ايه بتغير و لا ايه يا عصام

ابتسم و رد ببالغ بروده : أنت أخذتي بالك ، كويس

نيرة : و طبعا قريبة الميس ندى ، مش كده

عصام : و أنت مالك

ردت بغيظ : ياااااااااا دلوقتي بقي مالي ، الله يرحم يا عم عصام

نظر لها باحتقار و رد : ده كان زمان اوي يا نيرة ، اللي فات مات

أمسكت يده ردت باستعطاف : لا مامتش يا عصام أنا لسه نيرة و أنت عارف أنت ايه

بالنسبالي

رد ساخرا : عارف ، أنا الكوبري اللي وصلتني به لحازم و فلوسه

ردت بأسى: لا يا عصام أنا لسة بحب -----

قاطعها و هو ينفذ يده و رد محتد : معلش أصلي متوضي

غير عبى بما مضى ، فتح باب القاعة المخصصة للرجال ثم أغلقه في وجهها ، حينها

تنهد و ابتسم و هو يقول في نفسه : يا رب يا نيفين تكوني من نصيبي

عند العاشرة انتهى الفرح وسط التبريكات و الامنيات بالسعادة التفتت ندى إلي السيارة

لتجاوز حازم الذي تولي مقعد القيادة باتجاه العين السخنة 3 ساعات تقريبا تفصلهم عن الوصول ، انتهى سلام ببعض الدموع حتي انطلقت السيارة بهم
لم يكن حازم بعد انتهاء الفرح مثل ما كان قبله ، تذكر أجواء الاعتكاف أعادت له الكثير مما كان يفقده ، فنظر لندی سعيدا بها و قال : مبروك يا قمر
رسمت علي وجهها ابتسامة مصطنعة و ردت : الله يبارك فيك
شعر بها و بما سببه لها من ضيق ، فقرر أن يحاول في استرجاع ابتسامتها فبدأ : مش
أنا اتحدفت في الهواء و كنت حاقع علي رقبتني
ابتسمت و ردت : بعد الشر عليك يا حبيبي
اتسعت ابتسامته فسأل : خايفة عليا
أمسك بيده و وضعتها علي خدها ثم قبلتها و قالت : مبقاش عندي اغلي منك اخاف
عليه
شعر ببالغ السعادة فعقب : أنتِ ناوية تقولي كلام حلو و لا ايه
ندی : أحلي كلام علي فكرة
حازم : طب ما تقولي حاجة حلوة كده
مزحت و ردت : هريسة
حازم : يا سلام
ندی : و ممكن بسبوسة
حازم : و ممكن كيك
ندی : و ممكن بحبك
أوقف سيارة فجأة و قال : هه
ضحكت و أكملت : أنا كمان بحبك أوي يا حازم
زاد استغرابه و هتف : أنا مش مصدق نفسي ، امال فين الوش الابلكاش
نظرت بعينه و ردت : ما خلاص بقى ، من هنا و رايح مفيش ، يا حبيبي ده أقل بكتير

من اللي تستاهل تسمعه

نظر حوله فزادت ضحكاتها و قال : أنت بتكلمني أنا

ردت بجديفة : أقولك أنا علي حاجة ، أنا أكثر حد شايفك صح ، شايفة قلبك الطيب
و كل الخير اللي فيك ، و عمري ما حألومك علي اللي فات ، أقولك علي سر من يوم
الاستخارة علي جوازنا و أنا دائما بأشوف رؤية جميلة أوي
حازم : ايه

ندى : باشوفك دائما في مكان واسع وقت الشروق ، قاعد تحت شجرة كبيرة و بتقري
قرآن و صوتك جميل و هادي و أنا لوجي بنجري ناحيتك بتبتسم لما تشوفنا و نقعد
جنبك و نسمعك

كانت تكذب لكنها شعرت أنها أصابت هدف ، لن تؤمره أو تنهيه ، بل ستبحث
بداخله عن أجمل ما فيه و ستعينه أن يظهر بسلالة دون حزم أو حدة ، فهي تخشي بعد
توبته الردة ، ستجعل رضا الله أسلوب حياة و لكن بتركها العنان للين و المودة .

تنهد و سأل : بجد يا ندى

ندى : عندك شك في كلامي

حازم : أكيد لاء

قالها و أعاد تدوير السيارة ليكملوا طريقهم و قد شعر ببالغ سعادته ، بعد ساعتين
ساد علي أغلبهم الصمت وصلوا ، عند باب الشالية كانت محاسن تنتظرهم ، نزلا من
السيارة واتجهوا إلي الداخل علي صوت زغاريدها و هي تقول بفرحة : مبروك ربنا
يسعدكم يا رب

ندى : الله يبارك فيكي يا دادا

حازم : الله يبارك فيكي

محاسن : انا حضرتلكم العشا و كل حاجة موجودة قدامكم اهه وانا بقي حانام ، تصبحوا
علي خير

قبل رأسها و قال : نادو ، أنا حأغير هدومي في الاوضة اللي جانبك دقايق و ارجعلك
و أنت بقي خدي راحتك
ردت بتردد : هو أنت ممكن تفضل بالبدلة
رد مستغريا : حانام ببدلتي
ندى وهي لا تزال مترددة : اصل ----- اصل ، انا كنت عامللك مفاجأة و ---
و كنت عايزة

تنفست و هي تحاول أن تخفي تلعثمها : كنت عايزك تفضل بالبدلة شوية

حازم وقد علا وجهه ابتسامة مملوءة بالاستغراب : طب بسيطة

ندى : طب اتفضل بقي بره الاوضة لحد ما اناديك

حازم : اتفضل ولا اطلع ولا ده اختبار ده كمان يا ندى

ندى : لا استناني برة شوية كده

حازم : بس مافيناش من حركات العيال وابات في الاخر في الاوضة اللي هناك

ندى : اوعدك مفيش حركات عيال

خرج حازم وسمع بعد خروجه المفتاح يغلق الباب فاعاد عليها : امال ايه ده بقي ،

مش حركات عيال دي

اتاه صوتها : يا اخي اصبر بقي

في الغرفة فتحت ندى حقيبتها و أخرجت فستان الزفاف الذي أعدته للمفاجأة ، كان

عاري الكتفين والظهر و قصير إلي الركبة ، تنهدت و هي تنظر اليه و لا تعرف كيف

باستطاعة غيرها ارتداء مثله أمام الناس ، قامت بارتدائه فشعرت بالخوف يدب في

كل اوصالها ، اسدلت شعرها و وضعت لمستها الاخيرة من عطر و زينة ثم ارتدت

حذاءها لتبدو عروسة بجمال الحور لو اطلت برأسها لافاضت الكون نور .

أخرجت الشموع و رتبتهها ، اضأت سلاسل الانوار التي اشترتها واخيرا وضعت هاتفها

علي الانشودة التي اعدتها ثم قالت في نفسها : ده جوزك يا ندى ، و جزء من التزامك

و رضاكي لربك أنك ترضيه ، إن حازم يحس الفرق الحقيقي بين اللي فات و اللي جاي
معاكي

ثم زفرت لعلها تهدياً ثم تمتمت : ربنا يستر

بدأت حركة المفتاح في الباب تعلن أنه آن الاوان ، إذ أتى صوتها بدلال : حازم ،
خلاص تعالي

بخطوات يملأها الشغف و الفضول دخل للغرفة ، رفع بصره ليري الاضاءة والشموع ،
يشم رائحة العطر التي ملأت كيانه بقدر ما ملأت المكان ، لكن ندى لم تكن أمامه
فالتفت خلفه لكي يراها ، تنهد بعمق حينها ، و قد همست في أذنه لتسأل : ايه رأيك

امسك يدها و ظل ينظر لها عاجزا عن الوصف ، علا الانبهار وجهه و خفق قلبه بشدة
و كأنها أول امرأة مرت علي بصره و قال : ندى

ردت بخجل : انا قولت مدام عملتلي الفرح اللي يرضي ربنا و يرضيني ، اعملك انا
كمان الفرح اللي يرضيك

شعرت ببعض الراحة فتابعت : مقولتش رأيك

ابتسم و حينها غاب الكلام فقد اكتفي بالنظر إليه ، سعادته أعطتها الشجاعة لتكمل
ما نوت فقالت بدلال : ممكن بقي العريس والعروسة يتفضلوا علي البيست مش اسمه
كده برضو

علت ضحكاته و هو يرد : ايوة اسمه كده بس ، احنا حنعمل ايه علي البيست

توجهوا إلي منتصف الغرفة و كانت قد ركزت الاضاءة في تلك الناحية و قالت :
حرقص سلو

حازم : ازاي بقي مش أنتِ مش بتسمعي أغاني

ندى : ايوة ما أنا ناوية اسمعك حاجة ثانية ، ممكن

توجهت خطوة نحو هاتفها و قامت بتشغيل الانشودة ، تقدمت خطوات نحو لتتلاقي
الانظار عندها الف بكلتا ذراعيه خصرها و الفت بكلتا ذراعيها عنقه لتتشد الانشودة

احبك مثلما أنتِ ----- احبك كيفما كنتي ----- ومهما كان مهما صار --
 ----- أنتِ حبيبتي أنتِ ----- زوجتي -----
 أنتِ حبيبتي أنتِ
 احبك مثلما أنتِ ----- احبك كيفما كنتي ----- ومهما كان
 مهما صار ----- أنتِ حبيبتي أنتِ ----- زوجتي -----
 ----- أنتِ حبيبتي أنتِ

أغمض عينه تاركا قلبه يسمع كلمات تولت وصف ما بداخله ، فأكتملت
 حلالي أنتِ لا اخشي عزولا همه مقتي ، لقد اذن الزمان لنا بوصل غير منبتي ، سقيتي
 الحب في قلبي بحسن الفعل والسمت ، يغيب السعد ان غيبتني ، ويصفو العيش ان
 جيئتني ، نهاري كادحا حتي اذا ما عدت للبيتي لقيتكي فانجلي عني ضنايا اذا تبسمتي

حازم بهمس : ايه اللي باسمعه ده يا ندى

ندى بنفس الصوت الهامس : عجبك

حازم : اوي اوي

ندى : طب استني لما تكمل

تضيق بيا الحياة اذا يوما تبرمتي ، فاسعي جهدا حتي احقق ما تمنيتي ، هنايا انت
 فلتنهاي بدفئ الحب ما عيشتي ، فروحانا قد آتلفا لمثل الارض والنبتي ، فيا املي ويا
 سكاني ويا انسي وملهمتي يطيب العيش مهما ضاقت الايام ان طيبتني ، فيا املي ويا
 سكاني ويا انسي وملهمتي يطيب العيش مهما ضاقت الايام ان طيبتني ، الايام ان طيبتني

احبك مثلما أنتِ ----- احبك كيفما كنتي ----- ومهما كان
 مهما صار ----- أنتِ حبيبتي أنتِ ----- زوجتي -----
 ----- أنتِ حبيبتي أنتِ

أنهت الانشودة كلماتها فساد الصمت ، أذاب الشوق أرواحهم فكان العشق ، عندها
أدرك ابن الصاوي ما لم يدركه من قبل ، تهاوي جبروت كبر قلبه أمام صدق مشاعرها ،
فباتت بعينه كل النساء أنها ----- زوجته

(19)

صباح الاربعاء
علا آذان الفجر ، بعينون مثقلة حاولت أن تفتح عينها تثناء بت ببطء وهي تحاول سماعه
، التفتت إلي من يجاورها في محاولة فاشلة لايقاظه ، اتاه صوتها الهامس لتقول : حازم
قوم يا حازم ، قوم يا حبيبي الفجر أذن ، قوم بالله عليك مش كل يوم تغلبي
رد بشاقل : نامي يا ندى
سحب الغطاء ليغطي وجهه ثم أعاد عليها : نامي يا حبيبي
سحبت الغطاء عنه و عادت باصرار : لا يا حازم حنقوم بالله عليك بقي اقوم
رد و هو نائم : حاصللي لما اصحي يا ندى
همست في أذنه : حازم ----- حازم ، لو قمت أنا حاعملك نسكافيه
علت الابتسامة وجهه وهو يزيح الغطاء عنه : بجد و لا كلام عيال
ردت بدلال : عيب أقوم و حتشوف
قفز من مكانه و سحب المنشفة متجها إلي الحمام و هو يهتف : عارفة لو مشربتنيش
نسكافية حاعمل فيكي ايه

ردت مازحة : طب بس خلص علشان متأخرش و لما ترجع حتلاقي النسكافية
اتجه للمسجد بينما صلت هي و توجهت الي المطبخ ، عندها سمعت محاسن صوتها
فتوجهت إليها قائلة : صباح الخير يا بنتي
ندى : صباح النور يا دادا
محاسن : قوليلي اعملك ايه يا عروسة و أنا اعمل
ندى : لا يا دادا دي حاجة مش مستهلة انا باعمل نسكافية
محاسن : طب احضركم الفطار يا بنتي
ندى : لا يا دادا صدقني لو عايزين حاجة حاقولك

عصر يوم السبت الماضي
لم يكن سهلاً أن تكتشف أمر أحلام و تصمت ، عكفت علي جمع ما تستطع من
معلومات بشأنها و قررت أن تواجه بكل ما أتيت من قوة ، فالمال حتي لو كان بالأصل
مال أحلام كما تدعي ، فقد عكف رفعت علي تنميته طوال ما مضى ، و ليس لأحلام
حق في شئ ، زفرت ثم تمت : الظاهر أنك مصممة متعلميش الدرس يا أحلام
قالتها و قررت أن تبدل ملابسها لتتجهت صوب مواجهتها مهما كلفها الثمن ، كانت
لوجي قد طلبت أن تجلس برفقة نيفين لحين عودة ندى و حازم و محاسن ، وافق
حازم حتي لا تشعر لوجي بالوحدة في غيابهم ، وجودها إذا سيكون حجة جيدة لدخول
منزل ندى دون الشك في سبب زيارتها ، هكذا فكرت فريدة و هي تهتف لإبراهيم
السائق : أطلع يا إبراهيم
و بينما كانت في طريقها ، كانت شريفة تخبر نيفين بمكالمتها فردت ببالغ استغرابها :

هي جاية تأخذ لوجي

شريفة : لا دي بتقول حتطمن عليها وتتعرف علينا و تمشي

زاد استغرابها و عقبته : غريبة أوي ، يعني فريدة هانم رضيت عن جواز حازم و ندى

شريفة : باين كده

ما إن وصلت حتى طرقت باب البيت فنزلت نيفين لتفتح الباب ، دخلت فريدة مصافحة لها بابتسامة ودودة و طريقة خالفت توقعتها ، مروا بالدور الاول ، كانت تدرك أنها شقة أحلام و رغم كذلك قامت نيفين بتأكيد المعلومة ، صعدت لشقة ندى و تم استقبالها بحفاوة ، مرت ساعة بين الكلام والسرد والحوار حول ندى تارة وحازم تارة اخري ، كان حوارا باردا و ثقيل علي الجميع ، إذ اصطنعوا الابتسام و المزاح و المجاملة ، ما استشفته فريدة من المقابلة هو أن أحلام هي أحلام ؛ بالتأكيد خافت من قول الحقيقة أو التعريف بحازم أو ربما لم تتوقع أنه هو نفسه ابن رفعت حسان ، لكن ما بدى جليا أن الامر يبدو مخفيا هنا

دانت اللحظة التي كانت ترنو لها فريدة منذ أن أتت ، وقفت من أجل الانصراف ، قامت نيفين تجاورها من أجل مرافقتها ، لكن فريدة أصرت أن تغادر بمفردها و ظلت علي إصرارها و الحجة أنهم باتوا أهل و لا داعي أن تشعر بالغبية

خرجت و نزلت الدرج و وصلت للمدخل ثم فتحت باب البيت و أغلقته و سمعت باب شقة ندى يغلق ، عندها صعدت بهدوء و طرقت باب شقة أحلام

كانت منشغلة في المطبخ حينما سمعت الطرق ، مسحت يدها في المنشفة المجاورة لها و توجهت لفتح الباب فإذا بها تراها فتهتف : فريدة

ردت فريدة ببرود : ازيك يا أحلام

ساد الصمت أمام ذهول أحلام بوجود فريدة فقاطعته فريدة : مش حتقوليلي ادخلي

ردت أحلام مضطربة : أنتِ جاية ليه يا فريدة

ابتسمت و ردت ساخرة : دي مقابلة برضو بعد غياب 27 سنه

زاد اضطراب أحلام و تسارعت دقات قلبها و عادت لتسأل : أنتِ جاية بيتي عايزة ايه
يا فريدة

دخلت فريدة و ظلت تنظر بإستعلاء لشقة أحلام ، أغلقت أحلام الباب و عادت تسأل
: للمرة الثانية بسألك ، أنتِ جاية بيتي عايزة ايه يا فريدة

سخرت من سؤالها و ردت بحدة : أنتِ و بنت اخوكي اللي عايزين مننا ايه أحلام ،
عايزها تجييلك حقك ، أنتِ لسة مصدقة إن ليكي حق

أحلام : ندى و مامتها و اختها محدش فيهم يعرف حاجة ، اللي كان يعرف ابوهم الله
يرحمه ، و حقي عند ربنا يا فريدة أنا مش عايزة حاجة و مش ناوية أحكي حاجة ،
خلاص

فريدة : يبقى برافو عليك يا أحلام كده أنتِ وفرتي عليا و علي نفسك كتر الكلام ،
بس كده كده أنا حاقولك اللي عندى علشان نبقي في الصورة ، أنتِ عارفة من الاساس
إن مفيش حاجة تثبت حقك ، يعني لو عثمانة ندى ترجعلك حقك أنسي ، لو عايزة
تنبشي في الماضي حنبش معاكي بس نبشي حيوجعك اوي

تههدت ثم تابعت : أنا مش عايزة أذيك يا بس أنتِ عارفة ، أنا ممكن أقول ايه لجوزك و
العيار اللي ميصبش يدوش

شعرت أحلام بالخوف و ردت : أنتِ لسه مصممة تشوهي سمعتي ، قولتلك محصلش
بين و بين جوزك حاجة

ابتسمت فريدة و ردت بخبث : لا حصل ، امال أنا عرفت الوحمة اللي في ضهرك
منين

ردت أحلام بغيظ : من الستات اللي أجرتيهم علشان يضربوني في المنصورة
فريدة : ما انا ساعتها مش حاقول كده بقي حاقول ان رفعت كان عشيقك وكان هيمان
و إنك اديتيله الفلوس محبة و شوفي بقي ساعتها طارق ممكن يعمل ايه ، مش اسمه
طارق برضو

ببالغ غيظها هتفت أحلام فيها : اطلي بره ، اطلي بره بيتي
عادت فريدة لنبرة البرود و ردت : أنا طالعة ، قولتلك الكلام ده و عايزكي تفكري فيه
، أنا مستعدة أبارك جواز ندى و حازم و أعديها ، لكن لو أنتِ أو بنت أخوكي فكرتوا
كده و لا كده ، فسمعتك و احتمال سمعتها هي كمان يكونوا التمن ، هي مش كانت
متجوزة قبل كده مرتين

تركتها و اتجهت صوب الباب لتفتحه ، ثم التفتت فريدة و أكملت : لو حازم عرف
حاجة حتندمي ، خالكي ساكتة و انسي خالص أعتبري اللي فات مات مع رفعت و
اندفن معاه ، تمام

أشاحت أحلام وجهها بعيدا و ردت : تمام

عاد من المسجد و لم يجدها بالغرفة فنظر للسريير و فتح ذراعيه قافزا فوقه لينام ،
صعدت هي بكويين النسكافية إلي الغرفة ، فتحت الباب لتجد حازم نائما ابتسمت و

وضعت ما بيدها جانبا و دثرته ، أمسكت كوبها و وضعته فوق التسريحة لتلتفت لمنظر
البحر المبهر حين رآته من داخل غرفتها ، شعرت بهواء البحر يداعب خصلات شعرها
المتطاير علي وجنتيها ابتسمت و تتقدم خطوات باتجاه الشرفة لتكون الرؤية أوضح ،
لكن جذبه لها من ذراعها إلي داخل الغرفة و قد أحكم قبضته علي يديها منعها و
أفرعها ، أنها المرة الاولي التي تري فيها غضبه و هو يهتف : أنت طالعة البلكونة
وأنت كده ، أنت بتستعطي

فزعت إلي حد أن عينها لمعت بالدموع و هي ترد : أنت خضتني بجد
حازم : أنا اللي اتخضيت يا ندى ، أنت ازاى طالعة البلكونة بقميص نوم
بداخلها شعرت بالاستغراب و رغم ذلك ردت : أنا قربت اشوف البحر و كنت في
الايضة

جلس علي السرير و سحب كوبه بيده و رد ببعض الهدوء : برضو البسي اسدالك
فاهمة

ندى : أنت اضايقت بجد لما افكرت إنني حاطلع كده
لا تعرف لما سألته هذا السؤال ، هل تغير إلي هذا الحد ، نظر إليها و كأنه فهم ما جال
بخاطرها فأجاب : أنت بتسألني بجد ، طيب يا ستي مكونتش حضايق و لا حاجة ،
أنا بس كنت حاطلع وراكي أحدفك و أدخل أكمل نوم
ابتسمت و ردت : خلاص متزعلش ، أنا بس كنت عايزة اتفرج ع البحر ، اللي ما
شفتوش من يوم ما جينا

قام من مكانه و نظر باتجاه من الشرفة و عقب : طب البسي اسدالك و تعالي يا ستي
نشوف البحر اللي عاجبك ده ، عاجبك في ايه ، بدل البحر شوفي جوزك

ردت مازحة : ما أنا من يوم ما جينا مش باشوف إلا حضرتك

حازم : و ماله ، أنا اصلا مش عايزك تشوفي غيري

ندى : حاضر يا سيدي

دخلوا إلي الشرفة و وقفوا متجاورين ، أمسك يدها و سأل : قوليلي بقي عجبك العين

السخنة

ندى : احنا حنخم بقي احنا من يوم ما جينا مش بنعمل حاجة غير بنشرب نسكافية

حازم : و ماله النسكافية بس ، علي العموم يا ستي أنا ممكن أخرجك انهاردة

ندى : و علي ايه بس كفاية النسكافية

ضحك و رد : ده أنتِ شايلة في قلبك بقي ، و أنا اللي كنت فكرك بتحبي النسكافية

مازحت و ردت : طب ما أنا باحبه والله

حازم : هو ايه ده بقي إن شاء

ردت بدلال : النسكافية يا حبيبي

مساء يوم الأحد الماضي

خطوات مترتبة باتجاه احدي المحال التجارية من آن لآخر يسأل ذات السؤال : لو

سمحت محلات الحاج نبيل عبد الدايم السنهوري

رد أحد المجاورين للمحل : ايوة شايف المحل اللي في اخر الصف ده ، المحل اللي

هناك

رد من يسأل : شكرا

وصل للمحل و دخله ملقيا السلام علي من فيه ، قام مدحت من مكانه رد السلام ثم
سأل أي خدمة

سرد الرجل عليه ما أتى من أجله ، ثم تركه في بالغ حيرته و صدمته ، و فور خروجه
اتجاه مدحت للهاتف اتصل لوالده و ما إن بدأ كلامه حتي وقف نبيل مصدوما و عقب
: مدحت سيب اللي في ايدك و تعاللي دلوقتي حالا

بعد نحو نصف ساعة كان النقاش حين رد نبيل : و ده افنكر بعد 27 سنة

مدحت : الراجل قال انه من طرف محامي من المنصورة اسمه (نشأت نجيب) و
جاي عشان قضية تخص عمته أحلام

رد نبيل بقلق : الخوف تكون الحكاية لعبة ، معقول تظهر أوراق تثبت حق أحلام
دلوقتي مدحت : هو عايز حد يسافر المنصورة و يقابل المحامي ، بس لسة مش فاهم
حاجة رفعت حسان ده يبقى ابوه حازم

رد نبيلبالغ ضيقه : ايوة ، دي قصة طويلة أوي ، بس أنا حاحكيلك علي كل حاجة ،
عايزك تخلي بالك من ندى و مهما حصل تفضل جنبها

شعر مدحت بالقلق : ماشي ، أنا حاسم منك و حافضي نفسي الخميس اسافر
المنصورة و أعرف ايه حكاية الاوراق دي

أمام المرآة وقف يتأق كعادة كل يوم بات يصفر و يدندن : احبك مثلما أنتِ احبك
كيفما كنتي ومهما كان مهما صار أنتِ حبيبتى أنتِ زوجتي أنتِ حبيبتى أنتِ

فتحت ندى الباب مبتسمة علي صوت غناؤه و عقبته : سيدي سيدي و كمان واقف
تغني

صفر حين رأي ما كانت ترتديه و ابتسم و اقترب منها ، مرر يده بخصلات شعرها ثم
قال : أنا معتدش مستحمل اللي بشوفه ده

ضحكت و ردت : هو أنت لسه شوفت حاجة

حازم : لا أنا كده حاخلص في ايدك

ندى : لاء أثبت يا حوت

حازم : حوت مين بس ، أنا حاسس إنني بقيت قطة ، كنتكوت اهو أي حاجة كيون

تعالات ضحكاتها و ردت : طب يلا يا كيون علشان نفطر قبل صلاة الضهر

أمسك بيدها و قال و هو يخرج من الغرفة : تحت أمرك يا فندم

مساء يوم الاثنين الماضي

في شقته جالس وهو يزفر دخانه وقد علت ابتسامته الغل محاياه نظر للهاتف في انتظار
المكالمة المرجوة ، دقائق و رن الهاتف ، جري باتجاهه و رد مسرعا : ايوة يا معتز ايه

الاخبار

معتز : كله تمام أنا مراقبهم من يوم ما وصلوا بس لحد دلوقتي مفيش غير حازم بس
اللي بيخرج من الشالية يروح المسجد يصلي و يرجع

رد هشام ساخرا : كمان بيروح المسجد ، طيب يا معتز أنت جهزت كل اللي طلبته

منك

معتز : كله تمام ، أنت جاي امتي

هشام : الخميس الصبح حاكون عندك

معتز : اوكي يا هشام مستنيك

أغلق الهاتف و ابتسم متمتما : شهر غسل سعيد يا زومة

أمام البحر كلا منهم شاردا ، تنهدت بعمق و شبكت يدها في يده ، فابتسم و يسأل :

و ده اسميه ايه بقي

ردت مازحة : سميه رفعت علي اسم باباك

ضحك ثم شبك يده الاخري بيدها و رد : عارفة

ندى : هه

حازم : أنا عمري ما تخيلت إنه ممكن يجي يوم و يحصلي اللي بيحصلي ده رفع يدها

ليقبلها بشافتيه وقال : ربنا يخليكي ليا يا ندى

نظرت حولها و شعرت بالخجل و ردت : حازم احنا في الشارع بلاش كده

رد متحديا : أنتِ مراتي محدش لي عندنا حاجة ، عارفة و الله نفسي ازعق واقول في

الشارع كده الست دي مراتي ، دي مرات حازم

وضعت يدها علي فمها من كثرة الضحك و ردت و قد زاد خجلها : مجنون و تعملها

بس الله يكرمك خيلنا نروح علي خير

رد هامسا : بحبك يا ندى

ندى : بجد أنا عرفت ليه أنت مش عايز تخرج ، أنت مينفعش تخرج تاني ربنا يستر منك

حازم : تحبي تروحي قراية الفاتحة بتاعت نيفين وعصام بكرة

ندى : احنا خلاص حنروح

حازم : لا حنروح و نرجع

ندى : نيفين قالتلي هو عايز يعملوا الخطوبة أول لما نرجع بس أنا معتقدش عمو يوافق

علي كل ده لازم يسأل عليه الاول معتقدش إن عمو ممكن يقري فاتحة بكرة اصلا

حازم : عمو ، أنا عارف عمو أكثر منك ربنا يستر ، أقولك خالينا نستني نشوف زيارة

بكرة حيحصل فيها ايه

ندى : ربنا يتملهم علي خير

قاطعها ليسأل : قوليلي تأكلي سمك

ندى : يا ريت

حازم : طب يلا بينا

صباح الأمس

تقدم نحو مكتبها بنظراته المتفحصة لها ، عند وصوله وضع يده فوقه و كأنه يريد

استكمال حديث سابق : صباح الخير يا انسة نيفين

رفعت نيفين وجهها لتتظر علي من وضع يده أمامها ، شعرت بالضيق حينما تذكرت أنه
هو من ضايقها بزفاف اختها فردت بحدة : ايوة يا فندم اي خدمة
أشرف : أنتِ دايمًا حماقية كده ده حتي الكلام اخد و عطي ولا ايه
قررت ألا ترد ، حينها قاطعهم دخول أميمة و هي تمد يدها مرجبة و مصافحة له : اهلا
اهلا يا أشرف بيه حضرتك جاي لمستر عصام
أشرف : ايوة يا ستي بس زميلتك مش مدياني فرصة اتكلم حتي
حينها توجهت نيفين الي الزر الموصل لعصام ضغطت عليه لتقول : مستر عصام
الاستاذ أشرف موجود بره و عايز يقابل حضرتك
رد عصام باضطراب : مين
انتفض عصام من مكانه واتجه ناحية الباب ، فتحه فجأة ليجد ما كان يتوقعه ، نظرات
أشرف تلاحق نيفين كعادته حين يقرر ملاحقة أحدهن ، سحبه من ذراعه و توجه به إلي
مكتبه ، أغلق الباب خلفه ثم دفعه لاقرب مقعد و سأل : خير
زفر مستغربا طريقتة و رد : ايه الهزار الرخم ده يا اخي
اقترب منه و اسند يده علي مقعده و رد : و الله ما رخم غيرك عايز ايه ، أنتِ عايز ايه
أشرف : و أنا اللي جاي أشوف مالك عشان حسيت انك زعلان مني يوم الفرح
عصام : و أنتِ من امتي بتحس
أشرف : اديني بحاول برضو
جلس عصام قابلته و رد بحدة : ماشي ، حاجة تانية
أشرف : ابدا يا سيدي كنت جاي عايز اقولك إنني ناويت امشي البت اللي اسمها سالي
من عندي ، احنا اللي بينا اكبر من كده ، أنا شايفك زعلان من يوم الموضوع ده و

متقوليش أنت اصلا مش بتشوف

ابتسم عصام ساخرا ، لكن راوده القلق ، ما يريدش أشرف بدي أمامه واضحاً ، سبب الزيارة إذا هو نيفين ، زفر ثم وقف من مكانه و رد : طيب خلاص أنا مش زعلان يلا بقي مع السلامة

وقف أشرف قبالتة و رد : أنت بتطردي ، طب أنا غلطان والله إني جيت

اتجه عصام لباب مكتبه فتحه ثم قال : مع السلامة

ظل أشرف ينظر ببالغ غيظه اتجه عصام ، خرج ثم التفت للنيفين ثم عاد بنظره لعصام و رحل متمتما : ماشي يا عصام الظاهر أنك نسيت إن روحك في أيدي

أغلق عصام باب مكتبه و عاد ليجلس علي مقعده ، شعر بالغيرة من نظرة أشرف لنيفين ، قام من مكانه و ظل يجوب الغرفة للحظات ثم ضغط علي الزر هاتفا : انسة نيفين دقيقة واحدة من فضلك

نيفين : حاضر

توجهت لمكتبه ، طرقتة و دخلت ، كان قد جلس حين وقفت أمامه و سألت : ايوة يا مستر عصام حضرتك طلبتني

أشار لها بالجلوس ، جلست فشعر بالتلعثم و لكنه تفاداه و قال : انسة نيفين

تنهد ثم تابع : ممكن اعرف أنت مرتبطة و لا لا

علت ضربات قلبها و أكتسي وجهها بالحمرة و ردت : افندم

أعاد السؤال و تابع : انا عايز اجي البيت اتقدملك رسمي بس ، كنت عايز اعرف الاول في حد تاني و لا لا

وقفت في مكانها و ردت بصوت كاد لا يُسمع : لا مفيش

ابتسم عصام و سأل : طب اقدر اجي يوم الخميس الجاي و اجيب معايا والدتي
لم ترد نيفين ، اكتفت بأن أومت برأسها لتعني الموافقة فأكمل : طب أنا حاتصل
بوالدتك انهارده ان شاء الله و حاكم عمك
قالت مسرعة : طيب

و خرجت حتي لا يسمع صوت ضربات قلبها تعلو و تهبط و هي غير مصدقة ما
حدث

مساء اليوم ، كان هشام بمنزله يستعد للسفر إلي العين السخنة غدا الخميس
، بينما نيفين تستعد لزيارة عصام ، أما هو فتحديث لوالدته و اشترى خاتم ممينا نفسه
قراءة الفاتحة أو تحديد تفاصيل الخطبة ، مدحت شرد في كل ما عرف من حقيقة
رفعت الصاوي و ما حدث لعتمته و ما عرف عن حازم لبيت ليلته يشعر بالقلق علي ابنه
عمه و قد قرر السفر للمنصورة بالغد

أما ندى ففتحت دولاب ملابسها و باتت تقلب بينها ، اقتربت من الفستان الاسود و
ظلت تنظر إليه إذ قررت أن تعد شيئاً مميّزا ، فغدا ستحتفل معه بمرور أسبوع علي
زفافهم ، أما اليوم فأخرج ندى من دولابها لانجيري تنكري بزي ضابط شرطة و قفت
تغمز لنفسها في المرآة و قد تعالات ضحكاتها و هي تعد الكاب علي رأسها ، نظرت
للساعة كانت 12 مساء ، أمسكت بالكلبشات اللعبة و المسدس اللعبة و توجهت
باتجهه

كان يقف أمام زجاج النافذة يراقب السماء الصافية شرد في ابنته و زوجته و السعادة التي باتت بين يديه هل ستستمر أم أن شبح الماضي سيحاول التهامها ، قاطعه من شروده شئ صلب تركز في رأسه و سمع ندى تهتف فيه بحدة مصطنعة : أرفع ايدك لفوق أي حركة حاضرب في المليان
ضحك رغما عنه و رد : في ايه بس

ندى : أنت مقبوض عليك يا استاذ ، اتفضل قدامي

التفت حازم لينظر إليها ثم هتف : يا لهوي بوليس والله النسكافيه ما بتاعي

ضحكت و ردت :الكلام ده تقوله قدام النيابة ، اتفضل قدامي يا مجرم يا عتيد الاجرام
تصنع الانكسار و هو يتجه أمامها ليصعد الدرج و رد : انا برئ والله انا مظلوم يا عالم
والله النسكافيه ما بتاعي ده بتاع ندى

ندى : كله حيان في التحقيقات والقانون لازم ياخذ مجره ، ودلوقتي بقي اتفضل
قدامي واي حركة كده و لا كده ايدي علي الزناد

تصنع حازم الاستسلام ، رفع يده للاعلي صعد درجتين ثم التفت فجأة و سحب
المسدس

ثم حملها بين ذراعيه و هتف : لما أنتم مش قد اللعب مع المجرمين بتلعبوا ليه

أفزعها ما صنع فهتفت : لا يا حازم أنا بخاف و الله بلاش كده

بدء يصعد بها السلالم و هو يرد : بتخافي امال مسكالي مسدس و قدامي يا مجرم ايه
ده أنتِ ظابط بق بقي

ندى : ابوة طبعا حرمت نزلي بقي

حازم : انا مستعد انزلك بس بشرط ايه

علت الابتسامة وجهها و ردت : و ماله ، ماشي

قام من مكانه و رد : خلاص ارجع من الصلاة تكوني جاهزة و ننزل سوا

بعد نحو ساعة كانوا يمشيان سويا ، لاحظت ندى علي حازم الشرود ، نظرت له لكنه

حتي لم يلاحظ أنها تتابعه ، سألت لعلها تقطع شروده : أنت متضايق من حاجة

نظر لها و رسم علي ملامحه ابتسامة بدت ذابلة و رد : لا ابدا يا حبيبي

صمت و أكمل السير و قد عاد لشروده ، شعرت عندها أنه ربما شعر بالملل فقالت

: لو عايز نرجع لان لوجي وحشتك -----

قاطعها عن السير و الكلام ، إذ رد و قد وقف عن السير : ندى ، أوعدني إن مهما

حصل حتفضلي جنبي

تنهدت و سألت : ليه الجو ده ، أنت عارف إن مهما حصل أنا معاك

حازم : عايزك تقوليها يا ندى ، عايزك توعدني مهما حصل منفترقش أبدا

ابتسمت و قالت : أوعدك ، أي طلبات تانية

تنهد و قد شعر بالراحة فابتسم و رد : لا يا ندى مفيش

السابعة صباحا

اقتربت خطوات من فراش أبيها لتُقظّه ، بخطوات صغيرة و ابتسامة كبيرة قالت ندى :

صباح الخير يا بابا

فتح مدحت عيناه ليري ابنته ندى الصغيرة و قد ابتسمت له فرد مبتسما : صباح النور

يا حبيتي

نادت إنجي بينما كانت تضع الاطباق علي السفرة : يلا يا مدحت لو مسافر انا
حضرتلك الفطار

رد و هو ينزل من سريره : أنا قمت اهو ، صباح الخير

ابتسمت و ردت : صباح النور

ثم سألت : رايح المنصورة

مدحت : ايوة ، و ان شاء الله خارج ع المغرب

بدل ملابسه و تناول فطاره و نزل و معه عنوان مكتب المحامي ، ثم ركب سيارته باتجاه
المنصورة

التاسعة والرابع صباحا

ترجل إلي داخل مكتبه و هو يلقي السلام إليها : صباح الخير يا أميمة

أميمة : صباح الخير يا مستر عصام

عصام : بصي اي شغل في مكتي انهارده حيتي معاكي

أميمة : هي نيفين مش جاية انهارده

عصام : لا نيفين طلبت اجازة انهارده

إلي مكتبه جلس و قد شرد هو الاخر في يومه ، لم يمني نفسه بأكثر من أن يمر
الامر بسلام ، لم يعد يريد شيئاً سوي نسيان ما مضى و طي صفحاته دون العبث

بالتفاصيل ، لكن القلق ساوره حين تذكر نظرات أشرف ليفين ، فهو يدرك جيدا أن
عفن الماضي لا يريد أن يترك متنفسا لحاضر نظيف لكي يولد

الحادية عشر الا الربع صباحا

رتب حقبته الصغيرة ثم كل شيئا قام بتحضيره ، اتصل بمعزز اتصاله الاخير قبل سفره

ليسأل : كلمت حازم و لا لسه

معزز : مش أنت قولت استني اول ما توصل

هشام : طب كويس

معزز : حتوصل امتي

هشام : انا نازل دلوقتي اهو يعني قدامي ممكن كمان 3 ساعات بالكثير و اكون عندك

معزز : طب اول ما توصل كلمني و عموما كله تمام

إلي سيارته فتح بابها لينطلق بها ، يدا تتولي القيادة بينما اليد الاخري تزفر الدخان ليس

في عقله سوي صورة ندى ، يراها باكية و قد ارتدت الاسود ، ملاءه التشفي لكل ما

مضي ، لحق منة المهذور و حق نيرة و أخريات كُثر ، أنه يوم الثأر يا صديقي أنها لحظة

الحساب و قد حانت ، هكذا ظل يمني نفسه طول الطريق إلي أن وصل

الثانية عشر و النصف ظهرا

أنهت صلاة الظهر و انطلقت إلي الشرفة لتري البحر ، قررت حينها الاتصال بنيفين
لتري ما هي اخبار العروسة ، حملت هاتفها و عادت للشرفة و ما إن ردت نيفين حتي
هتفت : ازيك يا عروسة

نيفين : ازيك أنتِ وبعدين أنتِ اللي عروسة مش انا ، انا لسه باعتبار ما سيكون

ندى : يا ستي ان شاء الله يكون و يكون كمان و ربنا يتمملك بخير يا قمر ، امبارح
كنتي بتقولي كلام عمو مش مريحك و معرفناش نكمل كلام ، في ايه بقي
نيفين : اصله قال لماما إنه مش ناوي يستعجل في الموضوع

ندى : ازاى يعني مش فاهمة

نيفين : مش عارفة الظاهر جت علي حظي و اتقفلت

ندى : اكيد عايز يسأل عليه مش اكثر ، أنتِ عارفة عمو نبيل خايف علينا

نيفين : بس ماما بعد المكالمة بتاعته قلقت و قلقتني

ندى : ليه بس

نيفين : بتقولي عمك المرة دي قال لازم نسأل عليه كويس و قالها لو قالي مستعجل
زي حازم كده حاقوله معندش بنات للجواز

ندى : طب هو ممكن يكون بيقول كده قدام العريس ، عموما أنا متأكدة إن عمو
حيتصرف صح المهم أنتِ متقلقيش ، و عايزكي قمر كده زي ما أنتِ ، اوعي توقعي
حاجة علي عصام ، حظي الصينية بالراحة و أهدي و بلاش الجنونة بتاعتك دي

نيفين : يا بنتي أنا حاسة إنني مش حاقدر اطلع المقابلة دي اصلا ، ده أنا ايدي متلجة
من دلوقتي ربنا يستر

ردت ندى مبتسمة : ياه اخيرا جه اليوم اللي نيفين ام لسان طويل تتلم فيه ، ده انا
حاموت واشوفك مكسوفة
نيفين : متقلقيش حتشوفني يا ستي
ندى : يلا ربنا يتمم لك بخير
قاطعها دخول حازم و هو يقول : سلميلي عليها
ندى : حازم بيسلم عليك
ثم أكمل : و قوليلها عصام بيرفض وهو نايم
ضحك ندى و ردت : هووووش بس
ثم أكملت : أنا حاكلمك بكرة أباركلك ، يلا سلام بقي

الواحدة ظهرا
بعد ساعات من البحث اخيرا وقف مدحت أمام مكتب المحامي نشأت نجيب زفر
بقوة و هو يقول : اخيرا
ثم ترجل باتجاه المكتب ، طرق الباب المفتوح و وقف أمام السكرتيرة ليسأل : سلام
عليكم ده مكتب الاستاذ نشأت نجيب المحامي
السكرتيرة : ايوة يا فندم اقوله مين حضرتك
مدحت : قوليله مدحت نبيل عبد الدايم السنهوري
دقائق من اجل اعلام المحامي ثم عادت الي مدحت قائلة : اتفضل يا فندم

طرق الباب و دخل ليستقبله المحامي بذكر اسمه : استاذ مدحت نبيل عبد الدايم

مدحت : ابوة

أشار له بالجلوس ، فجلس كليهما و عندها سأل مدحت : خير ، أنا عرفت من الرجل
اللي حضرتك بعته أنك كنت محامي رفعت

نشأت : الحقيقة لاء ، انا لا كنت محامي عمتهك و لا محامي رفعت ، لكن اعرف
محامي رفعت الله يرحمه أو تقدر تقول إن محامي رفعت هو اللي عرفني علي تفاصيل
القضية اللي تخص عمتهك

مدحت : طب انا كده محتاج حضرتك تدخل في الموضوع و توضحي بالظبط في ايه

نشأت : بص يا استاذ مدحت الموضوع و ما فيه باختصار شديد إن أنا كنت باشتغل
عند الاستاذ شوقي حسين و ده هو محامي رفعت و بعدين سيبت الشغل في مكتبه
بسبب سمعة شوقي و شغله اللي كان مش مظبوط ، شوقي اتوفي من حوالي اسبوع و
قبل ما يموت بفترة تعب و قرر تكفيرا عن اللي عمله انه يجيلي القضايا اللي كان سبب
في ضياع حقوق اصحابها بسبب التلاعب بثغرات القانون عشان اشتغل فيها واحاول
اصحح اللي عمله ، نجي لموضوع عمتهك يا استاذ مدحت

مدحت : اتفضل

نشأت : رفعت الله يرحمه قبل ما يموت كتب وصية اعترف فيها انه اجر السيدة أحلام
عبد الدايم بالتنازل عن ورثها لصالحه وقرر رد الفلوس كلها و ساب الوصية مع
المحامي بتاعه الاستاذ شوقي حسين بس بعد وفاة رفعت ، اسرته قررت إن الوصية دي
محدث يعرف عنها حاجة و أخذ شوقي منهم رشوة مقابل سكوته ، و فهمهم أنه اداهم
الوصية بس هو احتفظ بالنسخة الاصلية من باب الاحتياط ، و فضلت معاه في مكتبه

لحد لما جابلي كل اوراق القضية و طلب مني ، اكلم اهل أحلام او أحلام نفسها و اعرفهم بالموضوع و إن حقكم مشوت بموجب إعتراف رفعت

هتف مدحت عندها سائلا : يعني أسرة رفعت تعرف بموضوع الوصية

نشأت : اللي عرفته من الاستاذ شوقي انهم يعرفوا و أنهم دفعوله رشوة عشان ياخذوها و يضمنا سكوته

مدحت : طب حضرتك دلوقتي احنا المفروض نعمل ايه

نشأت : ممكن ترجعوا ترفعوا القضية تاني و انا عن نفسي حاقدم الاوراق اللي عندي معاكم

مدحت : طب ممكن تديني فرصة أعرف عمتي و والدي بالموضوع و أشوف هما ناويين يعملوا ايه

نشأت : تحت امرك

الثالثة و النصف عصرا

بعد سنوات طويلة وقف أمام شقة والدته اليوم قرر كسر الصمت و توجه إليها ، تعالت ضربات قلبه و هو ينظر إلي المكان الذي تربى فيه أخوته " سمية و وليد " ، أما هو فترك صغيرا في بيت جده حتي وفاته ، كاد يتراجع في طرق الباب حين تذكر سنواته العجاف بحرمانه من الام والاب ، لكنه اليوم سيحاول أن تسنح الفرصة ليطوي ما فات ، بتوتر بالغ ضغط علي جرس الباب لتفتح فتاة شابة تقريبا في سن نيفين قد علت علي وجهها الابتسامة و هي تهتف : ابيه عصام جه يا ماما ، بجد احنا مش مصدقين اتفضل

جذبتة من ذراعاه و ظلت علي هتافها : يا ماما يا وليد يا بابا ، عصام جه
زاد توتره و قد هرولوا لاستقباله فقالت والدته و هي تحتضنه : انا مش مصدقة يا ابني
تصدق بقي انا حبيت نيفين من قبل ما اشوفها اللي كانت سبب في انك تيجي
ابتسم عصام و لم يعرف بما يرد ، احتضنته أخته و تقول : اتفضل يا ابيه

عصام : ازيك يا سمية

سمية : الحمد لله

ثم شاب بدي أصغر قليلا من سمية و قد احتضنه و هتف : ابيه عصام اخيرا يا ابيه
اتفضل

عصام : ازيك يا وليد

وليد : ازيك يا ابيه اتفضل

وسط ترحاب بالغ وجد عصام استقبال والدته و اخوته شعر حينها ببعض الراحة ، و
التي أزال جزءا من جبل الجليد لكن سيبقي الاكبر منه متروكا لتزيله الايام

الخامسة مساء

بينما كان يحوط كتفها بذراعيه وهي تضع رأسها علي كتفه و يتسمران دق هاتفه النقال
فاضطر للقيام للاجابة و قد أمتعض عند رؤية الاسم ، رد فأتاه صوته : ازيك يا عريس
لاحظت ندى ما بدي عليه من التوتر و قد إبتعد ليرد : خير يا معتز في حاجة
معتز : ايه يا ابني انت خلاص بيعتنا بجد و لا ايه

حازم : لا ابدا

معتز : طب لو كده بقي احنا سهرانين عندك انهاردة

رد حازم بحدة : لا طبعا ايه الكلام اللي انت بتقولوا ده

معتز : ايه يا حازم انت مش عايز تستقبلنا في بيتك و لا ايه

زاد توتره و رد : بص يا معتز ، من هنا و رايح صاحبي و صاحبك بره البيت ، أنا مش

حاستقبل حد من الشلة في بيتي

معتز : طب خلاص يا حازم تعالي أنت ، احنا كلنا مستينك يا عم و عاملين حفلة

مخصوصة علشانك

حازم : أنتم مين قالكم أني عايز منكم حفلات ، اسمع يا عم اللي فات اعتبروه مات ،

خلاص

تعالات ضحكات معتز و رد ساخرا : الظاهر المدام شديدة عليك و أنت بتخاف منها

زفر حازم و رد بضيق : ملكش دعوة بالمدام ، أنا اللي باقولك مش جاي

معتز : طب اسمع يا حازم يا أنتِ تيجي يا اما احنا اللي حنيجي و اهو المدام تاخذ

فكرة عن حازم الحوت و أيامه

حازم بضيق : اسمع يا معتز انا لا حاجي ولا أنتم حتيجوا و ده آخر كلام عندي

معتز : بقي حازم الحوت يفوت سهرة ايه يا حوت بقيت يمامة و لا ايه يا خسارة الرجالة

حازم : ملوش لزوم الكلام ده يا معتز

معتز : معاك حق لتكون المدام وقفة جانبك و تمدك علي رجلك و لا حاجة

حازم : ما تتلم يا حيوان أنت و لا اجي اوريك

معتز : طب انا مستينك في مطعم كريستالة و ما اشوف حتيجي توريني و لا لا ، الساعة

7 الشلة حتكون هناك ، سلام

زفر حازم بقوة و هو يعود ليجاور ندى الجلوس ، استشعرت من وجهه أن ثمة شئ قد

حدث فسألت : ايه يا حبيبي مالك ، في حاجة في التليفون ده ضايقتك

زفر و رد : لا ابدا مفيش

صمت قليلا كأنه يفكر في شئ ثم عاد ليسأل : ندى أنتِ تضايقي لو خرجت شوية

ندى : لا يا حبيبي اللي يريحك بس أنتِ حتروح فين

حازم : حاقابل ناس كنت اعرفهم هنا و ارجع علي طول

مازحته و ردت : ماشي بس اوعي تكون ناوي تروح كده و لا كده

رد و هو يصطنع الابتسامة : لا يا حبيبي هي ساعة و راجع علي طول

السابعة مساءا

وصل أمام منزله القديم ركن سيارته و نزل ليقف أمام البيت ، ظل ينظر له متذكرا يوم

تركه و رحل بعيدا ، لقد ترك قلبه هنا و لم يحاول يوما أن يأتي حتي لا تفتح جراحا لن

يكتب لها يوما أن تندمل ، طرق الباب فاتجهت أحلام لتفتحه مستغربة من وجوده ،

هاتفه : مدحت

تنهد و رد مثقلا بما عنده : مساء الخير يا عمتمو

أحلام : مساء النور يا ابني عاش من شافك

مدحت : معلش يا عمتمو أنتِ عارفة من يوم موضوع ندى و أنا مش عايز اجي

أحلام : طب اتفضل يا حبيبي

رفقته الدخول لمنزلها بينما كان كلا من عصام و والدته و نبيل بالطريق إليهم

جلس مدحت فاتجهت أحلام للمطبخ و هي تقول : أنا حاعملك شاي عقبال ما نبيل
يجي ، أنت عارف إن في عريس جاي لنيفين انهاردة ، عقبال ما تفرح بندى الصغيرة
استوقفها و قال : استني يا عمتي أنا عايزك في موضوع مهم
التفتت و سألت : خير يا ابني

أشار لها مدحت لتجلس ثم قال : حقك اللي رفعت الصاوي سرقه حيرجع يا عمتي
وقفت و قد عجزت عن النطق و ظل تنظر له ، من أين عرف بالامر ، عندها أكمل :
رفعت الصاوي قبل ما يموت ساب وصية اعترف فيها بحقك في فلوسه ، و الوصية دي
معانا دلوقتي

عادت لتجلس و قد تعالات ضربات قلبها : أنت بتقول ايه يا مدحت
جلس إلي جوارها و رد : اللي سمعته يا عمتي ، المحامي بيقول انك تقدرني ترفعي
قضية علي أهل رفعت و تستردي فلوسك ، قولتي ايه
ردت بتلعتهم : انا مش عارفة انا مش عايزة مشاكل يا مدحت يا ابني
مدحت : أنت خايفة من ايه يا عمتي بس

أحلام : احنا كده حنعمل مشاكل لندی و انا مش عايزة مشاكل يا ابني
مدحت : و مين قالك إن ندى حتفضل علي ذمة الحيوان اللي اسمه حازم
سرد علي أحلام ما حدث معه ثم اتبع بعدها : يعني حازم قدم رشوة و اخذ الوصية ،
هو ده الراجل اللي تعيش معاه ندى يا عمتي
أحلام : طب و لو قولتلك أنني خايفة
مدحت : من ايه بس

أحلام : انا حاقولك كل حاجة ، بس أوعدني نفكر صح قبل أي خطوة

الثامنة و النصف مساء

أمام المرأة و قد شعرت ببروده يديها ، تلمست وجهها الاحمر من كثرة التوهج ، لحظة و دق جرس الباب معلنا قدوم عصام و والدته شعرت بدقات قلبها تتعالي ، فحاولت أن تفر حتى تستريح مما تشعر ، توجهت إلي المطبخ لتري والدتها دقائق و خرجت هي الاخري لتضيفهم بينما كان نبيل هو من استقبلهم ، بدأ تجاذب الحوار بين الوالدين ، بدأتني بقولها : يا اهلا بحضرتك والله انا حبتكم من قبل ما اشوفكم من الكلام الكويس اللي قالوا عصام عنكم و فرحت اوي لما عرفت ان اخت الانسة نيفين تبقي مرات حازم

ببالغ الضيق نظر نبيل لعصام قائلا : يا اهلا يا ابني

استشعر عصام القلق و هو ينظر له و يرد : اهلا يا عمي

لم يكن يدرك أن نبيل قد عرف قدرا من الحقيقة حينما مر بأحلام و وجد ابنه عندها ،

قدرا كان كافيا لنيل أن ينهي كل آمنيات عصام و الان

وجهت مني سؤالها لشريفة : امال فين الانسة نيفين

قامت شريفة من مكانها و ردت : دقيقة واحدة

اتجهت شريفة لنيفين سائلة : ايه يا بنتي أنتِ حباتي في المطبخ خدي الصينية و

اطلعي

ببالغ القلق ردت نيفين : لازم يعني موضوع الصينية ده ، انا مش عارفة مفيش اي

احساس بالعروسة ابدا

ردت شريفة بهمس : يلا ، حتعملي عليا انا مكسوفة

نيفين : طب اديني وضعي شوية ده العريس بره

خرجت لتري الورد الموضوع علي المنضدة و الشيكولاتة فتستشعر الفرحة ثم تحاول

أن تضع الصينية كما قيل لها ، و بعدها تقدمت باتجاه حماة المستقبل و التي هتفت :
يا اهلا و سهلا بسم الله ما شاء الله ، بس عصام مش بيعرف يوصف

نظرت لعصام و عقبت : دي اجمل بكثير من اللي حكتهولي

ردت نيفين : اهلا و سهلا يا طنط

ثم نظرت لعصام و قالت مسرعة : اهلا يا مستر عصام

عصام بابتسامة متسعة : اهلا و سهلا يا انسة نيفين

ثم نظر لبيل و قد أخرج الخاتم من جيبه و قال : طبعاً حضرتك عارف اني جاي
اطلب ايد الانسة نيفين و اتمني ان حضرتك توافق و لو امكن اننا نقري الفاتحة انهارده

و-----

قاطعته نبيل بهدوء : حط الخاتم في جيبك يا ابني ، انت مستعجل زي صاحبك بس ده

الجواز ، و الامور مينفعش تتاخذ كده

شعر عصام بالصدمة و قال : انا تحت امرك ، بس لو أنا شقتي موجود و مش عايزة
حاجة غير الانسة نيفين ، التأخير ليه بس

نبيل : معلش يا ابني أنا برضو لازم اسأل عليك ، متزعلش مني

خيم الضيق علي الجميع فقررت مني تخفيفاً للامر أن ترد : لا ان شاء الله مفيش زعل

، حضرتك معاك حق ، بس أنتم شوفته حازم و اهو اتجوز ندى و عصام و حازم واحد

يعني اخلاقهم واحدة و صدقوني انا عارفة عصام و مش علشان ابني انا متأكدة انه

حيشيل الانسة نيفين في عينه

نبيل : معلش الاصول اصول يا فندم ، قولت ايه ابني

رد عصام بامتعاض : اللي تشوفه يا عمي

العاشرة مساء

نظرت إلي المرآة نظرة أخيرة الي طلعتها بالفستان الاسود الحبري الذي ارتدته ، اسدلت شعرها و وضعت زينتها ، ثم اعادت تنظيم الغرفة مثل اول يوم لزفافها وضعت هاتفها علي الانشودة و ربت الشموع و الاضواء ، و نظرت للساعة متممة : هي دي الساعة يا حازم ، بقالك فوق الساعتين برة ، ما صدق ده و لا ايه
اخيرا وضعت ندى صنية العشاء في الغرفة و بات كل شئ جاهز حيث جلست بانتظار وصول حازم

الحادية عشرة و الربع مساء

كانت تجول بالغرفة ذهابا و ايابا ، و قد استشعرت القلق ، كان يقول لها مجرد ساعة و يعود لكنه لم يصل بعد ، نظرت إلي هاتفها ، إلي ال15 محاولة اتصال دون اجابة -
----- اين ذهب و لماذا تأخر ، لا تدري ؟
هل رافق اصدقائه القدامي مرة اخري ، ايضا لا تدري ؟
لحظات مملوءة بالقلق لا يقطعها سوي اعادة النظر للمرآة أو اعادت ترتيب الاشياء التي أنهكها الترتيب

الثانية عشرة عند منتصف الليل

زفرت بقوة و تجمعت في عيناها الدموع كان صعبا عليها أن يفعل بها هكذا أنها تقريبا المرة ال30 تتصل بهاتفه و لا يرد ، ارتدت اسدالها و توجهت إلي الشرفة املا منها أن تجد صوتا أو اشارة تشير إلي عودته ، أمسكت بقوة في سور الشرفة و باتت تحبب بيدها فيه من التوتر ، كل ما تتمناه انه لم يحدث له مكروه مجرد رؤيته سليم أمامها

باتت تكفيها ، ماذا حدث ؟؟؟

زفرت مرة اخري ، فكرت أن تنزل إلي دادا محاسن ، لكنها خافت أن تكون نائمة فتشعرها بالقلق ، و رغم صعوبة الانتظار ما عاد أمامها خيارات أخري

الواحدة و الربع بعد منتصف الليل

لازالت علي حالها و لازالت تحاول الاتصال و من كثرة ما اتصلت لم تعد تعرف كم مرة اتصلت إلي الان ، دموعها الحبيسة أعلنت الانطلاق إذ كانت تنهمر مرة تلو المرة و قد تملك الخوف قلبها إلي أقصى حد

تهددت كمن تحاول التماسك و لكن دون جدوي ، لحظات بعدها طرق جرس الباب ، فانقضت من مكانها لتجري نحو الباب ، هرولت علي السلالم و كأنها تسبق الريح فتحت الباب و لم تجد أحدا نظرت يمينها و يسرها و لم تعرف من ، اتجهت لتغلق الباب فرأيت أمام الباب هدية ، اقتربت منها لتراها كانت علبة ملفوفة بتل أحمر ، لم يكتب عليها سوي " مبروك " ، حملتها و همت لتصعد بعد ما اغلقت الباب لكن

صوت دادا محاسن استوقفها لتسأل : هو حازم لسه مجاش

التفتت ندى علي صوتها : لسه يا دادا ربنا يستر ، أنت لسه صاحيه

محاسن : مش عارفة ليه قلبي مقبوض اوي

ردت ندى رغم ما امتلكها من الخوف و التوتر : ان شاء الله زمانه جاي

اكملت ندى الصعود إلي غرفتها وقد امتلكها الفضول لتري ما بالهدية التي لم تلاحظها محاسن بيدها و توجهت إلي غرفتها في انتظار حازم

الثانية صباحا

فتح باب السيارة الخلفي و بكل ما أوتي من قوة قذف حازم علي مقعد السيارة بكل ما
تحمله نفسه له من غل و كره ، اغلق الباب بقوة و اتجهت لمقعد القيادة ، حينها جذبته
معتز من ملابسه وهو يصرخ فيه بعصية : الله يخرب بيتك هو ده اللي مقلب ، انت
اكيد بتستعبط دي مخدرات تقتله مش تسطله

دفع هشام يد معتز و لم يرد و عاد لمقعد القيادة ثم نظر إلي معتز ببرود و هتف :
حتركب ولا اسيبك

شعر معتز بالخوف ، توجه ليركب إلي جواره ، نظر إلي حازم و قد بدأت انفاسه
تتلاشي، عندها صرخ معتز : ابوس رجلك نطلع علي اقرب مستشفى و نلحقه
هشام : و حياة امي لو ما سكت لارميك من العربية

معتز : أنت بقي ناوي علي ايه ما هو أنا مش بقرة تسحبها وراك ، قولي ناوي علي ايه
بدل ما تودينا في داهية

هشام : أنت خايف من ايه ، الموضوع و ما فيه عريس راح يسهر تقل في الشرب
علشان يعمل دماغ راح فيها بتحصل ولا مش بتحصل
رد معتز و لا يزال الخوف مسيطرا عليه : طب مفكرتش في لوجي

رد هشام ببرود : اخس عليك يا معتز ، دي لوجي دي بنت اختي يعني اكيد أنا زي
ابوها أنت ناسي إن الخال والد

لم يعقب معتز فقد شعر بمعني الغدر الذي لم ينتظره ، نظر لحازم الذي ربما يكون
قد فارق الحياة ثم لهشام و صمت ، انطلق هشام بالسيارة باقصي سرعة إلي أن وصل
إلي الشالية ، أوقف السيارة فدوى صوت الفرامل بقوة ، انخلع علي أسر الصوت قلب
محاسن ، فانفضت من مكانها باتجاه الباب ، سمعت صوت ارتطام شئ بقوة ثم
اسرعت السيارة كأنها تشق الريح

في الـ CD الاول و بعدها اقرئي الجواب "

شعرت ببالغ الخوف و الاستغراب و لم يسعها سوي التوجهة للدولاب لتخرج منه الحاسوب الخاص بحازم ، وضعت الـ CD ثم ضغطت علي الايقونة الخاصة به لتجده يحوي مجلدان ، مجلد كتب عليه اسم حازم و الاخر كتب عليه اسمها ضغطت علي المجلد الاول الخاص بحازم ، و بدأت تشاهد الصور المتتابعة عليه ، 100 صورة كانت تخصه ، كانت تقلبهم بتوتر بالغ في محاولة لفهم من هؤلاء ، كل ما تعلمه هو زواجه بجوليا و نيرة ، لكن ما تراه عيناها لا يشير إلي ذلك صور كثيرة كلها في أماكن مختلفة ما بين بار خمارة أو كبارية مع رقصات سقطات أو -----

باتت تقلب الصور صورة تلو الاخرى و هي غير مستوعبة إلي أن وصلت لصور لم يعد بإمكانها أن تراها كانت لحازم في اوضاع خاصة في غرف فنادق او شقق تنم أنه كان يزني عندها هتفت بذهول : مش ممكن

ابتلعت ريقها و هي تضع يدها علي فمها و تشعر أن ضربات قلبها تشق صدرها ، لكنها ستري الهدية لآخرها فما الذي يحويه ما كُتب باسمها ، ضغطت لتري فكانت المفاجأة صوت حازم مسجل مع هشام و هو يقول
- هات من الاخر و قول أنت عايز ايه

هشام : أنت عايش الدور أوي ، طول عمرك ممثل شاطر ، لكن مش علي حد عجنك و خبزك ، حفضل تلعب دور الشيخ التاييب ده كثير ، أنا مش ندى و عيلتها و لا دادا محاسن ، أنا أكثر واحد فاهمك يا حوت و لا نسيت

حازم : لا منسيتش ، الظاهر إن أنت اللي نسيت و أني لازم أفكرك ، و أنا لو فكرتك حازمك و أنت عارف لو حازم الحوت قرر يزعل حد بيعمل ايه
هشام : ايوة بقي ، هو ده حازم اللي أنا عارفه ، حازم اللي لما ميعرفش يطول واحدة ،

بيشوف كل السكك لحد ما يطولها ، و ده اللي قولتوا لندى يوم ما خرجت وراها لكن
طبعا مصدقتيش

حازم : و عمرها ما حتصدقك مهما قولت ، فيا ريت تريح نفسك و تسيبك بقي من
موضوع ندى و تعالي نتكلم (مان تو مان)

هشام : ده ايه الثقة دي كلها ، طبعا ما أنت عرفت تأكل الحاج حامد في
الاعتكاف و راجل صدقك و قال أنك زي الفل

حازم : الظاهر مكش المفروض استهون بيك يا اتش

هشام : تلميذك يا حوت

فتحت الرسالة مسرعة لتقرأ ما فيها فكانت

" آن الاوان تعرفي إن جوازك من حازم مش أكثر من لعبة اتلعبت عليك ، تحبي تعرفي
حازم فين ، حازم في سهرة خاصة مع أصحابه عشان يشربوا في صحتك ، حازم مش
بس اتراهن أنه يتجوزك ، حازم اتراهن أنه يصورك معاه و يفرج الصور لاصحابه ، الحفلة
شغالة للصبح و الفيديو عندك ع ال CD ، كان نفسي تصدقني لما حذرتك منه بس يا
خسارة يا ندى ، صدقتي الحوت و اهو غرقك معاه "

فتحت آخر فيديو لتشاهد لحظة دخولها و حازم لغرفة نومهم ، فكان ما رآته

فتح حازم الباب قائلا : اتفضلي

ندى : ممكن أطلب منك طلب

حازم : أنام في الصالة

ندى : لاء ، ممكن نصلي الاول ركعتين علشان ربنا يباركلنا في حياتنا مع بعض

حازم : كل واحد لوحده و لا مع بعض

مبحوحا لتقول : بسرعة يا ابني ابوس ايدك
رد معتر و هو يقود بأقصى سرعة : متخافيش يا دادا
دقائق و وصلت السيارة أمام المستشفى انطلق معتر باتجاه الاستقبال صارخا في
المستشفى ومن فيها : معايا واحد بيموت اسعاف بسرعة
بسرعة اتجه ترولي إلي السيارة ليأخذ حازم عليه و ترولي اخر لندی ، هرولة من الطبيب
المناوب و كل استاف العمل بالمشفي واصوات عالية وحركة غير طبيعية
الطبيب لاحدي الممرضات : القلب حيوقف اديني (Defibrillator) بسرعة
امسك الطبيب بيده جهاز الصدمات الكهربائية موجهها يده لقلب حازم الذي كان قاب
قوسين أو أدني من التوقف
صدمة دون استجابة كانت تلك اول محاولة ثم صدمة دون استجابة
لتأنيه الممرضة : النبض ضعيف يا دكتور
تنهد الطبيب مرة اخري ليضع الجهاز مرة اخري لصدمة اخري و ايضا دون استجابة
الممرضة : الضغط (80 \ 50)
الممرضة : في استجابة يا دكتور
الطبيب بيده صدمة كهربائية جديدة و قد بدأت الاستجابة تنهد الطبيب و صدمة اخيرة
ليبدأ القلب اخيرا يصدر ضربات حسياسة تشير الي بصيص امل
فحص الحالة يشير إلي تسمم إثر تناول جرعة كبيرة من المخدرات باتجاه غسيل
المعدة ثم العناية المركزة
خرج الطبيب متوجها لمعتر ليسأل : أنت اللي جبتة
معتر بتوتر : ايوة
الطبيب : أنا مضطر ابلغ البوليس
أمسك معتر بيده و رد ببالغ التوتر : أرجوك يا دكتور الموضوع ميستهلش بوليس كل
الموضوع إنه عريس و اصحابه حبوا يعملوا معاه واجب مش اكثر

الطبيب : حبوا يعملوا معاه واجب يموتوه ، اللي حصل ده لو متعمد أنا قدام جريمة قتل
رد معتز و قد أمتلكه كل الخوف : ارجوك يا دكتور ارجوك الموضوع يتلم ، ارجوك بلاش
فضايح سمعته و سمعة اهله ، و بعدين الموضوع كان هزار ، صدقني يا دكتور أرجوك ،
الموضوع يتلم
تركه الطبيب فأمسك بيده و أكمل : أنا مستعد ادفع اي مبلغ للمستشفى بس الموضوع
يتلم من غير بوليس أو فضايح ، كفاية مراته اللي في الاوضة اللي جانبه ارجوك يا
دكتور ارجوك
نظر الطبيب شذرا إلي توصلات معتز الذي كادت تنزل دموعه و تركه و لا يعرف ماذا
يفعل ، فتمتم في نفسه : الله يخرب بيتك يا هشام علي بيت اليوم اللي شوفتك فيه

صرختها وهي تنادي ندى ، أفزعت نيفين من مكانها لتتجه إلي غرفة شريفة مسرعة ،
اضأت الغرفة لتنظر إليها نيفين : ماما مالك يا ماما
ردت شريفة بفرع : أعوذ بالله من الشيطان الرجيم أعوذ بالله من الشيطان الرجيم
نيفين و قد فزعت لها : مالك يا ماما بس في ايه
وضعت يدها علي صدرها و قالت : كابوس يا نيفين كابوس
نيفين : خير بس يا ست الحبايب ، بصي لو حلم وحش بلاش تحكيه ، و أنا حاقوم
اجييلك كوباية مية
حاولت الهدوء حتي عادت نيفين بالماء شربت و عقبته : يا رب يكون خير ، يا رب
ندى تكون بخير
نيفين : إن شاء الله مفيش حاجة ، تعالي نقوم نصلي الفجر دلوقتي و بكرة الصبح
نكلمهم نطمئن عليهم ، ماشي

ردت شريفة و هي تحاول تمالك اعصابها : ربنا يستر يا بنتي

إلي غرفة ندى حيث قالت الممرضة للطبيب : اخدت مهدئ اول لما وصلت
الطبيب لمحاسن : عندها انهيار عصبي ، تقديري تفضلي جنبها لحد ما تفوق قدامها
للصبح كده علي 10 أو 11 الصبح
محاسن : يعني حتبقي كويسة يا دكتور
الطبيب : ان شاء الله حتكون كويسة
محاسن : طب و حازم
الطبيب : انا للاسف مقدرش اقول في حالة حازم حاجة قبل 48 ساعة تحت الملاحظة
، إن شاء الله يكون كويس

تشاءوب و هو يحاول فتح عيناه متمتما : ده مين ابن الرحمة ده اللي عمال يتصل
الساعة دي
زفر بقوة وهو يحاول الرد و قد غلبه النعاس : ايوة مين ، ايوة يا دادا خير في ايه
انتفض من مكانه و هتف مصدوما : أنت بتقولي ايه يا دادا حازم في المستشفى هو و
ندى ، ايه اللي حصل

— معترز ، وايله اللي جاب معترز عندكم

— مخدرات ايه بس ، دادا ايه اللي انا بسمعه ده ، اقلبي يا دادا انا جاي علي طول
مسافة السكة و اكون عندك

بتناقل فتحت عيناها التي كانت مملوءة بالهم ، حاولت أن تفهم أين هي ، نظرت حولها
في محاولة منها أن تتذكر اخر شيئاً رأته و حيث تذكرت انسابت دموعها في صمت ،
اقتربت محاسن منها لترأها و سألتها : ندى ، ندى يا حبيبتى أنتِ كويسة
ردت بتناقل : أنا فين ، ايه اللي حصل

بكت محاسن و ردت : احنا في المستشفى يا ندى ، أنتِ كويسة يا بنتي
بدت مهمومة و مثقلة ، أتى محاسن صوتها بعيد و كأنها لا تستطيع التحدث حين
ردت : ابوة

محاسن : كان مستخيلكم فين ده ، أنتِ ايه اللي حصلك خلاكي توقعي كده ، انت
شوفتي حازم
ندى : لا

محاسن : طب ايه اللي حصلك يا بنتي

لم تستطيع ندى الرد علي هذا السؤال لانه الاصعب ، شردت لتعود لغرفتها و إلي أول
هدية أتتها في أول أو ربما آخر أسبوع من زواجها

انهوا صلاة الجمعة ثم اتجهوا سويا لمنزل أحلام ، بطريقهم كان نبيل مصدوما مما سمع
من ابنه ، إذ كان رده : معقول يا مدحت اللي أنتِ حكيتوا ده يكون صح أنا مش
مصدق إن فريدة جت بعد الفرح تهدد عمك

مدحت : لا يا بابا صدق عيلة رفعت دي ممكن تعمل أي حاجة علشان الفلوس

قالها و هم يطرقون باب شقة أحلام ، سألتها مدحت : عمو طارق هنا

أحلام : لا انهارده عنده كام مشوار و مش حيرجع دلوقتي
جلس نبيل ثم سألهما بحدّة : أنتِ ازاي يا أحلام متقوليلش إن فريدة جت هنا و هددتك
ردت بانكسار : أنا مكنتش عايزة اعمل مشاكل
نيل : خوفك ده هو اللي خالنا انهاردة في مشاكل بصحيح ، لو كنتي نطقتي مكنتش
زمان ندى في الموقف ده ابدا ، الله يسامحك يا أحلام انا مبقتش عارف اعمل ايه
مدحت : اهدي يا بابا احنا اكيد حنتصرف بس لازم نهدي ونستني لما ندى ترجع
ونشوف الطلاق ممكن يتم ازاي
أحلام : طلاق أنتم ناويين تطلقوا ندى
نيل : امال عايزني اسبها مع اللي اسمه حازم ده ، انا لحد دلوقتي مش عارف هو كان
عايز ايه بالظبط من ورا جوازه منها
مدحت : انا خايف يكون الموضوع ابتزاز يطلقها مقابل اننا نسبلهم الفلوس
أحلام : بس حازم بيحب ندى ومش ممكن يكون بي فكر كده
نيل : أنتِ حتبطلي الخيبة دي امتي يا أحلام اذا كان امه جت هنا وابتزتك فعلا علشان
متجيبش سيرة و سومتك علي سمعتك و شرفك بقي حازم مش حيعمل كده في ندى
مدحت : أنا بافكر ارواح العين السخنة اجيها ، أنا خايف عليها
نيل : اهدي يا مدحت اول ما يرجعوا أنا ليا تصرف معاه
مدحت : بس لازم نعرف ندى الحقيقة لازم ندى نعرف إنه اتجوزها عشان يحافظ علي
الفلوس اللي سرقوها
نيل : أنا مش مصدق انه قدر يضحك عليا للدرجة دي
مدحت : اللي زي حازم ده مش سهل ، ده تعبان اتمسكن علينا لحد ما صدقناه
نيل : كويس اننا عرفنا الكلام ده قبل جوازة نيفين ، وانا كده بقيت عارف حاقول ايه
للي اسمه عصام

اتجهت لهاتفها لكي تهاتفه كما طلب منها : الو أشرف بيه ازيك انا أميمة
كان مجاورا لنيرة التي تصنعت مشاهدة التلفاز حين رد : اهلا اهلا أنت بنت حلال ،
في اخبار جديدة و لا ايه

أميمة : عندي خبر عايزة عليه حلاوة كويسة

أشرف : مش لما اسمع الخبر الاول

أميمة : نيفين حتتخطب

أشرف : ده خبر تاخدي عليه حلاوة برضو

أميمة : مش تعرف الاول حتتخطب لمين

أشرف : مين يا تري

أميمة : مستر عصام

علت الابتسامة وجهه و قرر أن يعيد جملتها بأعلي صوته هاتفا : ايه عصام حيخطب
نيفين

التفت نيرة لما قاله و قد امتقع وجهها و خفق قلبها بشدة ، نظر أشرف لها بتشفي ثم
رد : دي اخر توقعاتي اخت ندى ، بس البت حلوة و اهو يبقى حازم اتجوز ندى و
عصام اتجوز اختها ، ماشي يا أميمة ابقى عدي عليا علشان تاخدي حلاوتك ، سلام

تظاهرت أنها غير مهتمة ، اتجهت لغرفة النوم و سحبت مبرد الاظافر من فوق
التسريحة و عادت لتجلس إلي جوار أشرف ، كان يدرك أنها تريد التفاصيل بشدة ،
فتصنع الاندماج في اللعب بهاتفه ، بعد فترة صمت لم تتحملها سألت و هي تبرد
اظافرها : هو عصام خطب

رد ببرود : باين

نيرة : حد نعرفه

أشرف : ابوة يا ستي اخت ندى ، أنتِ شوفتها في الفرح
شعرت ببالغ الغيظ و هي تسأل : هي دي البنت اللي راح وراك يكلمها
أشرف : ابوة هي

تمتت في نفسها و قد قررت أن تنهي الحوار : ماشي يا عصام

ركن سيارته و هرول إلي داخل المشفى بخطوات تسبق الريح ليقف أمام الاستقبال قلبه
يلعلو و يهبط و هو يسأل : لو سمحتي حازم رفعت الصاوي أوضة نمرة كام
الاستقبال : ده في العناية المركزة
عصام : الدور الكام
الاستقبال : الدور الثالث

كانت ندى تقف أمام زجاج العناية المركزة تنظر إليه و قد عرفت من محاسن ما حدث
، لم تنطق بكلمة فقط و قفت لتنظر علي زوجها ابن الثلاثين من عمره داخل العناية
المركزة ، كانت تزرفه دموع تنهمر دون توقف ، لا تعرف أهى علي حاله أم حالها أم
أنه قاب قوسين أو أدنى من سوء خاتمة ، أغمضت عيناها لعلها لا تري ما باتت فيه
واقعا ، أنها بحاجة لغيوبة تنتشلها مما باتت فيه ، قاطعها صوت من وقف إلي جوارها
سائلا : ندى ، أنتِ كويسة

نظرت ناحية الصوت ولم ترد فقط أومت برأسها فعاد ليسأل : امال فين دادا محاسن
أشارت لمكانها دون أن تنطق بكلمة ، شعر عصام بها و نظر باتجاه حازم لا يدري لما
هو هنا ، تنهد ثم اتجه إلي محاسن و التي لم تكن افضل حالا و جلس بجوارها و
سأل : في ايه يا دادا ايه اللي حصل

ردت باكية : و الله يا ابني ما عارفة حاجة كل اللي حصل إنني لقيت حازم مرمي قدام

باب الشالية قاطع النفس فضلت أصوت و أنا مش عارفة اعمل ايه ، بعدها لقيت معتز
جاي يجري قالي هاتيلي مفاتيح عريية حازم طلعت اجبهم لقيت ندى مرمية علي
الارض هي كمان سحبتنا الاتنين و جنبناهم علي المستشفى

ببالغ استغرابه وقف هاتفا : وايه اللي جاب معتز

محاسن : والله يا ابني ما أنا عارفة حاجة

عصام : و الدكتور بيقول إنه اخد مخدرات ، بس حيحاول يللم الموضوع

محاسن : و الله يا بني ما أنا عارفة ده عمره ما شربها ، مش عارفة ازاي شربها

عصام : عموما يا دادا انا حاعرف

ثم نظر باتجاه ندى و سأل : طب أنتم حتفضلوا كده

محاسن : حنعمل ايه

عصام : تعالي اروحك أنتِ وندى حتي تغيروا هدومكم وترجعوا تاني

محاسن : طب نطمن علي حازم الاول

عصام : الدكاترة قالوا مش قبل 48 ساعة تعالي ، أنا حوصلكم و بعدين نرجع تاني

اتجهت محاسن لندى و قالت : ندى يا بنتي عصام بيقول نرجع الشالية حتي نغير

هدومنا ونيجي تاني

أومت ندى برأسها وتحركت معها إلي سيارة عصام ، جلسوا و لم ينطق أحد ببنت شفة

حتي وصلوا الشالية ، لم تعرف محاسن حينها أين مفتاح الشالية حتي وجدت نسخة

كانت محتفظة بها معاها فتحوا و دخلوا و لا زالت ندى علي صمتها

صعدت للغرفة و فتحتها لتراها ، أغلقت عليها الباب و حاولت الحظر من قطع الزجاج

المكسور ، خلعت اسدالها لتري نفسها ذات الرداء الاسود و قد بدت ذات صورة

مخلخلة من إثر تكسيرها لزجاج المرآة ، اقتربت لتري عيناها المتورمتين من كثرة

الدموع و ما هي الا لحظة و هوت علي ركبها أمام السرير و بكت لتفرغ كل ما يحمله

قلبها من ليلة أمس

في الاسفل

كان عصام جالسا بانتظار محاسن و ما إن خرجت حتي قال : انا مضطر ارجع اجيب
فلوس ، المستشفى طلبت حوالي 7 الاف جينه ولازم ادفعهم انهارده
محاسن : خلاص وصلنا المستشفى وارجع هات الفلوس و تعالي علشان متأخرش
عصام : حاولي تخلي ندى تهدي
محاسن : ربنا يستر يا ابني

شعرت بضيق بالغ و هي تسمع ، لم تقنعها كلمة مما قيلت و ردت و هي تبكي : يا
عمي أنا واثقة إن عصام انسان كويس ، أنا من يوم ما اشتغلت عنده ما شفتش منه إلا
كل خير
نبيل : يا بنتي أنا خايف عليك بلاش الراجل ده يا نيفين بلاش عصام
ردت بكل ما امتلكت من ترجي : طب اقعد معاه مرة كمان يا عمي
شعر بالشفقة و هو يري دموعها و انكسارها ، لكنه ما عاد يمتلك بديلا عما ينوي ،
ربط علي كتيفها و رد : صدقني رافضي ده لمصلحتك ، أنا سألت عليه و اتأكدت انه
مش جدير بيكي
أدركت أنه لا جدوي من الجدل فتركته و اتجهت لغرفتها ، لتدفن رأسها في وسادتها و
تجهش بالبكاء ، لم يحتمل نبيل فرحل تاركا قراره للايام لعلها تكون كفيلة بتفسيره

بأسرع ما لديه عاد عصام للقاهرة ، في شقته جهز المال و حقيبة صغيرة حوت بعض

ملا بسه لعله يضطر للمبيت بالعين السخنة حتي يطمئن علي صديقه ، نظر في الساعة التي كانت السادسة مساء ثم توجه للخروج فتح باب الشقة ليصدم بمن كان ينتظره فهتف حين رؤيتها : نيرة

نظر له ببرود و قد عقدت يديها أمام صدرها و سألت : ممكن ادخل

رد مسرعا غير عابئ بها : أنا لازم انزل دلوقتي ، ارجوكي أوعي

أعترضت طريقه أكثر و ردت بحدة : في كلام مهم لازم نتكلمه الاول يا عصام

رد بضيق : احنا عمر ما كان بينا كلام يا نيرة

ردت بتحدي : لا كان في و إذا كنت ناسي افكرك

حاول أن يبعدها عن طريقه هاتفا : قولتلك لازم انزل دلوقتي و بعدين أنت مينفعش

تدخلني شقتي اصلا

ضحكت مستهزئة ثم ردت : ليه هي اول مرة

زفر بشدة ثم سأل : أنت عايزة ايه بالظبط

نيرة : احنا حنتكلم علي الباب

ببالغ غيظه أشار لها بالدخول : اتفضلي

ترك باب الشقة مفتوحا ثم قال بعصية : اخلصي عايزة ايه

أغلقت الباب ثم وقفت قبالتة و ردت ببرود : جاية اباركلك مش خطبت برضو أخت

الميس ندى

زفر عصام و رد : و أنت مالك و عموما ايوة خطبتها عايزة حاجة

نيرة : لا ، مبروك بس كنت عايزة أعرف أنت ناوي بعد توبتك تعرفها حقيقتك و لا

ناوي تلعب لعبة الشريف النضيف دي كتير

نظر لها بتوتر ثم رد : قصدك ايه

نيرة : معقولة مش فاهم قصدي ، ده أنا حتي محتفظة بالفيديو تذكاري عندي

تلعثم ثم أحمر وجهه و كأنه يخشي بالفعل ما لديها ثم تظاهر باللامبالاة و رد : أنت

عايزة ايه بالطبط

نيرة ببرود : عايزة أعرف غيرت ديكورات أوضة نومك و لا لسه زي ما هية

هتف بكل ما أمتلك من عصيبة : نيرة

فهتفت بكل ما امتلكت من تحدي : ايه ، مش عايزين تفوقوا بقي من قصة الشرف و
النضافة اللي نضحت عليكم ، لتكونوا فاكرين نفسكم أنت و حازم كنتوا بني ادمين
اصلا ، لو ناوي تخطب نيفين فساعتها الفيديو ده حيتوزع هدية مني علي الكل نيفين و
ندی و حازم و حتبقي دي هدية جوازك يا عصام عشان ساعتها الكل يعرف عصام علي
حقيقته عصام اللي كان بيخون حازم مع مراته

لم يشعر سوي بصفعه وجهها و هو يصرخ : اخرسي

نيرة وهي تضع يدها علي وجهها : بتضربي يا جان مش هي دي الحقيقة

ثم زادت من حدة هتفها و أكملت : و لوجي و لا نسيت لوجي ، لوجي اللي أنا و أنت
عارفين تبقي بنت مين

أمسك بكلتا ذراعيها و صرخ : اخرسي ، اقولتلك اخرسي ، كل ده كذب كذب

نيرة : لا مش كذب ، أنت اللي خسيس و ندل ، طول عمرك بتكره حازم لكن بتعرف
تمثل كويس و أنا حاوريك نيرة تقدر تعمل ايه

جذبها من ذراعها مقررا دفعها للخارج و هو يصرخ : اطلعي بره -----
----- بره

فتح باب شقته و دافعها و هي تتمتم : لسه لينا كلام يا عصام و حاتشوف

أغلق الباب بقوة ، وضع يديه علي وجهه للحظة فرضت عليه تذكر ذلك اليوم بتفاصيله
، يوم استسلم لشيطانه و خان صديقه ، ذلك السر الذي دفنه بين جنباته طيلة سنوات
بات اليوم أمامه ، ما الذي سيلقاه حين يدرك صديق عمره أنه خانه أو لو أدرك أن لوجي
ليست ابنته

تركه يترنح من السكر و ابتسم و هو يخرج مسرعا ، أرسل رسالة من كلمتين بعد خروجه كانت " كله تمام " ، عندها نزلت من السيارة مقررة أن تصعد إلي شقته ، طرقت الباب فاتجه و هو ممسكا الزجاجاة بيده ، ترنح أكثر فأكثر حتي أمسك بمقبض الباب و فتحه ، حين رآها قرر أن يغلق الباب بوجهها ، لكنها أمسكت بالباب و قررت الدخول ، أغلق الباب و نظر لها سائلا : عايزة ايه يا ست ناني

نيرة : عايزك تفهم الحقيقة يا عصام ، أنا مكنتش عند أشرف لاني بأخون حازم ، صدقني

قالتها متوسله و هي تمسك بكلتا ذراعيه ، نفض يديها عنه و رد باشمزاز : أنت أحقر واحدة أنا عرفتھا في حياتي ، خونتي زمان و دلوقتي بتخوني حازم

هتفت بكل ما تملك : كذب ، أنا عمري ما حبيت غيرك و أنت عارف كده

اقتربت منه أكثر و قد بكت : يا عصام أنت اللي اتخليت عني و أنت عارف أنا بحبك قد ايه

أمسكت بيديه و قالت و هي تنظر لعينه : بصلي كويس أنا ناني يا عصام ، أنا حب حياتك ، فاكر كلامك ليا

شعر بالحنين قد ملئ قلبه فظل ينظر لها و قد أكملت : حازم اللي سرقني منك ، لكن أنا حبيبتك أنت

دفعها بعيدا عنه و قال : أبعدني عني

لم تعبئ بكلامه و احتضنته بقوة هامسة في أذنه : مش حابعد يا عصام أنا بحبك ، عصام أنت وحشتني اوي اوي اوي

أوقف السيارة و دفن رأسه في وجهه و هو يحاول أن يتوقف عن البكاء ، نظر للمشفي

التي يرقد بها حازم لا يعرف إن استفاق و عرف يوما ما تلك الحقيقة ، كيف سيكون الأمر ، مسح الدموع عن عينه و اتجه لقسم الحسابات بالمشفي و بعدها إلي مكان العناية المركزة

كانت ندى علي حالها منذ أن تركها بالصباح معلقة بصرها بزوجهها ، لا تنطق بكلمة واحدة ، فقط دموعها تنساب باستمرار و لا توجد كلمة تستطيع التخفيف عنها ، نظر عصام لحازم ثم أغمض عينه شاعرا ببالغ الاسي في نفسه ، ثم عاد و جلس إلي جوار محاسن ، أسند رأسه علي طرف المقعد لعله يغفو لكن أنين الذكريات فرض نفسه مجددا

حين فتح عيناه ليجد نفسه متوسطا سريره ، لم يلتفت لهيئته و هو يحاول القيام و لم يتذكر شيئا مما حدث ، طرق باب شقته عندها التفت لحاله ، فارتدي ملابسها و اتجه للباب متثابرا ، فتحه ليجد أشرف أمامه ، ابتسم عندها و قال ساخرا : صباحية مباركة
نظر عصام له ببالغ الضيق و رد : عايز ايه يا زفت

دخل و أغلق الباب خلفه و سأل : لسة ناوي تقول لحازم أنك جاتلي الشقة و لقيت نيرة عندي

نظر له عصام و أجاب متحديا : امال عايزني اسيبك أنت و نيرة تستغفلوا حازم
تعالات ضحكات أشرف و رد و قد اختار الجلوس : عندك دليل ع الكلام ده
عقد عصام ذراعيه أمام صدره و رد : حازم مش محتاج دليل لانه عارف إن أنتم الاتنين
زبالة

أشرف : طب بس هدي اعصابك
ثم قام من مكانه و أكمل : أنا معندش مشكلة إن حازم يعرف بس أحسن حاجة أنه يعرف كل حاجة ، يعرف أنك كنت متجوز نيرة عرفي قبل ما يتجوزها و يعرف أنها لسة علي علاقة ببيك لحد امبارح

قال جملته الاخيرة في أذنه و قد ارتسمت علي شفاته ابتسامة تشفي ، التفت عصام

علي إثرها و سأل و قد شعر بالخوف : قصدك ايه

أخرج هاتفه من جيبه مقررًا أعطائه لعصام قائلاً : أتفرج كده ع الفيديو ده و أنت تفهم قصدي

ثم هتف مصطنعًا الغضب : شوف الصاحب ازاي ممكن يخون صاحبه ، نيرة تجيلك البيت تحاول تفهمك الحقيقة تقوم تستغل الموقف يا جبان

تابع عصام المشاهدة في غير تصديق منه لما تراه عيناه ، حتي فهم ما كان بينه و بينها بالامس و عندها لم يستطع أن يكمل و قذف بالهاتف علي أحدي المقاعد ، جذب أشرف من ملابسه و صرخ فيه : ايه اللي حصل امبارح

رد أشرف بهدوء : المفروض أنت اللي تجاوب ، نيرة كانت معاك مش معايا

صرخ عصام منفعلًا : اه يا زبالة يا دون يا سافلة ، لو فاكر انك بكده بتبتزني علشان اسكت تبقي غلطان برضو حاقول لحازم و اللي يحصل يحصل و كمان حاقول لهشام و اعرفه و مش حاسكت يا أشرف

نظر أشرف لوجهه و عينه بتحدي ثم رد بهدوء : لا حتسكت يا عصام ، نيرة كده كده طالبة الطلاق ، و احنا عارفين حازم بيعملها ازاي ، سيبه يطلقها من غير فضايح حتي عشان خاطر لوجي ، لوجي يا عصام و لا اتكلم اكثر من كده
عصام : قصدك ايه

أشرف : بلاش نفتح في كلام قديم ، اسمع يا عصام أنا ناوي اتجوز نيرة بعد الطلاق ، و أوعدك طول ما أنت ساكت أنا ساكت
عصام : و ايه اللي يضممني

أشرف : مفيش ضمان ، وقت ما تعوز تقول لحازم و هشام قولهم ، بس لوجي هي المتضرر الوحيد و خليك فاكر دي

عصام : أنا حاسكت في حالة واحدة بس جوازك من نيرة ، غير كده مش حاسكت وحاتكلم

أشرف : ماشي

قاطعه من شروده صوت الطبيب و هو يسأله : أنت اخوه
وقف عصام بمكانه و رد و قد خفق قلبه : ايوة ، خير يا دكتور
الطبيب : خير و الحمد لله ، اقدر اقولكم دلوقتي إن الراجل اللي جواه ده انكتبه عمر
جديد

شعروا جميعا ببالغ الراحة فسألت محاسن : يعني حيقوم بالسلامة يا دكتور
رد الطبيب : ايوة يا جماعة و يخرج دلوقتي من العناية المركزة و ينزل أوضة عادية
لحد ما يفوق

بسعادة بالغة استقبل الواقفين الخبر لم يعكر صفو ما سمعته ندى غير ما باتت تريد
التأكد منه ، عندها قال عصام لمحاسن : أنتم من امبارح مأكلتوش حاجة ، حاروح
اجيب اكل و شاي و ارجع

و قبل أن يتحرك كان الترولي المحمول عليه حازم يخرج من العناية المركزة باتجاه
الغرفة التي سيقم فيها ، مشي الترولي أمامهم ، ففرضت عليهم اللحظة التأمل ، حازم
من كان دوما يدعي أنه الحوت اليوم لا حول له و لا قوة

زلزله صوته الهادر الذي خرج من حلقه علي اثر ما سمع ، ليواليه الصفعات تلو
اللكمات و لايزال صوته الهادر علي كلمة واحدة : غبي ----- غبي -----
-- غبي

حاول أن يفلت من لكماته و صفعاته و رد صارخا : غبي غبي بس أعيش ، يا روح ما
بعذك روح و دي جريمة قتل يوم ما يحصل حاجة ، أنا اللي حالبسها لوحدي أنا اللي
كنت مع حازم قدام المطعم و أنا اللي كنت في العين السخنة

رد هشام بعصيبة : جبان قولتلك مكنش حيحصل حاجة

معتز : ده انا لميت بالعافية تقرير المستشفى و الدكتور نفسه قال إن كمية المخدرات اللي اخدها مش طبيعية ، و بعدين أنت من الاول مقولتليش أنت ناوي علي ايه ساعتها كان ممكن اساعدك بس من غير ما حد فينا يتأذي ، أما رقتك علي حساب رقتي لا يا اتش ، أنا مضيعش مستقبلي عشان أنت تنتقم ، و لو لسه عايز اولعوا في بعض بس بعيد عني

هشام : طب يا معتز ماشي ، بس تعرف حازم يعرف حاجة عن اللي حصل و ربنا اللي كنت ناوي اعمله معاه اعمله معاك

معتز : لا متقلقش انا خلاص حاسافر ، و اليومين دول حاختفي و مفيش حد جيعرف حاجة و ده مش محبة ، لا ده خوف علي نفسي قبل ما يكون عليك
خرج معتز تاركها هشام كاد يتأكل غيظا و ثأرا و هو يتمتم : ماشي يا حازم يمكن لسه ليك عمر المرة دي ، بس اوعدك المرة الجاية لا

مر السبت كله و لم يستفق حازم بعد ، عند فجر الاحد بدء صوت سعاله حثيثا ، لم يكن بجاوره أحد سوي عصام ، نظر لصديقه الذي بدى و كأنه يحاول فتح عينه
ليخرج اخيرا صوت حازم في قمة ثقاقله حين تمت شفتاه و هو ينظر حوله : ندى -
----- ندى -----

تهللت اسارير عصام و هو ينظر إليه هاتفيا : حازم
اتجه مسرعا للغرفة المجاورة التي كانت بها ندى ، طرق الباب هاتفيا : يا دادا محاسن
استفاقت من غفوتها هاتفية : خير يا رب
كانت ندى نائمة عندما وضعت محاسن شال علي كتافيهما و خرجت من الغرفة و

أغلقت خلفها الباب لتسأل عصام عندها : خير يا ابني
رد عصام ببالغ فرحته : حازم فاق يا دادا
أشرق وجهها و هتفت : يا ما أنت كريم يا رب
هرولت خلف عصام و دخلوا سويا لغرفته ، جلست إلي جواره و قالت : حمد الله علي
سلامتك يا ابني
رد حازم بشاقل : أنا فين وايه اللي جانبي هنا
عصام : يعني مش عارف ، بقي كده برضو تسيب ندى و تروح تسهر مع العيال الالش
دول
بدي عليه الشعور بالالم و هو يرد : بس أنا مكنتش سهران في حنة
رد عصام باستغراب : امال أنت كنت فين
حاول التذكر ثم رد : أنا اخر حاجة فاكرها إنني وقفت تاكسي عشان مرضيتش أخذ
عربيتي معايا بعد ما سببت معتر و مش فاكر حاجة بعد كده
عصام : أنت قابلت معتر
حازم : ايوة ، وقفت معاه قدام المطعم و سبيته بعد كده و رجعت علي الشالية
عصام و قد بدي مستغربا مما يسمع : يعني أنت مرحتش مع معتر في حنة
حازم : قولتلك قابلته و مشيت و الله العظيم سبيته و مشيت
محاسن : يا حازم أنا لاقيتك مرمي قدام الشالية الساعة اتنين بالليل و أنت سكران
طينة و كمان الدكاترة قالوا أنك واخذ مخدرات
حازم : مخدرات ايه يا دادا بس و خمرة ايه طب ده أنا مشربتش مخدرات زمان اشربها
دلوقتي
كان حازم يحاول الاعتدال حين أعاد علي مسامعه ما قالوه ، لينتفض و لاتزال معدته
تألمه سائلا : هي ندى عرفت إنني شربت مخدرات و خمرة
نظر عصام الي محاسن و بادلتها هي الاخري النظر و هم لا يستطعان الاجابة ليعيد

حازم سؤاله : فين ندى يا جماعة ، لتاني مرة عايز أعرف هي عرفت و لا لا
رد عصام مهدئا : طب اهدي دلوقتي و احنا أكيد حنعرف اللي حصل
نظر حازم لمحاسن و سأل : هي ندى رجعت القاهرة و لا ايه ، ما تردوا عليا ندى
فين
عصام : مفيش حاجة هي بس كانت زعلانة علشانك أنت جيت المستشفى و أنت بين
الحياة و الموت
نظر حازم لعصام و امتلك الهم قلبه لانه الي هذه اللحظة لم يعرف ما الذي حدث ثم
أشاح وجهه بعيدا للحظة ثم عاد ليسأل : ممكن تفهموني اللي حصل بالظبط
ردت محاسن : روق بس يا ابني ، ندى في الاوضة اللي جنبك أول ما تصحي حتىجي
و تشوفها

حاول أن ينزل من سريره هاتفا : أنا حاقوم أشوفها
استوقفوه كليهما و رد عصام : اصبر بس يا حازم و بلاش القلق ده يا أخي ، الدكتور
دلوقتي يجي و يطمنا عليك و بعدين لما ندى تصحي تشوفها
لم تستطع الكلمات أن تشعره بالراحة ، بل علي العكس زاد من بالغ شعوره بالخوف ،
كيف له أن يفتح عيناه و لا يجدها إلي جواره

فرغت من صلاة الصبح و ظلت جالسة بمكانها علي سجادة الصلاة ، و كأنها أعتادت
الصمت ، قرعت محاسن الباب و دخلت مبشرة : حازم فاق
ظلت ندى علي حالها و ردت : ماشي يا دادا
علا الاستغراب وجه محاسن حين رأت رد فعلها و عقبته : ماشي يا دادا ، ده أنا قلت
حتطيري من مكانك

ابتسمت ابتسامة ذابلة و رفعت سجادة الصلاة من الارض و هي تقوم من مكانها و
ردت : أنا رايحة علي طول

بخطوات بطيئة خرجت باتجاه الغرفة المجاورة لتلقي نظرة علي حازم الذي ما لبث ان
رآها حتي انخلع قلبه لوجهها الذي أنطفئ ، لم تستطع أن تنظر لعينه كانت تخشي أن
تنظر باحتقار فلقد كان هذا حينها هو احساسها ، نظر لها ببالغ لهفته و قال : اخيرا يا
ندى ، أنا كنت فاكرا أني أول ما أفتح عينا حاشوفك أنت جنبي
عقب عصام و هو يتجه للخروج : أنا حاشوف دادا محاسن و ارجعلكم
خرج و أغلق الباب خلفه ، صوب حازم بصره اتجاه ندى و سأل : مش ناوية تبصلي
يا ندى

لم تستطع النظر اليه حين ردت : حمدلله علي سلامتک

رد بعتاب : لسه فاكرا

تتهد و ردت : معلش

حازم : طب ممكن تقعدني جنبي بدل ما أنت واقفة بعيد كده

جلست إلي جواره صامته فأمسك بيدها و أكمل : أنا عارف أنك زعلانة مني لانك
فاكرا اني سييتك و روحت اسهر مع اصحابي وشريت اللي شربته بس والله يا ندى انا
فعلا مرحتش في حتة ، عارف انك مش حتصدقيني بس و الله هي دي الحقيقة
ردت ببرود : متشغلش بالك دلوقتي قوم بالسلامة و سيب العتاب لوقت العتاب

حازم : أنت بتخاوفني بردك ده يا ندى

ندى : هو في حوت بيخاف أنت ناسي أنك الحوت

رد حازم و قد امتلكه القلق : حاسس إن في حاجة أنت مخيياها عليا ، في ايه يا ندى

قامت من مكانها مقررة الانصراف ثم أجابت : مفيش

استوقفها بكلماته قائلا : ندى ، استني

وقفت دون أن تلتفت و لم ترد فقال : أنا مش عايزك تصدقيني يا ندى و حتي

تسامحني لو فعلا غلطت ، لكن كل اللي حاطلبه منك يا ريت تفتكري وعدك ليا لما
قولتي أنه مهما حصل حتفضلي جنبي
حينها التفتت و وقفت قبالتة و نظرت لعينه ببالغ الاسف و ردت : تعرف يا حازم كلنا
لحظة الوعود بنقول اللي نفسنا فعلا نعمله ، لكن ساعة الجدمش بنعمل إلا اللي
بتفرضه علينا الظروف
قالتها و انصرفت مسرعة تمنى نفسها لو ذكر نفسه بوعوده أولا ، لو أن حازم يظل
حوتا في وعوده و توبته كما كان يوما ما قبلها

مساء قام من مكانه ثم اتجه لمكان خزنته ، فتحها و أخرج منها عدة رزم من النقود ثم
وضعها أمامها و سأل : أظن دول كفاية
نظرت إليهم ثم نظرت له و ردت : مش لما أعرف الاول أنا مطلوب مني ايه بالظبط
عاد أشرف لمكانه و رد : بصي يا أميمة
ثم أخرج من أحدي الادراج شئ و قال : دول ظرفين ، عايز واحد يوصل نيفين و
التاني يوصل حازم
صمتت ثم سألت بعدما فكرت : طب ممكن أعرف فيهم ايه
أشرف : لا ، كل المطلوب منك تعملي اللي باقولك عليه و بس و كله بتمنه ، هه
قولتي ايه
أمسكت بالنقود و سألت : و دول كام
أشرف : 3 الالاف
أميمة : حاخد سبعة
ابتسم أشرف و رد : احنا حنستعبط ، آخر كلام عندي 5 هه قولتي ايه

صباح اليوم التالي

أمام إصرار حازم أن يكتم عصام ما حدث و يعود للقاهرة ، عاد بالفعل متجها للشركة و رؤية نيفين التي لم تعرف شئ مما حدث في العين السخنة إذ أن ندى هي الاخري قررت التظاهر أمامهم في كل مكالمة أنها أسعد عروس بشهر العسل ، وصلت نيفين للشركة و جلست علي مكتبها يملأها الشرود و القلق من سؤال عصام عن طلب الزواج ، تظاهرت أميمة أنها وصلت بعدها و هي تلقي بالصباح و تجلس علي مكتبها ، بدي علي نيفين الشرود إلي حد أنها لم تلاحظ ما وُضع علي مكتبها و قررت أميمة مقاطعتها لتسأل : هو مستر عصام جه

نيفين : لا لسه

أميمة : كويس

ثم قامت من مكانها و أكملت : أصله كان طلب مني أوراق مهمة تخلص في الحسابات ، اشيك تكون خلصت و أرجع

خرجت لتترك نيفين تتصنع أنها مشغولة بما في يديها ، حتي التفتت لما كان موجودا علي مكتبها ، امسكته بيدها لتنظر اليه ، ظرف صغير مكتوبا عليه خاص بالانسة نيفين ، علا الاستغراب وجهها و هي تفتحه لتجد فيه كارت ميموري ، زاد استغرابها و فضولها

فقررت وضعها بهاتفها لتعرف ما بيها ، شعرت برجوع أميمة باستأذنت للتوجه إلي الحمام و غادرت مسرعة ، قامت أميمة و اتجهت لمكتب نيفين لتأكد أنها أخذت الظرف ، لتجد عصام يقاطعها مستغربا وقوفها و هو يسأل : انسة نيفين لسه مجتش

انزعجت أميمة و التفتت له و ردت : لا جت دقائق و تكون هنا

استغرب عصام انزعجها و رد : طب أول ما تيجي خاليها تدخلي

أميمة : حاضر

حاولت التماسك و لكن ظلت دموعها مصرة علي كشف ما حدث ، غمرت وجهها بالماء عدة مرات و جففته بمنديل و اتجهت لمكتبها ، نظرت أميمة لوجهها و فهمت ثم قالت لها : مستر عصام جه و سأل عليكي و قال اول ما تيجي تدخليله

أومت نيفين رأسها ببالح الضيق و ردت : طيب

سألت أميمة بخبث : في حاجة يا نيفين

نيفين : لا ابدا

قالتها و طرقت الباب لتدخل لمكتب عصام و هي تلقي الصباح ببالح الضيق ، رغم ما بدي علي وجهها رد بلهفة : صباح النور ، أنا زعلان منك علي فكرة نيفين : ليه

عصام : مش كان المفروض حد يبلغني ردكم عليا

عقدت ذراعيها أمام صدرها و ردت : ما هو السكوت يعتبر رد يا مستر عصام

شعر بالتوتر فسأل : قصدك ايه

نيفين : قصدي إنه مش لازم يكون الرفض واضح ، أحيانا السكوت بيتفهم منه الرفض

ببالح صدمته رد : رفض

ببالح كبريائها ردت : أنا كنت متوقعة إن حضرتك فهمت لوحدهك من طريقة عمي معاك

زاد صدمته و رد باندهاش : بس أنا كنت فاكِر إن أنتِ -----

قاطعته و ردت : الحقيقة أنا مرتبطة يا مستر عصام ، و خلاص حاتخطب لزميل ليا

كان معايا في الكلية ، عقبالك

رد بانكسار : مبروك

التفتت لترحل ثم عادت و قالت : تسمح تقبل استقالتي يا مستر عصام

رد بضيق : ليه بس يا انسة نيفين

نيفين : خطيبي رافض

نزلت الكلمة كحد السكين فرد : طب ممكن تستني لحد ما اقدر اشوف حد تاني

نيفين : خلاص ، أنا حاكم لحد أول الشهر

الصمت قرر أن يحل ضيفا علي مدار اليومين التاليين ، أثرته نيفين حتي لا تعاتب أو

تتهم أو تجد من عيناها لمن أحبته نظرة احتقار

و التزمه عصام لأن صدمته بها كانت فوق تحمله خاصة لو أنها كانت صادقة في كونها

ستزوج بأخر ، فلقد سأم أن يلعب ذات الدور مع كل فتاة يحبها

و فرضته ندى علي نفسها و هي تتلاشي نظرات حازم لها و عتابه دون كلمة ، و

استماتة عقله قبل قلبه في أن يثبت أنه لم يذنب

فاستسلم حازم لما فرض عليه متمنيا أن تأتي لحظة يستطيع فيها أن يثبت أن ما كان

بالماضي يقينا تغير

ظن أن اللحظة دانت حين طرقت الممرضة الباب و قالت : صباح الخير

حازم : صباح النور ، هو الدكتور مش حيكبلي خروج انهاردة

أخذت قياس النبض و الضغط ثم ردت : إن شاء الله ، بس يا ريت متكررهاش تاني ،

دي المدام كانت منهارة اوي عشانك

قالتها و خرجت و عندها دخلت ندى و قالت : أنا حضرت كل حاجة و عصام دفع

كل حساب المستشفى و الدكتور قال ممكن نروح دلوقتي

ثم أكملت و هي تفتح الدولاب و تخرج ملابسه : و دادا محاسن سابقتنا عشان ترتب

الشالية و تحضرلك الاكل اللي قال عليه الدكتور

وضعت ملابسه أمامه ثم قالت : يلا جهز نفسك عشان نمشي

كانت تتابع حديثها دون نظرة واحدة لعينه ، كادت تخرج من الغرفة لولا أن استوقفها

سؤاله : أنت حاسة بالندم يا ندى

لم تلتفت و ردت : ممكن نأجل الكلام لبعدين يا حازم ، أنا مستنياك برة

نظرت للساعة كانت الثالثة عصرا ، إذن هو موعد الانصراف من الشركة ، وقفت لتجمع أشياءها بحقيبتها لتصرف ، خرج عصام من مكتبه ، توقعت أن يمر بجوارها دون أي كلمة كما فعل بالايام السابقة ، لكنه نظر لمكتب أميمة و سأل : هي روحت

أجابته نيفين : ايوة ، هو حضرتك كنت عايزة منها حاجة

رد بضيق : بكرة

ثم سألها : أنت مروحة

نيفين : ايوة

وضع كلتا يديه علي المكتب و سأل : نيفين ، ممكن أعرف السبب الحقيقي للرفض

وضعت حقيبتها فوق كتيفها و ردت : اعتقد ان الكلام بينا خلص

قررت المغادرة لكنها استوقفها قائلا : لا مخلصش ، نيفين أنا قبل ما أجي البيت

سألتك في حد تاني ولا لا ، قولتيلي لا صح

تلعثمت بردها : أنا مش فاهمة حتفرق في ايه التفاصيل دي مدام انا رفضت الموضوع

عصام : لا تفرق و تفرق كثير علشان لو مفيش حد تاني يبقى ده معناه انك زعلانة مني

بسبب حاجة حصلت ، أو حد قال لعمك حاجة و في الحالة دي من حقي أعرف علي

الاقبل أرد عليها ، لكن لو في حد تاني يبقى أنتِ كنتي بتلعبيني يا يا انسة نيفين

بتدخليني بيتكم وأنتِ في حد تاني في حياتك بتقولي حاجة و تقولي لغيري حاجة و أنا

متأكد إن دي مش أخلاقك ، يا ريت تقوليلي الحقيقة ، الحقيقة و بس

نيفين : طب ممكن نتكلم وقت تاني

عصام : يعني في حاجة فعلا

نيفين : ارجوك يا عصام سيني امشي انهارده و نتكلم وقت تاني

عصام : توعدني

نيفين : اوعدك

كان يعتدل علي سريريه بعد وصلولهم للشالية ، نظر إلي ندى التي كانت تخرج ملايسه لتضعها في الدولاب ، لم يستطع أن يمنع عيناه من النظر إليها رغم أنها لم تنظر إليه ربما منذ أيام ، انتهت ما كان بيدها ثم توجهت لتخرج من الغرفة قائلة : الموبايل جانبك لو عوزت حاجة رنيلي أنا او دادا محاسن

شعر ببالغ الحزن من جملتها فقرر أن يستوقفها : استني يا ندى ، احنا لسه مكملناش كلامنا

نكست رأسها دون التفات و ردت : ارتاح دلوقتي والايام جاية كثير سبق و قولتلك مصيرنا نتعاب و مصيرنا نتكلم

حازم : و تفتكري أنا ممكن ارتاح و أنت في أوضة و أنا في أوضة تانية ، تفتكري ممكن ارتاح و أنا مش عارف أثبتلك إن شكوكك فيا مش في محلها ، ندى أنا عايز اتكلم و دلوقتي

تقدمت خطوات لتقف أمام السرير ، نظرت له بعدما كانت تتحاشي النظر ثم ردت : اوعدك أول ما تخف نقعد و نتكلم

أمسك بيدها و جذبها لتجلس إلي جواره و قال : لا يا ندى احنا حنتكلم و حالا ، و أنا اللي جبدأ ، ندى أنتِ مصدقاني ، مصدقة أني فعلا مروحتش مع معتز في حنة و إنني لا شربت مخدرات و لا شربت حاجة من الكلام ده

عاودت تحاشي النظر و قد أشاحت وجهها و بدلا من الرد انهمرت دموعها ، فبما ترد و قد اختزل القصة في ذهابه و شرب المخدرات بينما الحقيقة لديها صادمة ، استوقفته الدموع فأكمل : أقسمك بالله إنني صادق و إنني مرحتش معاهم في اي حنة

، تحبي تعرفي ايه اللي حصل يا ندى

قالها بإستجداء فردت بلامبالاة : قول يا حازم

حازم : و تصدقني

أومت رأسها فقال : أنا حسيت إن معتز جاي جاي و ده خوفني ، لاني عارف معني الحركة دي و يمكن كمان اكون عارف مين اللي وراها ، قولت أمنعهم و أروحلهم أنا ، و وصلت للمطعم كان معتز اللي مستيني و زعقنا

حازم بضيق : أنتم عايزين ايه بالظبط

معتز : حنعوز ايه غير بس نحتفل بيك يا برنس ، عايزين نرجع ليالي زمان معاك بقي
رد حازم بضيق وعصبية : زمان ده خلاص تنساه و اللي حيفكر يقرب من الشالية أنا حاقطع رجله

معتز : طب اهدي خلاص يا عم من امتي و أنت حمقي كده

زفر حازم بشدة و رد : اسمع يا معتز أنا لا جاي اسهر و لا حتي ناوي اعرفكم تاني و جيت احذرك و كلامي من لساني عايزه يوصل للباقيين ، مش عايز أشوف وش واحد فيكم و لا حتي بالصدفة ، مفهوم
معتز : خلاص يا حازم

ثم أكمل لندی : بعدها سييته و ركبت تاكسي و فكرت أول ما أوصل أخذك و نساfer أي مكان تاني و اقولك إنني عاملك مفاجأة ، بس مش فاكر بعدها ازاي كل اللي حصل ده حصل صدقني ، أنا فعلا مش عارف ، مصدقاني

ندی : طب ارتاح دلوقتي و بعدين نتكلم

قالتها و هي تقوم من مكانها مندفعة و تتجه للخروج فأعاد حازم سؤاله بقلق : طب أنت مصدقاني

فردت بوهن : مصدقك

ثم خرجت مسرعة ، ضم يده ثم ضرب بها علي السرير ببالغ الغيظ ، زفر و هو يسند رأسه للخلف و يتمتم : الكلاب و الله لاوريهم

حاول أن ينام لكنه لم يستطع فقام من مكانه مفكرا أن يهاتف عصام ربما يكون قد وصلت إليه أي أخبار عن معتز الذي اختفي ، لكنه تردد و فكر أن يتجه لندی ، و قبل أن يخرج استوقفه شكل حاسوبه الموضوع علي التسريحة الموجودة بغرفته ، كان ممبعج و كأنه سقط من يد أحدهم ، نظر له جيدا ثم فتحه ليجد ورقة كانت عالقة بالمنتصف ، فأمسكها بيده و قرأها ليفهم منها سر ما كانت عليه زوجته

بالغرفة المجاورة كانت ندى لاتزال تبحث في كل ما مكان بالغرفة عن الخطاب الذي كان معها و هي لا تعرف أين أختفي ، نزلت الدرج مسرعة و اتجهت لمحاسن بالمطبخ سائلة : دادا أنتِ لما روقتي الاوضة مشوفتيش ورقة كده وسط الازاز المكسور

حاولت محاسن التذكر ثم ردت : و الله يا بنتي ما أنا فاكرة ، أنا روقت الأوضة و لما خلصت حطيت اللاب توب لحازم في أوضته و خلاص

ردت ندى ببالغ انزعاجها : ايه

التفتت و خرجت من المطبخ مسرعة و قد شعرت ببالغ الخوف من مواجهة حازم للأمر ، لم تكن تدرك أن الاوان قد فات إلا عندما استوقفها حازم بمنتصف الدرج سائلا : ممكن أعرف ايه ده

نظرت للورقة التي أمسكها بيده و فهمت إنه عرف ، صمتت و لم ترد فتعالات صرخاته : ردي عليا يا ندى و قوليلي ايه ده

صوته دفع محاسن للخروج من المطبخ سائلة : في ايه يا ابني

رد حازم ببالغ عصبيته : أنا اللي بسأل يا دادا

ثم نزل الدرج متجها لمحاسن و سأل : يوم الحادثة ، مين اللي جه لندی الشالية و مين اللي ادها الحاجات دي

نظرت محاسن لندی ثم لحازم و ردت : و الله يا ابني محدش جاه ، يومها الباب خبط و ندى فتحت لكن محدش جه ، و بعدها أنت كنت قاطع النفس و هي مغمي عليها و الاوضة تضرب تقلب أنما ايه اللي حصل انا معرفش

هتف و قد زادت عصبيته : يعني ايه معرفش

ثم نظر لندی و هتف بحددة : ليه مقولتليش علي كل ده

التفتت ندى ناظرة لمحاسن دون رد ثم نظرت لحازم ثم صعدت المتبقي من السلام جارية إلي غرفتها ، انطلق حازم خلفها و ما إن دخل الغرفة حتي اجتذبتها من كلتا ذراعيها و هتف بكل عصبية : ليه مقولتليش إن في حاجات وصلتك يومها ، ليه مقولتليش من أول ما فوقت إن في حد بعثلك حاجات زي دي ، كنتي مستتية ايه يا ندى عشان أعرف

دفعت يده بعيدا عنها ثم صرخت : كنت عايزني اقولك ايه يا حازم

ابتعدت عنه و قد أدركت أن لحظة المواجهة قد حانت فأعادت ما قالت سائلة : كنت عايزني اقولك ايه ، اقولك برفو عليكى قدرت تخدعني ، برفو يا حازم أنت كسبت الرهان و صورت مراتك ، اقولك أني طلعت أكبر مغفلة يوم ما صدقت واحد زيك رد بباله صدمته : واحد زيي

ندی : ابوة واحد زيك

أعادتها علي مسامعه ثم أكملت : واحد كل همه في الدنيا يجري ورا نزواته و بس ، واحد استاذ في خداع الناس و الضحك عليهم مهما كانوا و مهما عملوا عشانه ، واحد فاكِر إنه بفلوسه يعرف يطول أي حاجة و كل حاجة

انهمرت منها الدموع ثم قالت ببالغ الالم : بس عارف الغلطة عمرها ما كانت غلطتك ، أنا اللي من الاول غلطت ، أنا شوفت بعيني جوليا يوم رجوعها من السفر ، و شوفت حاجات كتير اوي غيرها ، و رغم كده صدقتك ، صدقت إن اللي يعيش طول عمره بيتنفس حرام في حرام ممكن يتوب ، أنا اللي استاهل يا حازم و استاهل أكثر من كده بكتير لأنني كنت غبية

قالتها و جلست علي السرير دافنة وجهها في كلتا يديها باكية ، جلس أمامها أرضا ثم رد : ندى ، للدرجة دي ، للدرجة دي أنتِ شايفاني معدوم الشرف ، أنتِ مصدقة إنني

حتى لو كنت بخدعك إني ممكن أسمح لنفسى أصورك أو الكلام الفارغ ده ، اقسملك
بالله ----

قاطعته هاتفة : كفاية كذب بقي ، كفاية يا حازم ، حرام عليك ، ده يمين مغلظ مش
لعبة ، كفاية اللي عملته في الاعتكاف ، دخلت بيت ربنا عشان رهان يا حازم ، بتمثل
التوبة عشان تثبت إن الحوت مبيخسرش ، كفاية يا حازم كفاية

أمسك بذراعيها مترجيا و رد : طب أعمل ايه عشان اثبتلك إنها لعبة و أتلعبت عليا ،
عارف إن ملكيش ذنب في كل اللي كان بيني و بينهم بس و الله ما أعرف حاجة عن
الفيديو ده و أكيد متفبرك

نظرت لعينه و ردت ساخرة : و الصور ، أنت قولت إن مفيش في حياتك غير نيرة و
جوليا ، ممكن أعرف الصور اللي أنا شوفتها دي تخصك و لا لا
نكس وجهه خجلا و رد : ندى ارجوكي اديني فرصة أدافع عن نفسي
ندى بحزم : بتاعتك و لا لا

حازم ببالغ الاسي : بتاعتي بس و الله -----

أبعدته عنها و قامت من مكانها مبتعدة عنه و عندها رد : كل ده كان قبل ما أتوب ،
لكن من يوم ما توبت و أنا بطلت كل حاجة غلط كنت باعملها

التفتت له و زادت سخريتها و ردت : بطلت لدرجة أنك أخذت كمية مخدرات زيادة
بعد ما سكرت طينة ، كنت بتعوض الحرمان من السفالة و قلة الادب ، مكونتش قادر
تصبر ، لا أزاى معتز يجيب الشلة و يكلمك و أنت تنزل و تقفل تلفونك و أنا من
عبطي أبقي حاجن عليك و عايز أول ما تفوق تقولي أنا معملتش حاجة و كل ده كذب
، و أنا اقولك أنا مصدقك و واثقة فيك

تههدت ثم أكملت : لحد هنا و كفاية أوي يا حازم بيه ، بعد اللي حصل ده احنا
مستحيل نكمل مع بعض

وقف من مكانه و هتف : ايه اللي أنت بتقوليه ده يا ندى

ردت ببرود : اللي سمعته يا حازم بيه

وقف قبالتها و نظر لعيناها التي بدت نظراتها متجمدة و رد : معقول يا ندى ، هو ده كلامك ليا ، هو ده اللي مهما حصل حتقفي جنبني ، هي دي وعودك أنا نفضل مع بعض مهما حصل ، مين فينا اللي دلوقتي بيضحك ع الثاني ، مين فينا دلوقتي اللي كان بيكذب ، أنت ليه مش قادرة تصدقي أي فعلا توبت و إن كل اللي قدامك ده كذب

هتفت عندها : صح فعلا كل ده كان كذب يا حازم ، كلامك ليا عن توبتك كان كذب ، و ايام اعتكافك و خلوتك مع ربنا كانت كذب ، ايوة كل حاجة كانت كذب في كذب و خلاص الحقيقة آن أوانها و كفاية لحد كده ، أخرج من حياتي بقي يا اخي و ارجع للصدق اللي يليق بيك ، ارجع للزنا و الشرب و السهر و شلتك ، أرجع للحوث يا حوت ، أنت اللي زيك لا تاب و لا عمره في يوم حيتوب

تنفست الصعداء لحظة ثم أنهت كلامها : و أوعي تفتكر للحظة إن واحد زيك بكل اللي عمله ممكن يكسرني ، أنا رغم صدمتي فيك لكن مش حانهار ، حاستعين بربنا عليك و حافظوا أمري له و حقي عند ربنا سبحانه و تعالي و اللي عند ربنا ميروحش

ساد الصمت ، صمت دافعه أن يتسم ساخرا ثم يقول بعدها : ياااه عارفة يا ندى لأول مرة أقول من جوايا الحمد لله أن القلوب اللي مطلع عليها ربنا و التوبة بينا و بينه ، أنا عملت كتير ، كتير أووي و عمري ما حسبت حساب لحظة من اللي عدت عليا ، إنني أكون بين الحياة و الموت و لما أفوق أشرب من نفس الكاس اللي شربت منه ناس كتير ، أشوف مراتي مكان ستات أنا حطيتهم في نفس المكان ، برضاهم أو غضب عنهم ، لكن في النهاية النتيجة واحدة

بادلته ابتسامته الساخرة و ردت : (افعل ما شئت ، كما تدين تدان)

رد ببالغ تحديه : بس أنا مش حاسيب حقلك يا ندى ، احنا حنزل مصر دلوقتي ، و أول ما نرجع حقلك حيرجع و حاثبتلك إنني راجل يقدر يدافع عن شرفه مهما كان التمن ردت غير مبالية : اعمل اللي تعمله ، لأن دي حاجة مبقتش تخصني ، أنا مبفكرش

دلوقتي غير في الطلاق و بس

نظر بعيناها فأشاحت وجهها عنه فسأل : للدرجة دي مبقاش في بينا أمل

أبتعدت و أثرت الصمت فشعر ببالغ اليأس ، لكن كبرياء ابن الصاوي أبي أمامها
الانكسار

فخرج من الغرفة و نادي بأعلي صوته : دادا محاسن ، يا دادا محاسن ، حضري الشنط
عشان احنا راجعين دلوقتي

نظرت محاسن لندی ثم ردت : دلوقتي

رد بحدة و هو يتجه لغرفته : اعملي اللي باقولك عليه و بس

اتجهت ندى خلفه مسرعة فوجدته يقذب بأحدي الحقائق و يتجه للدولاب ليخرج منه
ملابسه فقالت عندها : ممكن أعرف أنت ناوي علي ايه بالظبط

أنهي وضع الملابس بالحقيبة و أغلق السحاب ثم رفع وجهه و نظر لها و هتف :
روحي حضري شنطتك و بس

ردت بارتباك : قولي ناوي علي ايه يا حازم

نظر لعيناها نظرة بين التحدي و الترجي و رد : حتعرفي أنا ناوي علي ايه يا ندى ، بس
لما يأون الاوان

(23)

ساد الصمت طوال الطريق إلا من صوت محرك السيارة العالي و فرط السرعة علي أمل
الوصول باقصى سرعة ممكنة ، ما الذي يجول برأس ابن الصاوي ؟

سؤال يأن بخاطر ندى تود أن تعرف إجابته لترتاح من فرط القلق الناشب بقلبها لكنهما
أصبحا أبعد من أن يعرف أحدهم ما بات بالآخر

اخيرا وصلا الي الفيلا ، لم يعلم أحد بوصولهم فكعادة فريدة لم تكن موجودة و لوجي
هي الاخري لا تزال بمنزل ندى ، أوقف حازم السيارة و نزل ، نادي حارس الفيلا
ليأتيه مسرعا ، انزل معه الحقائق و لم ينظر إلي من كانوا معه فقط هتف بمحاسن و

هو يدخل للفيلا مسرعا : اطلعي مع ندى و عارفيها أوضتها
دخل لغرفة مكتبه و أغلق بابها عليه ، وطأت قدم ندى فيلا رفعت الصاوي لا كضيفة
بل كصاحبة بيت لكن لم يكن هناك ما يشعرها بذلك ، ظلت واقفة بمنتصف الردهة
تنظر للدرج المأدي إلي الاعلي لا تعرف أتصعد أم تعود أدراجها لما كانت عليه و ترحل
، خرج حازم بخطوات أسرع دون النظر لشيء إلا لما بات ينوي فعله ، نظرت له ندى و
سألت بقلق : أنت رايح فين

رد و هو يخرج : بعدين يا ندى ، بعدين

ركب السيارة و ادار محركها بسرعة أكثر مما كانوا بها إلي حد أن صوت الفرامل كان
كفيلا أن ينخلع علي إثره قلبها و هي تتابع خروجه ، زاد اضطرابها حينما فزعت من يد
محاسن و هي علي كتفيها حين سألت : أطلع الشنط فوق يا بنتي
أومت ندى رأسها و ردت : ايوة يا دادا ، طلعيهم

نظر في الساعة كانت السابعة و النصف و أعاد الاتصال بعصام و هتف : عرفت هو
فين

عصام : عرفت بس مش حاقولك غير لما اعرف ناوي علي ايه

حازم : متعصبينش يا عصام قولي بس هو فين

عصام : أنت عصبي فعلا ، و ده اللي قلقني عليك ، قولي أنت فين و أنا حأجي معاك

حازم : اسمع يا عصام الموضوع ده يخصني و أنا عايز اخلصه لوحدي و مش عايزك
تتدخل ، ريحني بس و قولي معتز فين

عصام : قاعد في شقة المعادي

حازم : و ده جاب مفتاحها مين

عصام : يا أشرف يا هشام

حازم : طيب ، سلام

أغلق هاتفه دون كلمة أخرى و قذفه إلي جواره بينما عصام يهتف : الو حازم حازم

كان يدخن سيجارته و قد اسند قدمه فوق المنضدة المقابلة للأريكة التي كان يجلس عليها و قد وضع الحاسوب علي فخذه ، سمع دوران المفتاح بباب الشقة فشرع ببالغ الخوف ، وضع الحاسوب علي المنضدة و أطفأ سيجارته ليعيد الانصات جهة الباب ، ساد الصمت فشرع أنه ربما مجرد تخيل حتي عاد دوران المفتاح بالباب ، قام من مكانه و اتجه ناحية الصوت و وقف خلف الباب هاتفاً : مين ، مين

أمسك بالمقبض ، تردد في فتح الباب ، عاد للسؤال : مين اللي برة
فتح الباب و علي حين غفلة ناوله حازم لكمة أردته أرضاً و دخل ، رفع معتر بصره ناظراً له ثم قال : ح حازم

نزل حازم علي أحدي ركبتيه ليكون في واجهة معتر و رد : ايه مكنوتش متوقع وجودي و لا ايه ، أنت متعرفش إن الشقة دي شقتي
ثم أمسك بملابسه و أكمل ببالغ الغيظ : و بعدين أنا كان لازم أشكرك علي اللي عملته معايا في العين السخنة لولاك كنت مت و لا ايه
قالها و هو يجره ليجبره علي الوقوف فرد معتر بتلعثم : دي أقل حاجة يا حازم ، أنت طول عمرك صاحبي
حازم : و الله

قالها و لم يشعر إلا بصفعاته و لكماته تتوالي علي وجه معتر صارخاً ليه عملتوا كده
معتر متألماً : خلاص يا حازم حاقولك علي كل حاجة ، أنا مليش دعوة و الله ما ليا دعوة

توقف حازم للحظة و سأل : امال مين

رد بصعوبة : هشام ----- ، هشام هو اللي خطط لكل ده أنا مكنتش
أعرف هو ناوي علي ايه ، فاهمني انه مقلب بس انا مكنتش اعرف

حازم باستغراب : أنا كنت واثق إنه زفت ، بس ليه

معتز : كان عايز يقتلك

حازم : يقتلني ، معقول هشام يفكر في كده

نظر حازم لمعتز و لكمة علي وجهه بقوة و هو يقول : اه يا ولاد -----

شعر معتز أن أنفاسه كادت تتلاشي فرد : كفاية يا حازم اديني قولتك كل حاجة

حازم : لا انا عايز اعرف ايه اللي حصل بعد ما ركبت التاكسي

رد معتز بوهن : مكنش تاكسي يا حازم دي كانت عربية تبع هشام واول ما ركبت خدرك

حازم : و بعدين

تابع معتز : بعد ما اتخدرت ، العربية وقفت و ركبت فيها أنا و هشام معاك ، بعدها

طلعنا علي شاليه كان هشام مأجره ، حاطيناك فيه و كل شوية كان هشام بيدخل يديك

جرعة من شريط برشام كان جيبه معاه ، كانت اقصي جرعة مسموح بها من البرشام اللي

جابوا 3 جرعات بس هشام زود جرعتين علشان يضمن أنك تكون ميت قبل ما توصل

الشاليه

لم يكن حازم مصدق ابدا ما يسمع إذا لم يتوقع الغدر منهم إلي هذا الحد ، صمت

معتز فسأل حازم : مين اللي حط كاميرا في الشالية

معتز : أنا

عند هذه الجملة لم يشعر حازم بنفسه و هو يضرب معتز بكل قوة بينما معتز يصرخ :

كفاية يا حازم كفاية

انهي حازم ضرباته باجهازه علي ساقه ليسمع صوت صرخة قوية من معتز : اه اه يا

حازم رجلي حرام عليك

ليجد حازم نفسه ممسكا برقبته بين يديه لا يدري هل يقتلهم ؛ أهذه نهاية ما كانوا

جميعهم عليه ، الا ان انفاس معتز المتلاحقة استوقفته بكلمة : حاموت يا حازم

عندها هتف حازم : فين الفيديو اللي صورتوه

ثم ارخي يده ليحجب معتز : لو قولتلك ان مفيش فيديو مش ح تصدقني ، بس دي الحقيقة و قسما بالله ما في فيديو

شعر حازم بالغيط فاعاد يديه بقوة لعنقه فهتف معتز و الله ما كان في فيديو يا حازم ، الكاميرا كانت علي ظهر التسريحة و التسريحة اتحركت و الكاميرا وقعت وراها و الله ده اللي حصل

عندها تذكر ندى و ما فعلته لترتيب الغرفة يومها لكنه عاد و امسك بملابسه هاتفيا و فين الكاميرا دي

معتز بوهن : عند هشام ، هو ملقاش عليها الا اول عشر دقائق و ركبهم علي فيديو و قالي ان اخركم تنفجوا علي دول و تصدقوا اننا صورناكم و دي كده كل الحقيقة و انا دخلت الشالية يوم خروجك انت و ندى و كانت ورا التسريحة

قام حازم عنه و نظر له باحتقار و رد : عارف لو اي حد عرف بالموضوع ده انا حاعمل ايه ، انا كسرتلك رجلك ، شوف لو عايز اعمل فيك حاجة تانية ساعتها اتكلم و اقول ع اللي حصل ، فاهم

معتز : فاهم

في غرفتها كانت تجول في حيرتها وهي لا تعرف أين ذهب ، تنظر للساعة حتي عادت فريدة التي استوقفتها سيارة حازم ، ابتسمت ساخرة لتوقعها بأنهم سيعودون قبل انتهاء الفترة التي حددوها ، إلي الداخل نادى علي محاسن لتسأل : رجعتوا بسرعة يعني ، هو العريس زهق بالسرعة دي

ردت محاسن : حازم بيه قال ان في وراه شغل ضروري

ضحكت و ردت ساخرة : شغل

ثم سألت : هما في اوضتهم

محاسن : حازم بيه خرج و ندى هانم هي اللي في الاوضة
زادت ضحكتها و ردت : هانم ، و الشغل مكنش يستني للصبح ، واضح انه اتبسط
اوي مع بنت عبد الدائم
ثم لمحاسن : روحي أنتِ دلوقتي
ثم اتجهت للصعود الي غرفة حازم طرقت الباب ففتحت ندى لتجدها أمامها قائلة :
حمد لله ع السلامة ، رجعتوا بدري يعني ، لحقتوا تزهقوا من بعض بالسرعة دي
شعرت ندى ببالغ التوتر و الضيق و ترددت بما ترد فما كانت منها إلا ان ترد بـ :
أصلي حسيت إنني تعبانة شوية فطلبت من حازم نرجع
لم تستطيع فريدة مقاومة الضحك بعدما ادركت أن محاسن و ندى يكذبان و ردت
ساخرة : لا الف سلامة عليكِ
ندى : الله يسلمك
فريدة برود : طب انا في اوضتي لما يرجع خاليه يجيلي ، أوكي
ندى : حاضر

كان يعلم أنه سيأتي الي هنا و كان بانتظاره ، لم يترك معتز و يرحل إلا بعد ما طلب منه
مهاتفة هشام ليأتي به إلي هنا ، و سيأتي لا محالة لان معتز أخبره أن حازم قد ترك العين
السخنة اليوم و قد يأتي بأي لحظة إلي هنا و قد يعرف منه ما كان ، هنا أدرك هشام أن
اللعبة لم تنتهي بعد ، فما كان منه غير أنه بدل ملابسه و خرج باتجاه شقة المعادي ، و
بأسفلها كان ينتظر مجيئه ، كان يشعر حازم أنه ما عادي يجدي مع هشام المواجهة ،
فثمة أشياء يعجز دوما قولها أمام غدر لم يستطع عقلك توقعه ، عند هذه اللحظة انتهى
أوان استرسال الكلمات و تلاشت كل مشاعر الردع و لم يبق سبيل سوي الصفع أمام
الصفع ، لذا انتظر حازم بسيارته لحظة وصول هشام و هو يدرك ما سيفعله و ما إن

أوقف هشام سيارته و نزل حتي أدار حازم سيارته و قد عرف وجهته ، دوي صوت محركها في اذن هشام فالتفت لتقع عينه علي من يقودها و لحظة و ارتطم بها ، و انطلق حازم بعدها غير عابئ بمن سقط مجاورا لها مخضبا بالدماء ينازع الالم ، فقد كان أشد ألما منه إذ أدرك أن ماضيهم العفن سيصر دوما علي جذبهم للأسفل ثانيا ، من قال أن أعين الرجال لا تعرف البكاء ، بل و حتي قلوبهم فلقد انسابت الدموع من عينه لأنه شعر أن من كان حوتا في ذنوبه عاجز أن يكون حوتا في توبته ، عاجز أن يبقيا ناصعة دون دنس ، عاجز عن الثبات دون ترنح بين ما كان عليه و ما بات يريده ، و الاصعب أن من كان يظنها ستعيه ، عند أول سقطة ظنت أنه فعلها نفضت يدها عن إعانته و قررت الرحيل

أوقف سيارته بعدما وصل فتوقفت عندها دقات قلبها ، إلي أين رحل سؤال كانت بشدة تريد إجابته ، لذلك لم تنتظر صعوده بل هرولت هي لتراه يدخل و قد حاول أن يبدي تماسكه و إنه بخير رغم إعيائه ، وقفت أمامه فرأي في عيناها الخوف من السؤال الملح علي عقلها بل و الرعب من إجابته ، و رغم ذلك قررت أن تطرح سؤالها إلا أن صوت فريدة فرض بقاء السؤال علي طرف لسانها حين هتفت بنبرة ساخرة : حمد لله ع السلامة يا حازم

نظر هو لأعلي حيث مكان وقوفها و شعر بنظرة الشماتة و التشفي تملأها ، يبدو أن لا حد باستطاعته معرفتك بقدرك من ربك ، ففريدة تعلم ما زرعته بحازم و لن تخطئ في التقدير ، لكنها كان ينبغي أن تعلم أنه أيضا قد ورث بعضا من دهاء والده ، لذا قرر تصنع السعادة متفاديا تحقيق أماني والدته ، فاحتوي كتف ندى و ابتسم و رد : الله يسلمك

ثم نظر لندی و أكمل : معلش يا حبيبي اضطرنا نقطع شهر العسل و نرجع بسرعة ،
إن شاء الله اعوضها لك في أقرب فرصة

لم تستطع ندى التصنع مثله ، بدي القلق علي ملامحها و هي ترد بهدوء : و لا يهملك

ثم سألت ببعض القلق رغما عنها : أنت كويس

نظر لفريدة و زاد ابتسامته و قد اتكى علي كتف ندى لشعوره بالتعب و قال : الواحد
حاسس أنه حينام و هو واقف من كتر التعب ، مش يلا نطلع ننام

قالها لندی و قد بدأوا صعود السلالم و هي تشعر أنه يستند عليها ، شعرت فريدة أن

ثمة شئ حدث و بمجرد مرورهم من أمامها استوقفتهم سائلة بضيق و قد عقدت

ذراعيها أمام صدرها : و لما أنت مستعجل ع النوم اووي كده كان ايه اللي جابك من

العين السخنة اصلا ، و ايه اللي حصل خالاكم جيتوا فجأة

التفت حازم و رد : مشكلة في الشغل و كان لازم ارجع

ردت فريدة ببالغ سخريتها : حاصدك يا حازم مع إني عارفة كويس إن عصام كده كده

هو اللي شايل الشغل ، لكن حاصدك إن اللي جابك علي ملي وشك من هناك بالشكل

ده كان شغل مش حاجة تانية

قالتها و هي تنظر لندی شذرا ثم التفتت للعودة لغرفتها و تكمل : تصبحوا علي خير

دخلا غرفتهما و عندها أبتعد كل منهم عن الاخر و قررت ندى السؤال بحسم :

ممكن أعرف كنت فين و عملت ايه بالظبط

علي طرف سريره ارتمي جالسا ثم اسند ظهره و رأسه للخلف و بعدها أغمض عينه دون

رد ، و كأنه يريد نسيان ما حدث و كل هذا و عيناها معلقة بوجهه دون أن يأتيها أي رد

، فعادت لتقف أمامه و أعادت سؤالها : حازم من فضلك رد عليا و قولي كنت فين

رد بهدوء : عايزة ايه يا ندى

سألت بلهفة : عايزة أعرف روحك فين

تنهد بوهن و رد : ليه ، هو مش أنا متفق معاهم عليكي ، عايزة تعرفي ايه يا ندى

صمت و بعدها اعتدل ناظرا لها و قال : كل اللي اقدر اقولها لك اني عملت اللي كان لازم يتعمل ، و الفيديو اللي ع السي دي اللي يخصك فيديو متفبرك و ممكن تتاكدي بنفسك نظر كلايهما للاخر ثم قام من مكانه متجها للارايكة المقابلة و قد سحب أحد الاغطية مقرررا افتراش الارايكة و هو يكمل : لكن الصور و الفيديوهات اللي تخصني هي فعلا بتاعتي ، أنا عارف أنك مصدومة و انا مش حاقد الومك في اللي قولتيه ، و مش حافرض عليكي حاجة في اللي جاي ، نفسي اقولك ثقي فيا ، بس حاسس إنني مبقتش أقدر اقول حاجة

ثم تمدد في مكانه قائلا : تصبحي علي خير يا ندى

ثم أولها ظهره متفديا المزيد من نظرات العتاب و القلق

في المشفي ولم يبدو عليهم اي قلق او توتر ربما فضول لمعرفة ما الذي حدث و هل عن عمد أو حادثة ، قطعت نيرة الصمت سائلة : انا لحد دلوقتي نفسي افهم ايه اللي

حصل و مين اللي عمل فيه كده ، معقول حد يكون قاصد

أشرف : اخوكي حبايبه كثير و يمكن حد من طرف منة الدريني

نيرة : معقولة

أشرف : و ليه لا

ثم أكمل زافرا : احنا حنفضل هنا كتير

نيرة : لو عايز تمشي اتفضل ، انا حاستني اسأل الدكتور عليه

لحق بهم هيثم ليسأل : هشام عامل ايه انهاردة

ردت نيرة : كويس

ثم نظر لأشرف : ازيك يا أشرف ليك وحشة والله

أشرف : اهلا ازيك يا هيثم

هيثم لنيرة بخبث : و ازيك يا مدام نيرة

علت وجهها ابتسامة ساخرة و ردت : اهلا يا استاذ هيثم

أشرف بضيق : انا خلاص ماشي ، لو عايزة حاجة ابقي كلمني ماشي

نيرة : أوكي ، يا أشرف ، سلام

لحظات وغادر أشرف ليقني هيثم مع نيرة نظر لها بعيناه المملوءة دائما بالرغبة و سأل

: ايه يا ناني كده برضو و لا كأن كان في بينا معرفة

نيرة : ما انا قولتلك مش باعرف اقبالك طول ما أشرف هنا

هيثم : لا دي حجة مبقتش تجيب معايا و بعدين ما أشرف مشي اهو ، و هشام و نايم

جوه يعني مفيش فرص احسن من كده قولتي ايه

تنهدت و هي تحاول التفكير ثم ردت : طب حسأل الدكتور علي حالة هشام وصلت

لفين و ارجعلك

جذبها ناحيته و أكمل : انا حاستنكي و مش حاروح من غيرك فاهمة

نيرة مبتسمة : فاهمة

وضع سماعة الهاتف ثم نظر لوالده و عقب : ادينا عرفنا من عمتو أحلام إن ندى
وحازم رجعوا امبارح ، هه حنعمل ايه

نبيل : اصبر بس يا ابني ، لما نشوف حنعمل ايه

رد بكثير من الانفعال مدحت : نصبر علي ايه ، احنا مش حنقابل ندى و نقولها علي
موضوع الوصية

رد نبيل ببعض الضيق : و الله المشوار ده ثقيل اوي علي قلبي ، مش عارف بس حاقول
ايه لندي و ندي حيكون رد فعلها ايه ، كمان طلاقها دلوقتي حيكون صعب اوي

مدحت : اسمع يا بابا دلوقتي او بعدين عمر حازم و ندى ما حيقدرنا يكملوا مع بعض
، يا بابا انت شفت مامته عملت ايه مع عمتو يعني سرقوا فلوسها و كمان بيهددوها ،
انا مش عارف احنا ازاي قابلين ان ندى تعيش في البيت ده و احنا عارفين ان الناس
دول مش ناس كويسة و فلوسهم دي فلوس حرام

زفر نبيل بشدة و رد : طب علي الاقل يومين تلاتة كده ، بعدها اروح ازورهم و اقعد مع
جوزها و اقوله

مدحت : لا يا بابا انا عايز مواجهة و فكرت كمان نكلم المحامي يكون معانا و يجيب
معاه اوراق الوصية

نبيل : بالسرعة دي يا ابني

مدحت : مش احسن ما بنت عمي تفضل عايشة وسط المال الحرام ، لكن علي كل
حال نستني زي ما قولت يومين او تلاتة و بعدها لازم ندى تعرف كل حاجة

لازالت علي وجهها المقتضب و لازال لا يعرف السبب ، كان يمضي الاوراق متابعها
لملامحها بينما كانت هي تنفادي النظر اليه و رغم ذلك سأل : كده خلاص الفاكس
ده وصل

ردت باقتضاب : ايوة

عصام : طب كده تمام

همت لتخرج فاستوقفها سائلا : ندى و حازم جم من امبارح ، حنتجمع كلنا هناك مش
كده

ردت دون اهتمام : ايوة ، اي اوامر تانية

قام من مكانه خلفها و سأل : لو وجودي حيايقك ممكن ماجيش

نيفين : لا ابدا ، اللي عرفته من ماما إن طنط فريدة كلمتنا كلنا تجمعا ع الغدا و كده
أو كده احنا كنا رايعين

عصام : طب مش كنتي وعدتني أننا نتكلم مع بعض

نيفين : خليها وقت تاني

بدي مقررا حسم أمره حين رد : لا يا نيفين انا عايز اعرف و دلوقتي ، أنت متعرفيش
العذاب اللي أنا فيه

نيفين : يعني مصمم

عصام : ايوة

نيفين : طب ثانية واحدة

قالتها و خرجت لمكتبها ، فتحت حقيبتها و أخرجت منها ظرف صغير و عادت إليه بعدما طرقت الباب ، كان لا يزال بمكانه قرب الباب حينما مدت يدها إليه فسأل : ايه

ده

قالت بحدة : شوف اللي في الظرف و بعدها ابقني قرر إن كنت لسه عايز تتكلم و لا لا

عصام : ايه ده

أخرجت نيفين الميموري من الظرف و وضعتها علي المكتب ثم نظرت اليه و ردت : شوفها و بعدها اذا كان عندك رد قوله ، و أنا حاسمك ، أنا كنيفين عمر ما كان عندي مبرر للخيانة ، خصوصا لو كانت لبني ادم ائتمك علي كل حاجة ، لكن برضو حاسمك عشان اعرف مبرراتك ايه

تركته و خرجت و عندها فهم ، فهم أن ما كان يخشاه في الظل سي طرح للعلن و أن الدائرة قد دارت و فرضت عليه أن يدفع الثمن

كان جالسا علي الاربكة بعدما استيقظ يتابعها بعينه و هي مستغرقة في نومها ، ملأه الحنين أن يجاورها ، إلا أن بعضا من كبرائه منعه ، كان يخشي قرارها و يريد أن يشرح لها الامر و ما فعله إلا أنه تردد ، يريد معها و لكن و هي سعيدة و راضية لا رغما عنها أو لأن هناك ظروف اضطررتها لاستكمال ما تعاهدوا عليه يوما

تنهد حزينا و قام من مكانه مقررا الاغتسال و تبديل ملابسه ، الا أن مروره بجوارها فرض عليه الالتفاف لها ، فزاد شوقه و دفعته قدمه ليجلس مجاورا لها ، بل مقتربا من أذنيها هامسا : عارفة ، يا ريتني مكونتش عرفت في حياتي دي كلها غيرك

جملته أيقظتها لكنها لم تحرك ساكنا ، لم يدرك أنك كانت مستيقظة أم في سباتها حينما أكمل : يا ريت لو كان بأيدي كنت أرجع الزمن 10 سنين لورا و أغير معاه كل حاجة عملتها ، أدفن حازم الحوت بماضيه و أطهره و أرجعه بني ادم يليق بيكي تنهد مسندا رأسه للخلف كأنه يحدث نفسه و أكمل : هو أنا واحد من كتر ما غلط بقي خلاص ملوش توبة

جملته أجبرتها علي الاعتدال لترد عليه و قد شعرت بضيقه : مين اللي قالك كده ، رينا سبحانه و تعالي بابيه مفتوح لاي حد مهما كانت ذنوبه ، إن الله لا يمل من استغفار العبد حتي يمل العبد من استغفاره

اخترقت الجملة أذنه فاعادته لايام المعتكف ، تذكر جملة الحاج حامد حين قالها و قال له كلما ضاقت بك السبل تذكرها ؛ إن الله لا يمل من استغفار العبد حتي يمل العبد من استغفاره ، عندها اعتدل ليواجهها و رد : طب و الناس ، الناس اللي عمرها ما حتمل أنها تفكرك باللي كنت فيه مهما قولت أنك توبت ، الناس اللي عمرها ما بتسالك و لا بتغفرلك و لا بتسامحك مهما عملت حتي لو هما اللي بيغلطوا طول الوقت ، الناس اللي لما بتحطك في قالب بتفضل تعاملك علي اساسه من غير ما تراعي أنك فعلا اتغيرت

قالها و قام من مكانه بعدما ضاق صدره فقامت خلفه لتقف قبالبته ثم ردت بحسم : و أنت مالك بالناس

ثم هدأت من نبرتها و أكملت : أنت دلوقتي مش بتعمل الصبح عشان الناس ، أنت بتعمله عشان ده اللي لازم عمله ، أنت ندمان علي اللي فات و لا لاء حازم : لسه بتسألني يا ندى

ندى : طيب لو ندمان زي ما بتقول ، يبقى الحمد لله أنك فوقت و قررت متضيعش
عمرک کله في وضع غلط ، لسه قدامک تصلح علي قد ما تقدر من اللي فات و تحاول
في اللي جاي ، و دي نعمة كبيرة اوي حازم مش نعمة هينة

امتلكته الحيرة فاقترب منها أكثر سائلا : احتارت في أمرک يا ندى ، اللي يسمعك
امبارح و يسمع اللي قولتيه ، لازم يستغرب و هو بيسمعك دلوقتي ، ساعات بأحس
أنك بتحيني و ساعات -----

قاطعته قائلة : و ساعات بخاف يا حازم ، ساعات كثير غضب عني بخاف ، أنا باقولك
مالك و مال الناس بس انا برضو جزء منهم ، و أكيد ممكن تيجي عليا لحظات أضعف
و أفكر بنفس الطريقة

حازم بترجي : يعني مفيش أمل ف-----

اقتطعاهم صوت طرق الباب فاتجه حازم ليفتح فإذا هي لوجي تهتف : أنا جيسيسيسيت

حازم : لوجي

ضحك رغما عنه و احتضانها لكنها تركته و جرت للداخل حيث ندى التي بمجرد
رؤيتها نزلت علي قدميها و احتضانها هاتفة : وحشتني اووووووي يا لوجي

ردت ببالغ سعادتها : أنتِ كمان يا مامي ، أنا فرحانة اوووي أنك حتفضلي هنا علي
طول و مش حتمشي تاني و خلاص بقيتي مامي ، صح

ثم نظرت لحازم و أكملت ببالغ فرحتها العفوية : أنا كده بقي عندي مامي و بابي مش
حيسينا و يسافر تاني ، يعني بقي عندي مامي و بابي ، صح

تبادل حازم و ندى النظرات في صمت لكن ندى قررت تولي الرد قائلة : صح يا لوجي

، صح

نظر لها متمنيا لو أن إجابتها تكون صدقا ما تتمناه ، فبادلته النظرة متمنية لو أنه صادق
بالاساس فيما يتمني

24

ذرفت من عينه دمعة شعر بثقلها ، لأول مرة تعرف عيناه الدموع شعر بضيق يلف عنقه
كمن يريد ان يخنقه نظر حوله الي الغرفة الفارغة و التي لا يوجد بها احد يعبئ به سواء
كان حيا او ميتا ، لم يجد احدا يبكي من اجله و لا يعرف لماذا حينها تذكرها ؛ نعم
هي ، هي اول فتاة احبته صدقا لكنه بدالها الحب غدر ، شرد بعيدا في ذلك اليوم
الذي اتت فيه متوسلة قبل انتحارها كل ما كانت ترجوه هو ان يسترها لكنه كان اندل
رجلا علي الارض

الي شقة المعادي عادت به الذكرى ، يوم أتته راجية باكية ترثي حالها فكان رده : انا
اضمن منين ان اللي بطنك ده يبقى ابني مش جايز ابن أشرف
ردت منهارة من كثرة البكاء : مش مهم ابن مين فيكم المهم ترحموني اهلي حقتلوني يا
هشام اكتب كتابي بس و طلقني استر عرضي حرام عليك مش مكفيك اللي عملته فيا
مش مكفيك انك ابتزاتي بصوري و خليت أشرف هو كمان يقابلني هنا ، انت و أشرف
عملتوا فيا اللي مفيش حيوان يعملوا ، ارحموني بس مش اكثر ، خايفة اموت خايفة من
اهلي حقتلوني يا هشام مش عايزة منك حاجة غير بس ترحمني

هشام برود : يوووووووووو أنتِ بقتي تقرفي اوي يا منة اسمعي يا حلوة انا مضرتكيش
علي ايدك أنتِ جيتي برجلك لحد هنا ، أنتِ اللي وافقتي من الاول انه يحصل بيني و

بينك حاجة ، فمتجيش دلوقتي تعيطي و تقولي اهلي ، بلا اهلي بلا زمالك لو كنتي
بتحترميهم مكنتيش جتي معايا اصلا

منة بانهيبار : معاك حق الظاهر بمقاش مكتوب عليا الا الموت انا و ابنك اللي مش عايز
ترحموا هو كمان

هشام : بس متقوليش ابنك بس علشان قلبي الرهيف ميتعبش منك
منة بانكسار و هي ترحل : انا مليس غير ربنا و مش حاقولك غير ربنا ينتقم منك انت
و أشرف ربنا ينتقم منك يا هشام ربنا ينتقم منك

عاد من شروده باكيا رغما عنه ، ما الذي استفاده حينما دفعها دافعا الي الانتحار خوفا
من أن تفضح اهلها ، ليته كان رجلا و سترها لكنه لن يستطيع ان يكون شيئا لا يعلمه
فهو الي هذه اللحظة لم يجد من يعرفه معني الرجولة حتي يكونها

فرغوا من تناول فطورهم و هم يتبادلان اطراف الحديث و يمازحان لوجي ، ما جمعهم
من شعور بالالفه و الضحك فرض عليهما أن يدوان سعيدان دون حاجة إلي التصنع ،
كان بصدق شعورهم و ما زاده هو وجود لوجي بينهم ، اتجهوا الثلاثة ليجاوروا شريفة و
فريدة في غرفة الصالون و بدأوا يتبادلون أطراف الحديث و شريفة ، كانت تشعر براحة
أكبر بعدما أطمئنت علي ندى و تطرقوا للسؤال عن عصام و نيفين و عندها كانت
نيفين قد وصلت ، لتفاجئ بردة فعل حازم و ندى حين علموا بالرفض ، عندها ما كان
من ندى غير الصعود لغرفتها و نيفين و بعد لحظات لحق عصام بهم في الفيلا لكن

وجهه لم يكن علي ما يرام مما دفع حازم للتحدث معه في غرفة المكتب

— ايوة ليه ، أنا بسألك ليه

زفرت نيفين و ردت : مفيش نصيب و خلاص يا ندى ، هو لازم يكون في سبب

وضعت ندى يدها علي كتف نيفين و ردت : أنا بسألك عشان أنا حاسة بيكي و عارفة

إن عصام بيحبك و أنتِ كمان -----

نيفين : كذب

هتفت بها عنوة و ردت : مش دي الحقيقة يا ندى ، و ياريت كفاية كلام في الموضوع

ده ، مش معني أن انتِ و حازم اتجوزتوا ، ابقى انا و عصام لازم نتجوز مفيش نصيب يا

بنتي ، عادي يعني

و قبل أن تزيد ندى بكلمة استوقفتها نيفين و قالت : كل اللي اقدر اقولك إن عصام

مش زي ما كلنا فاكرينه و إن في في حياته واحدة تانية و بس

— أنت بتقول ايه ، معقول هشام يخطط لكل ده

رد حازم ببالح ضيقه : ايوة

رد عصام معاتبا : بس برضو أنت غلطان يا حازم

زفر حازم و رد : لسة بتقولي غلطان يا عصام ، أنا مكونتش عارف أعمل ايه ، مفكرتش

و محسيتش و لا فوقت إلا لما شوفته مخبوط قدامي

عصام : و افرض أنه كان مات ، تودي نفسك في داهية

حازم : أنا لو عايز اقتله كنت اقتلته ، دي قرصة و دن بس

ثم قرر تغيير الموضوع سائلا : ايه حكاية موضوعك مع نيفين

زفر عصام و قد شعر ببالغ الضيق و رد : متشغلش بالك أنت ، الظاهر مفيش نصيب و

بس

حازم : ايوة ليه ، ايه اللي حصل

قبل أي رد كانت زامور سيارة نيرة يضرب علي البوابة ليقطع حديثهما ، قام حازم من

مكانه ليتأكد أنها هي ثم هتف : دي نيرة جيت

علق عصام بضيق و هو يجاوره الرؤية من النافذة : و دي ايه اللي جابها

عقب حازم في ضيق : أكيد ماما

كانت ندى و نيفين ينزلان الدرج حينما انفتح باب الفيلا لتدخل نيرة منه مقررة إلقاء

التحية علي الجميع ، سلمت علي لوجي و قد بدى جفاء السلام واضحا ، و ما إن

اتجهت بسلامها لحازم و عصام حتي شعرت ندى بالغيرة ، لا تدري لماذا لكن هذا ما

أستشعراته من رؤيتها ، استقبلتها فريدة بترحاب بدى للجميع جاليا و هي تسأل :

اتأخرتي ليه يا ناني

جلست مجاورة لفريدة و قد اتخذ كل واحد من الحاضرين مكانه و ردت : مش

حتصدي يا انط ، هشام في المستشفى

لا إراديا نظرت ندى لحازم فأشاح بوجهه و عقب : سلامته ، خير

سألت فريدة باضطراب : ايه اللي حصل

ردت ببرود : البواب بيقول عربية خبطيته و مشيت و محدش شافها ، بس الدكتور قال

إنه حيتحسن

ثم نظرت لعصام و ابتسمت و سألت : و اخبارك ايه يا عصام ، محدش بقي بيشوفك

يعني

زفر عصام و رد : كويس

عندها نظرت نيفين له باحتقار و هبت واقفة من مكانها تقول في حدة : كفاية

ثم نظرت ندى و قد نظر حازم لها فتلعثمت ثم أكملت : كفاية كده يا ماما ، أكيد ندى

و حازم تعبانين من السفر و محتاجين يرتاحوا ، باقول يلا بينا نمشي

و قبل أن ترد شريفة وقف حازم و رد : لا نستأذن ايه ، احنا حنتغدي مع بعض و أنا

حاطلب من دادا محاسن أنا و عصام ناكل في المكتب ، عشان اشوف اخر اخبار

الشغل مع الاستاذ عصام و أنت لازم تراجعى وراه عشان انا اصلا مش باثق فيه

قالها مازحا إلا أن نظرات نيفين كانت تبدو و كأنها تريد تأكدها و الاصعب هو رد فعل

نيرة حين ضحكت ساخرة ضحكة بالغة الصخب أشعرت الجميع بسخريتها من عصام

ففرضت علي شريفة القيام من مكانها مؤكدة علي كلام نيفين و هي ترد علي حازم :

خليها وقت تاني يا ابني

حازم : لا أرجوكي يا طنط لازم ، أنا حاقول لدادا محاسن تحضر الغدا

حينها قامت نيرة من مكانها مستوقفة حازم : يا ريت متعملوش حسابي لانى حامشي

شعرت فريدة بالضيق لقرارها و قررت أن تشيها إلا أنها رفضت ، اتجهت لحازم تصافحه

و تقبل وجنتيه كما اعتادت إلا أن رجوعه للخلف ليعده بنفسه عنها صدمها و أشعرها

بالحرج و نفس الشئ فعله عصام بل أشاح بوجهه ، لا تعرف لم شعرت بالغيط ، هل

تغيرا إلي هذا الحد ، طريقتهم فرضت عليها مصافحة ندى و نيفين بيالغ الغيظ و

الضيق ، فهم من يتحملون وزر تغييرهم و انصرفت و قد ضاق صدرها بالمكان بالكلية

اتجهوا و فريدة إلي غرفة السفارة بينما ، جلس عصام و حازم في غرفة المكتب ، حتي

حان ميعاد رحيل شريفة و نيفين فأصر حازم علي سائق والدته إيصالهم ، عند تلك اللحظة تحديداً قد أستشعرت فريدة بالغ الغيظ فأثرت المكوث بغرفتها ، أما ندى فاتجعت و لوجي إلي غرفتها و ظلا بها إلي أن غادر عصام الفيلا

عاد لمنزله و ما إن دخل حتي ارتمي علي أقرب أريكة صادفته ثم زفر بشدة ، لا إراديا أخرج من جيبه الظرف الذي وضعته نيفين علي مكتبه و عندها فتحه ، لا يدري لم أرجئ الامر لحين عودته من بيت حازم ، ربما هو في الاساس يشعر بما فيه

وجد فيه كارت ميموري فظل ينظر فيها باستغراب ثم قرر أن يضعها بهاتفه لمعرفة ما عليها ، كان يطأطأ الارض بقدمه من شدة التوتر معلق نظره بشاشة هاتفه حتي بدأت ، وقع قلبه في أحمص قدماه و ظل يهتف : مش ممكن مش ممكن ، معقول نيرة تعمل كده ، توصل بيها الخسة لكده ، ليه ليه

رغما عنه قذف بالهاتف في الحائط فسقط مهشم ، و جلس دافنا وجهه في كتفا يديه و كأنه يشعر ببالغ الخزي من مجرد التذكر ، كيف سيشرح و ماذا يقول ، ليته مات قبل أن يعرف أحدهم ليته اليوم لا شئ حتي يكون منسيا

تشاءبت ببطئ ثم فتحت عيناها لتنظر حولها ، وجدت أنها نامت في سرير لوجي ، أرادت أن تعرف كم الساعة فأضات المصباح المقابل للسريير و قبل أن تري أنها الخامسة و النصف صباحا ، علا صوت اذان الفجر ليؤكد عليها أنه يوم جديد ، شعرت بالضيق من أن حازم تركها دون سؤال عنها من الامس و اتجعت لغرفتهما و فتحت بابها لتدرك أن حازم لم ينم فيها ، زادت حيرتها و اتجعت للأسفل ثم دلفت لغرفة

مكتبه و لكنها كانت فارغة فاتجهت للمطبخ ، وجدت محاسن تعد الشاي فبدأت :
صباح الخير يا دادا

نظرت لها مبتسمة و ردت و هي تفرغ الماء الساخن في الابريق الصيني : صباح النور
يا ست ندى هانم

رغما عنها قابلت ندى ما قالته محاسن مازحة و ردت : ايه جو الافلام ده يا دادا ، أنا
ندى علي فكرة ندى و بس

ضحكت محاسن فأردفت ندى مازحة : طب متعرفيش سي حازم بيه فين

ضحكت و ردت : سي حازم بيه يا ستي فضل سهران في مكتبه و لما صحيت للفجر
لقيته خارج و قالي أحضرله الشاي في الجنية
شعرت بالقلق فسألت : راح فين

قبل إجابة محاسن انفتحت البوابة لتدرك ندى أنه عاد فتباعت محاسن : تلاقيه راح
يصلي الفجر و رجع

حملت محاسن الصينية الموضوع عليها الشاي المعد و اتجهت لتخرج فاستوقفتها
ندى قائلة : عنك يا دادا أنا حاطع الشاي لحازم

ردت محاسن بقلق : ابوة يا بنتي بس ميصحش عملي حاجة و احنا هنا كلنا بنخدمك

ابتسمت ندى و ردت : الله يكرمك يا دادا بلاش الجو ده

و أمام إصرارها حملت الصينية ثم أكملت بمزاح : دي صينية شاي ، مش كفاية ست
ندى هانم ع الصبح

ابتسمت لها محاسن و خرجت ندى باتجاه حديقة الفيلا ، نظرت حولها لتجد حازم قد
وقف شاردا علي بعد خطوات منها ، وضعت الصينية علي المنضدة التي كانت تجاورها

ثم سعلت ، عقب حازم دون النظر لها : سيبي الشاي يا دادا ، و أنا لو عوزت حاجة
حانديلك

اقتربت منه ثم وقفت خلفه واضعة يدها علي كتفه ، تنهد حازم ثم رد بهدوء : أنا كويس
يا دادا ، متقلقيش

ردت عندها : أنا ندى

التفت فور سماعه اسمها و رد : ندى

تلاقت عيناهم و ظلوا علي صمتهم و ظلت الدقائق تتابع ، نظرات لا تخلو من العتب
إلي أن سألت ندى : ليه عملت كده

فهم سؤالها و رد : عشان كان لازم اعمل كده

ردت باستنكار : تقوم تفكر في قتله

رد مدافعا : لا يا ندى انا لو عايز اقتله كنت قتله و لعلمك اللي زي هشام ده يستاهل
الحرق

ندى : و كلامك عن التوبة و صفحة جديدة مع ربنا ، كل ده كان كذب

حازم : اقسام بالله انه مش كذب ، بس ده كان عايز يقتلني يا ندى ، عارفة يعني ايه

يقتلني و مع ذلك مش ده اللي فارق معايا ، أنما توصل به السفالة أنه يدخل الشالية و

يطلب من معتز انه يحط فيه كاميرا عشان يوصلك إنني اتجوزتك و انا قاصد اشهر بيكي

او افضحك او متراهن عليك ، ندى لو ده كان حصل كان قتلهم قصاد ده اقل حاجة

ممکن اعمالها

شعرت ببالغ الحزن عندها و سألت : و اخرت ده كله ايه يا حازم

وضع كفه علي خدها و نظر بعينها التي دمعت ببالغ الاسي ثم رد : أنا عارف إن

ملكيش ذنب في كل ده ، انا اسف يا ندى ، بس صدقني أنا عمري ما حاخلي كلب
منهم يفكر مرة تانية إنه يعمل حاجة و عارف ازاى أوقفهم عند حدهم ، و أوعدك إن
اللي حصل ده عمره ما يحصل ، صدقني يا ندى عمره ما يحصل

كانت قد بكت رغما عنها و عندها ردت : أنا مصدقك ، لكن غضب عني خايفة يا
حازم ، أنت متعرفش أنا كنت حاسة بايه و أنت في العناية المركزة بين الحياة و الموت
، أنت متعرفش أنا كنت عاملة ازاى رغم كل اللي كنت عارفاه ساعتها ، لكن رغم كده
كل اللي اتمنيته أنك تعيش و متكونش دي أبدا خاتمة حياتك و أنك تكون صادق في
كل اللي عدي و تكون فعلا توبت

صمتت للحظة ثم أكملت : حازم ، أنا عايزك تعرف إنني ممكن أقبل منك أنك تظلمني
و أسامحك علي كده ، لكن عمري ما حاسامحك لو ظلمت نفسك و رجعت تاني للي
كنت فيه

حازم : عارف

ثم أمسك بكتنا يديها و رد : و أنا لسة علي عهدي يا ندى ، عمري ما خارج للي
كنت فيه مهما حصل ، مهما حصل يا ندى

غمرتها فرحة لا تدري ما سرها و احتضنته بشدة و همست له : بحبك يا حوت

غمرته السعادة و دفعته لحملها و الدوران بها مازحا : و أنا باموت فيك يا ميس ندى ،
بحبك

علا صوته بها و تعالات معه أصوات ضحكاتهم لتخترق أذن فريدة التي كانت تتابع من
شرفتها الامر منذ بدايته ، كانت تمنى نفسها أن يتشاجرا أو تري بينهم شيئا يشفي
غليلها ، إلا أنها رأت عكس ما توقعت ليزيد ما رآته من ضيق صدرها ، عادت أحلام

بعد 27 سنة ، عادت لتؤرق مضجعتها من جديد و تظفر بما خسرتة سابقا ، عادت أقوي ألف مرة عما مضي ، عادت و كأن الحياة دوما تفرض وجودها و انتصارها ، عادت و ليتهما ما عادت ، إذ أنها اليوم لن تحظي بالمال فحسب بل أسرت معه قلب ابنها ، عادت و لكن في صورة ندى

عصرا جلست فريدة علي سفرة لتناول الغداء ، زفرت بشدة و نظرت لساعة يدها و قالت لمحاسن : اطلعي خبطي عليهم ، مش معقول الاستعباط ده ، البيت لي نظامه مش حنحط الاكل و نشيله ميت مرة علشان حضرته و الهانم مش عايزين يقعدوا معنا محاسن : معلش يا فريدة هانم ، اصلهم ناموا بعد الفجر فريدة : لو ما نزلوش يتغدوا دلوقتي الاكل مش حيتحط تاني ، اطلعي اقوللهم كده ردت محاسن بفراغ صبر : حاضر

شعرت بالضيق من الاتجاه إلي غرفتهم و هي لا تعرف ماذا تفعل ، حينها وجدتهم يفتحون باب غرفتهم و قد الف حازم ندى بذراعه لينزلوا فعقبت محاسن بمجرد رؤيتهم : فريدة هانم مستنياكم و شايطة علي الاخر تتمم الاثنين : رينا يستر

أوم حازم برأسه و سحب ندى من يدها باتجاه غرفة السفارة ثم اتجه لفريدة قبل رأسها قائلا : صباح الخير يا قمر

ردت فريدة بضيق وهي تحاول أن تبعده عنها قائلة بلوم : صباح الخير الساعة 4 العصر اقتربت ندى منها و قالت معتذرة : معلش يا ماما ، أوعدك تكون اخر مرة ردت فريدة بحدة : طب اتفضلوا اقعدوا و مرة تانية يا ريت الالتزام بمواعيد الاكل ،

مفهوم

ردوا سويا : مفهوم

بدأوا بتناول الطعام في صمت ، لم يحاول أحد قطعه حتي قاطعته فريدة و هي تنظر

لحازم سائلة : مش وراك شغل المفروض تتابعه ، و لا ناوي تفضل سايبه لعصام و نيفين

حازم : ان شاء الله بكرة حاروح

فريدة : و مروحتش انهارده ليه

نظر لندی ثم لها ثم رد : معلش انشغلت شوية

و ليغلق الحوار علي فريدة نظر للوجي و سأل : ايه رأيك نخرج انهاردة

ردت لوجي بسعادة : بجد

بطريقة كرتونييه نظرت لوجي لندی لأنها الوحيدة التي كانت تفهمها و سألت : إذا إلي

أين سنذهب

ضحكت ندى و قد فهمت فردت : سنذهب إلي الملاهي و لكن نريد معرفة الطريق

لوجي بضحك : قولي خريطة قولي خريطة

ندی بضحك : خريطة خريطة

ضحك حازم ثم قاطعهم باستغراب ليسأل : ايه ده بقي

لوجي : ده دورا

حازم : دورا مين

ندی : دورا كرتون اسمه دورا عمرك ما شوفته

حازم : لا انا اخر حاجة شوفتها كانت مازينجر

لوجي باستغراب : مين مازينجر ده

ندى : ده بقي جد دورا

تعالات الضحكات التي تابعتها فريدة و هي تأكل طعامها بينما الضيق يأكلها ، بات
واضحا أن بنت السنهوري استحوزت اليوم علي ابنها و ابنته و البقية بعدها لا محالة
ستأتي

رفعت لوجي شوكتها أمام ندى و قالت: إذا سنخرج اليوم

ضربت ندى علي شوكتها و ردت : إن شاء الله بالتأكيد

فعقب حازم و هو يضرب شوكته فوق شواكهم : إذا استعدا لرحل بعد الغداء

مرة أخرى تعالت ضحكاتهم لتشعر فريدة عندها انها لن تستطيع تناول لقمة اخري
زفرت بضيق و هي تمسح يدها و وضعت الفوطة الخاصة بها و هي تزفر ، ثم قامت من

مقعداها بضيق و هي تتمتم في نفسها : ربنا يشفي

ثم غادرت الغرفة و هي تقول : شبعت عن اذنكم

فنظر الثلاثة إلي بعضهم البعض باستغراب ثم عادوا لتناول الغداء

إلي هاتفه و هو ممسك بالكارت الخاص به و يتمتم : يا رب بس الاقيه

اتصل مدحت بنشأت المحامي و بدأ : سلام عليكم ، ايه -----لو سمحتي

الاستاذ نشأت نجيب المحامي ده مكتبه ، هو موجود ، طب حضرتك ممكن تقولي

مدحت نبيل السنهوري

بعد دقيقة اتاه الرد من المحامي : سلام عليكم ، خير يا استاذ مدحت

مدحت : حضرتك الاول فاكرني

نشأت : ابوة يا استاذ مدحت مش قضية رفعت حسان و أحلام السنهوري

مدحت : ابوة كويس انك فاكر

نشأت : انا اصلا كنت ناوي اكلمك في حاجة مش عارف اذا كانت مهمة و لا لا

عارفتها من سكرتيرة شوقي الله يرحمه

مدحت : خير يا استاذ نشأت

نشأت : خير ، هي قالتلي ان فريدة هي اللي جت المكتب لشوقي وهي اللي اديتله

الفلوس و استلمت منه الوصية و أي اوراق عنده أخذتها عشان تضمن ان مفيش حاجة

تثبت حق أحلام

شعر مدحت بالقلق و رد : فريدة

نشأت : بس طبعا واحد زي شوقي مش ممكن كان يديها الاصل ، ادها نسخة علي

اساس إنه ممكن يتزها تاني ، بس جه موضوع مرضه ده و النسخة دي بقت معايا أو

تقدر تقول أننا معانا الاصل

مدحت : طب حازم ابنه يعرف حاجة عن الموضوع ده و لا لا

نشأت : الحقيقة مش عارف جايز يعرف و جايز لا

مدحت : طب أنا ناوي بكرة اروح فيلا الصاوي و اتكلم مع اهل رفعت كنت عايزك

تكون موجود و معاك الوصية تقدر تجي

نشأت : الحقيقة أنا مش فاضي خالص ، ممكن أحاول أفضي نفسي خلال يومين

مدحت : يا ريت تقدر تجي بنفسك ، انا عايزهم يشوفوا الوصية و يتأكدوا من سلامة

الموقف القانوني

نشأت : ححاول عموما حارد عليك بكرة بالليل و نحدد نروح امتي بالظبط ، بس أنا
عايزك تعرف إنه وارد جدا أنهم يطعنوا عليها
مدحت : أنا عارف بس خلينا نروح و نشوف و حانتظر مكالمتك باليل

أمام المشفي التي بها هشام أوقف سيارته ، نظر لندی و التي بدي عليها التوتر و هي
تسأل : لسه مصمم تزوره برضو
حازم : ايوة يا ندى أنا حاخذ لوجي و انزل ازوره ، خاليكي أنت في العربية و مش
عايزك تقلقي
فتح بابيه و نزل ثم فتح باب لوجي لتنزل ، أمسك بيد لوجي و التفتا ليصعدا فاستوقفته
ندی بالنداء : حازم
التفت لها و قد أسند يده علي النافذة المقابلة لها و رد : متخافيش يا ندى ، قولتلك
متخافيش
ردت بقلق : طب ارجوك متأخرش عنده
حازم : حاضر خارج علي طول
اتجهها للمشفي و منها لغرفة هشام كانت نيرة بالغرفة عندما طرقت لوجي الباب و
دخلت و هي تحمل باقة ورد ، فتحت نيرة الباب لينظر هشام لمن دخل ، ابتسمت
لوجي و هي تقترب لتضع الورد الي جواره ثم قبلته علي خده و قالت : سلامتك يا
اونكل هشام
ابتسم لها و رد : الله يسلمك يا لوجي

اتجهت لتسلم علي نيرة و التي سألتها : أنتِ جاية لوحذك يا لوجي

عندها دخل حازم قائلا : مساء الخير

برود ردت نيرة : مساء النور

بينما أشاح هشام وجهه و لم يرد ، توتر الاجواء بدي واضحا و حازم يقترب ليقول

لهشام : الف سلامة عليك

نظر هشام لنيرة و قال : خدي لوجي و اطلبي لحازم حاجة ، ده ضيف و جاي بجلالة

قدره يزورنا

شعرت نيرة أن هناك شيئا بينهم لكنها أرجئت فضولها و خرجت بلوجي للخارج و

أغلقت خلفها الباب ، نظر عندها هشام لحازم و سأل : جاي ليه يا حازم ، أنت ايه يا

أخي ، تقتل القتييل و تمشي في جنازته

حازم بجدية : جاي اسألك سؤال واحد بس ، ليه كل الغدر ده منك

رد هشام ساخرا : بقي تهددني بكل اللي عندك و مستغرب أنا ليه فكرت أعمل كده ،

هو مين اللي بدأ يا حازم مش أنت

حازم : لا مش أنا ، أنت عارف من الاول إنني مش ناوي أذيك ، في الاول أو في الاخر

أنت خال بنتي و أذيتك مش حتنفعني في حاجة

هشام بتحدي : قول أنك متقدرش تعمل حاجة

حازم بحدة : أنت عارف كويس إذا كنت اقدر اعمل و لا لا ، بس انا مش عايز اعمل

حاجة وده مش خوف منك ، لا ده بس احتراما لحاجات كتير و أولها لوجي

زادت سخرية هشام و رد و هو يضحك : و من امتي الحنية دي ، لا ده أنا كده

حاصدق فعلا أنك توبت

زفر حازم و رد : أنت عايز ايه بالضبط

صمت هشام قليلا ثم رد : ياااه سؤال متأخر اوي ، عايز حاجات كتير يا حازم ، كتير
اووووي

امتلات نبرة صوته بالغل و أكمل : عايز أورث شركة كبيرة و ناجحة عن ابويا ، لا ده انا
عايز ابويا يدخلني جامعة خاصة بالفلوس عشان ابقى مهندس زيك و عايز -----

كادت أنفاسه تنقطع و هو ينظر لحازم بغیظ و يكمل : و عايز مستوي زي اللي أنت
عايش فيه و بنت زي لوجي و اتجوز واحدة زي ندى او حتي ندى نفسها
جملته أغلت الدماء في عروق حازم ففرضت عليه أن يمسك في ملابسه و يرد ببالغ
الغیظ : ملكش دعوة بندي

أبعد يده ثم أكمل : الظاهر أنك مش ناوي تجيها البر ، أنا نسيت زمان و أيام زمان و
لحد دلوقتي مش عايز اعملك حاجة باللي معايا ، يا ريت تطلعني من دماغك بقي يا
أخي

زفر ثم أكمل : عيش حياتك و سيني أعيش حياتي و بلاش نقلب لبعض في القديم
عشان أنا عندي من القديم كتير و كتير اوي

رد هشام بحدة و قد علا صوته : مش بالساهل كده يا حوت ، لا مش بالساهل ، مش
بعد كل اللي كنت بتعمله زمان ، جاي دلوقتي تلعب دور الواعظ و عايزنا كلنا ننسي
اللي عملته ، عايز تعيش حياتك و تتجوز و تربي لوجي و تنسي اللي فات ، و ليه أنت
اللي دايمًا تاخذ كل حاجة ، زمان بفلوسك عرفت تاخذ كل حاجة و انهاردة بتوبتك
برضو عايز تاخذ كل حاجة ، لا يا حازم مش حاسيك تتهني يوم واحد ، مهما هددتني

أنا كده كده ضايع ، من يوم موت منة و من قلبها ، فاكّر منة يا حازم

رد حازم بحدّة : تاني يا هشام

هشام بعصبيّة : ايوة تاني و تالت و عاشر ، مين السبب في موت منة مش أنت

رد حازم بحدّة : لا مش أنا

هشام بحدّة أكبر : مش أنت ، هو مين اللي يوم ما قولت إني حاتجوزها عملي زفة

في النادي و كان عايز يلبسني طرحة عشان خسرت الرهان ، دلوقتي جاي تقولنا أنا

نسيت زمان ، انسي براحتك لكن مهما نسيت حتلاقي دايمًا اللي يفكرك يا حوت و

التمن حتدفعه حتدفعه ، مش بمزاجك يا حازم فاهم

حازم بضيق : ماشي يا هشام أنت كده اخترت ، بس من اللحظة دي مش عايزك تنسي

إن البادي اظلم

قالها ثم خرج من الغرفة صافعا الباب ليتمتم هشام بعدها : صح البادي اظلم ، بس

أنت اللي ابتديت زمان و أن الاوان تدفع التمن دلوقت

لم يستطع أن ينام ليلته و ما إن علا نور الصباح حتي توجه إلي الشركة ، بنفس اللحظة

كانت أميمة تتحدث إلي أشرف و الذي كان يسأل : عملتي ايه في الظرف اللي

قولتلك توصليه لحازم

أميمة : لحد دلوقتي مستر حازم مجاش الشركة

زفر أشرف و عقب : ده طول اوي كل ده شهر غسل

ثم سأل : و نيفين اخبارها ايه

أميمة : امبارح مجتش و اعتذرت انهاردة كمان بتقول تعبانة و مستر عصام امبارح طول

اليوم كان شايط من ساعة ما سأل عليها و لقتها مجتش و لحد دلوقتي لسة مجاش
قاطعها صوت لم تكن تتوقعه و هو يتوجه الي مكتبه هاتفا : صباح الخير يا أميمة
تلعثمت و أغلقت هاتفها مسرعة ثم ردت : مستر ----- مستر حازم ، أنا
افتكرت حضرتك مش جاي
حازم : لو في حاجة هاتيها علي مكتبي
دخل إلي مكتبه و بالتأكيد اول شئ فكر فيه اليوم هو أن ينظر إلي الظرف الخاص
بهشام داخل خزنه توجه إليها و قبل فتحها كانت أميمة تدخل حاملة أغلب الاوراق ثم
وضعتها علي مكتبه ، بدأ ينظر فيها ثم سأل : مش شايف يعني لا عصام و لا نيفين
أميمة : نيفين مجتش لا امبارح و لا انهاردة و مستر عصام اكيد زمانه جاي
أنهي النظر للاوراق ثم أغلق ما احتواه الملف و عقب : أول ما عصام يجي ، تقويله
يجيلي علي طول
ردت و هي تنصرف : حاضر
جلس أمام الخزنة الخاصة به و فتحها ، نظر إلي محتوياتها حتي -----
شعر بالصدمة و هو يقلب في محتوياتها ثم بدأ يهتف : مش ممكن -----
مش ممكن معقول ----- الظرف اتسرق

كانت شاردة و هي تجلس علي الاريكة المقابلة للتلفاز تتقلب بين قنواته بتململ ،
 أتت شريفة لها و سألت : أحضر الغدا
 نظرت نيفين للساعة و عقب : لا يا ماما لسة بدري
 شريفة : هو أنتِ فطرتي عشان تقولي بدري و لا متأخر
 زفرت و ردت : حاكل كمان شوية
 جلست شريفة بجوارها و سألت : طب حتفضلي كده لحد امتي ، كل ده عشان عمك
 رفض عصام
 نيفين : الموضوع ملوش دعوة بعصام
 شريفة : طب مش عايزة تروحي الشركة ليه
 نيفين : أبدا ، كل الموضوع إنني عايزة أسيب الشغل و خايفة حازم يزعل
 شريفة : و ليه عايزة تسيبي الشغل ، هو عصام بيضايقك في حاجة
 نيفين : لا يا ماما ، قولتلك عصام ملوش دعوة ، أنا اللي عايزة حاجة ميكونش فيها

اختلاط من الاساس زي ندى كده ، حاسة إن ده حيكون الاحسن

شريفة : أنت متأكدة

نيفين : ايوة يا ماما

شريفة بفراغ صبر : خلاص يا بنتي مصلحتك أنت ادري بها و ربنا يوفقك

علا صوت رنين هاتفها فنظرت لاسم المتصل " ندى " ، ابتسمت و ردت بسعادة : يا

أهلا يا أهلا ، ازيك يا عروسة

ندى بابتسامة : الحمد لله وحشتني اوي يا حاجة

أماني : يا بكاشة أنت خلاص مبقتيش عايضة تعرفي حد

ندى : لا و الله بس أنت عارفة بقي خلاص اتجوزنا و بقينا مشغولين

أماني : ربنا يسعدك يا بنتي

ندى : يا رب يا حاجة دعواتك ، المهم حلقتي وصلت لفين

أماني : راجعة حامية ع المذاكرة

ندى : و الله الدار وحشتني اوي ، هه وصلتوا لفين

أماني : عندك امتحان في التوبة

رنت الكلمة في اذنيها و فرضت عليها الشرود فقطاعتها أماني مازحة : ايه يا ندى مش

قدها و لا ايه يا عروسة

عادت ندى لترد : هه ، لا ازاي يا حاجة نمتحن في التوبة و في القران كله

أماني : ماشي يا ستي ذكري كويس و مستينك يا ندى

ندى : إن شاء الله يا حاجة مع السلامة

أغلقت ندى الهاتف و قد علا الاستغراب محياها و هي تتمم : امتحان في التوبة ،

سبحان الله يعني من القران كله يوم ما أرجع أرجع ع التوبة

مساءً أتى نبيل اتصال من نشأت يخبره أنه سيتوجه معه بالغد إلي منزل رفعت الصاوي

فما كان منه إلا الاتصال بندى ليخبرها بمجيئه لها بالغد ، كان ظنها أنها زيارة من أجل

المباركة لا من أجل إنهاء ما ظنه نبيل وضع يجب إنهائه ، حازم عند عودته لم يكن علي

ما يرام خاصة بعدما قرطرد أميمة ، لكن ما فائدة ذلك بعدما ضاع منه أهم ظرف كان

يظن أنه قادر علي حماية نفسه به ، و من شدة ضيقه لم يلتفت لم تركته أميمة علي

مكتبه قبل رحيلها ، طرقت ندى باب مكتبه لتسأل : تحب اعملك حاجة

زفر وضع القلم من يده و نظرا لها : لا ، شكرا

تقدمت منه خطوات ثم نظرت لملامحه متسألة : في حاجة ، شكلك متضايق و مش

عايز تتكلم من ساعة ما خرجت من عند هشام امبارح

تنهد بضيق و رد : متشغليش دماغك ، إن شاء الله مفيش حاجة

ندى : مش باين يا حازم

ابتسم رغما عنه ثم أكمل : شوية مشاكل في الشغل ، انهاردة اكتشفت إن في ظرف

مهم كنت شايله في خزانة مكتبي و اتسرق

صدمت و ردت : طب و مبلغتش البوليس ليه

حازم : و أبلغ ليه و أنا عارف اللي سرقه و عارف إنه خلاص عمل اللي كان عايزه

سألت ندى باستغراب : هشام برضو

رد حازم ببالغ ضيقه : للاسف محدش له مصلحة من سرقته غيره و مفيش غير أميمة
اللي سرقتهوله

هتفت ندى مصدومة : أميمة ، طب و حتعمل ايه

رد حازم بضيق : مش عارف أنا حاولت معها بكل الطرق قالت أنها متعرفش حاجة

ندى : طب مش جايز مش هي

حازم : لا أنا واثق إن مفيش غيرها ، كده كده بقالها مدة تصرفتها مش عجباني و أنا
شاكك فيها من الاول ، عشان كده طردتها

ندى : طب هون علي نفسك ، لعله خير

صمت للحظة ثم عقب : يا ريت تخلي نيفين تيجي الشغل لحد ما أشوف حد يمسك
المكتب ، أنا عارف أنها عايزة تمشي و مش عايز اضغط عليها ، حاولي تقنعها

ندى : حاضر يا حازم ححاول

ظهر اليوم التالي كانت ندى بغرفتها ممسكة مصحفها لمراجعة سورة التوبة حينما طرقت
لوجي باب غرفتها لتسألها إن كانت سترافقهم للنادي فسألت ندى : أنتم رايحين
دلوقتي

لوجي : ايوة رايحين و حنتغدي هناك أنا و آنة فريدة و دادا محاسن ، هه حتيجي معانا

ندى : أنتم حترجعوا الساعة كام

لوجي : الساعة 9

ندى : كده مش حينفع يا لوجي ، عمي قالي انه جاي يزورني انهارده ، و كمان أنا
عندى مذكرة و بابا لما يرجع حيثغدي لوحده ، روحوا أنتم و نتقابل ع العشا
قبلتها لوجي فعقت ندى : اتدربي كويس يا لولو
ابتسمت لوجي و ردت : حاضر

إلي هذه اللحظة رغم وجودهم تحت سقف واحد إلا أن نيفين تحاول أن تتفادي رؤيته
و بشدة ، عصام نفسه يدرك ذلك لذا يأثر المكوث بغرفة مكتبه متفديا الكلام معها ،
مرت ساعتان علي الوضع هكذا حتي شعر عصام إنه ما عاد يحتمل ، قرر الحسم مهما
كلفه الثمن فاستجمع قوته و ضغط علي الزر المقابل لمكتبه هاتفيا : انسة نيفين ، دقيقة
من فضلك لو سمحتي

ردت نيفين بتوتر شديد : حاضر

وقفت أمام مكتبها شرعت في أخذ انفاسها ، اقتربت من الباب ، تنفست و هي تطرق ،
لحظة و اتاها صوته : ادخل

هي من اغلقت الباب خلفها بعدما دخلت و تقدمت خطوات مقررة ألا تجلس ، ظلت
صامتة منتظرة منه أن يتكلم ، قام من مكانه ليقف هو الاخر في مواجهتها يفصل بينهم
المكتب و قد أستند عليه بكلتا يديه ، قرر أن يقطع هو الصمت و يسأل : قبل أي
كلام بينا ممكن أسألك سؤال

ردت بهدوء : اسأل

عصام بقلق : أنتِ ازاي شايفني دلوقتي

رفعت عيناها لتنظر باتجاهه ، لم تجد عندها اجابة علي سؤاله فقررت أن تسأل هي :
قولي المفروض أشوفك ازاي يا مستر عصام ، و زي ما حاتقولي حاشوفك ، بس
ساعتها احب اعرف لو الوضع كان معكوس كنت بعدها حتفضل شايفني نيفين برضو

رد بتوتر : عارفة الفيديو ده من كام سنه ، عارفة أنا تبت و مسحت الماضي من حياتي
من امتي ، عارفة الظروف اللي دافعتني للوضع ده كانت ايه ، انا مكنتش في وعيي ، انا
كنت سكران ، صدقني يا نيفين أنا مكونتش في وعيي

ردت ساخرة : بجد ، عذر اقبح من ذنب

عقدت ذراعيها أمام صدرها ثم تابعت : عارف ليه يا مستر عصام عشان الفيديو قديم
فعلا ، ايام ما نيرة كانت مرات حازم يعني كنت بتخون صاحبك و حجتك إن يومها
كنت سكران ، طب و ايه اللي شريك خمرة ، كونك كنت سكران ده عمره ما يدملك
الحق انك تكون في الوضع ده و مع مين ، مرات صاحبك لا و تصور نفسك كمان

دمعت عيناها و هي تكمل : مش مكثفي بذنب الوضع اللي كنت فيه و ذنب الخمرة
اللي شربتها لا و كمان مجاهرة بالذنب ، ايه الجبروت ده ، و لا كأن ربنا سبحانه
وتعالى من فوق سبع سموات شايفك و سمعك وفي الاخر جاي تقولي أنا كنت معذور
، و أنا المفروض اقولك ايه (never mind) ، كلها حاجات بسيطة متستحقش منك
حتي أنك تعتذر

بدأت عيناها تدمع إلا أنه حاول التماسك ثم رد : أنا مكنتش فاكر أنك حتأسي عليا
كده ، كنت فاكر أنك ممكن تصدقي إني تبت من يومها و مفكرتش ارجع للحرام تاني

بكت هي و ردت : قاسية ، أنت اخر واحد تتكلم عن القسوة ، انا لحد دلوقتي مش
قادرة اعرف انت ازاي السنين دي كلها قادر ترفع وشك في وش حازم و تتعامل معاه و
لا كأنك خونته ازاي جالك قلب تدخل بيته و يفتحلك قلبه و حياته و يأتمنك علي ماله
و بعد كل ده الطعنة تيجي منك انت و بعدها بتكلمني انا علي القسوة

جلس علي أحدي المقاعد و لاتزال عينه تبكي ، نظر لها مترجيا ثم رد : انا عمري ما
فكرت اعمل في صاحبي حاجة ، أنا طول عمري كنت صاحب وفي ، صدقني طول
عمري كنت وفي لحازم

ردت و هي تبكي : يعني خنته و لا مخنتوش

رد و لا يزال علي بكائه : يا نيفين بس اسمعني

اعدت جملتها و لكن أقوي لتخرج من فمها تزلزله : خنته و لا مخنتوش

ليضرب عصام وجهه بيده و هو يقول باكيا : خنته ----- خنته ----- خنته

لاول مرة تراه أمامها بهذا الضعف باكيا ، كان بكاء مريرا أبكاه فلم تجد بعدها كلام
لتقوله و لم يعد هناك حجج او اعدار ، فقررت أن تنصرف و لكن قبلها التفتت لتقول
: لو فعلا تبت و ندمان ربنا حيقبل توبتك يا عصام بس لازم كمان تطلب من حازم
يسامحك ، مع اني مش عارفة ازاي ممكن تطلب منه كده ، باتمنالك إن اللي جاي من
حياتك يبقي علي نضافة فعلا و ربنا يعينك و يشتك

قاطعها مستوقفا اياها قبل أن تخرج : نيفين أنا محتاجلك جانبي ، ارجوكي يا نيفين
ارجوكي بلاش تتخلي عني ، اوعدك إنني حاسعدك ، اوعدك إنني أرضي ربنا معاكي و-----

قاطعته نيفين مبتسمة من بين دموعها : اشوف وشك بخير ، انا حامشي انهاردة

واوعدك اني دايمًا حادعيلك

عصام : -----

تابعها و هي تخرج بهدوء ثم قال عندها : نيفين ، ثانية واحدة من فضلك

دقت الساعة بمكتبه لتشير إلي الرابعة عصرا ، لايزال يفكر بما ألت إليه الامور ، تهديدات هشام ترن ياذنه و لا يستطيع أن يشيها ، التفت قبل انصرافه ناظرا لظرف صغير لم يلتف له من قبل ، كتب عليه (خاص بحازم الصاوي) بالتأكيد أميمة تركته بالامس و لكن لم فعلت و ما الذي يحويه ، بالتأكيد سيعرف بعدما قام بفتحه

دق جرس الباب ، توجهت سنيه الخادمة الاخري لتفتح ، لتجد ندى أمامها عمها و ابنه و رجل اخر ، علا الاستغراب ملامحها و هي تنظر للثلاثة بينما بدأ عمها بمصافحتها :
ازيك يا ندى

ردت و لا تزال علي استغرابها : اهلا يا عمي ازيك

مدحت لندی : ازيك يا ندى

ندی باستغراب : ازيك يا مدحت

ثم أشارت ندى لعمها لتسأل عما رافقه : مين الاستاذ

مدحت : ده الاستاذ نشأت نجيب ، محامي من المنصورة

ندى : اهلا ، احنا كنا حنتغدي ممكن تنفضلوا الغدا جاهز

نبيل : احنا اتغدينا و جينا يا ندى ، انا بس عايزك في حاجة يا بنتي

ندى : خير يا عمي

نبيل : عايزك تسمعني كويس في اللي جاي اقولهولك يا ندى

ندى : اتفضل يا عمي

للمرة الثالثة يقوم بتشغيل الفيديو ليسأل نفسه هل حقيقي أم مفبرك لا يريد أن يظلم صديقه فهو يعرف عصام جيدا لا يتوقع منه الخيانة حتي لو توقعها من نيرة ، قام من مكانه مقررا أن يحسم الامر بمواجهته ، خرج مسرعا من مكتبه متجها لمكتب عصام ليجد نيفين علي مكتبها تبدو باكية و قد علقت قبل فتحه للباب : مشي

نظر لها حازم و سأل : مين اللي مشي

أجابت محاولة التظاهر بالهدوء : قال إنه تعبان و مشي

رد بحازم ببالح غيظه : من امتي

نيفين : من حوالي ساعة

أدرك حازم وجهته فعاد لمكتبه يجمع أغراضه ، ثم خرج مسرعا دون حتي أن يلتف لنيفين و ما إن وصل أمام سيارته حتي قطعه اتصال ندى و قد بدى صوتها باكيا و هي

تسأل : أنت فين يا حازم

رد حازم بتوتر : ابوة يا ندى مال صوتك

ندى : ابدا بس يا ريت تيجي دلوقتي ، ارجوك يا حازم

حازم : في حاجة يا ندى

ندى : لا بس تعالي ، أرجوك دلوقتي حالا تكون هنا

شعر ببالح القلق فسأل : حد عملك حاجة ، حاجة حصلت

ندى : أرجوك يا حازم تعالي و بس

اغلقت الهاتف وهي لاتزال تبكي ، نظر لها مدحت وقد بدى مشفقا علي حالها فعقب

: احنا اسفين يا ندى

نظرت لهم شذرا و ردت : بجد ، كويس اوي انكم اسفين

ثم نظرت إلي عمها بلوم و عيناها دامعة و قالت بعتاب : هي دي وصية بابا ليك و

لعمتو أحلام ، ليه يا عمي جاين انهاردة تتكلموا ، تقدر تقولي ايه المتوقع دلوقتي

شعر نبيل ببالح الخجل و هو يرد : عمك هي السبب لو كانت قالتلي مكنش كل ده

حصل ، انا اتفاجت يوم كتب كتابك بانه ابنه

جلست باكية ثم ردت : طب و أنتم ناويين علي ايه دلوقتي ، حتقولوا لحازم

مدحت : ده علي اساس إنه مش عارف ، يا ندى اللي اسمها فريدة دي راحت لعمتك

و قالتلها لو الموضوع اتعرف حشوه سمعتها ، دول اهم حاجة عندهم يحتفظوا

بالفلوس و بس

ندى : ما هو معني تهديدها إن أكيد حازم مش عارف

نظر لها ببالح ضيقه و عقب : هو ده كل اللي يهملك

لم ترد ندى و لم تعرف حينها ما الذي سيحدث ، لحظات كانت فريدة قد قررت

العودة منفردة و قد تركت لوجي لتكمل تمرينها مع محاسن بعدما شعرت بصداق ،

دخلت الفيلا علي وقع أصوات من يتحدثون في غرفة الصالون ، اقتربت و هي لا تفهم
لتسمع

نشأت عندها و هو يقول : انا حابقي معاكم لان الوصية دي هي اللي حثبت حقكم في
الفلوس

مدحت : مش ده لو اعترفوا بيها

ندى : كفاية كفاية

فتحت فريدة الباب ليقف الجميع ، نظرت لندى ثم سألت : مين دول يا ندى

نظرت لنبيل و نظر لها ، تعارفا من أول وهلة ، هي ؛ كهذا قال نبيل في نفسه و هو
ينظر لها ليتذكر مع نظراته ما مضي ، ابتسمت ساخرة عندها و رفعت حاجبها و قالت
لندى : برافو يا ندى ، بدأتني بدري اوي ، كان لازم أفهم من أول يوم دخلتني فيه الفيلا
أنت ناوية علي ايه

و قبل أي رد من ندى نظرت لنبيل و عقبته : أهلا بالاستاذ نبيل السنهوري

نبيل : اهلا يا فريدة ، كويس انك لسه فاكراني

عقدت فريدة ذراعيها أمامها و عادت تنظر لندى و أكملت : أنا كنت متوقعة الرباطية
دي بس مش بالسرعة دي ، داخله حامية اوي علي فلوس عمته ، بس احب اقولك
إن نأبك علي شونة و اقولك كمان إن عمرك ما حتطولي أنت و عيلتك مليم من الفلوس
دي

رد مدحت بتحدي : لا ده أنت فعلا عايزة اللي يوقفك عند حدك ، أنت فاكرة اننا
حنخاف منك ، حق عمته حيرجع يعني حيرجع ، و أنا اول واحد حيوقفلك و بنت
عمي مش حتقعد علي ذمة ابنك دقيقة واحدة بعد انهاردة ، إذا أنتم قابلين تعيشوا في

الحرام احنا مش حنقبل ده لندى

فريدة ساخرة : برافو برافو يا شاطر و أنت بقي اللي حتوقفني عند حدي ، بجد والله

ثم نظرت لنبييل قائلة بسخرية : فعلا عرفت تربي

ثم عادت تنظر لمدحت و ردت : و دي الخطبة بقي ، ندى تتجوز حازم و تاخدوا

الفلوس و بعدها تطلق و تتجوزها أنت ، فعلا هي دي أخلاق عيلة السنهوري و فعلا ده

مش جديد عليكم

قاطعتها ندى بحدة لمدافع عن نفسها هاتفة : انا معرفش حاجة عن الموضوع ده ، انا

لسه عارفة الموضوع دلوقتي انا عمري لا فكرت انتقم و لا كنت اعرف اصلا

ردت فريدة بالغبظ : الكلام ده يا شاطرة تروحي تضحكي به علي حد ثاني ، انا

متأكدة انك فضلتني ورا حازم لحد ما وقعته فيكي ، كل ده علشان عينك علي فلوسه

فلوسه و بس

ندى : كذب و الله العظيم كذب

ليقاطعهم حازم من خلفهم سائلا : في ايه

نظرت ندى لحازم وهي لا تعرف ما الذي سيحدث ، وماذا سيكون رد فعله بينما نظر

حازم للجميع وهو لا يعرف من هؤلاء باستثناء نبييل ، اتجه نحوه و قرر مصافحته :

ازيك يا عمي

رد نبييل بضيق : ازيك يا ابني

ثم عاد ليسأل لعله يفهم : في ايه كنتم بتزعقوا ليه

لم يرد أحد بينما تبادلوا النظرات بعضهم لبعض فنظر عندها لندى و سألتها : أنتِ كنتي

بتعيطي

قررت فريدة أن ترد فقالت : قبل ما اسمع اي كلمة ملهاس اي اساس ، احب اقول إن المحامي الكفته اللي أنتم جيبينوا معاكم و الورق اللي معاه ده ، تبلوه و تشربوا مايتيه الفلوس فلوس رفعت و كلها اوراق صحيحة و مشوتة

نشأت : و الوصية كمان وصية رفعت

فريدة : رفعت مكتبش اي وصايا قبل ما يموت

نشأت : لا ساب مع المحامي بتاعه وصيته اللي كتبها بخط إيده و اللي دفعتي للمحامي رشوة عشان تاخديها و يسكت ، بس هو كان سايب الاصل عنده و اداكي نسخة

فريدة : انا حاطعن علي الاوراق دي و متأكدة إن كلها مزيفة

حازم : أنا مش فاهم حاجة ، اوراق ايه و وصية ايه و مين حضرتك

قرر أن يستوقفهم فهم بسؤاله : ممكن افهم في ايه بالظبط

توجه نشأت للوقوف قبالتة و رد : يعني حضرتك مكنتش تعرف بوصية والدك

حازم : لا ، دي أول مرة أعرف إن بابا الله يرحمه ساب وصية

نشأت : طب يا استاذ حازم أقعد و أنا حافهم حضرتك كل حاجة

في منزله شاردا يائسا بيكي حاله ، ماذا فعل كي يخسر كل من أحب دفعة واحدة ، لم لا يريد الماضي بكل قذارته تركه و شأنه ، أم أنه لا يستحق حياة نظيفة بعد كل ما فعله ، طرق باب شقته فاتجه ليفتح فوجدته أحد أصدقاء الماضي أمام عينه هاتفه فيه :

ايه يا عصام فينك يا عم من يوم موضوع هشام و أنت مش سائل في حد ، ايه يا أخي
ناوي تقضيها كأبة كده لغاية امتي

قالها و دخل ليجلس علي أقرب مقعد فأجاب عصام : معلش مشغول شوية

عمر : طب انهاردة عيد ميلادي وعامل حفلة في العوامة بتاعتي ما تيجي شوية السهرة
حتعجبك اوي و اهو تجدد يوم من ايام زمان ، هه جاي

جلس عصام مجاورا له و رد : معلش يا عمر انا مش رايق خالص

عمر : ما انا علشان كده حاروقك

عصام : معلش مش حاقدر

عمر : براحتك بس لو حبيت تجي انا مستنيك ، سلام

دارت به الغرفة غير مصدق ما سمع ، هم واقفا أمام الجميع نظر باتجاه والدته و التي
ابدت قوة موقفها و صممت علي كذب الباقيين هاتفة فيه : كل الكلام ده كذب في
كذب ، صدقني يا حازم

ثم نظرت لندی و هتفت : كل دي لعبة عملتها أحلام و طبختها مع أخوها و ابنه و
بنت أخوها ، ندى بتعلب بيك يا حازم

نظر لندی و التي نفت قائلة : و الله يا حازم أنا ما أعرف أي حاجة

جلس حازم علي أقرب مقعد منكسا رأسه لا يعرف أيهم يصدق و أيهم يكذب و بما
يرد فقاطعه مدحت سائلا : ها ايه رأيك في اللي سمعته ، اظن بقي واضح دلوقتي بعد

ما شفت اوراق الوصية اننا علي حق

أمسك حازم الأوراق مستوقفا اياه خط والده ، و قد شعر لأول مرة أنه مات اليوم ثم

نظر لفريدة و سأل : الكلام ده حقيقي

ردت فريدة بثقة : لا طبعا دول نصابين و اولهم اللي قدامك دي

كانت تشير بإبهامها لندی فصمت حازم ثم نظر لنشأت سائلا : طب ممكن اعرف

أنتم عايزين ايه دلوقت

نشأت : تنفيذ الوصية ، رد المال لصاحبه السيدة أحلام عبد الدايم السنهوري

رد حازم بضيق : و ايه اللي يضمن إن الاوراق دي مش مزيفة

نشأت : في الحالة دي ممكن نلجأ لخبير خطوط و تحاولوا طبعا تتأكدوا بنفسكم من

صحة الاوراق

حازم بثاقل : بس حضرتك متأكد من الكلام ده

نشأت : الوصية قدامك و تقدر تتأكد بنفسك

عاد ليجلس علي طرف أحدي المقاعد و قد بدي حاله يرثي له ، اقتربت منه فريدة

باكية و قالت : اوعي تصدق كلمة من الكلام ده ، كل ده كذب يا حازم الفلوس دي

فلوس ابوك تعب و شقاه و أحلام مله اش اي حاجة عندنا ، كل ده كذب في كذب دي

واحدة كانت عايزة تتجوز ابوك و لا مرضاش عملت الحكاية دي عشان تشوه سمعته

جذبها نبيل ذراعها و هتف فيها : أنتِ مش حبطي الاسطوانة المشروخة دي ، قسما

بالله يا فريدة اللي مرضتش اعملوا زمان اعملوا دلوقتي

هتفت فريدة فيه بحدة : أنت متقدرش تعمل حاجة عشان دي الحقيقة ، اختك كانت

عشيقة رفعت و انت عارف كده

لم يتمالك نبيل نفسه أمام اتهام اخته بالباطل في شرفها و كاد يصفع فريدة علي وجهها
عندها لم يتمالك حازم نفسه فاقترب من نبيل ممسكا ليده ليمنعه ، حاولت ندى
الفصل بينهم فكان نصيبها أن تدفع بعيدا و عندها امسك حازم نبيل من ملبسه : انت
ازاي تسمح لنفسك ترفع ايدك علي امي ، انت اظاهر عليك اتجنيت
أمسك مدحت حازم من ملبسه ليدفعه عن والده و هتف فيه : ناوي تعمل راجل علي
ابويا ، مامتك اصلا ست معندهاش اخلاق
هتف حازم بكل عصبية : دلوقتي حالا تخرجوا بره بيتي و لو ليكم فلوس عندي
حاديهلكم علي الجذمة القديمة
مدحت : احنا مش حنمشي من غير ندى ، ندى من اللحظة دي مش حتعيش في
البيت ده ، مش ممكن تعيش مع ناس اتهموا عمتها في اخلاقها و عرضها يلا يا ندى
اطلعي لمي هدومك
نظرت لحازم كمن تستنجد به و هي لا تفهم حينها ماذا تفعل ، فعاد الشجار و لكن
هذه المرة أمسك حازم بمدحت من ملبسه و هتف فيه : ندى مراتي و حاتفضل في
بيتي و مش أنت اللي تقرر لندي تعمل ايه
ثم نظر إلي ندى و هتف فيها : مفيش خروج من غير اذني ، فاهمة و لا لا ، و اتفضلي
علي اوضتك
ثم ببالغ عصبية : اتفضلي
اسرعت ندى و كأنها تريد الهروب فاستوقفتها مدحت هاتفا فيها : اسنتي يا ندى ، لمي
هدومك و يلا بينا ، أنا و عمك مش حنمشي من غيرك و استحالة نسيك معاهم
جذب حازم مدحت من ذراعه و هتف : انا اللي اقرر فاهم و لا لا ، ندى دي مراتي انا

ثم الي ندى : قولتلك علي اوضتك

مدحت لندی : علي اوضتك و لمي هدومك

اتجه حازم لندی أمسك ذراعها بقوة ثم قال محذرا : لو خرجتي من البيت يا ندى تبقي طالق سمعاني يا ندى طالق ، ارجع الايكي في اوضتك و مخرجتيش منها ، أنت ملكيش دعوة بكل اللي بيتقال لو ليهم حق حيرجع ، فاهمني يا ندى

تركها و فتح باب الفيلا و خرج ، ركب سيارته و ادار محركها ليطيير باقصي سرعة متجها إلي منزل عصام ، تاركا ندى تقف أمام السلالم و هي تبكي حالها ، علت ابتسامة فريدة فوق وجهها و نظرت لندی ثم قالت : لمي هدومك و برة بيتي يا ندى سمعاني بره بيتي

ردت ندى و دموعها تنهمر : حاضر

طرق الباب بكل ما اوتي من قوة حتي كاد أن يكسره توجه عصام لفتحه فوجد حازم في حالة يرثي لها ، نظر لهيئته و سأل : مالك يا حازم حازم بحزن شديد : انا طلقت ندى يا عصام انزعج عصام و أمسك به من ذراعه ليدخله و هو يرد : ليه يا ابني كده ، ايه اللي حصل

رد حازم بشاقل : مش عارف

أجلسه عصام علي أحدي المقاعد و عاد ليغلق خلفه الباب ثم اتجه للمطبخ ، أحضر

معه كوب ماء ناوله اياه و هو يقول : اشرب يا حازم

شربها ثم وضعها أمامه و صمت فسأل عصام : هشام عمل ايه تاني

رد حازم و هو ينظر للفارغ : مش هشام ، المرة دي أبويا اللي عمل

استغرب عصام و رد : أنا مش فاهم حاجة

نظر حازم لعصام في عينه بعمق كمن يريد أن يسبر أغواره و أكمل : تعرف يا عصام ،

مفيش أصعب من أنك تطلع مخدوع في أكثر ناس عيشت عمرك و أنت واثق فيهم

شعر عصام بالتوتر إثر كلمات حازم التي اخترقت صدره و لم يرد بل قرر تغير الموضوع

قائلا : حاقوم اعمل شاي

استوقفه حازم قائلا : استني

وقف قبالتة و نظر له ثم قام بتشغيل الفيديو بينهم ، رآه عصام و شعر معاه بظلمة يومه

و جفاف حلقه و كأن أرضا ماتت به فلم يعد يقوي ، ضغط علي زر الايقاف فسأل

حازم : الفيديو ده متفبرك مش كده

قاله و هو يمني نفسه أن يؤكد عصام كلامه ، لكنه صدم عندما رأى الدمع قد ترقرق

بعينه ثم أشاح بعدها وجهه حتي لا ينظر لعينه ، زاد شعور حازم بالخوف فأمسك

بملابسه ليفرض عليه النظر لعينه و هو يهتف فيه : متفبرك و لا لا يا عصام

أبعد عصام يد حازم عنه و اتجه ليقف أمام الحائط و قد نكس رأسه من شدة شعوره

بالخزي ، شعر حازم بصديقه الذي يعرفه فتوجه نحوه و جذبته من ذراعه ليكون وجهها

لوجه معه ثم عاد ليهتف فيه بعصبية و توتر : لآخر مرة بأسألك يا عصام

قاطعته عصام و وجهه في الارض ليرد : لا مش متفبرك

وقعت الكلمة كالحجر علي مسامع حازم و من شدة ثقله شعر أنها كادت تفجر رأسه

فرد متلعثما : أنتِ يا عصام ، أنتِ يا صاحبي مش ممكن مش ممكن ازاي ازاي تعمل
كده

هوي حازم لأقرب مقعد و كاد يشت عقله و هو يعيدها مرة أخري : أنت ، أنت يا
عصام

وقف ممسكا بملابسه ثم صرخ فيه : ليه ليه يا عصام ليه

أمسك عصام بكلتا يديه و ضغط علي أسنانه و هو يرد بغیظ : أنت السبب و متلومش
حد إلا نفسك

حازم بعصية : أنتِ بتخوني يا جبان و تقول أنت السبب

عصام بعصية : ايوة انت السبب ، يا ما قولتلك يا صاحبي بلاش الهدوم اللي مراتك
كانت بتلبسها قدامنا ، بلاش خروجها و سهرها لوحدها و الشلة اللي ملمومة عليها ،
يا ما قولتلك خد بالك ، كنت بتقولي بطل تخلف ، كنت بتفرح بلبس مراتك العريان
عشان تغيظ صاحبك ، عشان تقول قدامهم أنا مراتي موزة و أنا اللي أخذت توب الشلة
، كنت فرحان رغم أنك عارف أنها معاك و مع غيرك و أوعي تقول أنك مكونتش عارف
أنها بتخونك ، لا أنت كنت عارف و مطنش

حازم بعصية : أخرس يا ندل ، أنا عمري ما تخيلت إن أخلاقكم توصل للوضاعة دي
و يوم ما عرفت أنها بتخوني طلقتها بس غلطتي إني مرضتشف أفضحها ، و وقتها أنت
عملت صاحبي و وقفت جنبي و شجعنتني عشان خاطر سمعة بنتي اللي حتكون من
سمعة أمها ، مش ده كلامك ساعتها ، جاي دلوقتي تتحجج بلبس نيرة ، ده بدل ما
تقولي انك لو لقيت مراتي عربانة تغطيها لأنها مرات صاحبي اللي اعتبرك أكثر من
أخوه

رد عصام ساخرا : هو في في الزمن ده حد بيلاقي وحده عريانة و يغطيها ، هي لو كانت مراتي كنت تعمل كده يا حوت ، و بعدين يعني أنت عمرك ما كنت مع ستات متجوزين ، انت لا عتقت متجوزين و لا غيرهم

عاد حازم ليجذبه من ملابسه هاتفا فيه : يعني خاين و جبان و كمان ليك عين و بتكلم مش كفاية خيانتك يا ندل

رد عصام بعصية اكبر : انت حتسابني علي مرة لا راحت و لا جت امال أشرف و ربنا يعلم مين غيره حتعمل معاهم ايه ، انت من يوم ما اتجوزت الهانم و هي علي حل شعرها متجيش تعمل راجل انهارده ، نيرة بتخونك من يوم اتجوزتك و الفيديو اللي قدامك ده اتصور للابتزاز عشان اسكت عن اللي عرفته منها

حازم بعصية : ايه اللي عرفته منها ، انطق

أشاح عصام بوجهه و رد : لوجي ، احتمال تكون -----

حازم : تكون ايه يا عصام ، ما تنطق يا أخي

عصام : مش بنتك

قالها مسرعا و هو لا يدري ما استشعره حازم منها فقال ببالغ صدمته : يعني نيرة كانت بتخوني و انت عارف و ساكت و بدل ما تقولي و تحذرني من الغيوبة اللي أنا كنت فيها رحت تخوني معها ، عمري ما تخيلت انك ممكن تكون زبالة كده يا عصام

كان بيكي و رد عصام بعصية رغم بكائه : أنت اخر واحد تتكلم عن الاخلاق و لا أنت فاكر نفسك توبت بصحيح

حازم بعصية أمام عصبيته : لا و كنت عايز تتجوز نيفين ، انا اللي حافظحك و حاخلي

الكل يعرفك علي حقيقتك

عصام و قد علا صوته : وماله ما هي دي اخلاق الحوت ، ما هي زبالتى مش من فراغ
طول عمرها زبالة مشتركة

لم يتمالك حازم نفسه الا و صفعه ولم يتمالك عصام نفسه الا و رد الصفعة لبدأ
الشجار بينهم لكمة أمام لكمة و صفعة أمام صفعة ، كل منهم يجذب الاخر من
ملابسه حتى هتف حازم بصوت هادر : مش عايز اعرفك تاني ، من بكرة تسب الشركة
و ماشوفش وشك تاني

رد عصام بصوت هادر مماثل : مش خارج من الابعديّة و مش عايز اشوف وشك انا
كمان و اطلع برة بيتي و برة حياتي كلها يا حازم ، خليني أنصف يا أخي

و اخيرا سحب عصام حازم من ملابسه و فتح باب شقته و دافعه خارجا و اغلق الباب
خلفه ، نظر إلي الباب الذي اغلقه ثم هوي خلفه باكيا ، حينها لم يكن حال حازم افضل
منه فقد هوي خلف الباب من الجهة المقابلة ليكي أيضا

لحظات شعر فيها كليهما معني أن تجهز عليك الحياة بكل قوتها فتدرك أنت كم
خُلقت ضعيف ، استجمع كل منهما ما استطاع من قوته و اتجه عصام للحمام مقررا
الاجتسال و تبديل ملابسه ثم هاتف عمر و قال : أنتم لسه في العوامة

عمر : ايوة دي السهرة حميت اوي

عصام : طب انا جاي اسهر معاكم

عمر : ايه ده بجد

عصام : مش بتقول شرب و موزز ابقى جاي

عمر : مستنينك يا عم ، ايوة كده فك متبقاش خنيق ، سلام

أما حازم فانطلق بسيارته يشق الريح من شدة ما شعر به من وهن و قد دارت برأسه كل هواجس الشيطان ، أهذه هي مكافاة الحياة لمن أراد أن يتوب عن الحرام ، أوقف سيارته مقرا تعديل هيئته ، فتح احد ادراج السيارة و اخرج منها عطر ثم مشطا و مشط شعره ، فتح باب السيارة و نزل متوجها إلي إحدي البارات التي كان يعتدها ، فتح الباب و قد علت ابتسامته وجهه و جلس أمام البار مباشرة ، ابتسمت له فتاة جالسة من بعيد فنظر بجرائته المعهودة نظرات دفعتها إليه دفعا ، لحظات و باتت أمامه و هي تلعب بخصلات شعرها ثم همست في أذنه : الكرسي اللي جانبك فاضي

اجتذبتها حازم من ذراعها و اجلسها أمامه ثم اقترب من اذنيها و سأل : حتخدي كام

ردت لحازم في أذنه : 200 جنيه و 100 لصاحب البار

حازم : اتفقنا

عاودت الهمس في أذنه : طب مش ناوي تطلبلي حاجة

التفت حازم الي النادل و ابتسم لها ثم قال : اتنين ويسكي دبل ، لو سمحت

26

اتجه حازم لندي أمسك ذراعها بقوة ثم قال محذرا : لو خرجتي من البيت يا ندى تبقي طالق سمعاني يا ندى طالق ، ارجع الايكي في أوضتك و مخرجتيش منها ، أنت ملكيش دعوة بكل اللي بيتقال لو ليهم حق حيرجع ، فاهمني يا ندى

تركها و فتح باب الفيلا و خرج ، ركب سيارته و ادار محركها ليطيح باقصى سرعة متجها إلي منزل عصام ، تاركا ندى تقف أمام السالام و هي تبكي حالها ، علت ابتسامة فريدة فوق وجهها و نظرت لندی ثم قالت : لمي هدومك و برة بيتي يا ندى سمعاني برة بيتي

ردت ندى و دموعها تنهمر : حاضر

رد مدحت و هو ينظر إلي فريدة شذرا : دي احسن حاجة عاملها حازم إنه حلف بالطلاق ، دلوقتي مبقاش بس حق عمتي لا و كمان حق ندى و واعدك اننا حتقابل تاني بس و أنت بتخسري القضية و حقهم حيرجع برضاكم او غصب عنكم

ردت فريدة بكبرياء و قد ملأت صوتها بالتحدي : حانشوف يا شاطر مين اللي حيضحك في الاخر و دلوقتي كلكم برة

ثم نظرت إلي ندى و أكملت : و اولكم الهانم

التفتت ندى بانكسار لتصعد السلم ، لم تعرف ماذا تقول أو ماذا تفعل ، كانت تجر قدمها باتجاه الغرفة و هي غير مستوعبة انها في لحظة خسرت حياتها و في لحظة انفض تشابك يدها من يد زوجها و في لحظة هم و رحل و لم ينظر خلفه ، لماذا تركها و لم يقف ليعيناها علي مواجهتهم ، لا تريد الرحيل و لا تريد الطلاق و لكنها لم يُترك لها اختيار فيما تفعل

تهددت و هي تقترب من الجلوس علي طرف سريرها ، فكرت لو كلمته و قالت له انها تريد البقاء ربما يعود ، قامت لتتصل به لكنه نظر للهاتف الذي كان يرن و قبل أن ينظر للاسم اغلقه و قذفه إلي جواره ثم أكمل طريقه باتجاه منزل صديقه ، حاولت و حاولت و كل مرة لا تسمع الا جملة واحد (الهاتف الذي طلبته غير متاح

حاليا من فضلك حاول الاتصال في وقت لاحق)

امتألت عينها بالدموع و هي تجمع اشياؤها بل و زاد البكاء لان صوت الشجار لا يزال بالاسفل عاليا ، لحظات و اغلقت الحقيبة و حملتها لتخرج ، لكنها استدارت لتنظر إلي غرفتها و هي لا تريد أن تتحرك ، عادت للمكان الذي اعتاد حازم النوم فيه ، ظلت تلمسه بيدها ثم بعدها خرجت ، الي الاسفل تحركت لتجد مدحت متجهها ناحيتها ليحمل عنها الحقيبة ، لحظة و طرق باب الفيلا معلنا وصول لوجي و محاسن لينظرا الاثنين للمغادرة المنكسرة ، اقتربت منها لوجي مستغربة تسأل : أنتِ رايحة فين يا مامي ندى

نزلت ندى علي ركبتيها لتقف أمام لوجي و ترد : انا حاروح شوية عند آنة شريفة و بعدين حارجع ، عايزكي تسمعي كلام بابي واشوفك بنوثة شطورة زي ما اتفقنا شعرت لوجي بالخوف من وجهها الباكي فأمسك بملابسها و قالت : أنتِ حتمشي ليه ، طب خوديني معاكي

ندى : مش حينفع يا لوجي

علا صوت فريدة هادرا وهي توجه كلامها لمحاسن : خدي لوجي علي اوضتها يا محاسن

ثم نظرت لندى : اتفضلي بقي يا هانم

جذبت محاسن لوجي من يدها بينما لا يزال بصرها معلق بندى و هكذا كانت ندى و هي تغادر و بصرها معلق بلوجي ، نفضت لوجي يدها من يد محاسن و جرت نحو ندى ممسكة بعبائتها هاتفة : لا متمشيش و تسيني يا مامي خديني معاكي خديني معاكي يا مامي

توجهت فريدة لتسحب لوجي و قد علا صوتها باكيا : لا متمشيش خديني معاكي
خديني معاكي ، ماما يا ماما

لم تستطع ندى ان تفعل شيئا حيا لها تمنى لو استطاعت ان تجدها وتأخذها
معها و لكنها ليست ابنتها و اخيرا فتح باب الفيلا لتخرج ندى خطوات و تفصلها عن
البوابة خطوات و يقع اليمين المعلق ليصبح طلاقا ، كانت ندى تخطو خطوات متثاقلة
وفي كل خطوة يقع قلبها في قدمها حتي اقتربت من البوابة توقفت ثم استدارت و
اعادت النظر إلي البيت ظلت تنظر و كأنها تراه لأول مرة أو ربما تبحث عن شيء حتي -

وقع بصرها علي غرفة محاسن ، فاستوقفت عمها و من معه هاتفة : انا مش حامشي
التفت مدحت و عمها اليها ليرد : أنتِ بتقولي ايه يا ندى بعد الست دي ما طردتك ،
استحالة اسيبك في البيت ده دقيقة واحدة

ندى مترجية : عمي ارجوك انا لو مشيت يمين الطلاق حيقع
مدحت : ما يقع يا ندى ، أنتِ لسة عايزة تفضلي علي ذمة حازم ، ازاى بعد ما سابك
و مشي وامه طردتك فين كرامتك يا ندى

لم تلتف ندى الي ابن عمها واعادت كلامها مترجية عمها : ارجوك يا عمي ابوس علي
ايدك ارجوك انا حاقعد في الجنية استني حازم لما يرجع ارجوك يا عمي انا مش عايزة
يمين الطلاق يقع ابوس ايدك

شعر نبيل بها و بتوسلتها و لكنه لا يستطيع موافقتها فأكمل : يا ندى يا بنتي انا
مقدرش اسيبك هنا افرضي امه طلعت لقيتك في الفيلا طردتك ساعتها او افرضي هو
نفسه طلع واطي ولما رجع عمل فيكي حاجة

زادت تواسلتها و أكملت : ارجوك يا عمي انا متأكدة انا حازم عمل كده عشان
ممشيش مش اكر

نظر نبيل إلي ابنه ثم إلي ندى ثم رد : اذا حصل اي حاجة اتصلي بيا علي طول و انا
حاجيلك ، فاهمة يا ندى

هتف مدحت فيه سائلا : احنا حنسيها يا بابا

نظر نبيل لندی ثم رد : ايوة يا مدحت مدام ده قرار بنت عمك ، فهي حرة في قرارها
لم تصدق ندى أنهم وافقوا إلا عندما غادروا فتنفست الصعداء ثم نظر إلي اعلي ،
للتأكد أنه لم يراها احد ، فاتجهت لغرفة محاسن مقررة افتراش الارض أمام الباب
لحين عودة حازم فتدخل معه أو محاسن فتجلس عندها ، و لتمير الوقت اخرجت
مصحفها لتراجع علي ضوء هاتفها متذكرة أنها أمام امتحان في التوبة

عاودت الهمس في اذنه : طب مش ناوي تطلبلي حاجة

التفت حازم الي النادل وابتسم لها ثم قال : اتنين ويسكي دبل ، لو سمحت

بدأ يحاول أن يتفرسها من كانت تجاوره بنظره لكنه لم يستطع ، شعر و كأن شيئا
بداخله يدفعه دافعا لغض بصره ، التفت النادل ليضع أمامهم الاكواب ، تصنع عندها
حازم الابتسامة لها لكن قلبه و عقله و ضميره كانوا قاب قوسين او ادني من ان ينفجروا
فيه ، استفاقت توبته بين ضلوعه لتصرخ فيه : افق

حاول أن ينفض ما يسمع ، فادني يده من الكوب ليقربه الي فمه فتتعالى صرخات توبته

لتعيد عليه : لقد قلت لك افق ----- افق -----
افق ، ما الذي تفعله بي ----- افق ----- ليتك مت قبل ان
تقتلني بيدك ----- افق -----

قاوم وسواسه الصرخات ، بينما تشبس يده بالكوب ادنه اكثر فاكثر حتي شعر برائحة
الخمير تملأ انفه و تضيق صدره فوضع الكوب بعيدا عنه كمن كان ينوي ان يحتسي سم
، نظر لنفسه ثم نظر للمكان كمن كان مخدرا ثم استفق ، اضطربت الفتاة التي تجاوره ،
نظرت الي تصرفاته مستغربة ثم سألت : أنت تعبان ، تحب نقوم دلوقتي

نظر حازم لها غير مصدق أنه حاول الرجوع الي ما كان عليه ، هم وقافا من مكانه نظر
الي النادل ليضع له ماله و التفت ليرحل حينها استوقفته الفتاة مرة اخري قائلة : هو انا
مش عاجبك ، علي فكرة انا ممكن -----

قاطعها و هو يضع يده في جيبه و يعطيها نقودها : خدي حسابك و روعي و بلاش
انهاردة ، اعتبره يوم من غير ما تغضبي ربنا

نظرت الفتاة للمال الذي بين يديها و نظرت للرجل الذي خرج و تنهدت لتطرق الكلمة
في اذنيها : اعتبره يوم من غير ما تغضبي ربنا

خرج بخطوات مضطربة متجها الي سيارته ، تعلق بصره للحظة بالمكان الذي كان فيه
ثم أشاح بوجهه ، صحيح ان الحياة اليوم قد صفعته اقسي صفعة لكنه قرر ان يكون
رجلا و يتحمل صفعات القدر

دخل سيارته واول شخص فكر فيه كان زوجته ، فتح هاتفه المغلق ليتحدث اليها عند
هذه اللحظة كانت ندى ترسل له رسالة ، ضغطت علي الزر الخاص بارسال الرسالة و
لحظة و ظهر أمامها تم ارسالها ثم لحظة و ظهرت لها علامة اخري تعلن ان بطارية

الهاتف قد فرغ شحنها ، زفرت بشدة فلقد كانت تقرأ علي ضوء الهاتف و الان فرض
عليها أن تجلس بالظلام فتمتت : يعني لا حازم رجوع و لا دادا محاسن جيت من
الفيلا و كمان الموبايل يفصل شحن ، استغفر الله العظيم
ظهرت علامة وصول الرسالة أمامه ، ففتحها ليقراها فكانت
{ وَعَلَى الثَّلَاثَةِ الَّذِينَ خُلِّفُوا حَتَّىٰ إِذَا ضَاقَتْ عَلَيْهِمُ الْأَرْضُ بِمَا رَحُبَتْ وَضَاقَتْ عَلَيْهِمْ
أَنْفُسُهُمْ وَظَنُّوا أَنْ لَا مَلْجَأَ مِنَ اللَّهِ إِلَّا إِلَيْهِ ثُمَّ تَابَ عَلَيْهِمْ لِيَتُوبُوا إِنَّ اللَّهَ هُوَ التَّوَّابُ
الرَّحِيمُ } لما قرأتها افشكرتك أرجوك مهما حصل خالي بالك من نفسك
هتف عندها و قد ابتسم رغما عنه : يااااه يا ندى ، ربنا يخليكي ليا

ركن سيارته و نزل باتجاه العوامة خطوة الي الأمام ينوي الدخول و خطوة الي الخلف
يريد الرجوع ليبدأ حينها صراع بين وسواسه الذي يريد ان يسقط و توبته التي تشبس
به حتي لا يضيعها

— هو انت فاكر ان انت اللي حتصلح الكون ايه يعني لما تروش يوم ، و هو أنت
عرفت السكة روش و ارجع توب و اهو يوم يعني مفيش حاجة حتحصل
— لا يا عصام فوق لنفسك ، اوعي تقول يوم و خلاص ، اوعي تنسي انك خونت حازم
يوم ، اوعي تنسي إنه كان يوم مع نيرة و شوف المرة دي عملت فيك ايه ارجع و
استغفر ، اكيد ربنا حيغفرلك ، اوعي تضيع نفسك و تضيعني معاك
— يا عم انت لسه شاب و من حقلك تعيش كمل يا عصام و روح افرح و اتبسط و

كفاية كآبة بقي

— ماهو علشان لسه شاب بلاش تضيع شبابك ده ارجع يا عصام

— يا عم اللي بيتوب زي اللي مبيتوبش كامل يا عصام كامل

— لا يا عصام ، الذنب اسمه ذنب و التوبة اسمها توبة ، ارجع يا عصام ارجع

— كامل يا عصام

— ارجع يا عصام

شعر أن قدمه ما عادت تحمله و كأن رصيد خطواته قد نفذ ، وضع يده علي أذنه و

صرخ : كفايه ، كفاية مش حاكمل خارج خارج

التفت مسرعا باتجاهه سيارته كمن يجري من شبحا يجري خلفه ، ركب سيارته و صدره

يعلو و يهبط ثم ادار محرك السيارة ليجوب الشوارع و هو لا يعرف الي اين يذهب

تقدمت خطوات نحو غرفتها بعدما بالكاد استطاعت تهدئة لوجي و تركها لتنام ، في

الظلام ارتطمت قدمها بمن نامت علي الارض أمام غرفتها فهتفت محاسن بخوف :

بسم الله الرحمن الرحيم

امعنت النظر لتجد أمامها اخر من كانت تتوقع فهتف لتوقظها : ست ندى ، يا ست

ندى

ردت ندى بشاقل : دادا محاسن

محاسن : أنتِ مروحتيش مع عمك

ندى : لا ، مكونتش عايزة يمين الطلاق يوقع ، لوجي عاملة ايه
محاسن : دي هرت نفسها من العياط و3 مرات انايمها ترجع تقوم مخضوضة و تمسك
فيا ، مكنتش عارفة اسيبها وانزل معلىش يا بنتي
ندى : لا و لا يهملك يا دادا ، حازم لسه مرجعش
محاسن : لا يا بنتي لسه ، هو ايه اللي حصل ، و طلاق ايه بس بعد الشر عنكم
ندى : ما هو حازم حلف عشان مكش عايزني أخرج ، بس طبعا الكل ما صدق
لم تفهم محاسن منها شئ و لكنها لا تستطيع سؤالها فقالت و هي تساعدنا علي القيام
من مكانها : طب اقومي دلوقتي ارتاحي في اوضتي ، أنا حاعملك لقمة تأكلها
ردت ندى و هي تتجه معاها للداخل : لا يا دادا انا بس عايزة اطمن علي حازم
محاسن : طب ارتاحي دلوقت وانا اول ما يرجع حاقله انك هنا
اتجهت ندى إلي سرير محاسن و تمددت شاعرة بالتعب و لحظات و راحت في نوم
كانت في امس الحاجة اليه ، اما محاسن فمن ان الي اخر كانت تنظر الي البوابة لتري
حازم هل رجع ام لا يزال بالخارج

أمام مسجد صغير كان مفتوحا استوقف سيارته ، تقدم خطوات باتجاه المسجد خلع نعله
و تقدم ليجد رجلا مسنا فاتحا المصحف و يقرأ ، تقدم منه خطوات و خطوات وجلس
أمامه ثم ألقى السلام فرد : وعليكم السلام يا ابني

سأل حازم و قد استغرب المكان : هو مش لسه بدري علي الفجر

رد الرجل : ايوة لسه شوية ، بس أنا خفت انام قولت افتح المسجد واقعد اقري شوية

اخرج حازم هاتفه من جيبه و عاد ليقراً الرسالة ثم سأل : معلىش ممكن اسألك علي حاجة يا عم

رد الرجل : خير يا ابني

قرأ حازم الاية علي مسامعه ثم سأل : الاية دي في سورة ايه ، و مين الثلاثة الذي خلفوا و خلفوا عن ايه بالظبط

استغرب من سؤاله و رد : دي قصة الثلاثة الذي خلفوا في سورة التوبة

رد حازم قد استوقفته الكلمة : التوبة

شرد فأعاد الرجل سؤاله : بس انت بتسأل ليه يا ابني ، عايز تعرف القصة

حازم مستغرباً : قصة ايه

الرجل : قصة الثلاثة الذين خلفوا

حازم مستفهماً : ايوة كنت عايز اعرفها

رد الرجل عندها : تسمع عن غزوة تبوك

رد حازم و قد شعر بالخجل : لا ، الحقيقة اول مرة يعدي عليا الاسم ده ، سمعت عن

بدر و أحد حتي معرفش عنهم حاجة برضو

ابتسم الراجل : اهو للاسف اللي مفروض نعرفه عن دينا مبقناش عرفينه

تنهد ثم أكمل : بص يا سيدي غزوة تبوك دي كانت في العام التاسع بعد الهجرة ،

طلع الرسول (صلي الله عليه وسلم) الغزوة دي و كانت في ظروف صعبة يعني حر

شديد و علشان كده في ناس تخلفت عن الغزوة و مرضتتش تطلع مع الرسول و من

ضمن الناس اللي ما خرجتش كان الثلاثة دول (كعب ابن مالك - مرارة ابن الربيع - و هلال ابن امية) و ماكنش عندهم عزر يمنعمهم ، فلما رجع الرسول (صلي الله عليه وسلم) جاله كل الناس اللي مخرجتش و اغلبهم كذبوا علي الرسول علشان ميعقبهوش الا الثلاثة دول اختاروا انهم يقولوا الحقيقة ، اختاروا يتحملوا الذنب اللي عملوه

بدي حازم شغوفاً ليعرف الباقي فسأل : و بعدين

الرجل : بس الرسول (صلي الله عليه وسلم) بعد ما قاموا قال فيما معناه انهم صدقوا و قال للصحابة انتظروا امر الله فيهم ، تعرف ساعتها كان عاقبهم ايه ، هو الحقيقة مكنش عقاب بقدر ما كان تكفير عن ذنبهم و اختبار حقيقي لتوبتهم ، جاه الرسول (صلي الله عليه وسلم) امر باعتزلهم ، و محدش يكلمهم من المسلمين ، حتي زوجاتهم ، كل الناس قاطعتهم حتي ضاقت عليهم الارض بما رحبت و ضاقت عليهم انفسهم لحد ما عدي عليهم خمسين يوم علي الحال ده

حازم بانزعاج : خمسين يوم

الرجل : ومع ذلك فضلوا متمسكين بتوبتهم وصدقهم مع ربنا لحد ما نزلت الايه دي

{ وَعَلَى الثَّلَاثَةِ الَّذِينَ خُلِفُوا حَتَّى إِذَا ضَاقَّتْ عَلَيْهِمُ الْأَرْضُ بِمَا رَحُبَتْ وَضَاقَتْ عَلَيْهِمْ أَنْفُسُهُمْ وَظَنُّوا أَنْ لَا مَلْجَأَ مِنَ اللَّهِ إِلَّا إِلَيْهِ ثُمَّ تَابَ عَلَيْهِمْ لِيَتُوبُوا إِنَّ اللَّهَ هُوَ التَّوَّابُ الرَّحِيمُ } و كانت دي مكافأة الثبات علي التوبة و الصدق فيها

حازم منبهراً : ياه انا عمري ما فكرت ان ممكن اسمع عن حد مر عليه في الدنيا اختبار في توبته بالصعوبة دي

ثم في نفسه : و انا اللي كنت حاقع عشان اللي حصل امبارح ، ده انا كنت ساعتها حقيقي فرفور اوي

نظر الرجل الي الساعة و عقب : اعتقد ده كده وقت اذان الفجر

نظر حازم لساعة ليرد : اه فعلا

الرجل : اسم الكريم ايه

حازم مبتسما : حازم ، و حضرتك

الرجل : مجاهد ، طب يلا يا حازم اتفضل قوم اذن

ببالغ استغراب و توتر : نعم ، هو مش حضرتك اللي بتأذن برضو

مجاهد : و الله يا ابني ، انا قعدت مستني علشان انهارده صوتي كان مبحوح شوية و

كنت قايل لنفسي اول واحد يدخل المسجد انهارده هو اللي حيأذن و يصلي بالناس ،

و اهو ربنا بعتك

رد حازم مقاطعا : بس اصل انا

قاطعه مجاهد مستنكرا : ايه مش حافظ الاذان

قام الرجل من مكانه وهو يجذب حازم باتجاه المكرفون قائلا : الله يكرمك يا ابني يلا

اذن الوقت حيروح يلا

وقف حازم أمام المكرفون وجها لوجه ليأذن ، حاول أن يستجمع قواه غير مصدق انه

بدأ ليلته في بارا و سينهياها أمام في مسجد ، تنفس و قد شعر برجفات قلبه و صدره

الذي كان يعلو و يهبط و ما هي الا لحظة و بدأ يسمع صوته الذي زلله ابتداء و هو

يخرج بالاذان وشعر بجسده ينتفض فانهمرت دموعه رغما عنه ، و ما عاد يعرف من

أين كان يجري علي لسانه الاذان إلا أنه استشعر أن صوته قلبه

الله اكبر الله اكبر الله اكبر الله اكبر

اشهد ان لا اله الا الله

اشهد ان لا اله الا الله

اشهد ان محمدا رسول الله

اشهد ان محمدا رسول الله

حي علي الصلاة ----- حي علي الصلاة

حي علي الفلاح ----- حي علي الفلاح

الله اكبر الله اكبر ----- لا اله الا الله

انهي الاذان ليجد الرجل من خلفه قائلاً : ما انت حلو اهو يا ابني امال مالك بس

جملته انتشلت حازم من وسط ضربات قلبه المتسارعة و صدره الذي كان يعلو و يهبط ، جلس بانتظار القادمين للصلاة ، لحظات بالكاد اكتمل فيها الصف الاول و بعدها شرعوا في الصلاة ، توضأ حازم و اتجاء الي مكان الأمام ، وقف في لحظة خشوع و هو يقول لمن خلفه : استقيموا يرحمكم الله

رفع يديه و هو يقول : الله اكبر

لتنساب الفاتحة بين شافتيه ويسمع صوته بما يقرأ ثم يركع ثم يسجد ثم يعاود الركعة التالية

حتي سلم ونظر لم كان أمامهم غير مصدق نفسه

(حازم رفعت الصاوي ----- أماما بمسجد

حازم رفعت الصاوي اليوم ----- ولد من جديد)

عاد إلي سيارته و قد قرر ابتداءً من اليوم أن يصحح اخطاء الماضي و ان يواجه بشجاعة مافعله بيده ، أدرك أن التوبة ليست ركعتين بقدر كونها رحلة تغيير في ذات تلذذ يوما ما بالخطأ ثم استفاق ، عرف أنه حين تاب كانت توبته هي منة الله عليه لا منته هو علي

الله حتى يتشدد بالثواب ، هو ذلك الضعيف المحتاج لكل باب إلى الله مدخله الرجاء ، هو من تاب الله عليه ليتوب من أيام كان ظاهرها اللذة لكن باطنها كان العذاب

انهي صلاة الفجر ثم قرر الاتجاه إلى منزل والدته ، طرق الباب خائفا من توقيت الزيارة لكنه شعر أنه يحتاجها و بشدة ، فتحت مني عيناها و هي تتمم : خير يا رب
ثم ارتدت اسدالها و اتجهت مسرعة لفتح الباب ، صدمت حينما رأته أمامها و هتفت :
عصام ، خير يا حبيبي انت كويس
نظر لها ثم رمي بنفسه بين يديها و هو يرد : لا
احتوته بين يديها و احتضنته ثم سألت منزعة : مالك يا عصام ، مالك يا حبيبي ،
اعوذ بالله من الشيطان الرجيم ، ادخل ادخل
سحبته من يده و اغلقت خلفه الباب لتجد من خلفها اخته قد استيقظت و قالت بلهفة
: ابيه عصام ، مالك يا ابيه
قاطعتها مني قائلة : روجي اعلمي لاخوكي كوابية ليمون
اتجهت بيه إلى غرفته و أجلسته على السرير ، ظل دافنا رأسه قي صدرها ثم بدأ يبكي
و هو يقول : عايز اكلم معاكي يا ماما ، أنا محتاجلك أوي
ربطت علي رأسه و زادت من احتوائها و ردت : من عينا يا حبيبي ، أنت هنا في
اوضتك يا عصام ، اتكلم يا حبيبي في ايه
رد مستغريا : اوضتي

مني : ايوة يا حبيبي من زمان وانا عامللك اوضة و كان نفسي تيجي تعيش معايا ، مالك
يا حبيبي فيك ايه

دخلت سمية تحمل بيدها كوب الليمون ، أخذته مني من يدها و أعطته لغصام و قالت
: خد أشرب الليمون ده و اهدي و بعدها حنتكلم و تحكي لي كل حاجة

شعر بهدوء نفسه و بدأ يشرب بينما غادرت سمية الغرفة و تركتهم ، مر الوقت و
عصام يحكي و مني تسمع حتي سرد عليها كل ما كان يحمل ، مسحت دموعه بيدها
ثم قالت : كل ده يا ابني

بكت رغما عنها ربما لانها شعرت أن جزءا مما قاله كانت هي بالاحري مسئولة معه
عليه ، ثم تابعت : سامحني يا عصام سامحني يا ابني انا اللي اتخلت عنك انا اللي
وصلتك لكده

عصام : خلاص يا ماما ما أنتِ ياما جيتي تترجيني اعيش معاكم وانا اللي كنت مش
موافق ، انت كمان سامحيني مش عايز احس اني وحش اوي كده

مني : لا يا ابني ربنا يحميك و قلبي راضي عنك و ربنا يبعد عنك ولاد الحرام و يجعل
نيفين من نصيبك

عصام بابتسامة حزينة : قولي ربنا يرزقها بابن الحلال اللي يستهلها
قاطع هاتفه النقال حين علا رنينه فسألت مني : مين اللي بيتصل بيك دلوقتي

اتجه للرد معقبا : مش عارف

ثم رد علي هاتفه : سلام عليكم

اتاه صوت عمر باكيا : الحقني يا عصام ابوس رجلك

رد عصام منزعجا : في ايه يا عمر

رد عمر بحسرة : بوليس الاداب طب علينا في العوامة و مسكني انا و اللي معايا ، انا
محتاج محامي و مش عارف اكلم ابويا اقله ايه ، ابوس ايديك يا عصام ابعتلي محامي
الصبح

خفق قلبه و هو يغلق هاتفه متمتما : معقول

تحرك بسيارته باتجاه منزله فاستوقفه دخان كثيف و ازدحام للناس ، اوقف سيارته
مستغرب ، اليس هذا المكان هو بار الامس تقدم خطوات لييري فسمع ما يتردد بين
الناس

— لا حول ولا قوة الا بالله ، محدش نجا كل اللي كانوا في البار ماتوا

ليرد اخر : ربنا يسترنا يا رب اللي مات سكران واللي مات مع وحده استغفر الله العظيم

فيقاطعهم اخر : ربنا يرزقنا حسن الخاتمة

توجه حازم متسألا : ايه اللي حصل

ليرد احدهم : ابدا المكان ولع تقريبا ماس كهربائي

حازم بخوف : حد نجا

— تقريبا كل اللي كانوا جواه ماتوا

خفق قلبه و تتمم : مش ممكن

ليدرك كليهما معني ما كانوا علي أعتابه و نجوا منه ، تلك اللحظة التي كادوا أن يسقطوا
فيها لانهم استشعروا ان الارض ضاقت عليهم بما رحبت بل و ضاقت عليهم انفسهم

كادوا بسببها أن ينسوا أن للكون رب يدبره ، و يحكم أقداره ، لنعلم عندها أنها مهما
مهما ضاقت فلا ملجأ من الله الا الله ، إنه هو التواب الرحيم

27

انهي صلاة الفجر وعاد إلي منزله ، فتح باب البيت ثم اتجه إلي شقته ، كانت جالسة

علي سجادة الصلاة بانتظار عودته ، لم يلقي عليها حتي السلام و دخل باتجاه غرفة نومه ، سحب الغطاء و تمدد ليعاود النوم بعد الصلاة ، كانت خجلة و هي تقوم من مكانها لتحاول الكلام معه لعله هذه المرة يرد عليها ، منذ أن علم طارق من نبيل و مدحت بما كانت تخفيه أحلام و هذه هي حالته ، قررت أحلام مرة أخرى التوجه له لعلها تستطيع اثنائه عن صمته حين سألت : لسه زعلان مني يا طارق ، صدقني انا مكنش قصدي ان كل ده يحصل

لم يرد طارق ، وضع كفه تحت خده ليكمل نومه او علي الاقل تظاهر بذلك ، تحركت خطوات و نزلت بركبتها أمام السرير لتكون مواجهه لوجهه ، نظرت له ثم قالت و قد بدأت تبكي : طب رد عليا او حتي كلمني ، طب سامحني انا مكنتش عايزة احكيلك علي موضوع رفعت الصاوي ده عشان كنت خايفة علي حياتنا ، كنت خايفة لو حد قالك حاجة تصدقها فيا ، كنت عايزة الموضوع يتقبل و بس ، لانني كنت عارفة اني مش حاقدر ارد حاجة من الفلوس ، و لما اتجوزتك اتميت لو كنت معرفتش قبلك ، لا توفيق و لا رفعت و الله خوفي علي حياتنا هو اللي سكتني

رفع عينه لها اخيرا و قد شعر بالشفقة عليها ، نظر لوجهها الباكي أمامه ثم رد : اخر حاجة كنت اتوقعها انك مخيبة عليا حاجة تخصك بالشكل ده ، اني واحدة زي اللي اسمها فريدة دي تيجي البيت و تهديك و تخافي منها بدل ما تقوليلي ، انك تفتركي ان اي حد يقول في حقك اي حاجة اصدقه ، حاسس انك زي ما تكوني مكنتش

عارفني او جايز انا اللي مكنتش عارفك

قربت يده من فمها ثم قالت : سامحني

قبلت يده ثم اكملت : سامحني يا طارق واوعي تزعل مني ، افنكر إن خوفي علي

حياتنا هو اللي سكتني

أمام توسلتها تنهد و هو يجذبها لتقم من الارض و تجلس الي جواره علي السرير ،

ابتسم لها وهو يقول : يعني مش ناوية تخبي عليا حاجة تانية

ردت و هي تمسح دموعها : لا

سمعا طارق باب منزلهم فاستغربا ، من الذي سيأتيهم مبكرا ، اتجه طارق ليفتحه

فاستوقفه اخر ما كان يتوقع مجيئه فهتف : حازم

رد حازم و قد بدى عليه التوتر : اسف ، انا عارف ان الوقت بدري اوي ، ممكن ادخل

تعجب طارق و رد و هو يفسح له الطريق : اتفضل

سبق طارق حازم بخطوات ليدخل لباب شقته المفتوح ثم نادي زوجته ، دخل حازم الي

الصالون ، شعر بالتردد فهو نفسه لا يعرف الدافع وراء مجيئه ، جلس منتظرا أحلام و

ما إن دخلت حتي قام ليصافحها ، كانت قد علمت من نبيل بتفاصيل الامس و لم تكن

تعرف ما سر الزيارة و هي تبادلته التحية و تسأل : خيرا حازم ، أنت و ندى كويسين يا

ابني

سأل حازم مستغربا : هي ندى مجتث امبارح

أحلام : لا ، يا ابني مجتث

شعر بمزيج من الراحة و القلق ثم قرر التحدث بشكل مباشر قائلا : أكيد طبعا عرفتموا

من عمو نبيل اللي حصل امبارح

تبادل طارق و أحلام النظرات ثم ردت هي : اسمع يا ابني ، انا عمري ما دورت ع

الفلوس دي و لا حتي عايزة اي مشاكل و -----

قاطعها حازم قائلا : انا جاي بخصوص الموضوع ده

تدخل طارق و قد شعر بالقلق فسأل : خير يا ابني

نظر حازم لأحلام و رد : عمتو أحلام ممكن اطلب منك طلب باعتري زي ندى او

علي الاقل انا باعتبار نفسي كده

أحلام بقلق : اطلب يا ابني

حازم : ممكن بلاش ترفعوا قضية عشان رجوع الفلوس ، انا حانفذ وصية بابا الله يرحمه

من غير حاجة ، بس كل اللي عايزه اني مخسرش ندى ، أنا و ندى ملناش ذنب في كل

اللي حصل و انا و هي مكناش نعرف حاجة ، انا مش حافرض عليها تعيش معايا غصب

عنها لو طلبت الطلاق و كانت دي رغبتها ، بس لو في فرصة ارجعلك حقك و

قاطعه أحلام التي كانت مستغربة كليتا من ان الذي أمامها اليوم هو ابن رفعت الصاوي

و قالت بجديّة : يا ابني انا والله الفلوس ما فرقة معايا حتي لو فضلت معاك أنت و

ندى

قاطعها حازم : لا يا عمتو مدام ده حقك ، فأنا باوعدك اني ارجعه ، بس انا عايزكم

كلكم تعرفوا اني اتجوزت ندى لانني عايزها و متمسك بيها ، عمو نبيل لما جه امبارح

كان متمسك باني اطلقها و أنا مش عايز

نظر طارق لأحلام ثم له و رد : يا ابني احنا كل اللي يهمننا فعلا دلوقتي هو ندى مش

الفلوس و مدام انت متمسك بيها ، القرار حيكون قرارها احنا منقدرش نفرض علي ندى

حاجة و موضوع الفلوس ده إن شاء الله مش حيكون مشكلة

شعر حازم ببعض الارتياح و رد : طب انا كده قولت اللي عندي و استأذن انا

أحلام : طب ما تستني يا ابني انا حاضر الفطار

وعلي الرغم انه جائع ولم يأكل تقريبا منذ صباح الامس

توجه للباب ثم رد : خليها وقت تاني ، ان شاء الله

خرج من الباب لينصرف ثم أتبع : عمتو أحلام أنا مش عارف رد فعل طنط شريفة

حيكون ايه ، يا ريت لو تتكلمي معاها ، لحد ما أشوف حنعمل ايه و بأتمني أنها تقدر

موقفي و -----

صمت ثم قال : و ربنا يسهل ، سلام عليكم

طارق و أحلام : مع السلامة

اغلقت أحلام باب شقتها و نظرت لزوجها قائلة : معقول انا مش مصدقة اللي حصل

طارق معقبا : والله الواد شكله راجل بجد ، متعرفيش علي في نظري قد ايه باللي قاله

ده

أحلام : بس ربنا يستر من فريدة ، يا تري حتعمل ايه لما تعرف ، ربنا يستر بجد

بات يعرض علي شفتيه من فرط الغيظ الذي كان يشعر به ، اين ذهبت ندى اتصل بعمها

نبيل فاجابه انها لم تترك الفيلا و رفضت الرحيل حتي لا يقع يمين الطلاق ، اتصل

بوالدته فأكدت أنها رحلت و هاتفها إلي هذه اللحظة مغلق ، أين هي و هل حدث لها

مكروه سؤال ظل يأن برأسه حتي دخل بسيارته إلي داخل الفيلا ، سمعت ندى صوت

مسحت بالقطنه علي ذراعاه المرفوع نحوها فتوجهت الي الحقنة و اعطته اياها ثم نظرت اليه قائلة : بالشفاء ان شاء الله يا استاذ هشام

زفر هشام بضيق ثم نظر لها قائلا بضيق : ايه الدوشة اللي برة دي

ردت الممرضة : ده مدير المستشفى بيزعق مع ست غلبانة هنا بتشتغل في النظافة بس بتضطر تغيب عشان تودي ابنها ياخذ جرعة كيماوي عشان عنده سرطان ، بس تقول ايه بقي بدل ما يعذورها كل شوية يجي عليها

زفر مرة اخري بضيق ثم سأل : هو انا ممكن ادخن امتي

الممرضة : لا يا استاذ هشام مينفعش خالص اصبر لما جروحك تلم ، عموما انت قدامك يوم او يومين بكثير و تقدر تخرج بس برضو اصبر علي السجاير دلوقتي فتحت الباب وخرجت فنظر الي هاتفه الذي يجاوره ، سحبه بيده لكي يجري مكالمة كان يريد أن يجريها و باي ثمن و ما إن رد من اتصل به حتي هتف فيه : لسه فاكر صوتي ولا نسيته

رد معتز و قد بداله نفس الغيظ : حد يقدر ينسي صوتك ، روح يا شيخ الهي ربنا يخدك و يريح الناس من ارفقك

هشام : بس ساعتها مش حاروح لوحدي ، حاخدك معايا و انا رايح

معتز : عايز ايه تاني يا زفت ، مش كفاية اللي جوالي من تحت رأسك انا رجلي قدمها شهرين في الجبس ، من تحت فكرتك المهيبة و في الاخر انا و انت اللي في

المستشفى و هو و لا كأن حد عامله حاجة

رد هشام بعصية : و هو مين اللي وداه المستشفى عشان يتعالج مش أنت برضو ، كان

زمانه ميت و شعبان موت بس اعمل ايه فيك يا جبان

معتز ببالغ الحقق : أنا اللي جبان والله ما حد جبان غيرك يا هشام عايز تقتل ابو بنت

اختك و تقول عليا انا اللي جبان ، عموما انا اول ما اخرج حاسافر لابويا و اعيش

هناك و مش عايز اعرفك تاني و انا بالنسبالي حاسكت و الم الدور و حازم هو كمان

ناوي يسكت ، يا رب انت البعيد تنهت و تسكت بقي و كفاية لحد كده

أغلق هشام الهاتف مع معتز و لايزال الضيق و الغل مسيطرا عليه ، زفر بقوة مرة اخري

و هو يضغط علي أسنانه من فرط الغيظ متمتما : أنا مش حارتاح و لا يغمضلي جفن

غير لما انتقم منك يا حازم ، بس المرة دي مش بايدي لا بيدك ، المرة دي أنا عارف

حاعمل ايه

خرجت من غرفة السفارة لتقطع صعودهم إلي غرفتهم بصوتها الهادر المتحدي هاتفة :

أنتِ مش سبق و مشيتي مع عمك امبارح ايه اللي جابك تاني

و قبل أن ترد ندى استدار حازم و لم يكمل صعود السلم لينزل الدرجات التي صعدھا

و يتوجه واقفا أمام والدته ليرد هو : وجهلي انا الكلام ، و متنسيش اني حلفت عليها

متخرجش يعني مكنش ينفع تمشي

فريدة ببرود : بس ندى مشيت فعلا يا حازم و حلفانك بالطلاق وقع يعني أنتِ فعلا

طالقتها تقدر تقولي ازاي طالعة معاك و انت مطلقها و لا الحاجات دي في عيلتك
عادي زي ما كانت عمك فاتحة بيتها لرفعت

ردت ندى بعصية : انا مسمحكيش تتكلمي بالطريقة دي علي عمتي وانا متأكدة ان
عمتي ست شريفة و-----

قاطعها حازم : استني يا ندى ، اسمعي يا ماما من غير كلام كثير مفيش منه رجي انا
عايزك تسمعني كويس ، اولاً ندى مخرجت من البيت عشان قعدت عند دادا محاسن
يعني يمينا الطلاق موقعش اصلا

استقبلت فريدة كلمته بشئ من الضيق و نظرت بكل ما اوتيت من غل لندي فأكمل
حازم : ثانياً أنا قرئت الوصية اللي مكتوبة بخط ايد بابا و انا عارف خط بابا كويس و
عارف انها سليمة و مش مزيفة و احب اقولك اني ناوي انفذها من غير قواضي او
محاكم عشان دي اقل حاجة ممكن اعمالها لبابا بعد موته ، انفذ وصيته

لتستقبل فريدة كلماته مرة اخري و لكن بقلب قد ملاء الحسرة و الهم و قبل ان يكمل
قاطعته فريدة و قد شعرت بطعنته لها قائلة : انت فاكر اني حاسيك تبدد ثروة ابوك
علي دول ، فاكرني حاسمحك تسيلهم مليم

حازم بتصميم : الشركة باسمي و اقدر اتنازل عنها

هتفت فريدة بانزعاج : حتنازل عن الشركة ، انت اكيد مجنون تعب ابوك حتضيعه ،
انت اكيد اتهللت في منحك يا حازم

رد حازم لايزال علي تصميمه : اني احمي نفسي من المال الحرام ابقي اتهللت

فريدة بعصية : انك تتنازل عن شركة رأس مالها 6 مليون جينه ده ميعترش هبل

حازم ببرود : مدام مال حرام مش حيفرق كام

أمسكت بكلتا ذراعيه و هتفت بكل غيظها : انت عارف رأس مال مصنع أحلام كان
كام

امتلى قلبه ببالح الحزن و رد : يعني فعلا المصنع كان ملك أحلام
وقعت نظرة حازم الحزينة لها في قلبها و اشعارتها و لأول مرة ان كلماتها قد كسرتة
انخفضت حدة صوتها و تحولت للين و كأنها بدأت الترجي ، امسكت يده بينما كان
حازم يتجه الي الصعود و قالت : حازم ، مضيعش تعب ابوك ، الفلوس دي فلوسنا و
تعبنا احنا ، احنا ممكن نرجع لأحلام تمن المصنع ، ممكن نتمن بسعر انهارده اهو
قرشين و انا واثقة انها حتسكت ساعتها قلت ايه
نفض حازم يدها عنه و نظر اليها بحسرة ثم قال بضيق : اه و ثالثا لانني مكنتش قولت
ثالثا ، انا طالع انام لانني منمتش من امبارح و اول ما اصحي حاخذ ندى و لوجي و
امشي من الفيلا

اتجه الي السلالم ليكمل الصعود مد يده لزوجته وهو يقول : يلا
التفتا الاثنين ليصعدا فاستوقفتهما فريدة ببعض الحزن لتسأل : ناوي تروح فين يا حازم
وقف حازم ثم التفت اليها : اي مكان ما احسيش فيه ان ماله الحرام بيخنقني ، أي
مكان غير هنا و بس

ظل نائما بعد ليلة طويلة قاس فيها قلبه وعقله ، تركته والدته و خرجت لتستوقفها سمية
سائلة : لسة نايم

ردت مني و هي تتنهد بحزن : ايوة يا سمية

سمية : هو ابيه عصام ناوي يجي يعيش معنا

مني : يا ريت يا سمية يا ريت

قاطعهم صوت زوج مني خارجا من غرفته : و ده مين اللي ناوي يعيش معنا

سمية لابيها : ده عصام جه انهاردة

سليم : أخيرا رضي يجي يعيش معنا

ردت مني بالبع الضيق : معتقدتش ، شكله حيقعد معنا كام يوم بس و بالعافية

سليم : يا مني ده بيته و انا ياما قولتلك يجي يعيش معنا من زمان

سمية : والله يا ريت يعيش معنا علي طول انا و الله بافرح اوي لما احس ان ليا اخ كبير

ليقاطعهم وليد و هو يخرج من غرفته : صباح الخير

الجميع : صباح النور

سمية لوليد: مش حتصدق مين هنا لا و يمكن يقعد معنا

وليد: مين

سمية : ابيه عصام

وليد مبتسما و هو يتوجه لغرفته : أنتِ بتهزري اخيرا رضي

استوقفته مني : سيوه دلوقتي شوية و لما يصحي ابقى اقعدا معا

تُرك عصام حتي استيقظ ، جلس علي سريره أمامه طبق قد حضرته اخته بسندوتشات

من اجل ان يفطر و كوبا من الشاي ثم جلست الي جواره ، دخل وليد و جاوره

الجلوس كمن كانوا يتمنوا ذلك اليوم منذ زمن فبدأ وليد لعصام : منور اوضتك يا عم

عصام

سمية : ايه عم عصام دي المفروض تقوله يا ابيه عصام
رد وليد ضاحكا : ابيه عصام ، يا بنتي بلاش جو الافلام القديمة ده و ايام عماد حمدي
ده أنتِ فاضل تقولي لماما ، ازيك يا نينة
ضحك عصام عليه رغم ما كان يشعر به من ضيق لتقاطعه سمية : لا ما انا مش عايزة
اقولك وليد ده ملوش حل و محدش هنا قادر عليه
رد عصام و قد تجاوب معهم : امال انا جيت ليه ، جيت علشان انا اللي حاحله
وليد : قشطة عليك يا كبير اهو ده بقي الكلام
سمية : يا ريت بس يا ابيه تفضل قاعد معانا و متمشيش
وليد: يا بنتي اخوكي اكبر منك بس بست سنين برضو ابيه أنتِ عايزة تكبرلنا الواد و
خلاص ، ده حتي لسه مدخلش دنيا و لا ايه يا ابيه
عصام : يا ابني اتم بقي اختك عايزة تجر رجلي و تحسني اني الكبير ، سيبها بقي
سمية : بقي كده ماشي انا اللي غلطانة يا سي عصام
عصام : ايه ده انا مش كنت ابيه من 5 دقائق
وليد : لا ابيه مين ما خلاص بقي
قاطعهم صوت طرق الباب ليطل سليم برأسه مبتسما و قد تقدم ليمد يده لعصام
مصافحا و هو يقول : نورت بيتك يا ابني
رد عصام باضطراب : منور بيك يا عمي
ثم عقب سليم و قد وضع كلتا يديه علي كتف سمية و وليد : لو الجوز دول قالبولك
دماغك اخدهم من قفاهم علي بره
رد عصام مبتسما : لا والله يا عمي دول حتي مسليني

رد وليد مازحا : أنت لسه شوفت حاجة ، كمل معايا لبليل و أنا اعملك فقرة الساحر
عشان نسليك أكثر

لتدخل مني عندها هاتفة فيهم : ايه الجو ده كلكم فوق دماغه كده ، ايه يا عصام تحب
اعملك حاجة

عصام : لا يا ماما شكرا

مني : طب يلا بيتك بيتك وأنتِ يا ست سمية معايا علي المطبخ ، عايزة اخلص
المحشي

رد وليد مهلالا : محشي لا انا كده حابداً اغير و اطالب بالتغيير ، المحشي ده
مبيجيش البيت غير للعزيز الغالي ، ده أنتِ مبتعمليهوش لبابا

اصتبع سليم الجديدة و رد : بس يا ولد دي حتي لسه عاملة السنة اللي فاتت لما انا
طلبتة

ضربت مني كف بكف و عقبت : انا لو فضلت واقفة مش حاخلص منكم ، يلا كلكم
معايا ع المطبخ ، عشان عصام يرتاح

خرجوا و تركه يكمل فطوره و هو لا يعرف بما يشعر ، هل أذنب حينما أدار ظهره
لتوسلتها بالماضي حينما أرادت منه أن يكون معها ، أم أن رؤيته لما كان بينها و بين
والده و رد فعله كان طبيعيا ، سؤال متأخر أم أننا بمرور الوقت قد نري الامور من زوايا
أخري

زفر بشدة لأن هاتفها مغلق إلي الان ، ماذا حدث لا يدري و لا يعرف ، هكذا كان

حال أشرف و هو يقذف بهاتفه إلي جواره و يتمتم : ماشي يا ست أميمة

أما هي فأمسكت بالظرف الموجود به كل ما يخص هشام و منة و اتجهت لتطرق باب أحدي المكاتب ، أطلت برأسها ثم وضعت الظرف علي المكتب المقابل لها و قالت عندها : كله تمام ، حضرتك تأمر بأي حاجة تانية يا ممدوح بيه

ابتسم و هو يجذب الظرف من يدها و يقلب في الصور و السديوهات التي كانت تحويه و بعض الشيكات المكتوبة لهشام بدون رصيد و بعدها رد : برافو عليك يا أميمة ، مفيش كلام يوفي حق اللي عملتيه

أميمة : لما عرفنا نوصل لنسخة من مفتاح شقة المعادي ، هيثم راح و دور عليهم ، لكن ملقاش حاجة و اتضح إنهم كانوا مع حازم هما و بقية الحاجات اللي في الظرف ممدوح و قد شعر بالراحة لحصوله علي كل ما كان يخص ابنة أخيه : متشكر يا أميمة

أميمة : حضرتك بتشكرني علي ايه بس يا عمي ، حضرتك أنا لو أطول كنت خلصت علي اللي اسمه هشام و اللي زفت الثاني اللي اسمه أشرف بايدي ، منة مكنش في زيها و لا زي أخلاقها ، منهم لله و بس

نظر لساعة يده ثم سأل : هيثم وصل و لا لسة

أميمة : لحد ما جيت الشركة كان لسة موصلش

ثم سألت : حضرتك ناوي فعلا توزع السي دي اللي بينه و بين نيرة في النادي

رد ممدوح بغيظ : ده أقل واجب ، مبقاش ممدوح الدريني ، إلا لما أدفعهم كلهم تمن

اللي عملوه في منة واحد واحد

ردت أميمة بضيق : بس مكونتش أتمني إن هيثم يعرف اللي اسمها نيرة دي و يتصرف معاها كده ، لكن اللي حضرتك شايفه يا ممدوح بيه

ممدوح : أنا لسة معملتش حاجة فيهم يا أميمة

أميمة : بس عشان أخلص ضميري أنا قولت لحضرتك حازم و عصام ملهوش دعوة
بالموضوع ده

ممدوح بعصية : كلهم أزيل من بعض يا أميمة ، للاسف بنت أخويا اللي كانت طيبة و
صدقت كلب منهم

بالغ الضيق تذكرت أميمة أعز صديقة لديها و قالت و هي تتجه للانصراف : طب
تأمرني بحاجة تانية

سألها : اللي اسمه أشرف ده حاول يكلمك تاني

أميمة : أكيد ، بس أنا بعد ما حازم مشاني شيلت الشريحة اللي كان معاه رقمها
غادرت الغرفة و صورة نيفين تطالعها ، شعرت بالقلق من كل ما كان يخطط له أشرف ،
خاصة بعدما أدعي أنه سافر و مكث بشقة بالمعادي ، تسألت ما هي نيته و هل يريد أن
يفعل مع نيفين شئ ، ظلت علي بالغ شعورها بالقلق و هي تتطلع لرقم نيفين علي هاتفها
و تفكر بإخبارها ، كانت تشعر بشئ من الراحة لكونها كشفت خداع عصام لحازم و
نيفين ، إلا أن ثمة شئ بالفيديو يفرض عليها من أن لاخر تذكره ، شئ لمحتته جعلها
تخرج الفلاشة التي حفظت عليها الفيديو و تمر عليها بسرعة ، كان خطأ واضحاً لكن
بالتأكيد مر علي الجميع و هنا وقفت في مكانها و ظلت تعيد تلك الجزئية تحديداً و
هي تهتف : متفبرك ، الفيديو ده اكيد متفبرك

28

سرد عليها ما مر عليه بيومه لعل باستطاعتها أن تزيل جزءا من الهم الجاسم علي صدره ، تنهد بشدة و هو يكمل ببالح حزنه : عمري ما حسيت اني ضعيف او خايف قد امبارح و عصام بيقول إن لوجي ممكن تطلع مش بنتي

اغمض عينه و عندها نزلت دمعات اخري تشير لهما الاكبر و أكمل : خايف يا ندى خايف ، خيانة صاحبي رغم انها شديدة اوي عليا لكن حاستحملها ، اللي حصل من ابويا و امي ممكن اصلحه بايدي و نيرة خلاص مش فارقة معايا اصلا حتي لو كانت خانتي انا لغيتها من حسابتي من زمان ، لو حاعيش فقير و ابدأ من الصفر برضو مش مشكلة بس اللي ممكن يكسرنى ان لوجي تطلع مش بنتي

لم تجد ندى عندها رد علي ما حكي ، رغما عنها لم تجد ما يخفف عنه ، تمزق قلبها علي حاله و ردت : بس انا عمري ما حسيت انك قوي قد انهاردة ، انت راجل اوي اوي و الله اللي قدرت تستحمل كل ده في يوم واحد ، بس حتي لو اسوأ احتمال ده حصل مع اني متأكدة انها ان شاء الله بنتك ، اوعي تتخلي عنها اوعي تديها لنيرة هي اللي تربيتها مع أشرف ، ساعتها احتسب انك تتقي الله فيها وخليها معانا و نربيتها احنا

بضيق بالغ اعتدل لينظر لها و رد : و أنتِ فاكرة انها لو طلعت مش بنتي اني ممكن اديها لنيرة ، حتي لو ده حصل حتفضل معايا و تفضل ساعتها برضو لوجي حازم

ردت بتردد : المشكلة انه شرعا لو عرفت الحقيقة مش حينفع تفضل علي اسمك

حازم بخوف : قصدك ايه

صمت ثم ردت : طب ما تعمل تحليل DNA و اهو ترتاح من القلق ده

شعر بالخوف و رد : لا يا ندى انا مش عايز اعمل كده خايف ساعتها الاقي النتيجة

انها مش بنتي و ا بقي عذبت نفسي بايدي

ندى و تحاول تهدئته : طب مش جايز نيرة مكنتش علي علاقة بأشرف اصلا و يكون

عصام فهم غلط او تكون مثلا-----

ليقاطعها حازم : اصلك متعرفيش نيرة يا ندى

ثم زفر بضيق : و لا حازم الحوت

ثم شررد بعيدا و تنهد : و لا انا ازاى كنت باعامل نيرة ، عارفة انا ساعات باحس اني

ظلمتها و ان انا اللي وصلتها لكده بضربي ليها و اهناتي لها و خيانتني و-----

-

لتقاطعها ندى بانزعاج : ضرب ، أنت كنت بتضربها

ظلت تنظر له غير مصدقة لتتابع : معقول

ساد الصمت بينهم وهي لا تجد صدقا ما تقول ، و اشاح حازم بوجهه بعيدا عنها ، لم

يستطع النظر اليها بعد كل ما سرد ، وضع رأسه علي الوسادة مصطنعا انه يريد ان يكمل

نومه ، نظرت ندى لمن أولها ظهره ، و شعرت بالضيق من نفسها فقررت التخفيف عنه

قائلة : ربنا غفور رحيم و مدام ندمان ان شاء الله ربنا حيقبل توبتك و مدام عايز

تصلح اللي حصل شوف اللي تقدر عليه ايه و اعمله و انا معاك في ايه حاجة عايز

تعملها مهما حصل انا جانبك

التفت علي وقع كلماتها التي اثلجت صدره و رد : صحيح يا ندى

ندى مبتسمة : صحيح يا حازم

لتظهر اخيرا ابتسامة علي وجهه و هو يقبل جبينها : ربنا يخليكي ليا يا ندى

ضربت بيدها علي صدرها من هول ما سمعت ثم وقفت ببالغ اضطرابها لتتهف في الحاضرين بكل عصبيتها : أنتم بتقولوا ايه ، ايه اللي أنتِ قولتيه ده يا أحلام ، أنتِ ازاي كنتي مخاياه عليا كل ده ، انا عمري ما حاسمك ابدا بقي لو ندى كانت بنتك كنت حتعملي معاها كده

ثم نظرت الي نييل و قد بدأت تبكي : هي دي وصية عماد الله يرحمه ، هو ده اللي عماد وصاكم به بدل ما تسألوا علي الناس تقوموا ترموا ندى الرمية دي

قاطعهم نيفين مضطربة تهتف : ليه يا عمتمو خبتي علينا الحقيقة ليه مقولتيش اللي حصل

ردت أحلام وهي تبكي : كنت خايفة و الله كنت خايفة اعمل مشاكل مش اكرر

ردت شريفة بضيق وهي تبكي ايضا : قصدك كنتي انانية ، خفتي علي نفسك و ما خفتيش علي بنت اخوكي

قررت نيفين تهدئة الاجواء فوجهت كلامها لوالدتها قائلة : خلاص يا ماما ملوش لزوم

الكلام ده ، عمتمو أحلام طول عمرها معتبرنا بناتها و ندى بالذات

أحلام مدفعة عن نفسها : انا حسيت ان حازم مش زي ابوه و كمان لقيته بيحب ندى و

ندى بتحبه قولت بلاش احرمهم من بعض وفي الاخر مفيش حاجة حتحصل لو الحقيقة

اتعرفت

نيفين : بس كده احنا كلنا يا عمتمو بقينا في موقف لا نحسد عليه ، و اولنا حازم نفسه
ازاي حيكمل وسطينا بعد اللي ابوه عمله معاكي لا و يوم ما فريدة جت تزورنا جت
تهددك ، بصراحة مش عارفة اقول ايه ، بس الحقيقة انه صعبان عليا اوي
قاطعهم شريفة هاتفة : حازم لازم يطلق ندى

نيفين بانزعاج : ايه الكلام ده يا ماما و حازم ذنبه ايه ، و بعدين ما هو جه لعمتمو و قال
انه ناوي ينفذ الوصية من غير مشاكل

تدخل طارق و رد : الحقيقة انا حكيت تصرفه لنبييل و شايف انه راجل والله
نبييل لشريفة : وانا متأكد ان ندى عمرها ما تفكر تتطلق و الا كانت خرجت معنا يومها
شريفة بغيظ : يعني كمان كان حالف عليها بالطلاق و بعد كل ده لسه عايزة تفضل علي
ذمته ، لا والف لا انا بنتي استحالة تكمل مع ابن النصاب ده ابدا ، فاهمين

توجهت وقد امتلكها الغيظ الي غرفة محاسن ، طرقت الباب بقوة وهي تقول بعصبية :
افتحي يا محاسن انا فريدة

توجهت محاسن لتفتح الباب و ما إن فتحت حتي وجدت علي وجهها لكمة بكل ما
امتلكت فريدة من قوة ، من هول ما شعرت ليس فقط من الم بل من مهانة وضعت
يذاها علي وجهها و ترقرقت الدموع في عينها و ردت : بعد خدمة السنين دي كلها يا
فريدة هانم اخرتها تمدي ايدك عليا

ردت فريدة ببالغ غيظها : بتقّدي بنت السنهوري في اوضتك عشان يمينا الطلاق ما
يوقّش ، شايفني باطردها تقومي تفتحي لها اوضتك ، فاكراه بيت ابوكي ده يا محاسن
نظرت لها بغيظ ثم تابعت : البيت ده بيتي انا و انا اللي اقول من يقعد و مين يمشي
فاهمة

لازالت محاسن واضعة يدها علي وجهها ، لم تجب و لن تجب فقط باتت تنظر لفريدة
غير مصدقة ما تسمعه حتي قالت بحزم : تلمي هدومك دلوقتي و برة بيتي يا محاسن
عشان بعد كده تبقي تعضي الايد اللي اتمدتلك ما هو اللي زيك هي دي تصرفاتهم
ردت محاسن بحدة : انا مكنتش بشحت منك انا كنت باشتغل و اقبض مرتب يعني
أنتِ مكنتيش بتنعمي عليا و برة برة ، دي حتي احسن حاجة حصلت منك يا ريتك
كنت عملتي كده من زمان
فريدة بغيظ : يعني مش همك
محاسن بتحدني : ايوة

خرج من الحمام بعد ما توضأ ووضع المنشفة وتوجه ليبدل ملابسه
حازم : انا حاروح الشركة ساعة بالظبط وارجع تكوني لمتي كل حاجة يا ندى
ندى : احنا حنمشي من الفيلا انهاردة فعلا
حازم : ايوة ، انا و أنتِ و لوجي
ندى باستغراب : طب حتي نصبر لحد ما نعرف احنا حنعمل ايه

حازم : انا حاوديكي عند مامتك و لوجي حتقعد معاكي و بكرة الصبح انا حاسافر المنصورة

ندی : طب أنتِ حتيجي معايا البيت عند ماما

حازم : متشغليش دماغك بيا ، المهم أنتِ و لوجي حتقعدوا عند مامتك لحد ما اشوف حاعمل ايه

ندی : طب خلاص نقعد كلنا عند ماما لحد ما نشوف حنعمل ايه ، لوجي حتنام مع نيفين ، و أنا و أنتِ نقعد في اوضتي

رد مترددا : كفاية لوجي يا ندى ، أنا اصلا مش عارف موقف مامتك دلوقتي حيبقي ايه

ندی : انا متأكدة انها حترحب بينا و بعدين بلاش كل الحسابات دي ، ارحم نفسك شوية ، تعالي نتغدي و بعدين يحلها ربنا ان شاء الله

استوقفها و هو يمسك بذراعها قائلا : احنا مش حناكل هنا تاني ، و لا حتي حنشرب في البيت ده بق ميه و لو ظروفني كانت تسمح كنت سيبت هدومي و هدوم بنتي كمان و كنت جيب بدالهم بفلوس حلال بس ربنا يعلم انا مضطر استحمل حاجات لحد ما اقدر اعدلها و كل اللي اتمناه اني اقدر

الجمها بكلامه لكنها ردت : حازم انت تقريبا ماأكلتش من امبارح ، يا حبيبي مش كده براحة علي نفسك و ان شاء الله كل حاجة تتصلح

حازم بضيق : دلوقتي اعلمي اللي انا طلبته ، الشنط عندك لمي هدومي و هدومك و كمان كل حاجات لوجي حاروح و ارجع تكوني خلصتي و بلاش كلام مع ماما مهما حصل لحد ما ارجع ، ممكن يا ندى

ندی : حاضر

علي بعض خطوات من البوابة و هي تحمل حقيبتها بيدها لتجد من ينادها من الخلف
باستغراب سائلا : أنتِ رايحة فين يا دادا و ايه الشنطة اللي في ايدك دي
محاسن باكية : انا خلاص ماشية و بعدين حاقعد لمين يا حازم ما انت كمان ماشي يا
ابني ، انا بس صعبان عليا اني مش حاشوفك ا بقي اسأل عليا يا حازم يا ابني
رد حازم و قد شعر بالقلق : طب ده انا كنت باقول انت اللي حتخلي بالك من ماما
بعد ما امشي

محاسن : معلش يا ابني انا خلاص كبرت ومبقتش حمل الخدمة ، اشوف وشك بخير و
ابقي سلملي علي ست ندى و لوجي
حمل عنها حقيبتها ثم وضعها بسيارته ثم أشار لها بالركوب قائلا : طب انا حاوصلك
يا دادا و ا بقي خلي بالك من نفسك

اجتمعوا بغرفة السفارة و عندها عقب وليد : سيدي يا سيدي ، يا سلام يا عصام الواحد
مكنش يعرف ان وجودك حيعمل طفرة في مستوي الاكل كده
سمية : ماما طول عمرها اكلها تمام التمام انت اللي زي القطط تأكل و تنكر
مني : كفاية بقي أنتم مش حتبطلوا منقرة

ثم نظرت لعصام و الذي ظل واقفا علي مقربة من المنضدة حتي جذبتة من يده و قالت
: يلا يا عصام اقعد عشان تاكل

فتح عندها احد المقاعد و جلس نظرا إلي الطعام ثم الي الذين التفوا حوله ، شرد قليلا
فيما كان يفكر ، حتي قاطعه من شروده سليم قائلا : ايه يا ابني الاكل مش عاجبك
التفت و علي وجهه بعض الشرود ليرد : لا ابدا انا حتي باحب المحشي

مني لعصام : امال مالك يا حبيبي

تنهد ثم رد : ابدا كنت بافكر في حاجة و سرحت فيها

وليد : خير يا عصام

عصام بتردد: ابدا بس كنت بافكر اسافر ----- اسافر لبابا

استوقف جملته الجميع و اولهم والدته و التي ردت بحزن : ده انا افتكرتك حيتجي
تعيش معانا تقوم تقول انك عايز تسافر

عصام : ما انا مش ناوي اقعد كثير انا بس ناوي اسافر اسبوع او 10 ايام و ارجع ، أنا
بس حاسس اني محتاج السفر ده اوي

سمية بحزن : يعني حترجع تفعد معانا تاني

عصام : جايز

ترقرقت الدموع في عيناها مني رغما عنها و ردت : برضو جايز يا عصام

قامت مني باتجاه غرفتها تاركة الطعام ، استوقفها عصام قائلا : ماما انا مش قصدي
ازعلك

مني بحزن : كل ده و مش قصدك يا عصام كل السنين دي و في الاخر عايز تسافر

عصام : اوعدك اسبوع و خارج و بعدها حاعيش معاكم

مني ببعض الراحة : توعدي يا عصام

عصام : اوعدك

عاد حازم للفيلا بعدما نهي عمله ، كانت ندى قد أنهت من جمع كل أغراضهم ، صعد

حازم و معه السائق لإنزال الحقائب و اتجهت ندى برفقة لوجي للنزول ، عندها

استوقفت ندى حازم قائلة : مش ناوي تسلم علي مامتك انت و لوجي

شعر ببعض الضيق ، لكنه أمسك لوجي من يدها و قرر أن يصعد بها لغرفة فريدة قائلاً

لندی : طب خليكى هنا وانا حاخذ لوجي واطلع

وضع كل الحقائب في السيارة و اتجه الي غرفة فريدة ، كانت في غرفتها تتابع لحظة

خروجهم متظاهرة بانها غير مبالية ، طرق الباب للمرة الاخيرة ثم قال : ماما ممكن

تفتحي

تقدمت و هي تحاول التماسك متصنعة المزيد من الكبرياء ، فتح الباب ثم ردت

بلامبالاة : نعم في حاجة

امتلكه الحزن و هو يسأل : لسه مصره علي موقفك

فريدة بكبرياء : ابوة لسه

حازم : طب انا ماشي ، اشوف وشك بخير

تماسكت حتي لا تبكي و ردت : كده برضو يا حازم بتنصف بنت السنهوري علي

مامتك

حازم بحزن : انا بانصف الحق مش ندى

فريدة بتحدى : اوعدك انك تندم خصوصا لما متلقيش في جيبك مليم تصرف منه

حازم : علي الاقل حنام ضميري مرتاح

التفت لينزل فاستوقفه صوتها و قد بدى لنا : طب خلي لوجي علي الاقل بلاش هي

كمان تتبهدل معاك

التفت لينظر لها بوجهة ابتسم ابتسامة امتزجت بحزنه و رد : خلي بالك من نفسك ،

اشوف وشك بخير

ثم رافق لوجي و التي لم تفهم و سألت : احنا رايعين فين و ليه حنسيب الفيلا و آنة

فريدة

نظر لها و قد عجز عن الرد فحملها بين يديه و قال : أنت مش عايزة تيجي مع بابي

لوجي : عايزة ، بس احنا رايعين فين

حازم : اصبري و حتعرفي لأنها -----

لوجي : لأنها ايه؟؟

حازم بعد تفكير : مفاجأة ، أنا عمك مفاجأة

حمل حقبته و اتجاه لينهي حسابه بيده ، نظرت له الممرضة و هو يخرج فسألت : هو

مفيش حد مستنيك

رد بوجه واجم : لا مفيش

المرضة : طب متنساش المرتين اللي مفروض تيجي تغير فيهم علي جرحك

رد هشام بضيق : حاضر

توجه بضيق الي المصعد و وقف أمامه فتح بابه ليقف أمام المرآة فيه وجه لوجه ، نظر الي هشام و ربما لحياته ، نظر بل و أمعن النظر و هو يتفرس ملامح وجهه و كأنه يراه لأول مرة ، كالعادة وحيد لم ينتظره احد و لن ينتظره احد ، زفر بشدة و هو يفكر فيما ينوي فعله ، في انتقامه من حازم ، اليوم سيعود الي منزله و كل ما سيفعله انه سيجمع اي صور لديه لمنة و يقوم بفبركتها لتجمع حازم و منة ، و بما أن عائلتها تبحث عن الفاعل ، عن الندل الذي تسبب في انتحارها ليكن الجواب " حازم " ، لن يضطر أن يفعل شيئاً بيده فقط عدة صور تصل لاسرتها في رسالة تكفي بالغرض و عندها هم من سيفعل انتقاما لها

، وقف المصعد ففتح بابه ليخرج حينها استوقفه خروج أب من المشفى برفقة ابنائه و زوجته ، الفرحة بأعينهم ، الحب اللهفة كادت تترقرق الدموع بعينه إلا أنه اشاح وجهه عنهم و استوقف سيارة أجرة متجها إلي بيته و إلي ما ينوي فعله

اوقف السيارة أمام منزل ندى و قال : خدي لوجي و انزلوا و انا حاطلع وراكم الشنط
واحدة واحدة

ندى : لسة مصمم متقعدتش معانا

حازم : سيبها بظروفها

فتحت ندى باب السيارة لتنزل هي و لوجي ، صعدا باتجاه شقة ندى بينما أنزل حازم

الحقائب ، طرقت ندى الباب لتفتح نيفين و تهتف بسعادة : ندى و لوجي ده ايه الهنا
ده

ندى : ازيك يا ست الكتكوتة

لوجي : ازيك يا انط نيفين

أفسحت نيفين الطريق لدخولهم و هي تقول : تعالوا اتفضلوا

و قبل أن تغلق الباب استوقفتها ندى قائلة : خلي الباب مفتوح حازم طالع

استوقفها شريفة و قد عقدت ذراعيها أمام صدرها قائلة : اهلا و سهلا يا ست ندى لما

افتكرتي إن ليكي اهل

نيفين لشريفة : مالوش لزوم الكلام ده و كمان قدام لوجي

ثم قالت نيفين للوجي : تيجي نلعب سوا في اوضتي عندي لعب حلوة اوي ع الت

ماشي

لوجي : ماشي

دخلت نيفين بلوجي الغرفة لتكمل شريفة : كده يا ندى للدرجة دي مش عاملة اعتبار

لاهلك و لا لعمك

اقتربت ندى لتقف قبالتها سائلة : ممكن اعرف انا عملت ايه

شريفة : بقي يحلف عليك بالطلاق و امه تطردك و تفضلي في الفيلا ، فين كرامتك ،

كل ده علشان ايه ، لا و في اخر ابوه و امه حرامية

صدمت ندى من رد فعل والدتها و شعرت ببالح الاسي و هي تعلم أن حازم قد يسمع

فاقتربت من والدتها أكثر و اخفضت صوتها و هي تقول : و حازم ايه ذنبه في كل ده

شريفة : و احنا ايه ذنبنا في كل ده ليه ، تفضلي علي ذمة واحد بالشكل ده

ندى : عشان جوزي يا ماما ، عشان انا اتجوزته علي حلوة و المرة مش لما كان غني
كان حلو و دلوقتي بقي وحش ، بالعكس انهاردة هو في نظري احسن من امبارح و كل
يوم بيعلي في نظري اكثر من الاول

شريفة بعصية : ابن النصاب يا ندى

ندى بعصية ممائلة : ماما من فضلك انا مسمحلكيش تقول كده علي جوزي

قاطعها صوت حازم بعدما سمع تقريبا كل الحوار قائلا : بس هي مغلطتش في حاجة يا

ندى دي فعلا الحقيقة ، بس أنتِ اللي عايزة تهربي منها

ندى بصدمة : حازم

بأعلي صوت لديه نادي : لوجي

لوجي : ايوة يا بابي انا هنا مع انط نيفين

حازم للوجي : معلش يا لوجي احنا حننزل يلا بينا

سألت ندى مستوقفة حازم : علي فين

حازم : متشغليش بالك ، انا طلعتلك شنطتك ، حابقي اكلمك

وقفت في طريقه و قالت : لا يا حازم لو البيت هنا مش حيسعنا احنا الاتنين فانا جاية

معاك

قرر ايقافها قائلا : جاية معايا فين

ندى بتصميم : حتي لو حنام علي الرصيف حاجي معاك

استوقفتها شريفة و هي تستبق حازم لتخرج : ندى أنتِ اتجننتي في مخك

ندى : لا يا ماما انا باعمل عين العقل

سحبت حقيبتها و خرجت ، أمسك حازم لوجي في يده و نزل خلفها ثم أمسك

بمعصمها قائلا : يا ندى اسمعي الكلام و اطلعي علي فوق ، ارجوكي يا ندى

ردت و هي تجر شنطتها : لا

ثم أشارت للحقيبة التي لم تقوي علي حملها و قالت : حتشيل شنطتي عشان ثقيلة لا

اشيلها انا

نظر حازم الي نظرة التصميم في عينها و لم يرد ، سحب حقبيتها واتجهوا الي السيارة

ادار محركها و انطلق يفكر الي اين يذهبوا ، اغلقت ندى هاتفها متعمدة حتي تتفادي

التحدث لوالدتها ، ظل حازم يدور بهم في الشوارع حتي اوقف سيارته و نزل ليشترى

طعام ، جلسوا يأكلون بالسيارة حتي نامت لوجي ، ظل يفكر في مكان يذهب إليه حتي

تذكرها ، باتجه شقتها توجهه و هو لا يعرف هل ما يفعله خطأ أم صواب ، نزل هو و

ندى حاملا لوجي علي كتفه ، طرق الباب كانت محاسن عندها تنهي صلاة العشاء ثم

توجهت لتفتح الباب و ما إن رأتهم حتي تهللت أسريها هاتفة : حازم

ببعض التردد سأل : دادا ممكن نقعد عندك كام يوم

محاسن بترحاب بالغ : ايوة يا ابني بيتك و مترحك

في الشرفة وقف ليحتسي كوبا من الشاي ، ظل يفكر في نيفين ، مبتسما علي كل

المواقف التي جمعت بينهم ، نظراتها ، تعليقاتها ، تههد من قلبه متذكرا الفيديو الذي

جمع بينه و بين نيرة و متذكرا معاها أشرف و نظراتها لها في حفل زفاف حازم ، فكر و

كأنه يجمع الخيوط و يتسأل عندها ما الدافع لظهور الفيديو بعدما دام مخفيا لسنوات

، كان يعتقد أن نيرة من فعلت لكن الشك الان تحول ناحية أشرف ، فنيرة لن تجرأ ، علي فضح نفسها لحازم ، إذا هو أشرف و لكن لماذا و تحديدا الآن ، وسط كل ما حملت نفسه من تخبط وجد رسالة من رقم لا يعرفه ، فتحها ليجد " شوف الفيديو كويس ، أشرف هو اللي بعته و أميمة هي اللي ساعدته ، خلي بالك من نيفين ، هي اللي عليها الدور "

29

صباح يوم جديد أطل علي حازم و ندى لكن بنكهة خاصة جدا انها بولاق الدكرور ، عند الساعة صباحا بدأ الصخب علي عكس ما اعتاد عليه ابن الصاوي ، صوت المذياع علي المقهي البلدي المجاور ، البرنامج العام كعادة كل صباح منذ 60 عام لا تزال ام كلثوم تنشد كل صباح : يا صباح الخير يالي معنا يالي معنا الكروان غني وصحنا و صحنا و الطير اهي سارحة في سمانا يا صباح الخير يالي معنا يالي معنا ثم صوت من عمل في المقهي عاليا منخرقا أذن حازم قائلا : و عندك واحد شاي علي مية بيضا سكر برة

و صوت احدي الجارات تنادي علي البقال : يا عم خميس ب2 جينة جينة بيضا و جينة فينو

ليرد عم خميس و هو يضع الطلبات بالسبت : ايون يا ام حنان الجينة و الفينو ضحك حازم و قد شعر و كأنه يقف في منتصف الشارع لا نائما داخل المنزل ، استحثته الاجواء فوجد نفسه يخرج للشرفة ليشاهد و يسمع عن قرب ، عندها شعر بمن ينادي عليه : بس بس بس

فرفع حازم رأسه لامرأة كانت تقف في احدي الشرفات ثم نظر لنفسه فقطاعته سائلة :

ايوة يا ابني انت

رد حازم مستغربا : ايوة

المرأة : هي الست محاسن موجودة

حازم : ايوة

المرأة : طب ابقى سلملي عليها ، قولها ام حنان سألت عليك

ضحك حازم و هو يرد : حاضر

قاطعته ندى من خلفه و قد غارت من تصرفه و سألت : بتكلم مين يا سي حازم

رفع رأسه مشيرا الي المرأة الموجودة بالشرفة و رد : باكلم ام حنان

رفعت ندى رأسها لتنظر للمرأة ثم قالت : سلام عليكم

ام حنان : و عليكم السلام يا حبيبي منورين

ندى : شكرا

ثم لحازم ببعض الضيق : طب يلا جوه بقي قبل ما حنان تطلع

ضحك رغم عنه ثم حاول استفزازها قائلا : طب ده انا واقف عشان حنان

دخلا لغرفتهم فوضعت ندى يدها علي خصرها و ردت : بقي كده ، بقي انت واقف

عشان حنان طب انا بقي حاوريك الحنان كله دلوقتي

اقتربت من احدي الوسائد و قذفته بها ، فوضع كلتا يديه ليدفع الوسادة عنه و هو

يهتف مازحا : خلاص حرمت و الله حرمت

علت الابتسامة وجهها و ردت : ها عايز حنان تاني و لا كفاية كده

اقترب منها و امسك بكلتا يديها و هو ينظر لها قائلا : انا خلاص مبقتش عايز غير

ندى و بس ، هي كفاية عليا ، هي عندي بكل ستات الدنيا بما فيهم حنان

قاطعته ندى مازحة : و ام حنان

حازم مازحا : لا يا حنان يا ام حنان مينفعش الاتنين و لا اقولك أنتِ في عيني حنان و

ام حنان و ابو حنان

تعالت ضحكاتهم رغم ما كانوا فيه ثم سادت لحظة صمت نظر فيها كل منهما للآخر

، ثم عادا ليجلسا متجاورين علي السرير ، قطعت ندى الصمت عندها لتسأل :

حتسافر المنصورة انهاردة

تنهد حازم ثم رد : ايوة و ربنا يستر ميكونش في مفاجآت تاني ، انا مستكفي مفاجآت

ردت و هي تمسك بيده : تحب اجي معاك

حازم : لا انا عايزك تروحي الشركة أنتِ و نيفين

ندى باستغراب : الشركة

حازم : ايوة تقريبا مفيش حد يروح ، بعد أميمة و عصام ما مشيوا

ندى بقلق : بس أنا مش حأعرف حاجة في شغل الشركة

حازم : نيفين فاهمة الشغل كويس و في ورقة في درج مكتي سايبها فيها المطلوب

في الشغل انهارده و بكرة

ندى بضيق : انت ناوي تبات في المنصورة

حازم : انا لسه مش عارف ايه اللي حيحصل ، حابقي علي اتصال بيكي ، ماشي

ندى : ماشي

قاطعهم صوت طرقات الباب فاتجه حازم لفتحه فسألت محاسن : أنتم صاحيين بدري

ليه كده

ندى : اصل حازم رايح المنصورة

محاسن : طب يا ابني انا حضرت الفطار يلا قوموا كلوا
اتجهوا للفظور فمازحها حازم قائلا : ام حنان سألتك عليكي
ردت و هي تضع إبريق الشاي فوق البوتاجاز : طب و الله فيها الخير ، حابقي اروحلها
اسلم عليها

سأل حازم عندها و هو ينظر لندی : قوليلي يا دادا هي حنان حلوة
أتت محاسن من المطبخ و ردت باستغراب و هي تجلس لتجاورهم الفطور : و بتسأل
ليه

ظل ينظر لندی و هو يقاوم ابتسامته : مش نتعرف علي جيرانا
محاسن : عموما هي أكبر من لوجي بسنتين
تعالت ضحكات ندى و هي تنظر لحازم ثم للوجي و تعقب : ايه رأيك يا لوجي تلعب
مع حنان

لوجي : ماشي انا موافقة ، بس احنا حنفضل هنا كتير
ندی : أنتِ مضايقة
لوجي : لا بس احنا هنا ليه

استوقف سؤالها حازم و لم يعرف بما يرد ، لكن ندى تولت الاجابة قائلة : مش بابي
قالك أنها مفاجأة ، عارفة يا لوجي احنا اصلا دخلنا مسابقة
لوجي : مسابقة ايه

شعرت ندى أنها اثارت فضول لوجي فاستطردت : مسابقة معمولة عشان الناس فيها
يرحوا يعيشوا في بيت غير بيتهم و يبقى عندهم مشكلة او مثلا تحصلهم حاجة
تضايقهم ، لو فضلوا مبسوطين و مهما حصل قالوا الحمد لله يكسبوا و لو اضايقوا و

بقوا زعلانين يخسروا ، هه عايضة نكسب و لا لا

لوجي بفرحة : خلاص ماشي انا حافضل فرحانة علي طول و حاقول الحمد لله عشان
اكسب

محاسن : و انا كمان حاقول الحمد لله و افضل فرحانة عشان اكسب
قاطعهم حازم الذي كان ينظر لندی بكل الحب و رد : لا انا اكثر واحد حيقول الحمد
لله عشان انا اكثر واحد عايض اكسب

ندی للجميع : خلاص خلاص ان شاء الله كلنا حنكسب ، اتفقنا

ردوا : اتفقنا

في غرفتها و قد اغلقت عليها الباب و افترشت الارض و حولها كل الصور القديمة ،
تنظر لها ثم تبكي ، صور جمعتها بعصام ، و صور زفافها و حازم و صور جمعتها
بأشرف و اخيرا اخوها أو اول من نهش فيها هشام ، أربع رجال كانوا في حياتها ، و
الاربعة اذقوها ما يكفي غير انها لاتزال تحب عصام و لم لا و هو اول حب في حياتها
بل اول زوج في حياتها ، حتي لو اراد ان ينكر هذه الايام او ينسها سيقى اول رجل في
حياتها ، تلك الزيجة التي فشلت قبل أن تبدأ لان حازم كان له دوره حتي يفوز بها و
بعد زواجه منها ، بات يلهث ورائها أشرف حتي اوقعها في شبابه ، لا يدري هشام و
ربما لن يدري أن ما فعله بمنة فعله بالضبط أشرف بيها ، شقة المعادي ثم عصير

بمخدر ثم اعتداء عليها ثم تصوير و ابتزاز

امسكت بصورة ظلت تتأملها باكية ، كانت صورة تجمعها بحازم و هي تحمل لوجي في عيد ميلادها الاول ، تلك الطفلة الصغيرة لوجي ، كم كانت تتمني لو انها كانت أم بصدق لها و لكنها لم تكن ، كم كانت تتمني لو انها اعطائها الحنان بدلا من ان تتركها لندي لتربيتها ، لكن ما أصعب الايام حين يفوت أوان الرجوع ، فات اوان الندم فاليوم نيرة لم تعد نيرة بل فوات امرأة تركت نفسها لمن أراد بها المتاجرة ، لن تلومهم بقدر ما تلم نفسها ، هي من فعلت بنيرة ما فعلت قبلهم

تقابلا الاختين بعد ما اتصلت ندى بنيفين من اجل الذهاب سويا الي الشركة و بالتأكيد بعد معاتبة شريفة لندي علي موقفها ، تفادت ندى المناقشة لأنها قد حسمت أمرها و اتجهت و نيفين إلي الشركة

ندى و هي تدخل من بوابة الشركة : هي دي بقي الشركة

نيفين : ايوة يا ستي اول مرة تيجي مش كده

ندى بضيق : و دي حقيقي بتاعة عمته ، تفتكري عمو طارق اللي حيمسكها

نيفين : افتكر ان الوضع حيفضل زي ما هو لا عمو طارق يعرف يدير الشركة و لا مدحت و لا عمو نبيل

ندى : معتقدش حازم حيوافق هو قالي انه ناوي يدور علي شغل بره

نيفين : انا عذراه في اللي بيعمله بس الشركة كده ممكن تقع ، محدش ممكن يديرها

زيه هو عصام ، هما اللي عارفين الشغل كويس
وقفوا أمام المصعد بانتظاره ، عندها ردت ندى : حازم بقي حساس اوي ناحية
الموضوع ده لدرجة إنه بقي صعبان عليا
أمسكت نيفين بباب المصعد و فتحته ليدخلا سويا ثم ردت : انا مأيدة موقفك جدا
في وقفك جنبه ، بجد الله ينور عليك هو ده الكلام يا نادو
ابتسمت ندى و قد استشعرت لمحة الحزن علي حياة أختها فسألت بحسم : نيفين
في سؤال عايزة اسألهورك بخصوص عصام
وقف المصعد و خرجوا منه مارين بالردهة في اتجاه مكتبهم و بعد صمت لحظات
سألت نيفين : ماله عصام
ندى : في حد بعاتلك حاجة تخصه
اضطربت نيفين و وقفت عن السير و سألت : حاجة زي ايه
فتحت نيفين باب مكتب حازم لندى ، دخلت ثم جلست علي كرسيه و ردت : زي
ميموري عليها فيديو مثلا
توقفت كلمات نيفين و تلجمت في مكانها سألت : و أنتِ عرفتي حاجة زي دي ازاي
فتحت ندى درج مكتب حازم حيث أشار لها بورقة مكتوبة علي ما يحتاجه العمل ،
أخرجتها تاركة نيفين يتأكلها الفضول بينما ندى تقرأ ما فيها فعادت نيفين لتسأل : ندى
، بجد ازاي عرفتي موضوع الميموري ده
وضعت ندى الورقة علي المكتب ثم نظرت لنيفين و ردت : عرفت لان اللي وصلك
الميموري دي وصلها لحازم و غالبا أميمة اللي عملت كده لحساب حد
جلست نيفين باحدي المقاعد المقابلة صامته ، فسألته ندى : مالك سكتي ليه ، أنتِ

كنتي متوقعة إن الفيديو وصلك لوحدك

نيفين بانزعاج : ايوة طبعا ، قولت مش ممكن حد بيعت لحازم حاجة زي دي و مين اصلا اللي بعث

ندى : مش مهم علي فكرة مين اللي بعث ، انا شايفة إن في سؤال أهم يا نيفين

نيفين : ايه يا ندى

ندى : ليه الحاجة دي اتبعثت دلوقتي واضح ان الفيديو متصور من زمان يعني اللي عنده الفيديو كان ممكن يديه لحازم من وقتها انما ليه دلوقتي و في حاجة كمان

نيفين : ايه

ندى : تفتكري لو عصام فعلا بيخون حازم حيصور نفسه مع مرات صاحبه ، و لو عمل كده عشان يبتزها بالفيديو يبقى المفروض يكون هو اللي محتفظ بالفيديو و لو نيرة اللي صورت نفسها و دي مستبعدة ، كان الفيديو وصلك أنتِ و بس

صمت للحظة تفكير ثم تابعت : أنا شاكة إن حد اللي عمل كده في عصام ، استدرجه و صوره مع نيرة عشان يبتز عصام و يلوي ذراعه

نيفين : مين يعني

ندى : أشرف هشام ، معرفش اهو اي حد منهم

نيفين باستغراب : أخوها أو جوزها واحد منهم يفصحها ، ازاي يعني ، أنا دماغي سخنت يا ندى ، أنا حاسة إنني قاعده مع المفتش كرومبو

ضحكت ندى و ردت : اصلي بصراحة حاسة ان الموضوع في إنة ، و حاسة كمان ان عصام مظلوم ، لو كان عايز يخون حازم كان عنده فرص كتير و غير كده طول عمر

حازم مستأمنه علي ماله و عمره ما عمل حاجة بالعكس

نيفين : انا لما وجهته قالي -----

قاطعتها ندى و هي تقف في مكانها منزعجة : وجهته

ثم أكملت : انا مكنتش اتوقع انك تتكلمي معاه في حاجة زي كده يعني هو عارف انك عارفة

نيفين : ايوة ، هو قالي إن ساعتها كان سكران و مش حاسس بنفسه و مكنش يتوقع انه يعمل كده

زفرت ندى و قررت أن ترجئ الكلام في الامر لوقت آخر ثم عادت تنظر الي ماكتبه حازم فيما يخص الشركة و بدأوا بفحص أوراق العمل و الانهماك فيه ، بعد نحو نصف ساعة بحثت ندى عن عدة اوراق ثم سألت : في اوراق تخص مصنع اسمه DGT الاوراق بتاعته مش موجودة قدامي

نيفين : طب انا حاشوفها علي مكتب عصام

توجهت لتخرج ثم التفت لندى : لو كده حيبقي في اوراق تخص المصنع ده لازم عصام يمضيها بحكم انه المدير التنفيذي

ندى : طب خلاص كلميه وقوليله يجي يمضيها

نيفين بتردد : لا طبعا أنت بتقولي ايه

ندى : خلاص اطلبهولي وانا اكلمه

تعالت ضربات قلب نيفين وهي متوجه الي مكتب عصام فتحت الباب ونظرت الي المقعد الفارغ و وقفت أمام المكتب ، ظلت تنظر لدقيقتين ثم سحبت الاوراق و خرجت الي مكتب حازم حيث ندى ، وضعت الاوراق أمامها بعد أن فحصتها و قالت : الاوراق اهه و فعلا ناقصة امضيت عصام

ندى باصرار : طب كلميه يا بنتي
أخرجت نيفين رقمه و قالت : لو عايزاه يجي كلميه أنتِ
ندى : طب اتصلي

ضرب يده المضمومة بالحائط و هو يقذف هاتفه و يهتف : راحت فين زفتة الطين دي
، ماشي يا أميمة
لم يستطع أشرف أن يتصرف בזكاء عند هذه اللحظة ، رغما عنه قرر أن يتجه لشركة
حازم ليعرف عن كذب ما الذي حدث
انتهت ندى من محادثة عصام و الذي بدل ملابسه و قرر هو الآخر الاتجاه إلي الشركة
، عندها كان حازم يصعد السلالم باتجاه مكتب المحامي نشأت نجيب
تقدم خطوات باتجاه مكتب السكرتيرة ليستعلم عن وجود المحامي ، لحظات دخلت
السكرتيرة و خرجت لحازم قائلة : اتفضل هو مستني حضرتك
تقدم خطوات حاول فيها كتمان دقات قلبه المتصارعة من شدة الخوف و القلق ، هل
هناك مفاجآت اخري تتم في نفسه : ربنا يستر
دخل ثم مد يده للمحامي مصافحا : سلام عليكم
نشأت : وعليكم السلام ، انا منتظر من الصبح
حازم : معلىش اصلي اول مرة اجي المنصورة عقبال ما سألت علي العنوان و عرفت
اوصل

نشأت : و لا يهملك طبعا حضرتك ناوي تفتح الوصية مش كده

حازم بتردد و قلق : ابوة

التفت نشأت ليفتح خزانة مكتبه و قال و هو يخرج منها بعض الاوراق : دي النسخة الاصلية محطوبة في ظرف غير اللي والدتك اخدته من شوقي ، شوقي صور بعض اوراقها و أدها لمامتك ، بس في تقريبا ظرفين واحد يخصك و الثاني يخص والدتك دول متفتحوش لحد دلوقتي

زفر حازم و قد تعالت ضربات قلبه ، مد يده ليمسك اوراق الوصية و فتح الظرف لينظر الي محتوياته والتي كانت

اوراق نص الوصية - خطاب لحازم - خطاب لفريدة - واخيرا اوراق تخص ميراث حازم من والده ميراثه الشرعي ، تركه نشأت للحظات و خرج ، فتح حازم اوراق الوصية ثم شرع في قرأتها :

(أقر أنا رفعت حسان عبد الحميد و الشهير برفعت حسان الصاوي أن كل ما امتلكته من مال لم يكن يخصني بشئ و انا المال هو ملك السيدة أحلام عبد الدايم عبد السنهوري و بموجب هذا الاعتراف تنتقل ملكية كل من الشركة و الفيلا و بعض الاصول و الاوراق المالية التي امتلكها اليوم وللسيدة أحلام و بهذا أرجو من أسرتي ابني و زوجتي تنفيذ وصيتي و رد الحق لصاحبه مهما كلفهم الثمن)

امضاء ----- رفعت حسان

اغلق حازم الورقة و قد شعر بوجود والده و كأنه عاد علي قيد الحياة ، كان يسمع كلمات الوصية من صوته حتي تفرقت الدموع من عينه ثم قال في نفسه : حاضر يا بابا نظر الي بقية محتويات الوصية الي خطاب ابيه له و لفريدة و كل ما امتلكه من فضول

قرر أن يقرأ الرسالة ، فتحها وقد بدأ يشعر بدموعه ليجد مكتوبا فيها

حازم

اللي بين ايدك دلوقتي جواب من ميت ، عارف يعني ايه ميت ، مات و ما اخدتش من الدنيا غير عمله و ياريت يا ابني كنت فكرت في اللحظة دي بدري ، انا عارف دلوقتي انك زعلان مني لاني مكنتش في نظرك الاب اللي ممكن تفتخر به ، اكيد مكنتش فاكر ابدا ان الثروة دي و الفلوس و الشركة كان اصلهم مال مسروق و من ارملة وثقت في ابوك ، ثقة بدل ما خلته يقف جانبها خلته اول واحد يضحك عليها ، اذا قدرت توصل للست دي ردها فلوسها كلها واطلب منها انها تسامحني علي اللي انا عملته انا عارف انك جايز تتعب لحد ما تقدر توصل لمكان أحلام بس عايزك تحاول يا ابني ، ارجوك حاول و انا عشمي بعد ما توبت إن ربنا قادر يحطها في طريقك عشان تقدر ترد الفلوس ، انا حاولت كثير طول ما انا عايش اني ادور عليها بس ساعتها مكنش ان الاوان ، يمكن دلوقتي ربنا يقدرك تعمل اللي مقدرتش اعمله ، ياريت تدي والدتك جوابي و تقولها هي كمان تسامحني انا عارف ان فريدة مكنتش عايزة كل ده يحصل ، و اخر حاجة يا ابني انا مكنتش كل فلوسي حرام لا في ورت يخصك ده حلال اسأل عن واحد اسمه كمال رجب ده اعز صاحب ليا و عارف بموضوع الوصية و عارف انك اكيد حتسأل عن ارضك الارض دي هي ميراثي من جدك و عمك كمال مراعيها لحد ما تأخذها منه وفي مبلغ تاني كان تمن بيتي القديم في المنصورة و تمن حاجات كنت املكها و مرضيتش احطها مع فلوس أحلام احتفظت بالمبلغ ده وديعة باسمك في بنك والتفاصيل موجودة عندك ، اخر كلامي ليك يا ابني انا عارف دلوقتي ثروتك قد ايه و عارف اللي انا سايبه ليك قد ايه لكن عايزك تفكر في راحة ضميرك ، تفكر في رضا

ربك عليك ، تفكر يوم ما تسيب ولادك عايزهم يشوفوك ازاي وعايز وقفك بين ايدين
ربنا تكون ازاي واخيرا عايزك تدعيلي ربنا يغفر لي و يقبل توبتي و يجعل مثوايا الجنة
ابوك

ظلت دموع عينه تتساقط دمة تلو الاخري حتي بللت بعض الاوراق ، اه لو عاد الزمن
لكنه أبدا لن يعود ، لن يحي ميت بعدما مات و لن تعود عقارب الساعة للوراء ، أنها
الحياة أنها الحياة ، و أين رفعت منها حين تنساها
(الَّذِي جَمَعَ مَالًا وَعَدَّدَهُ يَحْسَبُ أَنَّ مَالَهُ أَخْلَدَهُ كَالَّذِي لَيْبَسُ فِي الْحُطَمَةِ وَمَا أَدْرَاكَ مَا
الْحُطَمَةُ نَارُ اللَّهِ الْمُوقَدَةُ الَّتِي تَطَّلِعُ عَلَى الْأَفْنِدَةِ إِنَّهَا عَلَيْهِمْ مُّوَصَّدَةٌ فِي عَمَدٍ مُّمَدَّدَةٍ)

علي مقعد زوجها و من آن لآخر تنظر في الساعة تريد الاتصال به لكنها لا تعرف ما
الذي ألت إليه أموره ، كانت تطأطأ بقدمها في الارض و قد بدت شاردة فقطاعتها نيفين
سائلة : رحتي فين

انتهت ندى و ردت : هه ، ابدا بافكر في حازم مش عارفة اكلمه و لا استني لما
يكلمني

نيفين : طب تشربي حاجة

ردت ندى متقرزة : لا يا نيفين انا حاسة اني حاجيب اللي في معدتي

نيفين بخبث : هو حصل و لا ايه

ندى مبتسمة و هي تهرب من الاجابة : طب ماشي حاشرب شاي

رن هاتف ندى فنظرت مندفعة لاسم حازم الذي توسط شاشته هاتفة : اخيرا
نظرت نيفين لندى و قالت و هي تخرج من الغرفة : طب انا طلعة بكرامتي بدل ما
اطرد ، انا علي مكتبي بره و حأطلب شاي
أومت ندى برأسها ثم ردت : اخيرا ----- انا كنت حاموت من القلق
عليك

حازم : معلش يا حبيبي بجد اسف جدا جدا ، انا من الصبح ما اقعديتش و اول ما
وصلت للمحامي شوفت الوصية و الحمد لله عكس توقعاتي و مش بس كده لا ده
كمان اخبار حلوة و حلوة اوي

ندى : عموما انا كمان عندي اخبار حلوة تقولي اللي عندك واقولك اللي عندي

حازم رغما عنه شعر ببعض القلق و هو يسأل : اخبار ايه يا ندى ، خير

ندى بخبث : متستعجلش علي رزقك و اقول بقي اللي عندك يلا

حازم ببالغ سعادته : تخيلي طلعت ليا ورث في المنصورة ، ورث حلال بتاعي ارض بتاعة
ابا وكمان في مبلغ تاني بابا كان شايله وديعة ، بس الاهم من كل ده إن كل ده حلال ،
يعني حتي لو حاجة صغيرة اهو احسن من مفيش

ندى ببالغ سعادتها : مبروك يا حبيبي ده لازم وش البيبي اللي جاي

تعالت ضربات قلب حازم و انسابت معها ضحكات تلوها ضحكات علي وجهه و هو
يقول بفرط سعادة : أنت بتقولي ايه يا ندى ده بجد و لا بتهزري

تألأت بعض الدموع في عيناها من فرط فرحتها و قالت : لا والله بجد انا لسة عارفة
الصبح قبل ما اجي الشركة عدت علي معمل تحاليل والحمد لله اتأكدت

حازم بسعادة بالغة : يااااه يا ماننت كريم يا رب ، انا بس كان نفسي اعرف وانا جانبك

مش في التليفون عموما تتعوض لما ارجع

ندى و لاتزال ابتسامتها علي وجهها : طب انت حترجع امتي ، اصل البيبي من الصبح

عمال يقول عايز بابا عايز بابا دوشي بصراحة

حازم ضاحكا : بقي البيبي هو اللي عايز بابا

ندى : البيبي و امه يا سيدي

حازم : و الله لو ينفع ارجع دلوقتي علي طول كنت رجعت ، بس لسه مش عارف

ظروفي ايه

ندى : و لا يهملك يا حبيبي ارجع علي مهلك و ربنا معاك وان شاء الله ترجع مبسوط

من مشوارك

حازم : عايزك تدعيلي يا ندى

ندى : من غير ما تقول يا حبيبي بدعيلك علي طول

أغلقت ندى الهاتف لتقول في نفسها : مدام حازم عرف يبقي لازم الباقيين يعرفوا و

طبعا اولهم الانسة نيفين

توجهت إلي خارج الغرفة و فتحت الباب ثم تقدمت أمام مكتب نيفين ، وقفت أمامها و

علت الابتسامة وجهها ثم قالت بمرح : نيفو يا نيفو امال فين الشاي

نظرت نيفين بخبث ثم ردت بمرح : اجيب شاي و لا شربات ، اعترفي اعترفي حالا ،

حصل و لا لا

ندى بخجل : حصل يا اختي ارتحتي

تعالت ضحكات نيفين و نسيت أنها في الشركة ، جرت من مكانها بسرعة لتحتضن

ندى و قالت بفرحة : و اخيرا حابقي خالتو نيفين ، الف مبروك يا ندى مبروك يا حبيبي

إلا أن صوت أشرف قد صدمهم مقرا إشعارهم بالضيق و هو يعقب : مبروك يا مدام
ندى الف مبروك

التفتت ندى و قد تسمرت في مكانها هي و نيفين و عقب كل منهما في وجوم و ضيق
: أشرف

ظل يتفحص المكان ببصره كمن يبحث عن شيء ، خاصة حين نظر لمكتب أميمة الفارغ
ثم عاد لنظره لندى قائلا : ازيك يا مدام ندى ، مكنتش فاكر إن وشي حقيقي حلو
عليكم كده

زفرت ندى و ردت و هي تعقد ذراعها أما صدرها : خير يا استاذ أشرف
رغما عنه ظل لنيفين نظرات فرضت الضيق علي ندى ثم رد : خير يا مدام ندى ، انا
كنت جاي لحازم في بينا ميعاد

نيفين بضيق : و الله حازم مش موجود ، تقدر تفضل حضرتك و لما يرجع يبقى يكلم
حضرتك و يحدد ميعاد تاني

جلس علي أحدي المقاعد ثم رد بيروود : طب أنا ممكن اشرب شاي معاكم أو شربات
، اهو استني لحد ما حازم يرجع او حتي عصام
— خير يا أشرف بيه

التفت بصدمة فرضت عليه أن يقف من مكانه غير مستوعب وجوده هاتفيا : عصام ،
معقولة

30

تبادلوا النظرات عن كذب ، نظرات يعلوها و يكسوها الغضب ، أمامها استشعرت ندى
أن شكوكها بات في محلها و قررت أن تتصرف و كأن شيئاً لم يكن فسألت عصام :
ايه الاخبار

فهمها عصام و أجاب : لا كله تمام ، حازم رجع

نيفين لعصام : لا يا مستر عصام والاوراق اللي حضرتك طلبتها موجودة علي مكتبك

ثم تقدمت خطوة لتفتح له باب مكتبه بنفسها و هي تكمل : و كويس إن حضرتك

متأخرتش عشان الاستاذ أشرف بيقول إن كان عنده ميعاد مع مستر حازم

عندها عقبته ندى و هي توجهة كلامها لأشرف : عصام و حازم واحد ، شوف

حزرتك كنت عايز حازم في ايه و بلغ به عصام

شعر أشرف حينها و كأن دلو من الماء البارد قد سكب عليه ، ظل بصره معلق بالثلاثة

و طريقة تعاملهم ، فعل كل ما فعل و دفع لأميمة كل ما دفع و بالنهاية أميمة ليست

بالشركة و عصام و نيفين يتحدثان أمامه و كأن شيئاً لم يكن ، من فرط صدمته ظل

واقفاً في مكانه و لا يعرف ما يقول ، اقترب عصام منه و جذبته من ذراعه ثم نظر لنيفين

قائلاً : اطلبي لي شاي عشان أشرف كان نفسه يشرب شاي

ثم سحبه إلي مكتبه و أغلق الباب خلفه

نظرت ندى و نيفين لبعضهم البعض ثم اتجهوا لمكتب حازم و أغلقوا الباب خلفهم

في مكتب عصام ، ظل تبادل النظرات بضيق ، بينما عصام لا يزال واقفاً باتجاه الباب

بعدما دفع أشرف للجلوس أمامه علي أحدي المقاعد ، عقد ذراعه أمام صدره ثم

اقترب منه ، أمسكه عصام من ملابسه فدفعه للوقوف أمامه ثم قال ببالحديثه : عايز

ايه يا أشرف ، ايه اللي جابك الشركة

حاول أشرف الإبقاء علي بروده لكنه تلعثم و هو يرد : ابدأ كنت عايز حازم في شغل

عصام : و ايه علاقة شركة السياحة بشركة استيراد تربينات

أشرف : لا ده موضوع بيني و بين حازم

قرب عصام وجه أشرف من وجهه و عقب بغيظ : بخصوص طرده لأميمة مثلا

زاد ضيق أشرف و عندها رد : هي أميمة اطردت

نظر عصام له ساخرا و قد نفص يده عنه و عندها أكمل أشرف : و أنا مالي و مال
أميمة مش فاهم

رد عصام بحدة : لا مالك طبعاً ، امال هو مين اللي دفع لأميمة عشان تدي الميموري
كارد لنيفين و حازم مش أنت

التفت أشرف ناظرا له بصدمة ثم تلعثم مرة أخري حين رد : أنا مش فاهم أنت بتتكلم
علي ايه ، ميموري ايه و فلوس ايه

ممسكا عصام بذراعيه و هاتفنا فيه : لا أنت فاهم و فاهم كويس اوي و دماغك القذرة
دي أنا فاهم اللي فيها ، بس عشم أبليس في الجنة ، و يكون في علمك خطوبتي علي
نيفين كمان اسبوعين

ساد الصمت للحظة ثم أكمل عصام بابتسامة مستفزة : احب اسمع مبروك

زفر أشرف ثم رد ببالح ضيقه : مبروك يا عصام

قالها ثم نظر بكل ما أوتي من غل و حقد عندها عاد عصام ليكمل متوعدا : لو في
دماغك حاجة ناحية أي حد مننا ، عايزك تعرف أنك حتدفع تمن تفكيرك فيها غالي ،
زمان غلطة عمري كانت سكوتي عليك أنت و نيرة ، لكن من انهاردة أنا مش حاسكت
، حادفك التمن و غالي و دلوقتي من غير مطرود

نظر أشرف له ساخرا ثم رد بكل برود : ماشي ، أنا ماشي بس خليك فاكر ، الشاطر
اللي يضحك في الاخر ، سلام

يا عمي ، اعذرني اني الحقيقة مش فاكرا

كمال ضاحكا : أكيد ، ما انت ساعتها مكونتش عارف مين اللي شايلك

تنهد ثم أكمل : بس ما شاء الله كبرت يا حازم ، اتجوزت و لا لسه

حازم : اتجوزت و معايا لوجي عندها ست سنين

كمال : ربنا يباركلك فيها وتفرح بيها وتخويها قريب ان شاء الله

حازم : ان شاء الله

صمت كمال للحظات ثم قال : لو قولتلك أنها زيارة متأخرة حتزعل ، أنا مستنيك من

يوم موت رفعت ، و كنت بادعي ربنا ليل نهار يعينك تنفيذ وصيته و كنت بازعل علي كل

يوم يعدي من غير ما تيجي لحد ما فقدت الامل ، ليه يا حازم كل التأخير ده

شعر حازم بالحرج و بعدها رد : معلش ، عايزك تعذرني و أنا فعلا جاي انهاردة و ناوي

انفدها

كمال : لقيت الست اللي اسمها أحلام و لا لسه حتدور عليها ، ده ابوك قلب الدنيا

عليها عشان يردلها الفلوس و كأنها فص ملح و داب

حازم و قد ابتسم مستغربا : لاقيتها و الحمد لله ، و حتي لو مكونتش لاقيتها كنت

حادور عليها

ثم سأل : قولي يا عمي هو انت شوفت بابا الله يرحمه قبل ما يموت

كمال بأسى : ايوة رفعت في اخر ايامه كان بيحي المنصورة كثير لانه كان بيدور علي

أحلام ، كان عنده أمل يرد الفلوس قبل ما يموت بس للاسف مات قبل ما يلاقيها و

أنت كمان اتأخرت اوي

حازم : معلش انا مكنتش اعرف الا من مدة بسيطة ، و اول ما عرفت جيت علي طول

قاطعتهم كريمة حين طرقت باب الغرفة لتقول : الغدا يا كمال
و قبل ان يتحدث حازم بشئ استوقفه كمال قائلا : طب قوم نأكل لقمة الاول و بعدين
تحكيلى و تقولى ناوي تعمل ايه
حازم : بس ----- يعني
كمال : لا بس و لا يعني يلا يا ابني قوم و بعد كده يحلها ربنا

انتهي ما كان لديهم من عمل و عند الرابعة طرق باب المكتب و هو لا يعرف ماذا يقول
، تقدمت نيفين لتفتح الباب غير مستطبعة ان ترفع عينها نحوه ، بينما شعر هو ببالغ
الخجل من نفسه اولاً و من وجوده ثانياً خفض كل منهم بصره ثم اتجه عصام الي ندى
متحدثا باستفهام : أنتم حتروحوا ازاي ، انا مشفتش عم ابراهيم و لا حتي عربية حازم
ندى : حركب تاكسي ، احنا اصلا جينا مواصلات
عصام باستغراب : طب ليه حازم مخلاش السواق بوصلكم
نظرت ندى لنيفين ثم ردت : ما هو اصل ، انا اصلا كنت عند ماما
زفر عصام ثم سأل ليستفهم : هو حازم طلقك يا ندى ، اصله كان قالي كده بس
صمت و قد شعر بالضيق ثم أكمل : بس انا شايف انك هنا ، انا مش فاهم حاجة بس
علي اي حال ازاي حتروحوا
ندى : لا مفيش طلاق دي كانت مشكلة و انتهت و بعدين متشغلش دماغك احنا
حركب تاكسي و نروح علي طول

عصام مترجيا : طب انا عارف انكم مش حترضوا بس انا بارجوكم بجد توافقوا اني
اوصلكم

نيفين واخيرا تحدث : ليه يعني ما احنا حنركب مواصلات و خلاص

عصام بقلق : طب لو مصممين بيقى انا حاطلع وراكم بالعربية اتأكد انكم وصلتوا

ندى باستغراب : و ليه كل ده ، انت قلقان من حاجة

عصام بتردد : لا بس ----- انا مش حينفع اسبيكم تروحوا

لوحدكم اختاروا بقي تركبوا معايا و لا اجي وراكم

نظرت كل منهن للاخري و رغم انه لم يقل شيئا إلا أن ندى و نيفين شعرا بقلقه الواضح

وخاصة بعد رؤية أشرف ، حينها تذكرت ندى نظراته لنيفين فتفهمت سر قلق عصام و

رغم أن المبدأ بالنسبة لها مرفوض إلا أنها قررت الموافقة علي ايصالهم علي الاقل الي

منزلهم ثم تعود ندى لتركب مواصلات لبولاق فحسمت أمرها قائلة : خلاص ماشي يا

عصام ممكن نركب معاك

قاطعتها نيفين معقبة : ايه يا ندى اللي أنت بتقوله ده

ندى لنيفين : احنا حنركب في الكنبه اللي ورا و بعدين احنا حنركب سوا لحد البيت و

ننزل عند بيتنا

قرر عصام قبل ان يسمع ردا اخر من نيفين أن يرد : طب يلا بينا أنا مستنيكم تحت

خرج مسرعا باتجاه سيارته فاستوقفت نيفين ندى قائلة : ايه اللي أنت عملته ده ، احنا

حنركب معاه بجد

ندى : عارفة ليه عصام عايز يوصلنا ، لانه خايف يكون أشرف مستنينا و عايز يغلس

علينا وانا كمان كنت حمله هم إنه يكون مستنينا و بصراحة كويس ان عصام فكر كده

انا كده ارتحت

زفرت نيفين بشدة و هما يغلقان باب المكتب و شردت و لم ترد و توجهت مع ندى ليركبوا السيارة ، كان حينها أشرف منتظرا بالفعل في سيارته يراقب من خارجوا من الشركة بل و مشي خلفهم بسيارته

أمام حاسوبه جلس ليجهز CD جديد ، لكن هذه المرة ستجمع الصور المفبركة حازم و منة ، جمع كل الصور التي كانت تخصه هو و منة رغما عنه شاهد الصور و التي كان يحاول تحاشي النظر لها ، و رغما عنه تفرقت الدموع في عينه دون قصد ، و لم يكن يدري أهى لحظة استيقاظ ضميره الميت أم قلبه قد تحرك بين ضلوعه ليذكره بحبها ، بيده لمس شاشة الحاسوب حينما انطبعت صورتها عليها ، ابتسم مع تساقط العبرات قائلا : وحشتني

لكن هيهات أن تعود ، اعتدل مرة اخري أمام الحاسوب فتح البرنامج الذي اعتاد العمل عليه و ظل يتابع صورة تلو الاخري حتي انتهى و بات ال CD جاهزا ، في الغد سيصل الي ممدوح الدريني ليعلم عندها من الذي كان سببا في انتحار ابنة اخيه ، من الذي غدر بها و كان سببا في موتها إنه حازم رفعت الصاوي

عائدون من صلاة المغرب باتجاه شقة كمال ، كان هذا حال حازم و كمال الذي قال :
انت كده كده مش حتعرف تشوف الارض انهاردة

رد حازم بضيق : بس انا مكنتش فاكر إن الارض عليها مشاكل

كمال : متشغلش دماغك الموضوع مش كبير و مين عارف يمكن تتحل و الارض
تدخل كاردون مباني و ساعتها سعرها يزيد و لو اتباعت تجيب مبلغ كويس

حازم : يا رب ، علي كل حال انا باحمد ربنا انه طلع في حاجة ممكن يعتمد عليها حتي
لو حتاخذ شوية وقت ، بس انا شكلي كده مش حا عرف اروح انهاردة

رد كمال و هو يفتح باب شقته ليدخل هو و حازم و عندها رد : أنت حبات معانا
انهارده و بكرة الصبح نروح سوا نشوف الارض

زفر حازم ببعض الضيق لكونه اضطر للمبيت ، لحظات قام فيها كمال بتحضير أحدي
الغرف لاستقباله بها و بعد العشاء اتجه حازم بعدما بدل ملابسه لينام مقررا قبلها إخبار
ندى بميسته ، حينها كانت ندى تجلس علي السرير و إلي جوارها لوجي تسأل : هو
أنتِ حتجيبني نونو بجد يا مامي ندى

ندى مبتسمة : يا لوجي دي رابع مرة تسألني السؤال ده ، ايوة يا لوجي أنتِ مبسوطة

لوجي : اوي اوي يا مامي ندى انا عايزة العب بيه ماشي

ندى : ماشي بس احنا حنتفق مع بعض اتفاق

لوجي : ايه هو

ندى : أنتِ اللي حتحفظي النونو القران اتفقنا

لوجي : بس انا باحفظ ساندى

ندى : تحفظي ساندى و النونو ماشي

لوجي : ماشي

ظلوا متجاورين حتي نامت لوجي ، تنهدت ندى و هي تمسح علي شعرها مفكرة فيما
قاله حازم لو أنها ليست ابنته ، خفق قلبها حين تذكرت نيرة و رغما عنها شعرت بالقلق
، قاطعها طرق محاسن لباب الغرفة سائلة : لوجي نامت

أومت ندى رأسها بالايجاب قائلة : ايوة

ثم تنهدت فسألته محاسن : أنا حاضر لقمة ناكلها سوا

ندى : و الله يا دادا ما ليا نفس ، خليك مرتاحة

محاسن : لا ازاي يا ست ندى ، لازم تاكلي ، ربنا يكرمك يا بنتي و يتمم حملك علي
خير

ضحكت ندى من طريقتها و عقبته : يا رب يا دادا يا رب ، بس هي الحامل لازم
تنزغط انا عارفة

ضحكت محاسن ثم ردت : اهو نفتح نفس بعض لحد ما نشوف حازم جاي و لا مبيت
هناك

و قبل خروجها رن هاتف ندى فعقبته محاسن : اهو ابن حلال و جه ع السيرة ،
حاروح احضر العشا

قالتها و خرجت فردت ندى بلهفة : ايوة يا حبيبي ، ايه مش حتيجي انهاردة

حازم : منفعش خالص يا ندى ، ربنا بقي اللي يعلم حانام ازاي انا دلوقتي

ندى مبتسمة : عادي حتغمض عينك و تروح نايم

حازم : مش حاقدرو الله ما حاقدرو

ندى بضحك : طب اجيلك انايمك طيب

حازم مازحا : يا ريت انا اصلا كلمتك قلت يمكن اعرف انام لما اسمع صوتك
ندى مازحة : ايه ده كله ايه ده كله هي المنصورة تعمل كل ده لا انا كده عايزاك تسافر
علي طول
حازم : بقي كده طب مش قايل حاجة انا غلطان ، بقي انا مش عارف حنام ازاي و أنتِ
عايزني اسافر علي طول
ندى : أنت بتشتغلني يا حازم ، طب تراهني أنك بعد نص ساعة عمك كمال حيقولك يا
أخ حازم ، شخيرك جايب اخر المنصورة و مسمع في بولاق
ضحك حازم و رد : بقي كده ، طيب يا ندى ، خليني في المنصورة بقي عشان حتي
تبقي تعرفي تنامي براحتك
ندى : خلاص يا عمنا بنهزر ، طب و الله أنت وحشتني اوي
حازم مازحا : اممم ، طب أنا لو اعرف إن سافري حيعمل كده كنت سافرت علي طول
ندى و هي تضحك : بقي كده ، طب ماشي

كان جالسا علي الكرسي الهزاز في شقة المعادي يفر الدخان و هو يمني نفسه ان
تنجح خطته كما ينوي ، تعلقو ابتسامة خبيثة وجهه ، يتمني لو رأي وجه حازم و وجه
عصام بعد تنفيذ خطته ، يحدث نفسه بغل قائلا : ما هو مش بعد كل اللي عملتوه ده
كله و في الاخر الدنيا تديكم كل ده ، كل واحد يتجاوز واحدة كويسة و بتجبه ، لا و
ندى كمان حامل ، لا يا حلويين ياما كلنا ناخذ من الدنيا ، يا اما كلنا مناخدش و مدام

انا شكلي كده كده مش حاخذ حاجة يبقي زيكم زيي ، أنتم مش احسن مني ، بكرة
حاعرفكم مين هو أشرف ، و اللي ناوي اعمله في ندى و نيفين ده اعتبروه قرصة و دن
كده مش أكثر

ترجل من الكرسي الهزاز الي السرير لينام وهو يقول : عايز بكرة ابقي فايق و مصحح
حاكم نيفين دي مش اي حاجة ثم زفر مبتسما و هو يقول : باي باي يا انسة نيفين

إلي منزلها تجر اقدمها جرا من شدة التعب ، لم تعد تعرف للراحة طعما و لم تعد تعرف
اي معني للحياة انها الوردة الياينة التي ذبلت قبل اوانها ، انها ابنة الخامسة والعشرين
من عمرها لكن من يراها لن يعتقد الا انها امرأة عجوز كبرت فوق عمرها سنوات و
سنوات ، حملت الهم والغم وحدها و تحملت ما لا يستطيع ان يتحمله بشر ، بعد ما
كانت منة الدريني الفتاة المدللة باتت منة مجرد عاملة نظافة في احدي المستشفيات
تنخفي من انظار الناس حتي لا يعرفها احد و حتي من يراها لن يعرف انها هي ، لقد
تغيرت ملامحها و حملت هم نفسها بل و ابنها المريض ، طفل في عمر الزهور لم
يكمل من الحياة اربع سنوات ثمرة خطيئتها مع من كانت تظن انه رجل

اقتربت من سرير طفلها و نزلت الي ركبتيها لتمسح علي شعره و امسكت يده الصغيرة
بين يديها وهي تحاول كتمان دموعها لتسمع صوت ابنها الصغير خافتا : أنت جيتي يا
ماما

منة و عيناها دامعة : ابوة يا حبيبي انا جيت ، عايز حاجة

ابنها مبتسما : لا

قاطعتها امرأة مسنة وضعت يدها علي كتفها سائلة : أنتِ جيتي يا منة

منة : ايوة يا ماما زينب جيت

زينب هي امرأة مسنة تجلس وحيدة ، هي من عطف علي منة و احتوها و جلست عندها منذ أن قررت الهرب بعدما قالت انها ستتحر ، و منذ ذلك اليوم لالان و منة حبيسة هذا المكان و المشفي الذي تعمل فيه ، رأَت زينب الدموع في عيناها فسألت : و عاملتي ايه في موضوع الاجازة يا بنتي

مسحت منة الدموع من عيناها بضيق و ردت : زي كل مرة مدير المستشفى هزقني و قالي مفيش اجازات وان كان عجبك علي كده

ربطت زينب علي كتفها و ردت : معلش يا بنتي بكرة تتعدل

عادت منة لبكائها و ردت : يا رب تتعدل بقي ، انا تعبت و مبقتش عارفة امتي حتتعديل ، ومش عارفة مين حياخد زين بعد بكرة المستشفى علشان الجرعة بتاعته زينب : قومي اغسلي وشك و تبات نار تصبح رماد يا منة

اتجهت منة إلي الحمام توضأت و صلت ثم توجهت للسرير ، وضعت يدها علي خدها ليأتيها كعادة كل ليلة شريط الذكريات ، تحاول أن تغمض عيناها حتي تنسي و لكنها الي هذه اللحظة لا تستطيع النسيان ، تتلاحق الاسئلة في نفسها ؛ لم غدرت بي يا من كنت احب انسان الي نفسي ، لماذا لماذا لكن ما من مجيب ، تسمع باذنيها الضحكات متذكرة معها هشام و هو يلفها بذراعه قائلا : منون يا حبي قوليلي بقي لما نتجوز تحبي نجيب صبيان و لا بنات

منة و هي تلف يدها علي خصره : انا باحب البنات اكثر

هشام مازحا : انا كمان باحب البنات اوي

تضربه علي كتفه و ترد مازحة : لا انت بعد انهاردة تنسي البنات خالص فاهم و لا لا

هشام : انا فعلا نسيتهم خلاص من يوم ما عرفتك يا منون ، اقولك علي حاجة انا عايز

ولادنا كلهم يكونوا صبيان ، مبسوط يا باشا

منة : طب لما نجيب ولد حنسميه ايه

يشرد هشام و كأنه يفكر ثم يرد : نسميه ، نسميه زين

منة : اشمعني زين

هشام : مش عارف ، انا عايز ولد و بنت ، عايز زين و زينة

تتعالي ضحكات منة و ترد : أنت عايز الزين و الزينة

هشام : ايوة ، انا عايزهم علشان ابقى اغيلهم

وضعت يدها علي اذنيها كي لا تسمع ، ما الذي حدث ليتغير كل هذا ، ام هي ابتداء

المدنبة ، هي من تنازلت مرة لتتابع بعدها التنازلات حتي هوت في طريق السقوط و

كان سقوطا بلا رجعة حتي أتى عليها يوما وجدت فيه نفسها أرخص عنده حبات رمل ،

يدوسها بقدمه

حتي أتى ذلك اليوم الذي باتت تنتظره في شقة المعادي و لم يأتي بل من أتى كان

أشرف ، لن تنسي ابتسامته الخبيثة و هو يسأل : مستنية حد يا منون

منة : انت ايه اللي جابك هنا يا أشرف

أشرف : جاي اشترى جبنة ، حاكون جاي ليه يا منة

استشعرت الخوف منه فقررت الخروج فاستوقفها و هو يجذبها من ذراعها و هتف فيها

: أنتِ ناوية تعملي شريفة معايا يا منون ، ايه هو حلال لهشام حرام ليا

زاد خوفها و هي تحاول أن تبعد ذراعها عنها و ردت بحدة : هشام يبقي جوزي

رد أشرف ساخرا : و الله حنة الورقة المضروبة دي سمتيها جواز طب تعالي معايا وانا

اكتبلك عشرة

جرها الي غرفة النوم وهي تصرخ : سييني يا حيوان سييني ، لا يا أشرف ارجوك ، سييني

يا أشرف سييني ، لكنه لم يسمع و لن يسمع حاولت و حاولت و حاولت و لكنها لم

تستطع ، نال ما اراد ثم قام عنها دون مبالاة بحالها ، ابتسم و تركها و رحل لتوالي

لحظات السقوط في بئر عميق لم تجد ملاذا منه الا الهروب معلنة الانتحار ، قالت انها

ستموت و لم تكذب فلقد عاشت الموت بكل معانيه ، عاشته حين سلمت نفسها الي

غادر ظنته رجل ، عاشته حينما استسلمت لطريق تم فرشته بأشواك الورود ، ذاك الطريق

الذي علي بابها يقف الشاب الوسيم ، نظيف الطلة مصطع الرجولة ليغدق رفيقته بكل

معاني الحب الكاذبة فقط من أجل لحظة متعة ، تصدق بعضهن ظنا منها إنه الحب

الذي تريده و تسمع عنه ، فتعدو نحوه مسرعة دون ان تنظر اسفل قدميها فبريقه

يخطف بصرها لتسقط في مقدماته سقطة تلو السقطة ----- فالعين

تزني و زناها النظر و اليد تزني و زناها اللمس والاذن تزني و زناها السمع ، فتتنازل و

تتنازل و تتنازل حتي تأتي اللحظة المدوية لحظة تنويج السقوط ، ذلك لانها نسيت انه

لا فارق بين مقدمات و النتائج ، فكل عند الله اسمه ----- زنا

انتهت صلاة الفجر و توجهت لغرفة ابنتها لتحدث اليها، كانت نيفين قد انتهت صلاتها
و عندها بدأت شريفة : صباح الخير يا نيفين

ردت نيفين و هي تقوم من علي سجادة الصلاة : صباح النور يا ماما

سألت شريفة بقلق : أنتِ حتروحي الشركة أنتِ و اختك انهاردة كمان

نيفين : ايوة ندى حستناني زي امبارح و نروح مع بعض

شريفة بضيق : أنتِ عاجبك اللي اختك بتعمله ده ، راحت قعدت مع الخادمة ، انا

مش عارفة هي عايزة ايه بالظبط

نيفين : عايزة تفضل جنب جوزها اللي كان المفروض يبقى قاعد في بيتنا احنا بدل بيت

الخادمة ، و بعدين هو لقي حنة غير بيت دادا محاسن و قال لا ، هي الوحيدة اللي

فتحت لهم بيتها

شريفة باستياء : هو انا يعني كنت طردتهم يا نيفين ، انا بس عملت كده من قلقي بس

لو حازم ده انسان كويس انا يعني حاكره ان بنتي تعيش مرتاحة ، عموما لما حازم يرجع

من المنصورة انا ناوية اقله يجي يعيش معانا

اتسع وجه نيفين بالابتسامة و قد شعرت بالاستغراب و ردت عندها : بجد يا ماما ،

يعني مش ناوية ترجعي تفتحي ندى في موضوع الطلاق

شريفة بقلق : حتي لو كنت عايزة ، اختك خلاص حامل وحتي لو مش حامل هي عايزة

تكمل معاه ، يا رب بس يكون يستاهل

نيفين مبتسمة : هو ده الكلام يا ام ندى هي دي شريفة اللي انا عارفها و مربياها علي

ايدي

ثم عقدت ذراعيها مازحة : انا كان قلبي حاسس ان اللي زراعته فيكي مش حيروح هدر

ردت شريفة و هي تضربها علي كتفها : و عقبال ما اخلص منك أنتِ كمان ، بس اوعي

يكون ابوه كان عارف ابن عمتي ، حاكم انا عارفكم يا بناتي العزيزات

نيفين مازحة : أنتِ فاكرة انك ممكن تخلصي مني بالساهل كده ابسولوتلي ، انا قاعدة علي قلبك لطالون و متسألينيش مين طالون ده لاني اصلا معرفش

خرجت ندى من غرفتها و هي تلقي نظرة اخيرة علي حقيبة يدها ثم اخرجت هاتفها لتمسكه بيدها ، متجهزة للخروج للشركة ، نظرت إلي محاسن و التي كانت قد حضرت الفطور قائلة : اقعدي كلي لقمة يلا يا ندى يا بنتي

نظرت ندى رغما عنها للطعام بتقزز ثم ردت : لا يا دادا ابوس ايدك بلاش فطار ، مش قادرة ، احط حاجة في بقي

محاسن : طب اعملك السندوتش ده كده كليه عشان لوجي كمان تأكل لكي تريحها جلست ندى إلي جوار لوجي و أمسكت بلقمة صغيرة وضعت بها قطعة جبن و بدأت بتناولها ، بدأت لوجي الاكل معاها ثم سألت : هو ينفع اجي معاكي الشركة انهاردة

ندى للوجي : بصي يا لوجي لو مكونتش حاركب مواصلات كنت اخدتك معايا و الله عندها نظرت محاسن للوجي و عقبته : عارفة يا لوجي أنتِ حتيجي معايا حنروح السوق سوا و افرجك علي بولاق

ندى مبتسمة : حتفرجي لوجي علي بولاق
ثم ضحكت معقبة : لوجي في بولاق الذكرور ، و الله ينفع فيلم
انهت ماكانت تأكل ثم تقدمت من لوجي قبلتها و هي تقول : إن شاء الله نتقابل علي

الغدا و كمان بابا حيكون رجع ، عايزة اجيبلك حاجة و انا راجعة

لوجي : عايزة شيبسي

ندى : من عنيا يا ستي

ثم الي محاسن : مش عايزة حاجة يا دادا

محاسن : لا يا حبيبي ، خالي بالك من نفسك بس ، و متتعيش نفسك يا بنتي

ندى وهي تفتح الباب لتخرج : ماشي يا دادا مع السلامة

خرجت إلي الطريق و هي لا تعلم أن هناك من يتتبع خطواتها بل و كان بانتظارها ،
توجهت إلي الطريق الرئيسي لتذهب إلي موقف المكروباصات ، مقررة الاتصال بنيفين
و بينما كان هذا هو حالها ، انطلق شاب علي احدي الموتوسيكلات باتجاهها ، خطف
الهاتف من يدها ثم دفعها ارضا بكل ما أوتي من قوة ، عندها سقطت و هي تصرخ :

اه اه اه

ثم وضعت يدها فوق بطنها متألمة من قوة الدفعة ، بينما انطلق الموتوسيكل شاقا طريقه
دون ان يستطيع ايقافه احد ، تجتمع الناس حول ندى التي كانت تتألم و تصرخ من
الالم و يبدأ كلا بكلماته

: أنتِ كويسة يا مدام

: استغفر الله العظيم ولاد الحرام مخلوش لولاد الحلال حاجة

ثم اتجه احد الواقفين الي محله و احضر كرسي ، حاول البعض ايقافها ثم اجلسهوها
علي الكرسي ، بينما اتجه أحدهم ليحضر كوب ماء ثم قال :اتفضلي يا مدام ، اشربي
بدأت ندى بالبكاء من شدة الخوف علي حملها ، ظن الواقفون أنها تبكي علي هاتفها

فقالوا : معلى ان شاء الله تلاقىه ، متزعلش يا بنتي

ردت ندى و هي تبكى متألمة : رينا يستر

احد الحاضرين رد : أنتِ رايحة فين نركبك طيب

ندى وهي لاتزال باكية : لا انا حاروح ، بيتي كمان شارعين

عادت أدراجها إلي المنزل بخطوات بطيئة و مملوءة بالخوف ، استندت علي الباب

باكية و هي تطرق علي محاسن الباب ، اتجهت محاسن لتفتح و قد شعرت بالقلق و ما

إن رأتها حتي صعقت من منظرها فهتفت : مالك يا ندى ، ايه اللي حصل يا بنتي

ندى باكية : واحد سرق موبايلي و زقني جامد وقعني علي الارض ، خايفة يكون حصل

حاجة للحمل ، ده احنا ملحقناش نفرح

انزعجت لوجي و محاسن و قد حوطها من أجل إسنادها ، ربطت محاسن علي كتفائها

و قالت : طب ادخلي مددي علي السرير دلوقتي و لما ترتاحي نروح للدكتور و ان شاء

الله مفيش حاجة

ندى : طب و نيفين ، زمانها مستنياني

محاسن : كلميها و قوليلها انك مش جاية

ندى : ما انا مش حافظة النمرة و مسجلها بس علي الموبايل ، والموبايل اتسرق ، لو

كنت كاتبها معايا كان زماني عرفت اكلمها ، حتي تليفون البيت بقاله مده خارج الخدمة

، اعمل ايه دلوقتي

محاسن : طب ادخلي ارتاحي و هي يمكن تروح و لا حتي يمكن تكلمك

استندت ندى إلي محاسن ثم دخلت لتمدد علي السرير

في هذه الوقت كانت نيفين تقف منتظرة ندى لتأتي ، و لكنها انتظرت و انتظرت و

انتظرت و لم تأتي ، اتصلت بها و لايزال هاتفها لا يرد فظلت بمكانها لا تدري ماذا
تفعل

نظر أشرف إلي هاتف ندى في يده و تعالت ابتسامته و هو لايزال يرن و لا تنزال نيفين
هي المتصلة ابتسم و وضعه جانبا ثم نظر لمن اتي به قائلا : زقتها و لا لا
ليرد عليه من سرق هاتف ندى : انا اخدت الموبايل و زقتها زي ما انت قولتلي بس مش
عارف اللي انت عايزه حصل و لا لا ، انا جريت بالموتوسكيل قبل ما حد يشوفني هه ،
تمام كده يا باشا

رد أشرف و هو يخرج مبلغ من المال من خزنه : تمام ، فلوسك ايه
ثم نظر أشرف الي الهاتف ثانيا و الي اسم نيفين علي شاشته قائلا و الابتسامة تملأ
وجهه : هانت ، حنتقابل يا جميل

علي مدد بصره نظر إلي أرضه و الابتسامة تملأ وجهه ، رغم انها لم تكن ارضا كبيرة الا
ان شعوره بامتلاك شيئا حلال كان شعورا مريحا ، زفر ببالغ الارتياح و هو ينظر الي
صديق والده ثم عاد ليسأل بقلق : هو في ناس وضعة إيدها علي الارض
كمال : هو في ناس حطين في دماغهم الارض ، بس انا السنة اللي فاتت جييت طوب
و سورت الارض بسور عشان محدش يفكر يخذها هما ملاك الارض اللي جانبك ، و

عايزين يشتروها ويمكن يعملولك شوية مشاكل لو فكرت تبيعها بس احنا ممكن نقول
للمحامي و نشوفهم الاول لو حيتمنوا الارض بسعرها المظبوط ممكن يخذوها، لو لا
يبقي حناخذ كل الاجراءات اللي ممكن تأميننا و تبيع الارض و محدش حيقدر يعمل
حاجة ، انا مش عايزك تقلق يا ابني

زفر حازم ثم رد : عموما كده حلو اوي ان في ارض اصلا ، و ممكن ابيعها ، انا حقيقي
مش عارف اقولك ايه ، انا اتبسطت اوي بمعرفة حضرتك و ان شاء الله اجي ازورك و
تجي القاهرة تزورني

كمال : طب مش حاب تشوف المنصورة و بيتكم القديم قبل ما تمشي

حازم بحنين : بيتنا القديم

كمال : أنت مشيت من المنصورة و أنت عندك 5 سنين ، فاكرو لا ناسي

حازم متنهدا : حصدقني لو قولتلك ان في حاجات افتكرتها ، بس أنا مش حاقدري
اتأخر ، انا عايز اروح علي طول يا عم كمال يعني فرجني و بعد كده اتوكل علي الله
اروح بقي

كمال : اوام كده زهقت من المنصورة و اهل المنصورة ، طب حتي نتغدي سوا و بعدين
امشي ده فاضل حاجة بسيطة علي اذان الظهر

حازم : معلى والله يا عم كمال ، مش حاقدري اقعد أكثر من كده ، عشان شغلي

كمال : طب يا ابني انا مش حاضط عليك ، و ان شاء الله انا مع المحامي نخلصك
موضوع الارض

رد حازم و هو يركب معه السيارة : ان شاء الله يا عمي

في مكتبها و هي تشعر بفرط التوتر و القلق علي أختها ، اذن الظهر و الي هذه اللحظة لا تعرف عنها شيئا ، بدأت تفكر في محاولة منها للاتصال بأحدهم و عندها قالت في نفسها : طب حازم مسافر و هي مش بترد وانا مش معايا موبايل دادا محاسن ، مش عارفة اكلم عصام اخذ منه الموبايل بتاعها ولا يفكر ان عاملة الموضوع حجة عشان اكلمه

و ما هي الا لحظة و دق هاتف نيفين ، اندفعت نحوه لتلتقطه و هتفت : اخيرا يا ست ندى

ثم ردت بلهفة و قلق : ايوة يا ندى أنت فين

ردت عليها امرأة لم تعرف صوتها و قالت : ايوة يا بنتي أنا مش ندى ، أنا ممرضة من عيادة دكتورة مني عبد السلام

نيفين بانزعاج : دكتورة مني عبد السلام ، هو في حاجة ، هي ندى جرالها حاجة

لترد من اتصلت بنيفين : متخضيش كده ، اختك كويسة بس هي كان مغمي عليها عندنا في العيادة من الحمل و الدوخة و هي اللي قالتلي اتصل بيكي عشان حد يجي يوصلها

البيت عشان تعبانة و مش حتقدر تروح لوحدها

نيفين : طب فين عنوان العيادة و أنا حاجي اخدها

لترد المرأة : في المعادي

نيفين : فين في المعادي

لترد المرأة علي نيفين بعنوانا مفصل لشقة المعادي ، بينما تكتب نيفين خلفها العنوان

نيفين : طب ممكن اكلمها اطمن بس عليها

لترد المرأة : حبيبي هي جنبي و معلقة محلول في ايدها و يمكن متعرفش تكلمك

نيفين بتوتر و قلق : طب انا جاية حالا

ظل يطأطأ قدمه بقلق في الارض و هو يفرك يديه من شدة التوتر ، يفكر بشدة في الاتجاه إلي الشركة ، لكن حازم قد يطرده إن رآه ، ربما هو انصرف بالامس حتي لا يتقابلا ، لكن مقابلة ندى و نيفين و تفهمهم لأمر أشرف ، ظلت الافكار تتلاحق و من فرط القلق لم يعد يعرف ماذا يفعل ، توقف عن التفكير ثم قال في نفسه : علي الاقل اطمن إن نيفين و ندى مش محتاجين حاجة في الشغل و إن حازم معاهم

عند هذه اللحظة لم يجد في نفسه بد الا ان يتصل بنيفين بغض النظر عما ستظنه او تفكره فيه ، كانت نيفين قاب قوسين أو ادني من الوصول ، نظرت الي هاتفها و الي المتصل ، لم تستطع الرد لانها وصلت أمام العمارة و بات عليها ان تنزل ، حاول عصام مرة أخري و قد زاد شعوره بالتوتر و زادت حدة طأطأة قدمه و هو يقول : ردي بقي يا نيفين

امسكت نيفين هاتفها لترد و هي تدخل الي مدخل العمارة ، بينما تحاول النظر للالواح الخشبية التي تحمل اعلانات باسماء الاطباء او المكاتب الموجودة في البناية و عندها قالت : ايوة يا مستر عصام

عصام بتوتر : ايوة يا نيفين انا متصل اسأل ع الشغل ، أنتِ في الشركة

بدأت نيفين في صعود السلالم و عندها قالت : كويس أنك اتصلت يا مستر عصام ،
أنا برة الشركة ، ندى تعبت و اتصلت بيا ست من عيادة دكتورة اسمها مني عبد السلام
و قالت إن ندى في العيادة و أنا اضطرت أسيب الشركة و اروحلها
علت ضربات قلبه فسأل بقلق : فين العيادة دي
ردت نيفين و قد صعدت الطابق الاول و لازالت تبحث عن الياطرة : في المعادي
عمارة اسمها عمارة الزهور
ثم تمت في نفسها : بس مفيش أي يفظ للدكتورة دي
ليضرب اسم العمارة في قلب عصام فصرخ فيها رغما عنه : الدور الثالث
شعرت نيفين بالخوف من طريقته و ردت : ابوة
عاود صراخه و هو يسحب مفاتيح سيارته و يفتح باب شقته و يجري علي الدرج :
انزلي حالا يا نيفين اوعي تطلعي سمعاني
انزعج كل من كان في منزله حتي خرجت مني خلفه هاتفه بخوف : في ايه يا عصام
لم يسمع عصام هرول و لا يزال علي صراخه في نيفين : سمعاني -----
سمعاني يا نيفين
كانت نيفين قد وصلت أمام باب الشقة و لم تعد تفهم شيئاً من عصام تسمعه يصرخ
و تريده أن يفهم أن ندى بالداخل و لكنه لا يفهم تقدمت خطوة و طرقت جرس الباب
صرخ عصام مرة اخري و هو يدير محرك السيارة منطلقاً إلي المعادي باقصي سرعة
هاتفاً : نيفين ، ردي عليا
كان باب الشقة مفتوحاً حينها ، نظرت نيفين الي داخل الشقة و هي تنادي : سلام
عليكم ، عيادة دكتورة مني ، ندى-----ندى

تقدمت خطوتين للدخول وهي تنظر بترقب وتنادي مرة ثانية : ندى -----
ندى

وما هي الا لحظة جذبت نيفين من ذراعيها لتدفع الي داخل الشقة ثم صفع الباب
خلفها

ليسمع عصام صرخة نيفين تأتيه لتخترق اذنه وعقله وقلبه ثم يسمع صوت أشرف

وهو يقول لها : منوراني يا انسة نيفين و لا بلاش انسة دي

لطم عصام وجهه بكف يده و هو ينادي بصراخ : يا نيفين -----
- يا نيفين

و لكن هاتفها سقط من يدها و صمت

ممسكا بها بين ذراعيه و متشبثا بها حتي لا تنفلت منه و هي لا تزال علي صرخاتها فيه
: سيني يا حيوان بقولك سيني

أشرف برود : تؤ تؤ أنا حيوان ، لا خالص و حتي لو حيوان صدقني أنا حيوان أليف ،
أوعدك أن الحيوان ده حيسطك ثم بلاش تقفشي كده

حاولت نيفين استجماع كل قوتها لتدفعه بعيدا عنها حتي سقط علي الارض ، بكل ما
أوتيت من غيظ بصقت في وجهه ثم جرت ناحية الباب تحاول فتحه ، لكنه كان قد
اغلقه بالمفتاح ، حاولت طرق الباب لكنه وقف من علي الارض و اتجاء نحوها
ليجذبها نحوه مرة اخري ، حاولت نيفين دفعه عنها ، لكن هذه المرة تشبته بها كان

اقوي حتي لا تنفلت منه ، باتت تنظر حولها لتبحث عن شيئا تدافع به عن نفسها و هي تحاول إفلات قبضته فهتف فيها بغیظ و عصبية : أنتِ لسه بتعفري معايا ، أنتِ مفيش قدامك حلول يا حلوة يا اما برضاكي يا اما غضب عنك فاهمة

كانت تخشي لو بكت أن يستضعفها ، فاستجمعت شجعتها و ردت بتحدي : والله لو حاموت يبقي اكرملي من ان واحد نجس زيك يلمسني

زادت الكلمة عصبية و هتف : أنا بقى حاوركي يا نيفين

حاولت نيفين دفعه مرة اخري ثم عادت لباب الشقة صارخة و هي تضرب الباب بكل قوتها : يا ناس يا ناس حد يلحقني ----- يا ناس

أمسكها أشرف من حجابها ثم ضرب رأسها في الحائط ، شعرت نيفين بدوار من إثر الضربة و لم تعد تعلم ماذا تفعل ، فلم يكتفي صفعها مرتين حتي سالت الدماء من وجهها ثم لكمها في انفها لتخور قوها و من شدة الدوار ، سقطت أمامه مغشيا عليها ، عندها علت ابتسامته و هو ينظر لها و قال : ما انا قولتك من الاول يا حلوة لازم تتعيني معاكي

أوقف سيارته أمام باب العمارة ، هرول جاريا باتجاه صعود السلالم ، حمل أشرف نيفين بين يديه واتجاه بها الي غرفة النوم المعدة ، وضعها علي السرير و قد نزع عنها حجابها ام عبائتها فقد مزقها بما يكفي ، اعدل الكاميرا الموضوعة فوق التسريحة ، ثم ضغط علي زر التشغيل و اتجاه الي نيفين مرة أخري

بكل ما اوتي من قوة ظل يحاول تهشيم الباب حتي انفتح ، و دخل جاريا إلي غرفة النوم ، ليجد أشرف أمامه سحبه من رقبته ثم امسك الكاميرا مقررا تكسيورها فوق رأسه ، و بكل ما اوتي من قوة جلس فوقه ظل يصفعه يضربه و يلكمه و قد فقد شعوره بكل

شئ و ما عاد يفكر إلا بقتله لعله يستطيع ان يشفي غليله ، لم يشفع له وجهه بل و جسده المخضب بالدماء حتي أمسك عصام برقبة أشرف بين يديه و بدأ يشد عليها الخناق و هو لا يسمع استغاثات أشرف : حاموت ----- حاموت يا عصام

لم يسمعه حتي صرخت نيفين : بلاش يا عصام

صرختها فرضت عليه أن يستفيق ، رفع رأسه ليراها علي حالتها و ما كانت عليه ، افلت رقبة أشرف من يده ليجدها و قد امتلكتها هستريا من البكاء من شدة ما شعرت به من خوف ، خلع عصام جاكته الذي كان يرتده و وضعه عليها و أخرج من جيبه منديل ليمسح الدماء في وجهها و رغما عنه بكى أمامها قائلا : انا اسف ، اسف يا نيفين

نيفين باكية : اسف علي ايه ، انا اللي اسفة اني مسمعتش كلامك

التفت الي أشرف ليجده قد أختفي ، تحامل علي ألمه و أسرع الي سيارته و هو يتمتم : و الله لاوريك يا عصام و الله لاوريك

فتح أشرف باب سيارته و جلس يستريح فيها و قد قرر أن يعود الي بيته ، خرج عصام من الغرفة باحشا عن أشرف و عندها فهم أنه هرب ، وجد هاتف نيفين و الذي سقط علي الارض ، أمسكه ثم اتجاء ليضعه علي منضدة كانت بجوار الباب و عندها وجد هاتف آخر ، كان رنينه متتابع باسم حازم فلم يعرف بما يجيب عليه فتركه مقررا الاتصال بمحاسن ، طالب منها المجئ علي الفور و إحضار عباءة و حجاب من ملابس ندى ، حاول عصام أن يتفادي شرح الموقف و حاولت محاسن الاسراع حتي لا تترك ندى وحدها

أوقف سيارته أمام الشركة و تقدم باتجاهه موظف الامن طالبا الصعود لانه يبحث عن وظيفة فسأل : كنت عايز احط ال CV بتاعي

موظف الامن : اتفضل ، الدور التالت

توجه الي المصعد و سأل عن مكتب ممدوح الدريني ، لحظات و كان أمام السكرتيرة ، لمحتة أميمة فاخفتت حتي لا يراها و تابعت حديثه مع السكرتيرة حتي خرج ، أتجهت أميمة للسكرتيرة مكتب ممدوح سائلة : كان عايز ايه الراجل ده

أمسكت السكرتيرة بالظرف قائلة : قال أنه فاعل خير و عايزنا نوصل الظرف ده لممدوح بيه و مشي علي طول

أمسكت أميمة بالظرف و عندها عقببت ببالغ الضيق : ماشي

ثم اتجهت مسرعة لمكتب ممدوح ، طرقت الباب و دخلت لتقول في ضيق : ممدوح بيه هشام كان هنا و جايب الظرف ده لحضرتك

هم واقفا من مكانه و رد ممدوح بعصية : و ليه مخلتنيش اقبله

أميمة : ساب الظرف و مشي علي طول و يقول انه فاعل خير

فتح ممدوح الظرف ليجد به ال CD و رسالة و عندها عقب : ايه ال CD ده

وضعتة أميمة في الكمبيوتر و هي تقول : حنعرف دلوقتي

ونظر الاثنين للشاشة و عندها وجدوا صور منة تظهر بتتابع و هي برفقة حازم ، صدم أميمة و ممدوح مما رأوا ثم قرر قراءة الورقة و التي كان فيها (أنا عارف أنك بتدور علي اللي اتسبب في موت منة و اديني جيبلك اللي عندي ، اللي بتدور عليه يبقي حازم ، حازم رفعت الصاوي)

عقت أميمة بانزعاج : معقول مش ممكن

هتف ممدوح بغيظ وعصبية : الواطي الحقير الزبالة ، مفبرك صور بنت اخويا و جاي
يضحك عليا بيهم ، ماشي يا هشام ان ما وريتك مبقاش انا ممدوح الدريني والله
لادفعك تمن ده غالي وغالي اوي

ردت أميمة و هي غير مصدقة : ده شيطان ----- ده مش ممكن يكون
بني ادم ابدا

ممدوح ولا يزال علي عصبيته : فين الزفت اللي اسمه هيثم ، شوفيهولي فين

أميمة منزعجة : حاضر بس اهدي يا ممدوح بيه ----- اهدي

ممدوح : انا مش حاهدي غير لما اشرب من دمه

قاب قوسين أو أدني من دخول القاهرة و لا يزال هاتف زوجته علي رنينه بلا رد ، شعر
حازم بالقلق و هو يقول في نفسه : راحت فين بس ، هي مش عارفة اني راجع و لا ايه
، روحتي فين بس يا ندى

عندها كانت محاسن تتوجه إلي العنوان تنفيذًا لطلب عصام ، بينما أدار أشرف سيارته
بأقصى سرعة عائدا لمنزله ، كان عصام يجلس بصالون الشقة يسمع صوت بكاء نيفين
بل نحيبها ، ضم يده و ضربها بقوة في يد المقعد الذي جلس عليه و من فرط شعوره
بالغليان ترجل لمكانها ، وقف بجوار الباب حتي لا يراها ثم قال : ممكن تبطلي عياط
بقي يا نيفين

زادت شهقتها و ردت بأنين : حاضر

رغما عنه بكى لبكائها ثم عقب : ليه مسبتنيش اموته يا نيفين ، اللي زي ده يستاهل

الحرق بجاز

نيفين باكية : انا خايفة عليك أنت يا عصام ، أشرف ميستهلش أنك تضيع نفسك

عشانه

عصام باكيا : يا خسارة يا نيفين ، يا ريتني كنت الراجل اللي يستهلك ، ساعتها مكنتش

حاضيعك من ايدي ابدا ، يا ريتني ما عرفت قبلك حد ، يا ريتني ما عرفت هشام و لا

نيرة و لا أشرف يا ريت يا ريت

كانت محاسن قد وصلت شقة المعادي لعصام و نيفين حينها كان حازم يفتح باب

سيارته لينزل أمام شقة بولاق ، طرق الباب فتوجهت لوجي لتفتح هاتفه بسعادة : بابي

حمدلله علي السلامة

حازم مبتسما : حبيبة بابي وحشتيني اوي يا لوجي ، امال فين مامي و دادا محاسن

لوجي : مامي نزلت الصبح و بعدين رجعت تعبانة بتقول في واحد زقها في الشارع وقعها

صدمه ما سمع فهروول لغرفة ندى ، نظر لوجهه ثم سأل بلهفة : ندى مالك يا حبيبتني

في ايه

حاولت القيام من تمددها علي السرير لكنها شعرت بالتعب ، فأستندت علي كتفه و

اعتدلت ثم ردت : مفيش حاجة يا حازم ، حمدلله علي السلامة يا حبيبي

حازم باضطراب : أنتِ وقعتي في الشارع ، حاجة حصلت للبيبي

ندى باكية : مش عارفة ، واحد سرق موبايلي و زقني و جري

حازم بعصبية : الحيوان ، استغفر الله العظيم ، طب البسي وانا حاخدك اوديكي للدكتور

ندى : لا ملوش لزوم ان شاء الله مفيش حاجة و بعدين حتي لو حنروح استتي لما دادا
محاسن ترجع

عندها كانت محاسن تبكي أمام عصام وهي تمسك بيدها الهاتف الاخر معقبة :
الموبايل ده بتاع ندى ، ده اتسرق من ايدها الصبح و اللي سرقوا زقها

بدلت نيفين ملابسها و خرجت اليهم وهي بالكاد تستطيع الوقوف ، أستندت علي
كتف محاسن و عندها سألتها عصام : أنت مين اللي كلمك

نيفين بوهن : واحدة كلمتني من تليفون ندى و قالتلي اختك عندنا في العيادة ، مغمي
عليها و مش حتعرف ترد عليك عشان معلقة محلول في ايدها

ردت محاسن : تليفون ندى اتسرق الصبح و اللي سرقوا زقها و وقعها و هي حامل

ردت نيفين : أشرف كان عارف أن ندى حامل ، سمعنا امبارح

ضرب عصام يده في يده و هو يتمتم : ماشي يا أشرف

نظر لمحاسن و نيفين : انا حاوصل نيفين علي بيتها و بعدين اوصلك علي الفيلا

تلعثمت محاسن بينما كانوا ينزلون السلالم و هي تقول : ما احنا مش في الفيلا يا ابني
احنا كلنا في بولاق

صدمه ما سمع و عندها عقب : بولاق

فتحوا باب سيارته ليركبوا و عندها تحدثت نيفين لعصام : ممكن توصلني أنا كمان مع
دادا محاسن بولاق أنا حاقول لماما إنني عند ندى و لوجي شبطانة فيا مش عايزة ماما

تشوفني كده ، ممكن يجزلها حاجة

أوم عصام برأسه و ارجى الفهم لظروف أفضل ، أثرت نيفين الصمت و وضعت رأسها
علي كتف محاسن و انطلق عندها حتي وصل بهم و في نفسه كان قد قرر الاتجاه لشقة

أشرف ، بمجرد ما نزلت نيفين من السيارة التفتت لعصام قبل ان تدخل مع محاسن
قائلة : أنا متشكرة اوي يا عصام علي كل اللي عملته معايا ، بس ارجوك بلاش تأذي
نفسك

نظر لها عصام و رد : خلي بالك من نفسك أنتِ يا نيفين

ثم ادار محرك السيارة متجها لشقة أشرف

دخلت محاسن برفقة نيفين للدخل و هي لا تدري كيف لها أن تخبرها ، فكرا ألا
يخبرها و لكنها ستسأل كيف حصلوا علي هاتفها ، توجهوا للغرفة التي كانت تجلس
فيها ، كانت تحاول أن تظهر أنها أفضل حالا رغم ما كانت تشعر به من ألم ، و ما إن
أطلت نيفين بوجهها حتي خفق قلب ندى من هول ما رأت فهبت من مكانها و هتفت
منزعجة : مين اللي عمل فيكي كده ، دي حادثة و لا ايه يا نيفين ردي عليا

لم تنطق نيفين بكلمة و ارتمت تبكي بين يدي اختها ، أخرجت محاسن هاتف ندى
من حقيبتها ثم ردت بغیظ و قد بكت : تليفونك يا ندى ، منك لله يا أشرف ربنا
ياخده ، يا رب تكون ساعة اجابة و ربنا يولع فيك بجاز

زاد انزعاج ندى و قد شعرت ببالغ الخوف ، جلست و قد احتضنت نيفين و سألت
عندها ندى : في ايه يا دادا ، في ايه يا نيفين

محاسن لندی : الزفت اللي اسمه أشرف هو اللي سرق تلفونك و بعثك واحد يزقك
عشان يسقطك وكان عايز -----

نظرت ندى ببالغ صدمتها و لم تستوعب ما سمعت و أمسكت بوجه نيفين بين يديها
سائلة ببالغ خوفها : عمك حاجة يا نيفين

زاد بكاء نيفين بانھیار و عندها اتاهم صوت حازم و قد ملأته الصدمة : عاملك ايه

أشرف يا نيفين

صدمها أنه عاد بل و بعد خروجه من الحمام وقف علي باب الغرفة يسمع حوارهم دون أن يلتفتوا إليه ، شعرت محاسن بالخوف من ردة فعله و لم تعرف بما ترد ،

اقترب حازم من نيفين و عاد سؤاله و الخوف يملأه هاتفا : ردي عليا يا نيفين

ردت نيفين باكية : أشرف عمل لعبة قذرة وداني بيها شقة في المعادي ، واحدة اتصلت بيا من تليفون ندى و قالتلي ندى عندها في عيادة و اغمي عليها في الشارع ، بالصدفة عصام اتصل يشوف اخبار الشغل و لولا إن ربنا بعته ليا كان زمان أشرف -----

لم تكمل و انخرطت في البكاء ، لم يسع حازم إلا أن يقذف بالمنشقة التي كانت بيده و يجري من أمامهم و قد امتلكه بالغ الغضب هاتفا : والله لاوريك يا أشرف و الله لاوريك يا جبان

خرج مسرعا بعدما سحب مفاتيح سيارته و اتجه اليها و اصوات الثلاثة تصرخ فيه :

حازم ----- حازم

ولكنه لم يسمع و لن يسمع و ادار محرك السيارة متجها لشقة أشرف

أوقف سيارته و نزل مسرعا باتجه شقته ، فتحها ثم توجه إلي غرفته الخاصة ، فتح خزانة صغيرة عنده أخرج منها مسدسه ، فتح المسدس ليتأكد أنه يحتوي الرصاص ، تمم عليه و هو يتمتم : ماشي يا عصام الكلب أنا مستنيك

خرج من الغرفة فاستوقفه صوت نيرة تدخل من باب الشقة و برفقتها هيثم و قد تعالت ضحكاتهم ، اقترب أشرف من باب الشقة ليتأكد من الصوت ، كان هيثم قد احتضانها بشوق قائلاً لها : مش حرام اللي بتعمله فيا ده

ردت بدلال : أنا عملت حاجة لسة

نظر أشرف لزوجته و عشيقها ، تسمر في مكانه مذهول ، ظل يحاول إستيعاب ما يري حتي هتف فيهم : نيرة ----- هيثم

ببالغ الصدمة التفت الاثنين هاتنين : أشرف

كانت ممسكة بفرشة الحمام ، تحك الارض بيدها ، تحاول كتمان الدموع في عينها و هي تعمل في تنظيف المراحيض والاحواض ، أنهت عملها لتتجه إلي المدير مترجئة اجازة من اجل الذهاب بابنها المريض الي المشفى ، كانت تتجه الي غرفة المدير بينما كان هشام يتجه الي مصعد المستشفى من أجل التغيير علي جرحه ، لحظة لم يحسب الاثنين أن أوانها لم يفت بعد و أن القدر سيجمعهم ، وصلت منة أمام باب غرفة المدير ، وصل هشام أمام باب غرفة الطبيب ،

طرقت منة الباب لتدخل فأتها صوت من خلفها : المدير بيلف علي العنابر دلوقتي ، تعاليلوا كمان شوية

طرق هشام الباب ليدخل فاتاه صوت الممرضة : اتفضل ، في معادك يا استاذ هشام ، دقيقة واحدة و الدكتور حيجي لحضرتك

وضع ما كان في جيبه علي المكتب و تقدم نحو السرير من أجل الغيار ، ظلت منة تلف ارجاء المشفي باحثا عن المدير ، طرق الطيب الباب و دخل لهشام و تابع جرحه و بدأ بتغييره و ما إن انتهى حتي اعتدل هشام و أعاد هندام ملابسه ، اخيرا وجدت منة المدير أمامها علي بعد خطوات من المصعد ، زفرت بشدة ثم تقدمت نحوه من أجل طلب الاجازة ، خرج هشام من غرفة الطيب متجها للمصعد

وقفت منة لتترجي مديرها مرة أخرى : ارجوك ، ابوس رجلك ساعة واحدة بس ، ساعة واحدة و ارجع علي طول ، ابني لو منتظمش في العلاج ممكن يموت

ببالغ الغيظ و الاحتقار اتاها رده : ما يموت هو من بقية اهلي ، أنتِ فاكرة اننا فاتحنها جمعية خيرية ، اسمعي يا بت أنتِ لو طلبتي اجازة تاني اقسام بالله علي برة فاهمة و لا لا و إن كان عاجبك ، مش عاجبك يجي احسن منك يشتغل هنا

قال جملمته ثم تركها و رحل ، فوقفت في مكانها باكية ، لم يلتفت هشام لما كان يسمع ، إلا أن فضوله فرض عليه التفات و قد أولته ظهرها ، وصل المصعد فركبه و منه إلي سيارته لكنه حين وصل لم يجد هاتفه ، اضطر للعودة مرة أخرى

وصل مسرعا لمكان غرفة الطيب ليجد المرأة الباكية تقف الي جوارها أحدي الممرضات مواسية بينما منة ترد و قد زاد بكائها : منه لله اللي كان السبب ، ربنا ينتقم منه ، ربنا ينتقم منه

استوقفته الكلمات و الصوت ، وقف للحظة كمن يحاول استيعاب ما سمع لكنه غض الطرف و اتجه لغرفة الطيب ليجد الممرضة قد وجدته فاخذه و خرج و عاد أدراجه باتجاه المصعد و قد ظل رغما عنه ينظر باتجاه الباكية ، ضغط علي زر المصعد بانتظار مجيئه و هو يتابع حوارها و الممرضة فيسمع ردها مواسية : معلش يا منة معلش يا

حبيتي ، بكرة ابنك يخف و يبقى كويس ، ياما عيال كان عندها سرطان و خفت ،
قولي بس يا رب و ادعيه ربنا يشفيه

قالت زميلاتها الجملة و تركتها لتتابع عملها ، وصل المصعد إلا أنه لم يستطع التحرك
من مكانه ، الصوت ، الاسم ، لكنها ماتت ، مستحيل ، عندها قرر القدر أن يجيب
تساؤلاته و يضعه أمام الحقيقة مجردة ، التفتت و استندت علي الحائط و اكملت
بكائها مغمضة العينين لا تدري ما العمل ، و عندها أتته إجابة سؤاله كصفحة مدعوية ،
هي نعم هي

و أمام رؤية وجهها تلاشي كل شئ ، الزمان و المكان بل استشعر و كأن نواميس الكون
قد تغيرت ، تسأل هل الارض هي الارض أم أنها تحت قدمه قد تزلزلت ، أم أنها عودة
الروح للجسد ، قلبه الذي ظن أنه مات لسنوات عند رؤيتها نبض ، و مع نبضاته كل
شئ قرر أن يستفق ، عقله و ضميره و كيانه بكل ما حوي و بسرعة جنونية عاد السمع
لأذنه و عادت الكلمات معاه ، ابن / سرطان / منة تسمرت قدمه في مكانها ، فقرر
دفعها لتحرك باتجاهها و ما إن اقترب منها حتي بكى ، لم تكن هي بل ظلها ، رأي ما
تبقى منها بعد كل ما حطمه فنطق اسمها مستحيا في غير تصديق أنها هي : منة

فتحت عيناها و كأن الصوت كان أقرب للتصادم منه للتهاف باسمها ، نظرت أمامها ،
تسمرت في مكانها ، بالكاد تحاول الاستيعاب فعاود نطق باسمها و كأنه يؤكد : منة
امتلكها الخوف بل رج كيائها و تتابعت الذكريات مع رؤياه ، كل ما كان كل ما مضي ،
سريعا تذكرت و هل قد نست ، فأومت رأسها نافية و صرخت خائفة : لا مش انا ، مش
انا

و التفتت جارية باقصي سرعة تريد الهروب باي ثمن ، هرولت علي سلالم المشفي

فهرول خلفها بالكاد يحاول اللحاق بها ، لكنه عجز ، فتعالت صرخاته لعلها تقف :
استني -----استني يا منة

اشتد ألم جرحه فما عاد يستطيع الاستكمال خلفها ، توقف هنية ملتقطا فيها انفاسه ثم
أكمل بعدها : يا منة ابوس رجلك استني

خرجت من المشفى و جرت باتجاه احدي الشوارع الجانبية لكن من شدة خوفها
تلبكت لتسقط ارضا ، حينها استطاع اخيرا الاقتراب منها ، وقف أمامها صدره يعلو و
يهبط و قد أطال النظر لها كانت تبكي و جسدها ينتفض ، نزل علي ركبته ليكون في
مواجهتها ، و انفجرت مقلتهاه بالدموع و قد سأل : منة ----- أنت
خائفة مني للدرجة دي

منة باكية : انت عايز مني ايه

هشام : الولد اللي عنده سرطان ده يبقى ابني

منة : معرفش مش جايز يكون ابن أشرف

هشام : يعني انا ليا ابن انا عندي ولد ، ليه مقولتلش

منة : عشان تفكر ازاى تقتله

هشام : أنت شايفني كده يا منة ----- شايفة اني حاقتله

منة : ما انت قتلت امه ، قتلتها يوم ما سيبتها توجه اللي حصل قدام الدنيا كلها لوحدها
مع اني كنت مراتك

اقترب منها و قد زاد بكائه و رد : كنت غبي كنت غبي و طول السنين اللي فاتت دي
أنا عشت فيها بادفع التمن ، سامحيني سامحيني يا منة و انا حاعوضك عن كل ده ،
حنبدأ صفحة جديدة مع بعض ، حاكفر عن كل اللي عملته و اعالج ابننا بس سامحيني

استندت و قامت من مكانها و ردت بكبرياء : بعد ايه يا هشام ما خلاص فات الاوان
قام من مكانه ممسكا بذراعها مترجيا : لا يا منة لسه مفاتش الاوان ، لسه في فرصة
حتي لو صعبة بس موجودة

ابعدت يده و لم ترد ، تركته خلفها فاكمل استجدائه : و الله حتغير يا منة و الله
التفتت اليه ثم قالت في هدوء : منة الدريني ماتت يا هشام ، ماتت من زمان اوي
و ما كادت تدير وجهها حتي التفت مرة أخري لرجل يقف علي مقربة منهم شاهرا
سلاحه مصوبا اياه باتجاه هشام ، الذي تقدم خطوات منها و هو يرد : لا يا منة أنا
مست-----

انطلقت الرصاصة التي رأتها أمام عيناها فدفعته بعيدا عنها و لم تستطع تفاديها ، اخترق
صوت انطلقها أذنيه و لم يستوعب ما حدث إلا حينما كادت تسقط فهوت بين يديه ،
استقرت الرصاصة بصدرها ، فسالت دمائها و خضبته فهتف باكيا : ليه يا منة عملتي
كده ، انا مستهلش منك كده

خرج صوتها خافتا و هي تحاول أن تقول : زين ----- زين يا هشام ،
زين يا هشام

ثم فقدت وعيها فصرخ : لا يا منة لا يا منة متموتيش يا منة لا يا منة متموتيش ، أنتِ
الفرصة اللي ربنا بعتهالي قبل فوات الاوان ، لا يا منة انا كنت ميت من يوم ما كنت
فاكر انك موتي لا يا منة ابوس ايدك
منة

اليوم ذاق ما أذاقه لغيره يوم استخفى بمعني الحياة ، يوم فكر أن الموت لعبة فغدر
بصديقه و غدر بكل من ولاه ، ذُق فهكذا هي الحياة ، ذُق يا من نسيت أن للكون

رب و أنك الأضعف يوم تنساه ، ذق يا من تجبرت و أجمت و أوجعت ، ذُق من نفس
الكأس ولا تنسي يوما ، إنها الايام و إنها دول ، و ما تفعله اليوم ، غدا تلقاه

جابت شقتها يمنها ويسرها من فرط القلق الذي باتت تشعر به انها الخامسة و لم
تسمع اليوم صوت نيفين و لا ندى ، تأخرت نيفين و لا ترد علي هاتفها هاتف ندى لا
يزال مغلقا ، فوجدت نفسها مضطرة للاتصال بفريدة

كانت تجلس في شرفة منزلها تحتسي الشاي ، لم تعد تفكر في تذهب إلي اي مكان
، تحاول بكبرياء مصطنع أن تخفي مشاعر الضيق من فراغ المنزل ، لكن بينها و بين
نفسها تعترف أنها تفتقدهم ببالغ الشغف

رن هاتفها فسحبتة و نظرت للمتصل ، كانت شريفة و تحدثت بقلق : مساء الخير يا
مدام فريدة

شعرت بالقلق من صوتها و ردت : مساء النور يا مدام شريفة ، خير في حاجة

شريفة : انا اسفة علي الازعاج ممكن اخذ منك رقم تليفون محاسن

فريدة باستغراب : حضرتك عايزاه ليه ، هو مش مع حازم و ندى

شريفة : اصل ----- اصل ----- ندى -----

----- اصل ندى وحازم قاعدين عند محاسن و انا كنت عايزة اطمئن عليهم و كل ما

اكلهم حد منهم موبايله يا اما مقفول يا اما مش بيرد

همت فريدة من مكانها و ردت منزعجة : قاعدين عند محاسن ، حازم قاعد في بولاق

شريفة : انا مش عارفة عنوانها ، كنت اخدت بعضي و روحت ، يا ريت لو تقولي

العنوان او رقم التليفون يا مدام فريدة

فريدة و قد شعرت بالضيق لما سمعت : طب ثانية واحدة يا مدام شريفة
اتجهت الي غرفتها و اخرجت من مفكرتها الخاصة عنوان محاسن و هاتفها أملتهم
علي شريفة ثم اغلقت الهاتف ، ترأت أمامها صورة لوجي و صورة حازم و هم في بولاق
فشعرت بالقلق ، فتخذت قرارها باتجاه إليهم و بأي ثمن ستعود لوجي معاها

— لا يا منة لا يا منة متموتيش يا منة لا يا منة متموتيش ، أنتِ الفرصة اللي ربنا بعتهالي
قبل فوات الاوان ، لا يا منة انا كنت ميت من يوم ما كنت فاكر انك موتي لا يا منة
ابوس ايدك

منة _____

رغم جروحه و ألمه تحامل علي نفسه و حملها بين ذراعيه و جري بها عائدا في اتجاه
المشفي ، ظل يضغط علي اسنانه من الم قدمه و لكنه اسرع خطواته حتي يستطيع ان
ينقذها ، هرول صاعدا علي سلالم المشفي ثم صرخ في الواقفين أمامه : معايا واحدة
بتموت

و كأن نفس سيناريو ما فعله بحازم قرر أن يكرر نفسه مشهدا مشهد ، جري نحوه من
حملها عنه و وضعوها علي الترولي الخاص ليسمع صوت احد الاطباء هاتفة : دخلوها
اوضة العمليات فورا

جروا بها الي غرفة العمليات و قد تعلق بصره بها حتي اختفت إلي داخل غرفة
العمليات ، هوي الي اقرب مقعد ناظرا الي يده المخضبة بالدماء ، انه دماها الذي سال
بسبه لتهمر الدموع من عينه بقوة ، اليوم تبكي عيناه عليها بل قلبه و عقله و ضميره
اليوم عرف قيمتها و قيمة الحب الذي أحبته له ، كم كان يشعر عند هذه اللحظة

بحقارته أمام نفسه ، قطع هذا الاحساس صوت احدي الممرضات مملوءا بالحزن و هي تعقب : يا عيني عليكى يا منة ، جوزها طلع واطي ، طلقها و رمها بابنها ، و ابنها بين الحياة و الموت و هي بين الحياة و الموت

وقف من مكانه وتقدم باتجاه الممرضة متسألا : أنتِ تعرفي عنوان منة

الممرضة مستغربة : هو حضرتك تعرفها

هشام : ايوة ، انا جوزها

الممرضة باضطراب و هي تنظر له : جوزها جوزها

هشام : ايوة

الممرضة : طب كويس انك رجعت ، عشان زين عنده بكرة جالسة العلاج الكيماوي و

منة مكنتش عارفة مين حياخدوا يوديه

هشام : ممكن تجبيلي العنوان لو سمحتي

الممرضة : طيب

قبل ساعتين تقريبا

نظر أشرف لزوجته و عشيقها ، تسمر في مكانه مدهول ، ظل يحاول إستيعاب ما يري

حتي هتف فيهم : نيرة ----- هيثم

ببالغ الصدمة التفت الاثنين هاتفين : أشرف

تسمر الثالثة في مكانهم ، يراشق كل منهم الاخر بنظرات حادة ، يستشعر أشرف معني

كل فتاة حاول بكل ما اوتي من قوة ان يعتدي عليها و لم يستطع بينما شرف زوجته

أسهل علي غيره من شربة ماء ، قطع أشرف الصمت و لا يزال علي ذهوله و سأل :

ممکن افهم ايه اللي أنا شوفته دلوقتي

عقدت ذراعها أمام صدرها غير مبالاة برؤيته ثم جلست و ردت ببرود : ده هيثم ، أنت متعرفش هيثم و لا ايه

جذبها من ذراعها ثم هتف فيها بغیظ : لا يا شيخة و بيعمل ايه سي هيثم هنا ، ايه اللي جابه بيتي و المفروض اني مسافر

قاطعته هيثم بلهجة باردة و رد عليه نفس رده قائلاً : جاي اشترى جينة ، حاكون جاي اعمل ايه

شعر أشرف بغیظ بالغ ملئ قلبه كان يتوقع علي الاقل ان تشعر زوجته بالخوف منه لكن حتي ذلك لم يجده فهتف فيها بغیظ : يعني بتخونيني و علي علاقة مع صاحبي و كمان مش همك ، أنت ايه البرود و السفالة اللي أنت فيها دي

ردت و هي لا تزال محتفظة ببرودها : أنت اخر واحد تكلم عن السفالة ، و بعدين اخونك ايه بس ، ما بلاش المصطلحات البلدي دي ، دي صداقة بريئة و طاهرة ، و لا هو مفيش غير الافكار القذرة اللي في دماغك و بس

ثم اقتربت منه ناظرة في عينه بتحدي : و بعدين مش لما ابقی مصاحبة صاحبك مش احسن من حد غريب و لا ايه يا شيري

لم يتمالك نفسه من شدة ضيقه و غيظه فصفعها علي وجهها بقوة فأردھا أرضا ، عند هذه اللحظة كان عصام يركن سيارته ثم صعد باتجاه شقة أشرف ، لاحظ أن الباب مفتوحا و قد بدی أن هناك شجار فوقف بمكانه يسمع

وضع أشرف يده علي الزناد ثم صوب باتجاه نيرة ، وقفت نيرة أمامه ثم زادت من نظرات التحدي و قالت بحدة : راجل اوي و فاكر نفسك حتقدر تضرب ، انت أكثر

واحد جبان يا أشرف و لا تقدر تعمل حاجة

التفت أشرف لهيثم ثم جذبه من ملابسه هاتفا فيه : امشي اطلع بره اتفضل يلا

دفعه هيثم و عاد ليجلس علي أحدي المقاعد و رد بيروود : هو ده كده اخرك ، طب اقولك انا هنا ليه يا أشرف ، انا كنت داخل مع نيرة اوضه نومك و علي سربك ، ايه مفيش دم خالص و لا اي حاجة بتستفرك ، طب اقولك حاجة تانية يمكن تستفرك وقف قبالتة و نظر لها بحدة قائلًا : فاكر منة ، منة الدريني أوعي تكون نسيته ، احب اقولك إن منة تبقي بنت عمي ، و أحب اقولك إنني معايا فيديوهات لنيرة و هي معايا و في بيتي و أوضة نومي ، فاكر الفيديوهات اللي كنت بتهدد بها منة

ثم جذبه من ملابسه صارخا : فاكر اللي عملتوه في منة أنت و أخوها و لا عايزني أفكر ، و لا أخلي ال CD اللي معايا للهانم مراتك هو اللي يرد ، هه

دفع عندها عصام الباب ليدخل عند هذه اللحظة دون أن يحدث ضجة ، ظل واقفا بصمت ، بينما هربت الكلمات من نيرة و هي تهوي إلي اقرب مقعد غير مصدقة أن هيثم كان يستغلها إنتقاما من أخيها و زوجها ، رفعت نظرها باتجاه هيثم و قد تجمعت الدموع من عيناها و عقبته : يعني أنت عرفنتي عشان تنتقم من هشام و أشرف

اقتربت منه و هي تبكي و ظلت تضرب فيه بكلتا يديها علي صدره و هي تصرخ فيه : كداب كداب وجبان و زبالة كلكم زبالة كلكم زبالة

نظر عصام لها بأسى و قد شعر ببالغ الشفقة عليها ثم عقب : و أنت ايه اللي جبرك علي الزبالة يا نيرة ليه محفظتيش علي نفسك ، ليه رضيتي تقفي فيها

التفت بذهول لوجوده و نظرت لعيناه معاتبة ثم ظلت تنظر صامتة ، لم يتأثر هيثم بما فعلته بل التفت لعصام و عقب علي وجوده ساخرا : عصام ----- قصدي مستر

عصام ، ده الحبايب كلهم هنا اهم ، انا لو اعرف كده كنت قولت لأميمة تيجي
لم يخالف عصام توقعات أشرف بمجيئه لكن صدمه ما قاله هيثم عن أميمة فهتف
سائلا : و أنت تعرف أميمة كمان

رد هيثم و قد ملئ عينه بنظرة التحدي : طبعاً ، ايه ما انا نسيت اقولك أميمة تبقي
صاحبة منة و علي فكرة هي ساعدتك عشان تعرف تاخذ منك مفتاح شقة المعادي لما
طلبت منها تحط الميموري لنيفين و حازم عشان يشوفوا نيرة هي وعصام متصورين
ثم نظر لنيرة و قد زادت سخريته : الظاهر أنك مش واخدة إلا ع الزبالة و متعوده ع
التصوير من زمان اوي

ثم لأشرف : أنا عمري ما شوفت ناس في قذراتكم ، عمري ما شوفت راجل يفضح
مراته و بيساوم علي شرفها ، لا و عامل نفسك مصدوم و أنا جاي بيتك ده علي أساس
أنك مش واخذ علي كده

وصل حازم و قبل أن يدخل استوقفه تجمعهم و قبل أن ينطق كانت الكلمات تتدافع
من لسان نيرة لأشرف و قد صدمها ما فعل فهتفت : أنت طلعت الفيديو اللي بيني و
بين عصام و وراته لحازم

أمسكت هي بملابسه و صرخت فيه : اه يا واطي ، وريت الفيديو لنيفين و حازم ،
أنت عايز تفضحني

قاطعها عصام هاتفا بغیظ : يعني أنتِ مكنتيش تعرفي إنه بعته لحازم و نيفين ، ما أنتِ
من الاول اللي جيتيلي البيت و هددتني انك حتوريه لنيفين

نيرة بعصية : انا قلت كده من غيظي منك ، كنت عايزة ابوظلك جوازتك من نيفين مش
اكثر ، لكن انا مش ممكن افصح نفسي ، اوزع فيديو المفروض ان اللي حيشوفه يفتكر

ان حصل بينا حاجة

استوقفت كلماتها عصام فتوجه نحوها و جذبها من ذراعها و هو ينظر لها بغیظ : يعني

ايه اللي يشوفه حيفتكر هو مش حصل فعلا

نيرة بعصيبة : لا محصلش

أشرف بعصيبة : اخرسي يا نيرة

عصام بعصيبة : يعني ايه محصلش ، يعني انا مختش حازم

أمكسها من كتفها و صرخ فيها : انطقي ، انا مختش حازم

رمقت نيرة أشرف بنظرة احتقار ثم ردت بعصيبة : لا مختوش ، انا محصلش بيني و

بينك حاجة محصلش محصلش محصلش ، و لا أنت و لا غيرك

جذبها أشرف نحوه و ظل يردد ببالح غيظه : اخرسي باقولك اخرسي اخرسي

دفعته بعيدا عنها فسقط علي اقرب مقعد ثم عاودت النظر اليه و هي ترمقه باحتقار

هاتفه بعصيبة : لا مش حاخرس مش حاخرس ، آن اوان الكلام و دلوقتي عصام لازم

يعرف الحقيقة و حازم و هشام و كلهم ، الكل لازم يعرف مين اللي كان بيلعب ع

الكل و بيخطط طول الوقت عشان احساسه بنقصه و عجزه ، الكل لازم يعرف إنك

مش راجل يا أشرف مش راجل مش راجل

اندفع نحوها و أمسك برقبته و ظل يصرخ فيها : انا حاموتك يا نيرة حاموتك و اخلص

منك و اخلص الدنيا من اقرقك يا خيانة يا زبالة

تشبت نيرة بعصام من اجل ان يدافع عنها و هي تنظر له صارخة : هي دي الحقيقة يا

عصام ، أشرف اصلا عنده عجز بيعوضه بضرب البنات اللي كان بيخدهم معاه شقة

المعادي ، كلهم كان لازم يخدرهم و يصورهم و يوهمهم أنه حصل بينه و بينهم حاجة

عشان ياخذ منهم فلوس أو يحسس نفسه أنه طبيعي ، أنا مخنتش حازم معاه و
محصلش بيني و بينه حاجة و لا هو لا غيره صدقني يا عصام صدقني

هتف أشرف و قد شعر بالمهانة : انا راجل غصب عنك ، أنت عايزة تقولي كده عشان
تبرري لنفسك الخيانة مع هيثم

نيرة و هي لا تزال علي عصبيتها : لا دي الحقيقة تنكر أنك طلبت من معتز يروح
لعصام البيت و معاه ويسكي و حبوب مخدرة ، معتز أخذ فلوس من أشرف عشان
يساعده يعمل فيك كده ، عشان لما اوصل البيت تكون متخدر
عصام بذهول : أنتم اللي بعتوا معتز

نيرة : ايوة ، أشرف اتصل بمعتز و قاله يروحلك البيت و يدريك حبوب تغييك عن
الوعي و كمان سكرك و بعدها انا طلعتك شقتك و اخر حاجة انت فاكرها اني دخلت
بعدها أنت غيبت عن الوعي ، أشرف طلع سحبك علي اوضة النوم و حطك في السرير
بعد شال هدومك و قالي انام جانبك و الصبح لما صحيت افكرت ان انا و انت
حصل بينا حاجة و قالي الطريقة دي اللي حتخلي عصام يسكت و ميقولش لحازم اني
كنت باخونه بس انا اصلا مكنتش باخون حازم ، لان نفس اللي عمله أشرف معاك هو
اللي عمله معايا اول مرة اروحلته فيها بيته ، قالي إن هشام عنده و انه عايز فلوس
ضروري روجت اديله الفلوس ساعتها قالي هشام لسه نازل و بعدها حطلي مخدر في
العصير و سحبنى علي اوضة نومه و صورني معاه و فضل يبتزني علي فلوس في الاول
عشان ميوريش حازم الفيديو و في الاخر كان الابتزاز اني اروحلته البيت وكل مرة كان
يتعمد يحطلي حاجة في مشروب عشان افكر ان في حاجة حصلت و لما اجوزنا
عرفت انه عاجز

جلست الي اقرب كرسي و قد شعرت بالانهيار و أكملت : أنت اللي عملت فيا كل ده
يا عصام

كان هيثم ينظر لنيرة بشئ من الشفقة و أشرف يكتم غيظه ، اما حازم فاكتفي بما سمع
، بينما عصام و نيرة واقفا أمام بعضهم البعض و قد زاد بكاء نيرة و هي تسأل عصام :
ليه طلقيني يا عصام ليه غدرت بيا بعد ما صدقتك و اجوزنا ليه ، أنت عارف أن عمري
ما حيت غيرك

رق قلبه لحالها و رد : أنتِ اللي خونتني يا نيرة ، أنتِ اللي كتتي عملاني سلم عشان
حازم يغير ، أنا وقتها وصلتني صور تخصك أنت و حازم و مكنش ينفع افضل بتفرج و
انا شايف خيانتك ليا مع صاحبي ، حازم ساعتها مكنش يعرف انك مراتي و انا اتجوزنا
عرفي ، أنا كنت متعقد من كل الستات عشان أمي سابت بابا و اتجوزت راجل ثاني ،
فضلت عايش مع جدي لحد ما مات ، كنت فاكر إن أنتِ مش حتعملي فيا كده لكن
لقتك بتعملي زي ما هي عملت سييتني و روحتي لصاحبي عشان اغني مني

نيرة باكية : كل ده محصلش يا عصام و انا معرفش حاجة عن الصور دي

وقف أشرف و قد شهر مسدسه باتجاههم ليصرخ بملئ عصبته : انا اللي فبركتهم
عشان كنت عارف إن عصام متجوزك عرفي و كنت عايز أوقع بينكم ، زي ما كنت عايز
أوقع بينك و بين حازم ، أنا اللي وهمت هشام إن منة حامل مني بعد ما كان ناوي
يجوزها و يعترف باللي في بطنها ، انا ايوة انا ، انا اللي كنت باغلي كل يوم وانا شايف
كل واحد فيكم عايش حياته ، بيحب و يتجوز و انا عارف نفسي كويس مولود عاجز و
مليش علاج ، أنتم مش احسن مني و دلوقتي يا عصام انا مش حاسيبك تتهني عرفت
الحقيقة خلاص عرفتها ، عرفت إن أنا اللي فبركت الفيديو ، و ماله معدش فارق معايا

لازم تبقي حياتكم زي حياتي

كانت تتدافع الدموع من عينه و يدها ترتعش و هو يمسك بمسدسه و يكمل : ليه أنا اتحرم إنني أكون سوي ، ليه ملقيش الانسانة اللي تحبني ، ليه أعيش باتفرج عليكم من بعيد ، عصام و حازم و هشام وولاد الناس الكويسين و أنا ، طول عمركم شايفيني أقل واحد فيكم ، كنت عارف إن اللي زيي عمره ما حيقدر يتجوز عشان كده ، قررت أخذ نيرة منكم كلكم ، قررت أنها تكون ملكي أنا و مش حاسيب حد منك يتهني لحظة واحدة سامع يا عصام ، سامع

اندفع حازم ليمسك منه المسدس و ظلوا يتجادبونه و قد هما بالشجار ، دفع حازم أشرف فسقط المسدس من يده فاندفع خلفه و أمسكه مسرعا و ضغط زناته في لحظة ، من شدة خوف نيرة علي عصام دفعته لتتلاقى هي الطلقة نيابة عنه فصرخ عصام نيرة سقطت بين يديه غارقة في دمائها : نيرة نيرة

نظر أشرف لما فعله فسقط المسدس من يده و قد صدم بينما يتوجه هيثم لأشرف متسألاً و قد امسكه من ملابسه : يعني هشام كان عايز يعترف باللي في بطن منة و يتجوزها بجد ، طب ايه اللي كبسته من موتها يا جبان

تسمرا الاربعة بمكانها بينما نيرة تحاول التقاط انفاسها ، جاورها حازم باكيا بينما جسي أشرف علي ركبتيه و زاد أنينه قائلاً : للدرجة دي حتي عصام يا نيرة ، طب و انا ليه محستيش حبي ليكي ، انا عمري ما حبيت غيرك ، انا عملت كل ده عشان كنت عايزك ليا

هيثم متأثراً : سامحيني يا نيرة انا كنت فاكر ان اخوكي غدر ببنت عمي عشان كده كنت عايز اردله القلم ، انا اسف يا نيرة اسف

نظرت نيرة حازم و أمسكت بيده و قالت بصعوبة : حازم ، اوعي في يوم تقول للوجي
حاجة وحشة عليا اوعي تقولها عني حاجة تخليها تكرهني ، انا عمري ما خونتك يا حازم
صدقني لوجي بنتنا و صدقني عمري ما خونتك

حازم باكيا : متخافيش يا نيرة ان شاء الله حتعيشي و تشوفها عروسة

عصام باكيا : نيرة اوعي تموتي ارجوكي يا نيرة ارجوكي

ثم عقب هيثم و هو يتوجه الي هاتفه : انا باطلب الاسعاف حيجوا دلوقتي

التفت الثلاثة علي صوت طلقة رصاص خرجت من مسدس أشرف لكنها كانت منه إلي
منتصف رأسه ، شعر أشرف انه لا يراه احد و قد انهمكوا في نيرة فالتقط مسدسه
ضغط علي زناد المسدس لتخرج طلقة منه ترده ارضا ليلقي اسوأ خاتمة علي الارض
قتل نيرة ثم قتل نفسه

لحظات واتت سيارة الاسعاف و سيارة الشرطة علي اثر ما حدث لتحمل نيرة و أشرف
الي سيارات الاسعاف و يتجه هيثم و حازم وعصام الي المشفى املين فقط أن تبقي
نيرة علي قيد الحياة

اوقفت السيارة و نزلت أمام شقة محاسن بيولاق تقدمت خطوات و هي تشعر بالتقزز ،
اقدمت الي شقة محاسن فاتجهت محاسن لتفتح الباب باكية ، رأتها فريد فسألت
بانزعاج : في ايه يا محاسن

وجدت شريفة أمامها و قد وصلت قبل وصولها بدقائق ، اتجهت لفريدة ثم قالت ببالغ
القلق : انا حاخذ بنتي علي اقرب مستشفى دلوقتي ، انا مش حاسيب ندى بتموت
نظرت فريدة بقلق بينما كانت لوجي تبكي فعادت سؤالها : طب في ايه يا جماعة

و قبل أن يرد احد خرجت ندى من الحمام و قد كانت تتصبب عرقا و هي تشعر بدوار شديد نظرت لهم و قالت في خفوت : انا عندي نزيف اظاهرالحمل نزل
ثم سقطت مغشيا عليها لتصرخ والدتها و أختها : ندى
نظرت فريدة الي زوجة ابنها الملاقي علي الارض فصرخت فيهم ناسية فريدة بكل
كبريائها : أنتم مستنين ايه هاتوها علي العربية ، نقلها لأقرب مستشفى بسرعة
بأسرع ما لديهم اتجهوا جميعا لسيارة فريدة ، ركبت شريفة و نيفين علي المقعد الخلفي
بينما ندى تمددت عليهم و لم تعبى فريدة ان محاسن قد جاوراتها هي و لوجي
ادارت محرك السيارة و انطلقت بقلب ام تخشي علي حفيد ولدها و زوجته بغض النظر
عن كونها ابنة السنهوري أو ابنة غيره

لحظات وصل حازم و عصام و هيثم الي المشفى ، دخلت نيرة الي غرفة العمليات
بينما هشام لا يزال واقفا أمام غرفة العمليات منتظرا ان يسمع خبرا يفيدده عن منة ، وجد
عصام وحازم وهيثم الثلاثة أمامه لينظر اليهم و قد بدى باكيا ثم سأل مستغربا : أنتم
عرفتوا منين

حازم مستغربا : انت اللي عرفت منين
هشام وهو لا يزال علي استغرابه : عرفت ايه ، انا لسه شايفها من شوية و مكنتش اعرف
انها لسه عايشة

عصام : هي لسه داخله دلوقتي و ان شاء الله نضمن عليها
هشام و لا يزال علي استغرابه : لا دي بقالها تقريبا ساعتين جوه
هيثم باستغراب : ساعتين ازاي احنا لسه جاينها دلوقتي

هشام : أنتم بتتكلّموا عن مين ، انا باكلم عن منة ، منة الدريني طلعت لسه عايشة

صعق هيثم مما سمع ثم هتف فيه : أنت بتقول ايه يا هشام منة عايشة

حازم بدهشة : منة الدريني عايشة

عصام بدهشة : ايه

هشام مستوقفا : أنتم كنتم بتقولوا علي مين

لينظروا الثلاثة الي بعضهم و هم لا يعلمون ما الرد ، ثم يرد عصام : أشرف انتحر و

حاول يقتل نيرة

هشام و قد صعق مما سمع فهتف محاولا التماسك : نيرة -----

نيرة اختي

خرج الطبيب ليبلغ الواقفين : البقية في حياتكم يا جماعة

وقف هشام ممسكا بيد الطبيب و هو يسأل و قد تعالت ضربات قلبه : مين

الطبيب : اللي لسه جاية دلوقتي

هوي هشام الي اقرب مقعد باكيا ثم نظر إليهم و ظل يهتف : نيرة ماتت ، نيرة ماتت يا

عصام ، نيرة ماتت يا حازم ، نيرة ماتت ، ماتت من غير ما اشوفها من غير أكون معاها

شهق اكثر و ظل يبكي و يبكي و يكمل : اه ----- اه يا نيرة

لتزرف الدموع من عين عصام و حازم بينما هيثم هرول خارج المستشفى باتجاه عمه

ليبلغه ما علم

عندها كانت اسرة حازم تتجه لتدخل المستشفى و ندى الي غرفة العمليات هي الاخري

ليستوقف حازم ما رأي فيجري باتجاهه محاسن ليسأل : ايه اللي جابكم هنا يا دادا

محاسن باكية : ندى تعبت اوي

حازم مضطربا : فين ندى يا دادا

و لحظة و وجدها أمامه علي ترولي المتجه بها الي غرفة العمليات ، مشي الي جوارها
و قد شعر بالخوف من أنه يفقدها ، اختفت ندى الي داخل غرفة العمليات فوقف حازم
أمام بابها محاولا أن يهدأ ، نظر حوله لتستوقفه دموع لوجي فحملها بين يديه ليهدأها ،
مسح دموعها بكفه فسألته عندها : هي مامي حتموت يا بابي

نظر حازم إلي لوجي و لم يعرف بما يجيها لكنه أدرك عن من كانت حينها تسأل
فأجاب : لا مامي مش حتموت يا حبيبي

وجد من وضع يده علي كتفه فالتفت ليجد فريدة تنظر له بعتاب صامت ، فوقف
مستغربا و عقب : ماما

فريدة و قد دمعت عيناها : وحشتني اوي يا حازم ، البيت من غيرك ملوش طعم ،
الحياة كلها يا حبيبي

فتحت ذراعيها لتحتضه فبكي و هو يقول : نيرة ماتت انهاردة يا ماما
ضمته الي صدرها و قد بكت : احنا كلنا كنا ميتين من زمان يا حازم

لحظات وخرج الطبيب لهشام الباكي ليطمئنه : استاذ هشام

ليرفع رأسه وهو يرتجف خوفا : ايوة

الطبيب : مدام منة حتنزل دلوقتي اوضة عادية ، ان شاء الله الصبح تكون فاقت

هشام ببعض الامل : يعني لسه عايشة

الطبيب : ايوة

ليهوي ساجدا علي الارض و قد كانت اول سجدة له في حياته و هو يتمتم : الحمد لله

وقد علم اليوم ان زوجته لاتزال علي قيد الحياة بينما اخته قد فارقتها

انها الحياة علي صدقها ، انها الحياة بمختصرها المفيد بين لحظة لاتزال علي قيد
الحياة ولحظة سيدركك فيها الموت ، لحظة لا تعرف أين أو متي و لكنها لحظة
سندركها لا محالة ، انها لحظة الفراق ، لحظة التفاف الساق بالساق ، إنه -----
-- إنه الموت

يوم جديد ----- قد يكون جديدا في حياة من لا يزالون علي قيد الحياة و لكن هناك اثنين كانوا بالامس علي قيدها اما اليوم فلم يعد لديهم من يومها الجديد نصيب

خرجت سيارة الاسعاف من المشفي و خرج معها (هشام وهيثم وعصام واخيرا حازم) علي بعد خطوات كانت فريدة و محاسن يراقبوا خروج السيارة

فريدة اليوم تبكي ، تبكي ناسية تماما أن القلق و البكاء يزدان التجاعيد ، تبكي بفرط حزن علي ما تراه أمام عيناها ، و هي لا تعرف أهي تبكي الغافلة التي رحلت دون توبة أم تبكي الغافلة التي لاتزال علي قيد الحياة ، أتبكي نيرة أم تبكي فريدة ، هي نفسها لم تعد تدري ، لحظات تقدمت شريفة و نيفين لرؤية الموقف و بعدها قد آن أوان الرحيل

غادرت السيارات و اختفت بعيدا عن باب المشفي لتهوي فريدة بين الواقفين فيصرخوا : فريدة هانم

فتدخل فريدة إلي المشفي فاقدة الوعي علي إثر ما رأت ، و يلتف حولها من كانوا معها بل وأحلام التي جاءت لتطمئن علي ندى

علي الاعناق محمولين لا علي اقدامهم داخلوا المسجد و لأول مرة ، لم يكونوا يعرفوا أن هناك صلاة تصلي لانهم لم يصلوها يوما ، اليوم يصلي الناس عليهم و قد تقدموا

الصفوف و لكنهم تقدموها داخل نعوشهم

تقدم أمام المسجد هاتفا في الحاضرين : صلاة الجنابة ان شاء الله

اصطفوا و ما كادت أقدامهم تحملهم و لا عادت عيناهم تعرف الرؤية من شدة بكائهم و قد استشعروا أن أي منهم كان من الممكن أن يكون هنا في مكانهم ، بل مهما طال الزمان بهم فهذه نهايتهم ، انتهت صلاة الجنابة ، فحملوا النعوش علي أكتافهم و ساروا بها و أمام خطواتهم كانت تنساب من عقولهم كل ----- ذكري

هشام

كان جالسا في غرفته أمام حاسوبه ، يفكر في كونه كلما حاول الايقاع بفتاة فشل ، ليقني بين اصدقائه محط السخرية ، من شدة فراغه قام بتحميل أحد الافلام و التي كانت بطبع قدرة و جلس يطالعها ، زفر و هو يتصبب عرقا و ما عاد يستطيع الا تعليق بصره بما يري ، حينها كانت نيرة نائمة في غرفتها حين شعرت بايدي تتلمس جسدها و تحاول -----

أنتفضت بفرع ثم صرخت في اخيها : أنت مش ناوي تبطل سفالة يا هشام

هشام بغيظ : أنت كل شوية تقوليلك الكلمتين دول ، أنا معملتش حاجة فيكي ، انا كنت بغطيك علي فكرة

نيرة بعصبية : كنت بتغطيني و لا العكس ، طب والله لما بابا و ماما يرجعوا من السفر لاقولهم علي تصرفاتك و علي المخدرات اللي انت -----

وضع يده علي فمها ليسكتها قائلا : هشششش ، خلاص بلاش فضايح الناس نائمة ، كفاية انا غلطان اللي دخلت اوضتك

زفر بشدة و خرج و لكن كيف تستطيع ان تعود للنوم مرة اخري ، و من أن الي اخر
يدخل اخاها غرفتها متحرشا بها

ليستشعر هشام الالم يضرب صدره ، فتعود فتبكي عينه عليها ، لقد كان أول من أذقها
غدره

عصام

علي وقع صوت رنين الهاتف استيقظ لينظر الي رقم المتصل ، علت الابتسامة علي
وجهه و اعتدل ليجلس علي سريره و رد مبتسما : صباح الخير يا حبي

نيرة مبتسما : انا صحتك

عصام : وايه يعني دي احلي حاجة عملتها اني اصحي علي صوتك

نيرة : يعني وحشتك

عصام : طبعا أنتِ عندك شك في كده

نيرة : تـؤ تـؤ ----- والا مكنتش وافقتك علي موضوع جوازنا

عصام : انا سبق و قولتلك ان ده وضع مؤقت لحد ما اهلك يرجعوا من السفر ، عارفة
بعدها انا ناوي علي حاجتين طبعا الدنيا كلها تعرف انك مراتي ، الحاجة الثانية-----

نيرة : ايه بقي

عصام : ناوي اخبيكي ، مش عايز حد يشوفك غيري

لتعلو الابتسامة وجه نيرة وتتنهد ثم ترد : انت عندك شغل انهارده

عصام : لسه قدامي شوية عقبال ما انزل

نيرة بدلال : عموما انا عمالك مفاجأة

عصام : ايه هي بقي

نيرة : ما انا لو قولتلك متبقاش مفاجأة عموما اقل دلوقتي وانا خارج اكلمك ، سلام

ليتنهد عصام وهو يقوم من سريره متجها الي الحمام ، لحظات و طرق الباب ليخرج
باتجهه ليفتح

عصام باندهاش وقد علت الابتسامة وجهه : نيرة

نيرة بدلال : صباح الخير

جذبها من ذراعها الي الداخل واغلق الباب ثم اسندها علي الباب وهو ينظر اليها
بابتسامة : مش ناوية تبطلي شقاوتك دي ، بت أنتِ انا مش قدك

لفت ذراعها حول عنقه ثم همست في اذنه : طب حنشوف دلوقتي مين فينا اللي مش
قد التاني

نزلت دموعه و تسألت نفسه ، هل كنت أحد الغادرين أم أنك كنت الأعمى

حازم

استيقظ حازم بعد عدة محاولات من محاسن لايقاظه و هي تهتف : حازم بيه ----

----- اصحي يا حازم بيه

حازم بتناقل و هو يفتح عينه : صباح الخير يا دادا

محاسن : صباح الخير يا حازم بيه

حازم و هو ينزل من السرير : ماما و بابا صحوا

محاسن : صحوا و في اوضة السفارة ينفطروا

سحب حازم المنشفة ثم اتجاه للحمام ، ثم خرج ليبدل ملابسه متأنقا كعادة كل يوم ثم

اتجه الي غرفة السفارة وضع قبلة علي خد فريدة قائلا : صباح الخير يا ماما

فريدة : صباح النور يا حازم

سحب كرسيه ليجلس الي جوار ابيه قائلا : صباح الخير يا بابا

رفعت بضيق : صباح النور

ثم سأله : أنت رجعت امبارح الساعة كام

حازم بمزاح : امبارح ، ايه ده هو انا خرجت امبارح

رفعت بضيق : حازم ، بلاش استعباط و رد عليا

حازم بضيق : كنت مع اصحابي

رفعت : و ناوي تشوف شغلك امتي

حازم : ما البركة في حضرتك ثم انا من وقت للتاني باجي الشركة ، و لا انا لازم ابقني

موجود علي طول

سحب رفعت المنديل المجاور له و مسح فمه ثم زفر و هو يضعه بضيق مناديا محاسن

: محاسن

محاسن : ابوة يا رفعت بيه

رفعت و هو يترك غرفة السفارة و يتجه الي مكتبه : عايز قهوتي في المكتب

نظر حازم الي والدته و هو يكمل فطوره غير عابئ بوالده و قال : ماما ، انا عايز فلوس

ضروري

فريدة باهتمام : ليه

حازم : انهاردة عيد ميلاد ناني وعائز اجلها حاجة تضرب كل الهدايا اللي جايلها

فريدة و قد علت الابتسامة وجهها : عائز كام يعني

حازم : انا ناوي اجيب كوليو و غالي

فريدة باضطراب : مش كتير كده يا حازم انت كده افورتها اوي

ليقوم من مكانه ثم يجلس إلي جوارها : انا عائز اجيب حاجة تليق بحازم الصاوي و لا

ايه

كان يعلم مدخلها و عندها ابتسمت و أومت رأسها بالإيجاب قائلة : طب بس برضو

مبيقاش غالي اوي

حازم : اوعدك اني ححاول ، ممكن الفلوس بقي

فريدة و هي تقوم من مكانها باتجاه غرفتها : حاديك الكريدت بتاعتي بس راجعها لي

فيها فلوس

للتعالي ابتسامة حازم من شافتيه و هو يقبل يدها هاتفا : يا سلام عليك يا فري ، اهو

هو ده الكلام و اوعدك اني مش حافورها

وصلوا الثلاثة أمام القبر ، وضعوا النعش ثم نظروا أمامهم لمن خرجت و قد سحبت

جثتها و وُضعت في القبر ثم أُغلق عليها ، سقط هشام باكيا أمام القبر غير مستوعب

ان اخته نزلت اليه ، وكذلك أشرف ليسدل الستار بذلك علي حياة اثنين ، اليوم

سيبتون اول ليلتهم في القبر ، و أمامه عادوا لذكرياتهم مرة أخرى

هي فلم تحاول ان تبدي استيائها و السبب ببساطة ان حازم هو واحد من ضيوفها و
ربما صاحب الهدية الاثمن

بالمقابل كان عصام يراقب المشهد عن كسب منذ أن تقدم حازم باتجاهها الي ان
احتضانها ليرقص بها ، وقف بعيدا تأكل الغيرة قلبه وعقله حتي جاوره أشرف و قد شعر
بالغيرة هو الاخر و لكنه ما كان ليملك أمام منافسيه حيلة ، نظر لعصام و شعر بنظراته
و كأن الفرصة سنحت فقال : وaaaaaaaaaaaaااو حooooooooooooooooوووت ، حوت حوت مفيش
كلام ، اذا مكنش ده اللي يوقع نيرة امال مين اللي يقدر

ثم يتنهذ بعمق : الفلوس حلوة برضو ، بتجيب هدايا غالية و بتعمل شغل عالي
زفر عصام بضيق ثم نظر له قائلا : قصدك ايه

أشرف : أنتِ مش شايف يا ابني قدامك بوس و احضان و رقص دول فاضلهم عشر
دقايق و يطلعوا علي شقة المعادي ده اذا مكنوش فاكرين نفسهم فيها
ثم تعالي ضحكات أشرف فظل يضحك و يضحك و هو يدرك أنه يحرق قلب عصام
غيظا ليجد بعدها عصام ملتفتا ليرحل فاستوقفه أشرف قائلا : أنتِ رايح فين
عصام بضيق : ماشي

الي سيارته بضيق بالغ فتح بابها و جلس فيها يحاول كتم غيظه نظرا الي هديته التي لم
تكن كهدية حازم فألقي بها الي جواره و الغيظ يملئ قلبه ، بينما انتهت نيرة الرقصة مع
حازم الذي ظل متشبثا بيدها حتي بعد انتهاء الرقصة ، محتوبها بنظراته الجريئة فلم
تستطيع أمام جرأته سوي الثبات أمام عينه ، قطع صمته ثم عقب : فستانك يجنن يا
نيرة

ثم يمرر يده في خصلات شعرها و أكمل : و تسريحة شعرك

خفق قلبها بقوة أمام تصرفاته غير مصدقة ان حازم الحوت يغازلها ، عند هذه اللحظة
نفذ يده عن يدها و نظر باتجاه شيئا اخر ، الان هو رمي الطعام و عليه أن ينتظر صيده
لكنها ابتعدت عنه لتبحث عن عصام بين الحاضرين فلم تجده ، اقترب أشرف منها
ليسلم و يعطي هديته : كل سنة وأنتِ طيبة يا ناني

نيرة : و انت طيب يا أشرف

ردت حتي دون أن تلتفت لتنظر إليه ، مد يده بهدية و قال : يا رب تعجبك

لم تنظر له و أمسكتها لتقول : ميرسي يا أشرف

شعر ببالغ الضيق و قبل أن ينصرف استوقفته لتسأل : باقولك ايه مشفتش عصام

وقف بشئ من السخرية ثم قرر الرد بخبث و هو ينظر لساعته : معتقدش انه يلحق

يجي

نيرة : هو فين

أشرف : ما انا مقدرش اقولك يا ناني ، اصلي مقدرش افضح صاحبي

نيرة بقلق : ليه هو فين

أشرف : طب لو قولتلك يفضل سر

نيرة : ماشي

أشرف : ابدا يا ستي راح يقابل واحدة متعرف عليها ع النت و بقاله معاها بتاع اسبوع

كده

نيرة بضيق و قد شعرت بالغيرة : اسبوع

أشرف : بس انا مقولتش حاجة ، ارجوكي يا نيرة انا مقولتش حاجة

اقترب هشام منها هاتفا : يلا يا نيرة عايزين نخلص بقي ، تعالي اطفي الشمع

ببالغ الضيق و الاسي اتجهت لتقف في المنتصف و بدأت احتفالها حتي انتهي اليوم
بتوصيل حازم لنيرة مقررا ان يكمل ما بدأه ، فتحت نيرة باب السيارة من اجل ان تنزل
فوجدت من يجذبها نحوه ، عاود نفس نظراته الجريئة ثم اقترب هامسا : انا اتبسطة
اوي انهاردة ، كل سنة و أنت طيبة

نيرة و قد خفق قلبها لقربه فردت هامسة : و انت طيب

و قبل أن تنزل قرر أن يتوج ليلته بما اراده من البداية ، لحظة و انتفضت نيرة منزعجة و
هي تضع يدها علي شافيتها ثم هتفت بانزعاج : ايه اللي انت عملته ده يا حازم

رد مبتسما و غير عبي بانزعاجها و قد ادار محرك السيارة : تصبحي علي خير يا ناني

نزلت نيرة من السيارة و قد شعرت بالضيق لم تستطع مقاومة اي تصرف من تصرفات
حازم ، لا قبلاته و لا لمساته و لا احضانه ، لكنها لن تنكر رغم كل هذا أن ما يسكن
قلبها هو عصام

زفر حازم و أغمض عينه و فأتت ندى أمامه فشعر ببالح الضيق ، لم يعرف من يلوم
نفسه أم نيرة ، أم أهلها حين تركوها وحدها للأيام و من رفقوها ، وقف عصام الي جوار
حازم متحدثا و كل منهم نظره معلقا بالقبرين : مش كفاية كده نروح نطمئن علي ندى
زمانها هي كمان فاقت

حازم بضيق : ليه مقولتليش انك كنت متجوز نيرة ، انت عارف انا عملت في نيرة ايه
يوم فرحنا بعد ما عرفت انها -----

زفر بضيق ثم أكمل : انا ضربتها ، انا بهدلتها انا عاملت نيرة معاملة زي الزفت عشان
كنت فاكر انها استعبطتني ، كنت مستكبر ان حازم الحوت واحدة تضحك عليه ، ليه
مقولتليش بدل ما احاول اوقعها فيا و هي مراتك ، ليه سيبت كل ده يحصل ليه يا

عصام بضيق : كنت فاكر انها وخداني سلم عشان توصلك ، كل تصرفاتها خلتنني افهم كده ، أنا طلقتها و عمري ما ندمت حتي بعد ما عرفت الحقيقة ، حتي لو أشرف فبرك جزء من الصور لكن بلاش نضحك علي بعض يا حازم أنا شوفت بعيني كام مرة كان في بينكم تجاوزات رغم جوازنا ، أنت مكونتش تعرف أنها مراتي لكن هي كانت عارفة و مع ذلك محترميتش ده ، يا ريت منتكلمش في الموضوع ده تاني يا حازم ، ربنا يغفر لها و يسامحها ، مفيش في ايدي غير ادعيها ربنا يسامحها و بس

زفر حازم و قد تجمعت في عينه بعض الدموع ثم نظر له قائلاً : عمري ما تخليت ان ممكن يجي يوم و اشوف حد ميت و هو اصغر مني دايمًا كنت باحس ان الناس الكبار بس هما اللي يموتوا ، تفتكر ممكن يكون انهارده اخر يوم في عمري وانا مش عارف تفتكر ممكن بسهولة كده وفي لحظة تلاقي نفسك سيبت كل حاجة و روحت ومفيش حد حوليك لا اهلك ولا مراتك ولا فلوسك ولا ولادك ، انت و كل حاجة كويسة او وحشة عاملتها وبس -----انت و بس

عصام وهو يربط علي كتفه : كفاية كده احنا لازم نروح تعالي نرجع المستشفى نضمن علي اللي فيها

تقدموا خطوات باتجاه باب الخروج من المقابر ثم وقفوا للحظة و استديروا للخلف ليقع بصرهم علي القبرين المجاورين نظروا بتأمل لمن انتهت حياتهم ثم التفتوا ليكملوا طريقهم

رحل الجميع الا هشام جلس الي جوار قبر اخته باكيا ، اسند رأسه الي جوار قبرها و
بدأ حديثا كان مكتوما بداخله : اه يا نيرة ----- اه يا اختي ----
----- اسف ----- سامحيني بجد سامحيني ----- انا
اول واحد عملت فيكي كده انا اللي سيبتك لصحابي ينهشوا فيكي ، انا اللي مكنش
فارق معايا ان كانت اختي عريانة قدامهم ولا متغيطه ، لا لا انا اللي كنتي بدل ما
اغطيكي بايدي واخاف عليك في كنت باعمل العكس -----
----- اه يا نيرة ، سامحيني ----- سامحيني -----
----- و يا رب ربنا سامحيني و يا رب منة تسامحني و يا رب زين ابني يسامحني -
----- اه اه يا اختي ----- انا اسف اسف اوي
اللي سيبتك مع حيوان زي اللي اسمه أشرف اسف اني مخوفتش عليك في اسف والله
العظيم اسف ----- اسف يا نيرة
نحب باكيا و هو يحاول الوقوف ثم نظر الي قبر أشرف و هو يتمتم : ربنا ينتقم منك يا
أشرف اكثر ما انتقم منك ضيعت مراتي و ضيعت ابني و ضيعت اختي و ضيعتني
فتح عينه و حاول التحرك باتجاهه سيارته خارجا من المقابر ثم ثبت بمكانه ثم يلتفت مرة
اخرى لينظر الي القبرين المتجاورين ثم أكمل طريقه

فتحت عيناها بشاقل وهي تحاول التذكر ، اخر شيئا تتذكره هو صورة هشام أمام عيناها

مرة اخري لم تكن تتوقع انها ستراه من جديد ، انهمرت الدموع من عيناها لان عقلها
عاد ييث فيها الذكريات من جديد

و قبل أن يتركهم بدقيقة التفت حازم لهشام التفافة اخيرة و هو يهمس في اذنه : اديني
سيتهالك اهو وريني بقي حتعمل ايه و حتعرف تأخذ مني الازايز و لا لا
هشام : حتشوف يا حازم

غادر حازم النادي تاركا هشام يفكر بعد ما تراهنوا بكل ما اوتي من قوة كيف يوقع بمنة
في شبابه ، ظل اسبوع يجمع كل معلوماته عنها و كل ما يستطيع ان يعرف ، كان
يراقب كل تحركاتها داخل و خارج النادي

حتي قرر ان يبدأ في تنفيذ الخطة ، تحركت منة بسيارتها لتخرج خارج النادي لحظات
و مر هشام من أمام السيارة ليبيد انه لم يلاحظ مرورها لتجد منة نفسها قد ارتطمت
بشخص أمام السيارة فتزل صارخة و مهرولة تبكي أمام من تجمعوا حول حادث السيارة
ليصرخ هشام الملقب علي الارض باصطناع الالم : اه ----- اه يا
رجلي

نزلت منة الي جواره باكية و قالت : انا اسفة و الله مكنش قصدي حضرتك اللي كنت
معدي من غير ما تبص

صرخ هشام اكثر و هتف : يعني رجلي احتمال تكون اتكسرت و كمان انا اللي غلطان
بكت منة اكثر و ردت : طب انا ممكن اخذ حضرتك المستشفى دلوقتي يعملولك
الاسعافات و علي حسابي بليز لو سمحت تعالي معايا

شعر هشام بضربات قلبه المتلاحقة أمام فرط رقة لم يعتاد ان يشاهد مثلها ، فرد :
خلاص يا انسة انا ممكن اتعكز و اروح متشغليش بالك بيا المهم عربيتك كويسة

حاولت منة التماسك : طب صدقني مكنش قصدي

هشام و هو يشعر انه قاب قوسين او ادني من ان يضرب نفسه باقرب حذاء أمام عينه لا لشيء الا لانه ابكي تلك العينين اخفض صوته و نظر لها و ببالغ الرقة التي لا يعرفها في نفسه : طب انا حاركب معاكي بس ممكن متعيطيش ، اصل عياطك بيوجع الواحد اكثر من وجع رجله

استوقفت منة كلماته و لم تجد رد غير انها تشعر انه علق بصره بها فاشعرها بالخجل ساعده الناس ليركب الي جوارها حتي وصلت به إلي المشفي ثم قالت : تقدر تنزل و لا اكلم حد من الاستقبال

رد هشام و هو يصتنع الالم : هو ممكن اتسند عليك و انزل

ردت منة و هي تنظر شذرا : يبقي حنادي حد من الاستقبال

صباح اليوم التالي وجد هشام الذي تجبست قدمه بالامس من تطرق الباب ممسكة بيدها باقة ورد دخلت مبتسمة ثم وضعتها أمامه و قالت : صباح الخير يا استاذ هشام

اعتدل هشام في جلسته و علت الابتسامة وجهه و هو يرد : انسة منة ، صباح الفل

منة : انا اسفة مرة تانية علي اللي حصل مني امبارح

هشام : لا ارجوكي دي احسن حاجة حصلتلي في حياتي ، يا ريتك كنتي خبطيني من زمان

ردت منة بخجل : طب أنا لازم استأذن ، و كويس اني اطمنت عليك

استوقفها هشام : طب انا مش حاشوفك تاني

منة بخجل : معتقدش ، سلام

خرجت منة تاركة هشام الذي لم يكن يعرف كيف يقع فتاة في شبابه و محط سخرية

اصدقائه وسط خفقات قلبه ، صدقا احبها و لكن كيف يوجه اصدقائه و كيف يكسب

الرهان و كيف و كيف و كيف

مرت الايام علي هشام الذي لم يحاول يوما اصتناع الحب بل كانت هذه هي مشاعره ،
اما منة فمع مرور الايام تعلقت به قلبا و قالبا و لم تعد تريد من الحياة غيره ، تقريبا
كانت مكالمتهم يومية و مقابلتهم ايضا حتي اتي عليهم ذلك اليوم ، حين مشوا
متجاورين و ممسكين يايديهم في حالة هيام قطع هشام الصمت بسؤال : منة ،
تجوزني

منة بفرحة : أنت بتسأل

هشام : انا عارف إن مستويا مش زي مستوي عيلتك و ممكن ميوافقوش

منة : ملكش دعوة بحاجة سيب الموضوع عليا ، و انا حاخليهم يوافقوا

قبل يدها و قال بابتسامه : بحبك اوي يا منة

أغمض عينه لتتهمر دموعه و هو يقف بسيارته أمام العنوان الذي اخذه ، تقدم خطوات
و طرق الباب ليجد من تفتح له امرأة مسنة تبكي ، دخل هشام و سأل : حضرتك
الحاجة زينب

زينب باكية : أنت مين يا ابني

ظل ينظر للمكان و لشده فقره و هو يتسأل في نفسه بصدمة ، هل هنا كانت تسكن
منة ، ثم رد : انا جوز منة

لتبكي زينب وهي ترد : منة ، و هي فين منة ، دي مرجعتش البيت من امبارح و خايفة
يكون جارلها حاجة

هشام مطمئنا : لا منة كويسة ، هي بس تعبت شوية في المستشفى و بعدين حجزوها

ثم دار بعينه ثم سأل : امال زين فين

زينب : نايم جوه ، و كان بيعيط علي مامته ده حتي عنده جلسة علاج دلوقتي

تجمعت من جديد الدموع في عينه ثم عقب : ممكن ادخله ، انا ناوي اخده معايا

للجلسة بتاعته

زينب : اتفضل يا ابني

دخل هشام لتقع عينه علي طفل صغير نائم علي السرير ، اقترب ليجلس علي حافة

السرير ونظر بملئ عينه إليه تنهد و هو يمسح علي رأسه و يمسك يده الصغيرة بين

يديه لينظر الي ملامحه و يستشعر انه يشبهه ، فتعلو وجهه ابتسامة مملوءة بالدموع ،

فتح الطفل الصغير عينه متسألاً : مين حضرتك يا عمو

ليجد هشام نفسه يسحب زين الي حضنه و يحتضنه بقوة و هو يبكي : انا بابا يا حبيبي

انا باباك ، باباك يا زين

زين : انت كنت فين ، دي ماما كانت كل يوم بتعيط عشان انت سيبتنا

هشام : خلاص يا زين انا مش ناوي اسبيكم تاني مش ناوي يا حبيبي ، يلا بينا دلوقتي

عشان متأخرش علي المستشفى و بعدها حنطلع سوا اجييلك هدوم جديدة و لعب و

حاجات حلوة ماشي

زين بفرحة : بجد يا بابا ، انا اصلي نفسي من زمان بيقى عندى لعب ، و نفسي أكل

شيكولاتة

هشام و هو يحاول الابتسام : خلاص يا زين حبيبي عندك كل اللي انت عايزه يا حبيبي

فتحت عينها لتعلم أنها فقدت الطفل الذي كانت تتمناه فبكت قائلة : خلاص البيبي
نزل

نيفين : معلى يا ندى ربنا يعوضك ان شاء الله ، بس ربنا جبليك حقك من اللي اسمه
أشرف ده و ربنا انتقملي و انتقمك منه و غار في داهية

ندى : ايه اللي حصل

نيفين : قتل نيرة و انتحر

ندى و قد شعرت بالشفقة : يا الله ايه الخاتمة دي لا حول ولا قوة الا بالله ، اللهم
ارزقنا حسن الخاتمة

نيفين : و لا هشام يا ندى لو شوفتيه و لا طنط فريدة ، انا والله اللي شوفته من امبارح
للنهارده ده بعمرى كله

ندى باستغراب : مالها ماما فريدة ، ابدا بس في الاوضة اللي جانبك ، وقعت الصبح
من طولها وهي شايفة جثة نيرة وأشرف طالعين ، بس تعرفي امبارح هي اللي اول لما
شافتك تعبانة جيت بينا جري علي المستشفى اول مرة احس انها خايفة عليكى بجد

قاطعهم صوت طرق الباب فردت نيفين : ايوة ، ادخل

أطل حازم برأسه مبتسما و قال : الجميل عامل ايه دلوقتي

أعتدلت ندى مبتسمة و ردت : الحمد لله يا حازم

تقدم حازم ليدخل و جلس إلي جوارها ، استوقفهم طرق لباب الغرفة دون رؤية الطارق ،
أحكمت ندى حجابها و بعدها أطل عصام قائلا : حمدلله علي سلامتكم يا ندى

ندى : الله يسلمك يا عصام

نظرت نيفين لندی و حازم و شعرت أن عليها الخروج فقالت : انا حاروح اشوف ماما ،
بعد اذنكم

خرجت نيفين فنظر عصام اليهم و عقب : طب أنا كمان حاستأذن و الف سلامة
عليكي مرة ثانية

خرج و أغلق الباب خلفه مستوقفا نيفين بنداءه ، التفت نيفين فتقدم عصام خطوات
منها ثم سأل : عاملة ايه انهاردة

نيفين بخجل : الحمد لله

عصام : و جرحك ، يعني كويسة

نيفين : اه الحمد لله

بدي عليه التردد و هو يريد أن يتكلم في شئ و بعد تفكير للحظات سأل : نيفين ، هو
أنا لو طلبت منك أننا نقعد و نتكلم مع بعض ، في حاجات كثير محتاج -----
----- محتاج أتكلم معاكي فيها

أومت نيفين برأسها قائلة : موافقة ، بس ممكن أعرف ليه

عصام بتوتر : مفيش سبب محدد أو ----- ، أو يمكن أنا
يهمني أنك تعرفي كل حاجة ، يهمني متكونيش شايفني وحش ، أو -----
----- مش عارف

كادت تخفي ابتساماتها و قد شعرت بتردده فعقبت : أنا قصدي ليه يهملك إنني أعرف
كل ده

لولا استشعاره أنها كادت تبسم لما شعر ببعض الهدوء و هو يرد : أنت عارفة ليه يا
نيفين و أعتقد أنت بعد كل اللي فات بقيتي عارفة كويس أنت بالنسبالي ايه

لم ترد و قد شعرت بالخجل و قررت أن تستأذن لرؤية والدتها ، فالتفتت و قد زاد قلق
عصام و هو لا يعرف إلما ستأول الأمور بينهم

قاطعته ندى و قد بكت : يا الله و الله انا مش مصدقة كل اللي انت قولته ده بس في
ناس كده ، في ناس هي دي حياتها ، انت عارف يا حازم انا ساعات من جوايا ببقى
مش قادرة اصدق ان حياتك كانت كده ، بجد الحمد لله علي نعمة التوبة و كفي بها
نعمة

قرر ان يتمدد الي جوارها و قد لفها بذراعه محتضنا رأسها و قال : شوفي كنا فين و
بقينا فين ، ربنا يخليكي ليا يا ندى

ندى : بس موضوع الفيديو ده من الاول و أنا مش مرتحاله ، لكن معقول أشرف و لا
يفرق معاه شرف مراته و سمعتها

حازم : الصادم إن كل واحد فينا كان فاكر أنه ذكي و فتك و فاهم كل حاجة و الحقيقة
إن أشرف طول الوقت كان عارف ازاى يوصل للي عايزيه و هو بيلعب بينا

ندى : بلاش تلوموا أشرف لوحده ، لأن كل واحد فيكم من الاول اداله طرف الخيط يا
حازم ، حتي موضوع جواز عصام و نيرة ، يعني عرفي و في السر ، علي اي اساس ،
ربنا يغفرلها و يسامحها و فعلا ، أوعي يجي عليك يوم و تقول للوجي عنها حاجة و
الحمد لله أن موضوع لوجي اتحل

أمسك حازم بيدها و ابتسم قائلا : الحمد لله

ثم تابع : رغم كل اللي حصل ده ، بس فضل الله علينا كبير ، لوجي بنتي و عصام برئ

حتى موضوع المنصورة ربنا رزقني فيه بعم كمال و ورث بابا
ندى بمزاح : (علي نياتكم ترزقون) واضح إنك نويت خير
حازم بهزار : الظاهر حنان طلع وشها حلو

ضحكت ندى و ردت باصطناع الضيق : بقي كده ، أنت شكل أشرف وحشك
ضحك و رد : لا خلاص يا ستي توبنا الي الله ، و ربنا يخلينا ندى و أم ندى كمان
ندى : ايوة كده افكر لمصلحتك ، و اهو الطيب احسن

وقف يراقب ابنه و هو في جلسة علاجه ، يعتصر قلبه من الالم علي ذاك الطفل البرئ
، ابنه الذي رفض الاعتراف به ، اقترب منه من وضع يده علي كتفه و هو يسأل : زين
بياخذ الجلسة دلوقتي

هشام و هو يلتفت للصوت : ايوة

هيثم : ممكن نقعد و نتكلم مع بعض شوية

هشام : دلوقتي ، بخصوص

هيثم : بخصوص منة و زين طبعاً ، في كلام مهم عندي عايزك تعرفه و في كلام عندك
لازم تحكيه ، عايز اعرف الحقيقة و اعرف ايه اللي حصل بينك و بين منة
هشام : و أنت ايه علاقتك بالموضوع ده مش فاهم

هيثم بحزم : منة ----- منة تبقي بنت عمي يا هشام

ثم تابع : اللي قدامك ده يبقي هيثم ممدوح الدريني

34

كان جالسا تطل الابتسامة من وجهه يفكر ان يحدث والديه في امر زواجه قاطعه من شروده صوت اتي من خلفه هاتفيا فيه : ايه يا اتش ، وصلت لفين فضلك اسبوع و الرهان يخلص اوعي تكون ناوي تخسر ده كمان هشام بضيق : أشرف ، أنا ناوي اتجوز منة بجد ، فيا ريت محدش يفتح سيرة الرهان أشرف بانزعاج : انت بتتكلم جد و لا بتهزر هشام : باكلم جد ، يا أشرف منة دي مش زي البنات اللي احنا نعرفهم ، انا شايف انها بنت كويسة ، بصراحة مش ناوي اكمل في الرهان ده أشرف ساخرا : عليه العوض و منه العوض هشام خلاص حيلبس طرحة قريب ، يا خسارة الرجالة بقي البت السهتانة دي تعمل فيك كده هشام بضيق : يووووووو بقي يا أشرف انا مش ناقصك يا اخي كفاية بقي اللي انا فيه أشرف : انت عارف حازم يمكن يعملك زفة في النادي عشان الرهان اللي خسارته ده ،

ده انت لحد دلوقتي مش عارف تكسب من حازم رهان

هشام بغيظ : مش مشكلة

أشرف باستغراب : ده لو كده بقي تبقي الانسة منة دي مش سهلة خالص اللي عرفت

توقعك علي بوزك كده ، طب انت حاولت تاخذها شقة المعادي ولا لا

هشام بضيق : و لا شقتي و لا شقة المعادي

أشرف : ماشي طب مش جايز البت دي بلعب بيك ، يا هشام انا مصدق انها ممكن

تكون كويسة ممكن ، بس لا لبساها ولا طريقة تعاملتها في النادي تقول كويسة

هشام : ما هي بتلبس زي نيرة و يكمن كمان يكون لبساها احسن من نيرة وبعدين انا

اتعملت معاها و حاولت معاها في حاجات وهي مرضتيش

أشرف : مش جايز لو اتكيت شوية توافق و مش جايز لو العلاقة بينكم غوطيت شوية

تكتشف انك مش اول واحد ، انت صعبان عليا اوي يا هشام واضح انها لاقيتك ساذج

وعرفت تستعبطك

لتقع كلمات أشرف في عقل هشام فيكمل أشرف : يا سلام بقي و بعد كل ده تخسر

الرهان و شكلك وسط الشلة و يا ريت الموضوع يستاهل

قاطعهم من كلامهم مكالمة أتت لهشام وقف علي إثرها منزعجا ثم هوي بعدها جالسا

غير مصدق فسأله أشرف : في ايه يا هشام

هشام بحزن : بابا و ماما اتوفوا في حادثة

زفر و قد شعر ببالغ الضيق من فكرة التذكر ، و عندها حشه هيثم قائلا : كمل يا هشام

انا سمعك

هشام بضيق : اليوم ده انا محستش ان بابا و ماما اتوفوا و لا حتي حسيت بزعل عليهم

، انا و نيرة اتعودنا نعيش من غيرهم ، اتعودنا اننا مش شايفنهم قدمنا بس بعد كام يوم
عدي عليا أشرف و قالي ان موضوع وفاة بابا و ماما ده انا ممكن استغله و يبقى سكة
تجيب رجل منة و ساعتها حتأكد بنفسني أنها مستعبطاني و إنني مفيش بنت تستاهل و
فعلا ، من غير أي تفكير لقيني باقفل تليفوني يومين و أنا عارف إن بكده منة حتقلق و
بمجرد ما فتحته تالت يوم منة كلمتني ، وصلتها إنني منها مش بأكل و يمكن انتحر ،
إن نيرة قاعدة معايا من خوفها عليا ، و منة مكديتس خبر و قررت تيجي تعزي نيرة و
تظمن عليا و بعدها -----

أغمض عينه و قد شعر بالاشمئزاز من نفسه و أكمل : بعدها نفذت كل حاجة و بدون
أي تفكير

هشام بعصبية : ليه يا هشام عملتلك ايه منة عشان توديها شقة المعادي علي انها شقتك
و تصورها ، كل ده عشان الرهان

هشام و هو بيكي : انا مفكرتش ساعتها انا لقيت منة قدامي و -----

ظلت منة تبكي بمرارة حينما استفاقت لتجد أنها خدرت من العصير الذي شربته و
باتت في سرير هشام ، الي جوارها لم يكن افضل حالا منها لينظر اليها حزينا و قد شعر
بالخزي من نفسه فقال : انا اسف يا منة ، انا اوعدك اني اصلح كل ده بس بلاش
دموعك دي

منة باكية : ليه كده يا هشام ، ليه ده انا وثقت فيك و حبيتك ليه تعمل فيا كده ليه

هشام : صدقني انا حاصلح الموضوع انا حاجي اطلبك من اهلك

منة : اطلع برة الاوضة يا هشام

هشام بحزن : يا منة -----

منة : ارجوك

خرج خارج الغرفة تاركاً ذبيحته خلفه قاطعه صوت الهاتف : ايه يا اتش حصل و لا لا

هشام بحزن : انا مش عايز أشوف وشكم تاني ، أنت فاهم و لا لا

أشرف : بلاش هباله ، لا اول بنت و لا حتكون الاخيرة ، الشلة كلها حتستناك يا اتش ، انهارده حازم بجلالة قدره حيدك الرهان قدام الشلة و شوف بقي منة معاك الصبح و رهان من الحوت بالليل ، ماشية معاك حلاوة

أغلق هشام الهاتف و التفت علي وقع صوت من خرجت ، باتت مكلومة و حزينة و لا تنطق ، اقترب منها و هو يريد ان يخفف عنها قائلاً : منة -- صدقني حاجي لاهلك ، منة

فتحت الباب و خرجت دون كلمة ، فجلس خلف باب مملوء بالحزن و الهم

مساءً توجه ليجد حازم وعصام و أشرف و معتز و البقية بانتظار البطل المغوار الذي استطاع الفوز بالرهان و الايقاع بفتاة بريئة ، بدأ حازم بالوقوف مازحاً أمام الخمس زجاجات و هو يقول : اخواني الاعزاء انهارده لازم اعترف انا حازم رفعت الصاوي اني خسرت اول رهان قدام هشام انهارده و لاول مرة هشام الزيني يكسب رهان ومن مين من حازم ، انهارده منة الدريني دخلت الموسووووووووووووووووووووووووووووووووة

لتتعالى الصيحات و الصفير و يبدأون في وضع الاكواب و يبدأ حازم في رج اول زجاجة و فتحها لينسكب جزء مما فيها و عندها دفع هشام بكل الزجاجات أرضاً من فوق المنضدة فانكسرت كلها ، صدم حازم مما فعل فاتجه نحوه و أمسك بملابسه هاتفا فيه بغيظ : أنت أتتهبت يلا ، أنت عارف الازايز دي بكام

بصق علي وجه حازم ثم نظر له باحتقار هاتفا : منة الدريني خط أحمر و لا موسوعة و
لا زفت فاهم و لا يا ابن رفعت الصاوي

شعر حازم بالمهانة فابتعد عنه و وضع الزجاجاة التي كانت بيدها و علي حين غفلة من
هشام التفت و لكمه ، سقط عندها أرضا فجذبه من ملابسه هاتفا فيه : مش ابن رفعت
الصاوي اللي يتعمل فيه كده

ثم كرر ضربه فقرر هشام أن يدفع عنه فضربه و عندها أمسك عصام بحازم و أشرف
بهشام ثم هتف فيهم عصام : ايه أنتم حتخرفوا و لا ايه
لم يرد حازم و بات يرمق هشام بنظرات غيظ و بادله هشام نفس النظرات و قد بات
وضاحاكم الكره الذي كان بين الاثنين

هشام : و من اليوم ده و أنا نفسي انتقم من حازم بأي شكل ، لاني كنت دايمًا شايف
إن هو السبب

هيشم : و ليه مجيتش تتقدم لمنة زي ما قلت

هشام : تاني يوم اتصلت بمنة و قابلتي عند بيتها كنت كتبت ورقة جواز عرفي و مضيت
عليها و خليت اتنين صحابي مضوا عليها و منة كمان مضيت عليها ، قولتلها تصبر عليا
شوية ، و منة مرضيتش تقابلي من بعدها و أنا كنت مقرر إن الورقة دي تكون معها
عشان لو حصل أي ظروف و بعد اليوم قررت أتقدم لمنة رسمي الاسبوع اللي بعده و
فعلا كنت رايح لكن أشرف جالي البيت

أشرف و قد مد يده بهاتفه قائلا : بص شوف منة الدريني بتعمل ايه يا جدع

أمسك هشام الهاتف و نظر له و قد شعر القهر و هتف : أنت كذاب

أشرف : و أنت مغفل ، البت قدامك اهه و اخر انبساط ، أنت اللي عايز تعيش أعمي
دي مشكلتك بقي ، علي كل حال الفيديو قدامك يا اتش و بمزاجها ، لو لسه مصمم
ع اللي في دماغك أنت حر

هيشم : و طبعاً صدقته

هشام : و مش بس صدقته ، أنا قبلت منة بعدها و أخذت منه ورق الجواز العرفي و
قطعته و عرفت أنها حامل فطردتها و تاني يوم عرفت أنها انتحرت و اليوم ده تحديدا
كان يوم فاصل في حياتنا كلنا ، احنا الاربعة اتقبلنا في شقة المعادي انا وعصام وحازم
وأشرف

هشام بعصية : أنتم بتقولوا ايه يعني ايه منة ماتت انا مش فاهم ، منة كانت لسة كانت
هنا امبارح و بعدين اهلها بيدوروا علي اللي عمل فيها كده و اهلها عرفوا منين

أشرف : بص هو الموضوع مش كده بس انا عرفت ان عمها جه النادي و قعد يسأل
علي اصحاب منة ، بس هو معرفش عنك حاجة لانك كده كده كنت بتقابل منة برة

هشام و قد بدأ يدمع و هوي الي اقرب مقعد : يعني منة فعلا ماتت

عصام بضيق : ايوة و العزا كان انها رده ، اخرت الهزار واحدة ماتت بسببنا

أشرف : بس متقولش بسببنا ، محدش كان ضربها علي ايديها مش هي اللي جت
برجلها

حازم بضيق : لا بسببنا ، عمري ما تخيلت ان الهزار ممكن يعمل كده

هشام لحازم : انت السبب ، أنتِ اللي قلت نترهن عليها

حازم لهشام بعصبية : أنتِ حتستعبط مش انت اللي وافقت ، و بعدين احنا محدش فينا لمسها انت اللي جبتها هنا الشقة و الفيديوهات اللي تخص منة انت اللي مصوراها و محتفظ بيها معاك

تقدم هشام في محاولة لضرب حازم فجذبه من ملابسه هاتفا : و مين اللي راهن و مين اللي جاب ازايز الويسكي

حازم و هو يدفعه عنه : ومين اللي راقبها ومين اللي رمي نفسه قدام عربيتها ليقف عصام في المنتصف صارخا : كفاية بقي كفاية احنا لازم نشوف حنعمل ايه مش نتخانق

أشرف : انا من رأيي منعملش حاجة بالعكس احنا نكمل حياتنا عادي و لا كأنا نعرف منة اصلا و بس

ثم نظر لهشام و أكمل : و أنت اختفي هنا خالص و كلها كام يوم و الموضوع ينام

تنهد بمرارة ثم أكمل : و من اليوم ده للانهاردة كل حاجة اتغيرت ، حازم قرر يبطل موضوع المراهانات و الشرب و طلق نيرة و ساب لوجي و راح فرنسا ، كان مقرر يتجوز جوليا و يعيش هناك ، عصام قطع علاقته بالكل ما عدا حازم و بطل يجي النادي ، نيرة بمجرد ما اتقدملها أشرف وافقت مع انها مكينتش بطيقه و أنا -----

تابع ساخرا و قد تفرقت الدموع من عينه : أنا بقيت هشام الحوت ، كنت بانتقم من كل حاجة حوليا و اولها نفسي ، شرب و سهر و شقة المعادي و عملت كل حاجة غلط ، لدرجة في مرة حاولت انتحر بس كنت أجبن من إنني اعمل ده

هيشم : طب كفاية كده و أعتقد إن في حاجات كتير عاملها أشرف و هي اللي وصلت الامور لكده

هشام : يعني ايه

هيشم : يعني أشرف عامل في أختك اللي أنت و حازم كنتو بتعملوا في بنات الناس و عشان كده وافقت تتجوزه رغم إنه كان ----- كان عاجز

هشام : يعني ايه ، يعني أشرف فاهمني ان اللي في بطن منة ممكن يكون ابنه و هو اصلا-----

هيشم : خالينا نقوم نشوف زين و يا عالم ايه تاني مستخبي و مصير الايام حتكشفه

أمام غرفة منة الدريني وقف الاثنين يتأملان كونها علي قيد الحياة

حازم : يااااااه انا مش مصدق إن منة لسه عايشة

عصام : فاكر يوم ما عرفنا انها ماتت

حازم بضيق : فاكر

نزلوا السلالم من شقة المعادي كان عصام يهرول حتي وصل الي الشارع لحق به حازم

هاتفًا : انت بتجري ليه يا اخي كده

عصام بضيق : عاجبك اللي حصل ده

حازم : انت شايفني مبسوط اوي

عصام بعتاب بالغ : احنا ايه اللي جراننا ده يا حازم من يوم ما اتلمنا علي أشرف و

هشام و احنا في النازل انا خلاص قرفت يا اخي ، قرفت بجد خمرة و بنات و زفت أنا
كرهت نفسي و كرهت كل ده

حازم بعصية : انت يعني كان حد ضربك علي ايدك ما هو المزاج عايز كده و ادينا
بنمشي ورا المزاج

عصام بضيق : واخرت المزاج يا حازم و اخرتها ، اللي بنعملوا في الناس ده لو جه يوم
و اتعمل فينا اللي بنعمله ده ، لو جه يوم و حد راهن علي لوجي-----

استوقفه حازم بعصية و قد شعر بالخوف : لوجي ، لوجي بنتي

عصام : انا خلاص ناوي اسيب النادي و مش ناوي ابقى وسطكم و كفاية لحد كده

توجه عصام الي سيارته تاركا حازم ، لحظات و قاد حازم سيارته عاد الي المنزل سعد
الي غرفة ابنته الصغيرة ابنة الثلاث سنوات ، جلس الي جوار سريرها الصغير ناظرا اليها
و قد زاد خوفه و هو يتذكر كلمات عصام و عندها قال و هو يمسح علي شعرها :
عارفة يا لوجي ، انا مش وحش اوي زي ما ناس كتير فاكرة ، انا ساعات ضميري بيأبني
علي اللي باعمله و ساعات ببقى عايز اتغير و ابقى اب كويس بس مش عارف ، بلاش
تزعلي مني ، انا ناوي من انهارده عشان خاطرك ابطل موضوع الرهانات ده و يمكن
كمان ابطل شرب و لو في حاجة غلط تاني ينفع ابطلها ححاول ، عارفة يا لوجي يا
ريت ربنا يحطك في طريق تاني خالص غير اللي انا فيه انا و ماما انا عارف انه صعب ،
بس ساعات بيبقي نفسي متبقيش زيي انا و مامتك ، يا رب يا لوجي تبقي احسن منا
مع اني مش عارف ازاي

قاطعهم من شرودهم صوت أحدهم خارج من غرفة منة ، كانت أميمة فنظرت للاثنين
في غير توقع منها لوجوهم قائلا : مستر حازم ، مستر عصام ، أنتم واقفين هنا ليه

عصام : كنا عايزين نطمئن علي منة فاقت و لا لسه

أميمة : فاقت و الحمد لله ، و مدام ندى كويسة

حازم : الحمد لله

أميمة : الحمد لله

شعرا بالضيق من وجودهم فهما بالرحيل بعدما قالوا : طب الف سلامة عليها و ربنا

يطمنكم عليها

استوقفتهم قائلة : ثانية واحدة ، انا كنت عايزة اعتذر علي اللي عملته معاكم بس-----

حازم : بس ايه ، علي العموم أنتِ كنتِ بدوري علي الحقيقة و حق صاحبك و أكيد

ده يخليني أقولك حصل خير

عصام : أنا عندي سؤال مهم ، أنتِ اللي -----

استوقفته أميمة و ردت : ايوة ، أنا اللي بعث الرسالة لحضرتك ، خفت لو كلمتك

متصدقينش و الحمد لله أنها عدت علي خير

ثم التفت لتعود لغرفة منة قائلة : بعد اذنكم

أجلست لوجي إلي جوارها و قالت : بابي قالي أنك كنتي بتعيطي ، طب مش احنا اتفقنا

أنا حنكون مبسوطين و نقول علي طول الحمد لله

ردت لوجي بضيق : بس دي مسابقة وحشة اوي ، أنا بقيت عايزها تخلص و نرجع بيتنا

مسحت ندى رأسها و ردت : طب لو قولتلك أننا حنروح بيت جميل و جديد غير

الفيلا حتبقي زعلانة

لوجي بعد تفكير : و حنكون كلنا مع بعض

ندى مبتسمة : ايوة

لوجي مبتسمة : خلاص ، ماشي

صمتت لدقيقة ثم قالت بعد تفكير : شوفتي خالو هشام

لوجي : ايوة و سألت بابي عشان كان شكله زعلان اوي و قالي إنه تعبان

ندى بتردد : بصي يا لوجي أنا في حاجة عايزة اقولك عليها

بدت لوجي مستمعة و عندها ندى أكملت : عارفة مامي نيرة

شعرت بالقلق لكن لوجي لم تحرك ساكنا ظلت منتظرة ما ستقوله و عندها أكملت :

لوجي ، ماما نيرة سافرت هي و عمو أشرف ، سافروا بلد بعيد شوية و -----

لم تتغير ملامح لوجي و لم تتأثر و عندها سألت ندى : أنتِ مش زعلانة

لوجي باستغراب : من ايه

ندى : أنها سافرت من غير ما تقولنا

لوجي غير مبالية : ما هي علي طول بتسافر هي و أونكل أشرف و لما ترجع حتيجي

تزوونا مش كده

ندى و قد شعرت بالاستغراب : أكيد طبعا ، أنتِ عارفة أنها بتحبك اوي مش كده

لم تظهر لوجي أي رد فعل و لم تتأثر و لكنها أجابت : ايوة بابي قالي أنها بتحبني

بدي لندى أن الامر لم يكن يعينها و عندها قررت ألا تتحدث في الامر و سألت

مبتسمة : طب أنتِ عارفة أنا بحبك قد ايه

ضحكت لوجي و ردت بعفوية : أنا بحبك قد البحر و السما

ضحكت ندى و احتضنتها و ردت : و أنا بحبك قد البحر و السما و النهر و كل

النجوم اللي في السما

سكنت لوجي بين يديها و قد بدت سعيدة ، لكن سعادتها فرضت علي ندى الشعور

بالاسي ، لم تفكر نيرة يوما بمعني تركها دون أي ذنب لها ، لم تفكر بمعني أن تجحد

و تجحف حق ابنتها عليها فتكون النتيجة أن ابنتها لا تجد فارق بين وجودها و مفارقتها

للحياة ، فلقد عاشت دوما في عينها ميتة

فتحت عينها بعد ما فاقت من الحقنة المهدئة التي كانت قد اخذتها ، نظرت الي

الغرفة فوجدت ان أحلام جلست الي جوارها علي المقعد المقابل لسريها و قد غفت

حاولت فريدة القيام من مكانها فشعرت أحلام بها فقامت علي صوتها و قد سألت

فريدة : هي الساعة كام دلوقتي

أحلام : تجيلها 4 و نص

فريدة : انا نمت كل ده

أحلام : معلش المهم بقيتي كويسة

ثم قامت من مكانها و هي تكمل : حاطع اقولهم انك فوقتي

استوقفتها فريدة قائلة : استني يا أحلام ، انا عايزكي في كلمتين الاول قبل ما تناديهم

عادت أحلام و جلست إلي جوارها سائلة : خير

فريدة : لو طلبت منك انك تسامحيني ترضي تسامحيني

أحلام : المسامح ربنا

ثم صمتت قليلا و بعدها تابعت : أنا مكونتش عايزة حاجة منكم و عمري ما دورت و أنت عارفة كده ، كان نفسي تسيبوني في حال بدل اللي عملتوه معايا في المنصورة زمان عشان حسيتوا إنني لوحدي ، أنما بقي بعد اللي عملوا حازم و قاله ، انا معندش كلام اقدر اقوله غير اني حسامحك ، عشان ربنا و لان الفلوس عمرها ما فرقت معايا و الاهم عندي عشان خاطر حازم طلب مني كده و بعد اللي شوفته منه عشان يرد الوصية و اللي عمله مع ندى مفيش قدامي غير اني اسامح ، اسامحك و اسامح رفعت و ربنا يغفرله ويسامحه

تهدت فريدة بأسي : بالبساطة دي يا أحلام بعد كل اللي عملته فيكي

أحلام : ما انا قتلتك يا فريدة الدنيا اصلا مش مستهله و أنت شوفتي مرات ابنك الاولانية اهي 28 و راحت في لحظة

لتتجمع الدموع في عينها و هي ترد : يا ريتني كنت سمعت كلام رفعت من زمان و ردينا الفلوس بدل ما حازم اتبهدل كده بسبينا ، بس أوعدك إنني حاسيب الفيلا و كل حاجة ليكي فيها حق حترجعلك ، انا خلاص مبقتش عايزة غير اني افضل جنب ابني و بس يا عالم بقي قد ايه من عمري

صدمت أحلام مما قالته و قبل أن ترد ، قاطعهم صوت طرق الباب ليدخل حازم و حينها استأذنت أحلام و خرجت

جلس حازم إلي جوارها أمسك بيدها و قال : ايه يا فري ، ينفع الخضة دي و كل شوية اجي ابص عليك اياكي نايمة

شعرت بالفرحة و عندها رفع يدها ليقبلها بشفتيه و أكمل : الف سلامة عليك يا ست

الحياب

ربطت علي كتفه ثم سألت : ندى عاملة ايه دلوقتي

حازم : الحمد لله ، احنا كلنا حنمشي الصبح إن شاء الله

فريدة : ربنا يعوض عليك يا حبيبي و يرزقك الذرية الصالحة

حازم : امين يا رب

فريدة : قريت وصية ابوك

حازم بأسى : ايوة قريتها

فريدة : نفذها يا حازم كفاية اللي عدي ، نفذها و رد لاصحاب الحق حقهم ، محدش

عارف بكرة في ايه ، نفذها و سامحني

حازم : بجد يا ماما ، يعني حنرد الفلوس

فريدة : ايوة يا ابني ، كل حاجة كل حاجة

جلسا في حديقة المشفى ، كانت الطلب الاخير من عمها و الذي جلس يراقبهما عن

بعد ، انتهى عصام من كل كلامه و ظل يتابع وجهها لعله يكتشف وحده ردة الفعل ،

تهدت بمראה لا تدري سرها و بعدها قالت بأسى : جواز -----

--- أنتِ سميت اللي حكيت ده جواز ازاي ، من غير ما حد يعرف من غير شهود من

غير علم أهلها من غير إشهار ، فين الجواز ده يا عصام عشان تقول أنها كانت مراتك

عصام : يا نيفين احنا كانت دي حياتنا و اللي قدامك ده مش بيضحك عليكى دلوقتي

بالعكس ، هو يقولك إن حياته كانت غلط في غلط و تاب ، و القرار في الاول و
الاخر قرارك

صمتت و لم تدري بما تجيب ، نظر عصام لعمها ثم أكمل : القرار صعب اوي كده

نيفين بتردد : لو اقولتلك إنني محتاجة وقت استخير و افكر

أوم رأسه في ضيق ثم رد : كام سنة يعني

نيفين باستغراب : لا مش لدرجة كام سنة

عصام : كام شهر ، هه قد ايه

نيفين بخجل : أسبوع

ضحك رغما عنه و رد و قد قام من مكانه : طب الحق عمك بقي عشان اطلب ايدك

منه انهاردة ، أنا معندش ستات تقول رأيها

نيفين و قد اصتنعت الحدة : بقي كده ، طب خلاص مش حاوافق

عصام بتحدي : فات الاوان حضرتك

منة وهي تبكي : و أنت يا هيثم صدقت الكلام ده

هيثم : انا حكيملك اللي هشام قاله

منة : و هو فين دلوقتي

هيثم : أخذ زين بعد الجالسة ، و قال حيشتريله هدوم و لعب

منة بعصبية : و أنت ازاي تسببهوله افرض عمل فيه حاجة

أميمة : اهدي يا منة ده مهما كان ابنه و مش ممكن يأذيه

هيشم : انا بقي عايز اعرف منك أنتِ رحتي شقة المعادي و قابلي اللي اسمه أشرف ده
ليه

منة وهي تبكي بشدة : هشام بعلي رسالة و قالي اقبله هناك و انا روحت علي اساس
هشام مش أشرف ، قالي المفتاح تحت المشاية اللي قدام الباب فتحت و دخلت
استناه ، لقيت أشرف هو اللي جاي و الباقي انا مش مضطرة احكيه و قبل ما يمشي
قالي ان هشام هو اللي بعته و إنه واخذ فلوس منه عشان المقابلة دي ، يعني الباشا
كان عايز يتاجر بيا ، و قالي إنني مش أكثر من رهان بينهم ، و وراني فيديو لحازم و
هو بيقول هشام دخل منة الدريني الموسوعة والرهان كان علي 5 ازايز ويسكي

أميمة : يا رب اللي اسمه أشرف ده يولع في جهنم ، بجد مش لاقيه وصف للي كان
بيعمله غير انه اخذ الموتة اللي كان يستحقها

منة باكية : اوعوا تصدقوا اللي هشام بيعمله ، هشام زي أشرف كلهم زي بعض
قاطعهم صوت طرق الباب ، دخل هشام حاملا زين علي يده ، اما زين فكان في قمة
فرحه و هو يهتف : ماما

فتحت منة ذراعيها لابنها قائلة : تعالي يا حبيبي عملت ايه

زين و هو ينظر لهشام بفرحة : ماما بابا جه و جابلي لعب كثير اوي و هدوم حلوة

ثم بدأ باخراج بعض الاشياء من اكياسها و هو يهتف : شوفتي يا ماما

منة لزين وهي تمسح علي شعره : و أنت اتبسط يا زين

زين فرحا : اوي اوي

ما بين الخجل و الاسي كانت الملامح التي أطل بها ، نظر لها و قال عندها : حمدلله
علي سلامتك يا منة

ردت منة باقتضاب : الله يسلمك ، و شكرا علي الحاجات اللي جبتها لزين

هشام : ده ابني يا منة ، انا مستعد اعمل ايه حاجة عشان اعوضكم

منة وهي لا تزال علي اقتضابها : شكرا

شعرت أميمة بالضيق و عندها استأذنت و خرجت ، زفرت بمجرد خروجها و قد ملأها
الاسي ووقفت للحظات حتي استوقفها صوت من هتف باسمها فالتفتت و قد نظرت له

ببالغ الضيق و ردت : نعم

نظر لها هيثم باستغراب و سأل : مالك شكلك متضايق حتي نظراتك ليا من الصبح

مش عجباني ، في حاجة حصلت

أميمة بضيق : لا

هيثم : طب مالك

أميمة بضجر : أنت مصدق نفسك ، مصدق أنك اتصرفت بطريقة احسن من اللي

اتصرف بيها هشام ، مصدق أنك باللي عملته مع نيرة كنت احسن منه ، أنت عارف

اني مكونتيش راضية عن موضوع نيرة و بعد موتها حسيت إنني زعلانة عشانها ، مهما

كان كانت الشجاعة تفرض انك انت و عمي ممدوح تاخذوا حق منة من هشام و

أشرف

بدأت تبكي و هي لا تدري السبب و بعدها أكملت : علي كل حال أنا ناوية امشي و

الحمد لله إنني اطمنت علي منة و بلغ عمي إنني مستقبيلة من الشركة

قالتها و التفتت فاستوقفها هاتفا : استني ، استني يا أميمة

اعترض طريقها فوقفت و عندها أكمل : أنت معاكي حق أنا فعلا غلطت ، غلطت لما

اتصرفت بالطريقة دي و غلطت لما بدل ما اوجه هشام فكرت اوجعه في اخته أو

تقدري تقولي اننا فكرنا في الاتنين ، نيرة صعبنا عليا علي أنا كمان و الله و أنتِ كان
معاكي حق في كل كلامك أنها ملهاس ذنب ، بس
تههد و أكمل : بس هي مش ضحية و بس يا أميمة ، نيرة رضيت علي نفسها حاجات
كثير ، نيرة سامحتلي أدخل حياتها قبل أنا حتي ما أسمح لنفسي
ثم نظر لها و أكمل : أنا مش عايز أشوف النظرة دي في عينك ليا ، أنتِ متعرفيش
موت نيرة عمل فيا ايه ، قلم موتها أنا اخدته زي اللي حولها ما اخدوه ، من يومها و أنا
عشمتي إن ربنا يغفرلي و يسامحني ، و أنتِ كمان
نظرت له باستغراب و ردت : أنا كمان ايه
ابتسم و رد : عايزك تسامحني برضو و متكونيش زعلانة مني
أميمة و قد زاد استغرابها : مش فاهمة يعني ليه
زادت ابتسامته و رد : بعدين حتعرفي

كانت ندى و لوجي يجلسان بالغرفة و معها أحلام و شريفة و محاسن ، طرقت باب
الغرفة لتدخل فريدة برفقة حازم مصافحة الجميع و قد اطمئنوا عليها ثم جلست بجوار
ندى و سألت : عاملة ايه دلوقتي يا ندى
ندى مبتسمة : كويسة الحمد لله ، أنتِ اللي عاملة ايه يا ماما الف سلامة عليك
فريدة : انا كويسة يا بنتي ، وحابقي كويسة اكرت لما اشوفكم كويسين
طرق نبيل باب الغرفة ليدخل للاطمئنان علي ندى : حمدلله علي السلامة يا ندى

ندى : الله يسلمك يا عمي

حازم : ازيك يا عمي

نبيل : ازيك يا ابني

قاطعهم طرق عصام لباب الغرفة و هو يسأل هاتفا : ممكن أدخل

نبيل مبتسما : طبعا ، اتفضل

دخل و قد دخلت نيفين خلفه و اتجهت لتجلس إلي جوار شريفة و عندها تقدم عصام

من نبيل قائلا : بما اننا مجتمعين الاجتماع الحلو ده ممكن ارجع اعيد طلبي تاني يا

عمي

أعدل من هيئته فنظر له حازم و ضحك و عندها حاول التنفس بهدوء ثم قال : عمو

نبيل ممكن اطلب ايد نيفين منك انهارده

نظر نبيل لنيفين ثم رد : في المستشفى

ندى : انا مسامحة يا عمي بس عشان خاطرنا وافق

نبيل : لو نيفين موافقة انا موافق

نيفين بخجل : اللي تشوفه يا عمي

عصام معقبا : بلاش اللي تشوفه دي ليكون عمو لسة واخذ مني موقف

ضحك نبيل و رد : طب و لو قولتك مبروك

قفز عصام ليحتضنه هاتفا : يا حبيبي يا عمو ، هو ده الكلام

تعالى ضحكاتهم علي ما فعله و عندها فجأتهم محاسن بزغوة : لoooooوووووووولي

فعقب حازم و قد زادت ضحكاته : يا دي الفضايح يا ولاد زغاريذ في المستشفى ،

عاجبك كده يا عم عصام

عصام مبتسما : ايوة عجيني و عجيني اوي
سألت لوجي حازم : بابي هي كده المسابقة خلاص خلصت
ابتسم حازم و رد : ايوة يا لوجي خلصت و كلنا كسبنا
قاطعهم صوت طرق الباب فنادي حازم : ادخل
طل هشام برأسه و هو يقول : مساء الخير
ساد الصمت للحظة و بعدها رد الجميع باستغراب : مساء النور
هشام لندی : الف سلامة عليك يا مدام ندى
ردت و قد شعرت بالتوتر من رؤيته : الله يسلمك و البقاء لله يا استاذ هشام
فريدة : البقية في حياتك
هشام وهو ينظر للجميع : حياتكم البقية ، عموما انا كنت جاي اطمن علي مدام ندى ،
و طنط فريدة و كويس أنكم بخير عن اذنكم
التفت هشام خارجا من الغرفة فاتجه حازم ليخرج خلفه فسألته ندى : انت رايح فين
حازم و هو يخرج من الغرفة : راجع دلوقتي
أغلق باب غرفة زوجته و خرج خلف هشام و قد استوقفه بصوته : هشام
التفت هشام لينظر الي حازم مشي حازم خطوات ليقف وجها الي وجه أمام هشام
نظروا الاثنين الي بعضهم البعض طال النظر و ساد الصمت حتي قاطعه هشام قائلا :
عدي كتير اوي صح
حازم : صح
هشام : فاكر احنا عرفنا بعض من كام سنة يا حازم
حازم : تقريبا 10 سنين

ثم أكمل متهددا : تفتكر لو كل واحد فينا يوم الخروجة دي يوم الصورة اللي اتصورنها
أنا و أنت و أشرف و عصام مع بعض كان سأل نفسه يا تري حنكون فين بعد 10 سنين
، تفتكر كنا ساعتها حنعمل كل اللي عملناه ده و لا لا

تنهد هشام و رد : محدش بيتعلم من فراغ ، علي كل حال رغم إنني صعب اطلب منك
أنك تنسي 10 سنين من عمرك ، إلا إن حاقولك تعالي نعددهم و نبدأ اللي جاي ، أكيد
صعب نكون أصحاب لكن علي الاقل مش أعداء

قالها و هو يمد يده لحازم فصافحه و هو يرد : بداية كويسة ، مش أصحاب بس مش
أعداء ، حاول تسامحني ع اللي فات

هشام : و أنت كمان حاول تسامحني ع اللي فات ، و خالي لوجي تزورني و تعرف إن
زين ابن خالها ، ممكن

حازم : ممكن ، أوعدك

هشام : شكرا

نفضوا أيديهم و التفتوا كل واحد منهم يمضي باتجاهه غرفة زوجته ، فتحوا أبوابها ، التفتوا
لبعضهم ثم اغلقوها

و كأن كل واحد منهم ههنا قد عرف ما ينبغي له أن يفعله ، حين اتخذوا قرار الدخول
للمستقبل و غلق الباب في وجه ماضهم العفن

الأخيرة

فتح عيناه ، زفر ثم استيقظ ، أسبوع مضى لن يرجو فيه جديد حتي عندما علم أن اليوم هو يوم خروج منة من المشفي ، ببعض الامل حدث نفسه و قد توضأ و شرع في تعلم الصلاة أن يحاول علي الاقل في شيئان منزله و عمله ، صلي ثم بدل ملابسه و في

طريقه نادي بواب عمارته طالبا منه أن يحضر أحدهم لتنظيف و ترتيب شقته ، ثم اتجه لسيارته ذاهبا للمشفي و ما إن وصل حتي سمع هتاف أحدهم من أمام حجرة منة قائلا : ازاى تنزل درجة اولي و مين بقى اللي حيدفع تمن الاوضة ، تكونش فاكربنا حنفتحها جمعية تعاونية

ثم التفت الي الممرضة التي كانت تجاوره : قوليلهم ينزلوها اي داهية و اقليللي الاوضة عند هذه الجملة اتجه هشام نحوه ليسأل : مين حضرتك - انا مدير المستشفى

مد هشام يده مصافحا و قال بسخرية : و أنا جوز منة ، و سعيد اوي اللي شوفتك من شدة ضيقه بسبب كل ما فعله بمنة قرر ضربه ، اجتمع امن المشفي و أمام معرفة أن هناك نقود ستدفع تناسي مدير المشفي الضرب بل بادلله الاحترام و رحل ، كانت منة تسمع صوت مديرها و هو يضرب ، و صوت هشام و هو يهتف : فلوسك ع الجذمة حتاخدها بس تمس منة بكلمة واحدة حاوريك فاهم عندها دخلت أحدي زميلات منة لتسرد عليها ما يحدث بسعادة : ايه ده يا منة اللي جوزك عملوا ده ، ده جاب حق جيل بحاله

لكنها لم تسعد ، و أثرت أن تصمّت ، ما قيمة أن تحتال الاولوية إلي الهوامش ثم تعود و قد فات الاوان ، ما قيمة أن يداوي جراح قلبك من أولاه الطعنات ، ثمّة أشياء حين تأتي بعد طول انتظار ، تأتي ليكون لا محل لها من الاعراب

طرق الباب و دخل و عندها خرجت الممرضة ، وقف بمكانه للحظة أنها المرة الاولي منذ الحادث يكونان وحدهما ----- هو و هي ، ساد الصمت بينما ظل بصره معلقا بها سحب احد المقاعد ليجلس وجها لوجه أمامها ، استوقفته

عينها و ما حملته من نظرات قاسية فنظرتها و باقتضاب بالغ قالت في حدة : اوعي
تفتكر اني مصدقة حاجة من اللي انت بتعملها او بتقولها ، و اوعي تفتكر اني
حسامحك علي اللي عملته فيا انا و زين ، لو ناوي تصلح غلطك و تسجل زين باسمك
و تثبت اني كنت مراتك يبقي كويس اعمل كده و بعدها مش عايزة اشوف وشك ، فاهم
نزلت كلماتها كالسكين الحاد علي قلبه ، جاهد عيناه أن يتفادي قسوة نظراتها التي
كانت تجلده و لكنه عجز ، فتنهد و قد ترقرق دمعه و رد : فاهم ، و عارف أنك
مش حتقدري تسامحيني

انسابت دموعه فحدثت نفسها أن شيطانا بكى فبدي ملائكيا ، من أي طين أنت و
عندها أشاحت وجهها حين شعرت أنها قد تتأثر فأكمل : انا كفاية عليا انك لسه
عايشة ، كفاية إنني ابقي عارف ان منة في الدنيا حتي لو مش جنبي ، أنت متعرفيش يوم
ما عرفت انك موتي انا كنت حاسس

قاومت التأثر ، قاومت الدموع بل و قاومت الرأفة و عادت لحدثها و ردت : ممثل
فاشل ، بتحاول دلوقتي تستعطيني ، أنت آخر واحد يتكلم عن الاحساس ، عشان أنت
متعرفش يوم ما خدرتني عملت فيا ايه ، يوم ما راهنت اصحابك عليا و يوم ما بعث
أشرف بدالك و قالي انه دفعلك فلوس عشان يقضي معايا وقت

هشام باكيا : انا صحيح عرفتك في الاول عشان الرهان بس صدقيني انا حبيتك بجد
يا منة ، و لما قولتلك تتجوزني مكنتش باضحك عليك كنت فعلا بحبك حتي لما
خدرتك في شقة المعادي كنت ناوي امسح الفيديو و ناوي اتقدملك رسمي و اجوزك
، و موضوع أشرف أنا قولت كل حاجة لهشام ، صدقني

جذب يدها نحوه مقررا تقبيلها و هو يكمل : ابوس ايدك تصدقيني

نفضت يدها بسرعة و هتفت : كفاية بقي يا أخي

هشام : و الله يا منة أنا اتعذبت زيك بالظبط ، و لسة بأتعذب زين و مرضه و نيرة و اللي حصلها ، و أنتِ مستحيل تسامحيني

تنهد و أكمل : أول مرة احس يعني ايه الواحد ربنا يديله نعم كثير فيدوسيهها برجله ، يعني يوم ما يفوق و يحس بقيمتها يكون الحل الوحيد لرجعوها أنه يتمرمغ في الارض و وشه يكون في التراب عشان ينفع ياخذها و يا ريته بيقدر

منة ببرود : خلصت

شعر ببالغ الانكسار من ردها ، يبدو أن أحلامه و أمانيه قد قررا ههنا التلاشي ، زفر فطرق الباب عمها ناظرا له شذرا و عندها دون أي مبالاه لوجوده نظر لمنة و سأل : عاملة ايه يا بنتي انهاردة

منة : كويسة يا عمي ، أول ما أميمة تيجي حنحضر نفسنا عشان نمشي

عاد بنظره لهشام ثم قال بحدة : انا عايزك بره

ثم فتح الباب و خرج ، دقيقة و خرج هشام خلفه و قال باضطراب : خير يا عمي

ممدوح بحدة : هو انت اللي يعرفك يعرف خير ، اوعي تكون فاكر اني المرة دي

حسيك تلعب ببنت اخويا تاني او إن الحبتين بتوعك دول أنا مصدقهم لا اصحي يا

شاطر ، منة لسة متعرفش أنك فبركت لها صور مع حازم عشان يلبسها هو ، منة اللي

المفروض ماتت مسكت صورها و فبركتها من غير ما تراعي انها ماتت لا كنت كمان

عايز واحد تاني يتحمل غلطتك ، اسمع يوم الخميس الجاي حتكتب كتابك علي منة

يومين و طلقها و ما اشوفش وشك تاني فاهم

هشام بحزن : طب و زين

ممدوح ولا يزال علي حدته : حيتربي احسن تربية و يتعالج و مش عايزين من جنابك
حاجة غير انك تعترف به و احب اقولك انك بعد ما تطلق منة انها حتتجوز هيثم ابني
و حتسافر تعيش معاه برة هي و زين ، و كلمة اخيرة لو فكرت مجرد تفكير ان تأذيها
هي او زين الرصاصة المرة دي مش حتبقي في حد تاني ، حتبقي فيك انت ، مفهوم
هشام : مفهوم

أمام المرآة وقف ليكمل ارتداء ملابسه ، أتت من خلفه و سحبت المشط و تقدمت
خطوة و وقفت أمامه لتصفف شعره ، علت الابتسامة وجهه و هو يقول مبتسما : ايوة ،
ما هو ده بقي اخرنا ، سرحي سرحي
ضحكت و ردت : طب و أنا اعملك ايه طيب
زفر و رد : و لا حاجة
ندی : أنت مضايق
ناظرا لعينها و قد أمسك المشط من يدها : لا و الله ، المهم متكونيش أنتِ اللي
مضايقة أعادت المشط ليدها و أكملت تصفيف شعره و ردت : لا و الله ، أنا دايسة
معاك في اي حنة
حازم مازحا : ده أنتِ واقعة بقي
وضعت المشط و عقدت ذراعيها أمام صدرها و ردت بمرح : بقي كده ، ماشي يا
حوت

حازم بجديّة : طب باقولك ايه ، تفتكري لو استأذنا عمّك في يومين في الشالية ممكن

ترضي

ندى مبتسمة : انت كمان حترجعلها ده

حازم : مش فلوسها

علت الابتسامة وجهها وهي تنظر له قائلة : علي فكرة ، انا بحبك اوي

حازم مبتسما : ابوس ايديك ابعدني عني

ندى مازحة : تبوس ايدي هو انا والدتك

رد حازم ببعض الضيق ، رغم كونه مازحا و هو يزفر : يا ريتك كنتي والدتي ما هي

المشكلة انك بقيتي زي اختي

قاطعهم طرق الباب فنظر لها حازم ثم عقب : عجبك كده يا رب ميكنش حد سمعنا

توجهت لفتح الباب : ايوة

ليأتها صوت والدتها تنادي : يلا يا ندى أنتِ و حازم الفطار

كادت ندى تخرج لولا إنه استوقفها سائلا : حضرتي اللي طلبته منك يا ندى

اتجهت ندى للدولاب و أخرجت منه كيس أعطه له و ردت : ايوة يا حازم ، اتفضل

نظر حازم للكيس و رد : انا اسف يا حبيبي بس اوعدك انا اول ما اقدر اعوضك عنها

حاعوضك

ندى مبتسمة : و لا يهملك يا حبيبي

طرقت باب المكتب و دخلت ببعض الاوراق التي تحتاج الي امضاء ، نظر عصام الي ما تأخر من اعمال و هو يشير لها بالجلوس ثم قال : انا مبقتش عارف وضع الشركة كده حقيقي ايه بعد ما حازم صمم يسبب الشغل

نيفين : و الله عمو نبيل بيقع فيه بس هو اللي مش راضي ، ادينا بنحاول

عصام : بس لو حازم ناوي يسبب الشركة انا كمان حاسبها

نيفين بضيق : ايه ده انت و حازم و طب الناس اللي شغالة هنا حتعمل ايه ، سبق و عمتمو قالت مفيش حد يدير الشركة غيركم و لا عمو طارق و لا عمو نبيل و لا حتي مدحت يفهموا حاجة في شغلكم

عصام : يعني حازم بيقى بيدور علي شغل وانا قاعد في الشركة هنا

نيفين : حازم ان شاء الله حيرجع انا واثقة ان عمتمو حتقنعه و ان شاء الله الشركة تشتغل زي الاول و احسن كمان ، و حنعوض التأخير اللي اتأخرناه الفترة اللي عدت وضع القلم من يده لحظة و نظر لها ثم سأل : طب أنت ناقصك حاجة قبل يوم الخميس

نيفين مبتسمة : لا خلاص

عصام بضيق : أنا مش عارف ايه لازم أنا نتخطب دلوقتي و بعد سنة كتب الكتاب مع الفرحة

نيفين : هو شرطه زي ما حصل مع ندى و بعدين مش تحمد ربنا إنه وافق

ثم مازحته و أكملت : تلاقيه عايز يختبرك أو يمكن أنا

وضع يده علي رأسه و قال و قد فرغ صبره : اختبارات تاني ، الصبر من عندك يارب

طرق الباب بانتظار الرد ، فتحت أحلام الباب لتجد حازم أمامها و بعد الترحاب توجه إلي غرفة الصالون و جلس ، وضع ما كان بيده علي المنضدة المقابلة و ما إن جلست أمامه حتي اشار للاشياء ثم عقب : اتفضلي يا عمتو

أحلام باستغراب : ايه دول

حازم : دول مجوهرات ماما و شبكة ندى و ده مفتاح العريبة و مفاتيح الشركة و مفاتيح الفيلا و مفتاح الشالية و دي اوراق التنازل عن الملكية عملناهم انا و ماما امبارح و بكده اقدر اقول اني نفذت الوصية ، دي كل فلوسك يا عمتو و كل حاجة ليكي و علي فكرة الفيلا فيها عريبة ماما و العريبة الثانية و مفاتيحهم في الفيلا ، و كل حاجة دلوقتي

بقت باسم أحلام عبد الدايم السنهوري

شعرت بالصدمة مما فعل و ردت مندهشة : ايه كل ده يا ابني ، انا حاعمل ايه بكل ده ، و بعدين شبكة ندى ، انت فاكر اني ممكن اخد مجوهرات مامتك و شبكة ندى وعريبتك يا حازم

حازم بجدية : ايوة يا عمتو الحاجات دي بفلوسك ، و ان الاوان كل حاجة ترجعلك

أحلام بتصميم : انا مش حاخد الحاجات دي يا حازم ، و لو علي الفلوس انا مسامحة بجد ، مش حاخدهم يعني مش حاخدهم و بذات شبكة ندى و ذهب والدتك ، ازاي بس يا ابني

حازم بجدية أكبر : انا عايز اجيب لندي شبكة من فلوس حلال و مش حاقدر اقبل حاجة من الفلوس دي ، ارجوكي يا عمتو ساعديني انفذ وصية بابا ارجوكي

أحلام بضيق : بس يا ابني-----

حازم مقاطعا : ارجوكي يا عمتمو

ببالغ الجدية ترك كل ما كان معاه و خرج لم يسع أحلام إلا الصعود لندي بكل ما ترك
، اتجهت لغرفتها و وقفت علي بابها و قالت بضيق : ايه اللي أنت و حازم بتعملوه ده
يا ندى

ندى باستغراب : في ايه يا عمتمو

أمسكت علبة الشبكة بيدها و قالت في حدة : اعمل ايه انا بشبكتك يا ندى ، انا
كمان حاخذ شبكتك

وقفت قبالتها و ردت مهدئة : معلش يا عمتمو ، حازم معاه حق و بعدين هو عايز يحس
انه نفذ الوصية

أحلام ببالح الضيق : أنتِ فاكرني مبسوفة باللي بتعملوه ده انا بجد زعلانة منكم اوي
ليه يا ندى كده هو مش انا طول عمري معتبراكي بنتي
ندى : يا عمتي دي حقك

أحلام : و هو عشان يتردلي حقي تتشحطي انت وجوزك و تسيبوا الفيلا و حياتكم ، لا
يا ندى انا ميرضنيش ده ، و لو الوضع حبيبي كده انا بقى اللي متنازلة عن الفلوس دي

ندى : و لا شحططة و لا حاجة ، ان شاء الله حازم ناوي يدور علي شقة بس هو يعرف
بيبع الارض اللي ابوه سابها و كمان في وداعة تانية و دول بتوع حازم فعلا يعني مش

زي ما أنتِ فاكرة ، احنا بس نبيع الارض وان شاء الله كل حاجة تتعدل

قاطعها شريفة باستغراب لتسأل : هو حازم ناوي يدور علي شقة كمان

ندى : امال حنفضل قاعدين هنا

شريفة : و ليه لا ، ما هي نيفين خلاص حتجوز واهو بدل ما اقعد لوحدي

ندى : ما هو يا ست الكل احنا حندورعلي حاجة قريبة منك برضو

بكثير من الراحة تذكرت أحلام و عندها عقبته : طب أنتِ فاكرة بيت سيف اللي في

وشنا

ضحكت ندى و ردت : ياااااا مش لاقية غير بيت سيف ، ماله

أحلام : دول عرضينه للبيع ، ايه رايك ده دورين و كل دور في شقة يعني مناسب

ردت ندى ببالغ استغرابها : ياه ، ده احنا روحنا مع بابا نتفرج عليه عشان أنا كنت

حاسكن في شقة منهم و والدته في الثانية ، سبحان الله أنا ليا نصيب اسكن في الشقة

حتي و أنا مرات واحد غير سيف

ثم فكرت للحظة و أكملت : بس يا تري اللي معانا حيكفي نشتره

علت الابتسامة وجه أحلام و عندها ردت : اعرضي بس الموضوع علي حازم و لو

وافق ملكيش دعوة

دفع دفعا لينزل من الاتوبيس و عندها تمتم : يعني كانت حابكة معاك عزة النفس اووي

، الست قالتلك مسامحة في العربية ، كنت أخذتها

اتجه للبنك مقررا إنهاء إجراءات الوديعة ، كان المبلغ هو 250 الف جنيه ، ما إن

انتهت كل الاجراءات و قد استطاع سحب جزء من المبلغ كانت زفرته بالحمد لله هي

ما تمتم بها و هو يخرج من البنك ، أول الخطط كانت تعويض زوجته و والدته فكان قراره الاتجاه لأحدي محلات بيع المصوغات الذهبية ، اشترى دبلتين و خاتمين ، واحد لندي و الاخر لفريدة ، ثم لعبة للوجي ، و لأنه يدرك أن أمامه الكثير من الوقت ، قرر السير في شوارع وسط البلد ، يتابع بعينه المحلات و المعروض فيها ، يتوقف لدقائق يشاهد ما بها ثم يكمل السير

أمام أحدي المحلات كانت فتاة تلمع زجاج الفترينة و ما إن وقف حتي التفتت تتطلع إليه ، أشاح وجهه عنها إلا أنها ظلت علي تدقيق النظر بوجهه ، و من شدة ضيقه انصرف ، و ما إن تحرك حتي تحركت خلفه و ظلت تنادي : يا حضرت يا حضرت

التف حازم علي اثر الصوت و رد : نعم

تقدمت منه و قالت : حضرتك مش فاكرني

نظر لها في محاولة منه للتذكر ثم رد : لا الحقيقة معلش مش واخذ بالي

ابتسمت و ردت : يمكن الحجاب و العباية مغيرين شكلي

حازم : طب انا اسف بس فعلا مش فاكر

تنهدت و هي ترد : انا البنت اللي حضرتك قابلتها في البار ، البنت اللي اديتها ال200

جنية وقولتها خدي حسابك و روعي وبلاش انهاردة ، اعتبريه يوم من غير ما تغضبي ربنا

استوقفته كلماتها و هو يحدق بها : بس أنتِ كنتي -----

قاطعته و ردت : انا عارفة ، بس اللي أنت شايفه دلوقتي حضرتك السبب فيه ، فلوسك

اللي خلتنى اعرف ادي صاحب البار حقه ، اهو اخذ اللي يستحقه ده كان مشغلني

بشيكات ممضيني عليها و بعدين دفعت فلوسك يومها و روحت بدري ، و الله انا من

جوايا كان نفسي فعلا ابطل ، من غيظي دعيت عليه و تاني يوم عرفت إن البار اتحرق

و صاحبه مات ، من يومها و انا بدعيلك و نفسي اقبالك عشان بس اقولك ربنا يجعل توبتي في ميزان حسناتك

ثم أنهت حوارها قائلة : أنا اسفة لو عطلتك

ثم أشارت : أنا دلوقتي باشتغل هنا ، و ابقى ادعيلي بقي ، سلام

قالت جملتها و التفتت عائدة لتكمل عملها ، ظل حازم بمكانه يحاول فقط أن يستوعب ما سمعه منها ، خفق قلبه و رغما عنه ابتسم ، ظن أنه بنجاته يومها قد انتهت ليلته ، لكن يبدو أن توبته لم تنجيه وحده

مدت يدها لتخرج الرسالة من حقيبتها ، أمسكتها بين يديها و هي لا تدري ما هو عدد مرات قرائتها ، لكن بالغ الشعور يتأنيب الضمير علي أيام ولت و ما كانت لتعود ، بالغ الندم أنها عارضت رفعت قراره ، كم تُمني نفسها لو أنها سعت و نفذت طلبه ، لكن ما عاد ينفع الندم ، و مرة اخري عادت لتقرأ

(فريدة ----- عارف اني لو قلت حبيتي مش حتصدقيني رغم ان دي الحقيقة و عارف برضو ان لو قولتك اني لما سرقت الفلوس عملت كده عشان كنت خايف علي حياتنا من الفقر مش حتصدقيني ، كنت فاكر اننا لما نعرف نلبس كويس و ندخل حازم مدارس غالية و نعيش عيشة احسن اننا كده حنكون سُعدا ، لكن لما وصلت للنهاية ، شوفت حوليا كويس و حسيت يعني ايه العمر يضيع و تضيع معاه حاجات كتير حلوة ، أنا عمري ما حبيت أحلام و لما فكرت اردلها فلوسها كان أملي إن حياتنا تتصلح بس للاسف منفعش ، أرجوكي ساعدي حازم يدور عليها و ردولها فلوسها ، اخر طلب ليا ياريت تسامحيني و تطلبي من حازم إنه يسامحني و من

أحلام و لو في يوم افكرتوني ابقوا اطلبوا من ربنا يغفرلي و يسامحني -----
(رفعت)

اغلقت الرسالة و تساقطت دموع عينها و تنهدت و هي تتمتم : الحمد لله ان المال
اترد لصاحبه ، خلاص يا رفعت نفذنا الوصية

طرقت محاسن الباب و دخلت لتسأل : اجييلك الفطار هنا يا فريدة هانم
وضعت فريدة الرسالة في حقيبتها و ضحكت و ردت : يا محاسن ده أنا ضيفة في
بيتك ، بقي ازاي هانم يعني

محاسن : مهما حصل حتفضلي فريدة هانم و حيفضل رفعت بيه الله يرحمه رفعت بيه ،
و أنا عمري ما أنسي فضلكم عليا ، أبدا

اقتربت منها و وقفت أمامها و ردت و قد ربطت علي كفيها : و الله أصيلة يا محاسن ،
يا ريت متكونيش زعلانة مني

لم تكن محاسن تدري بما ترد و قد قاطعهم طرق الباب ، اتجهت محاسن لتفتح فكان
حازم ، اتجه للدخل و جلس بجوار فريدة ساردا عليه ما فعله ، حتي من قابلها و
عندها عقبته : تعرف كلامك مريحني في ايه يا حازم

حازم : ايه يا ست الكل

تنهدت و ردت : إن كل ده حصل عشان كانت نية رفعت خير فعلا

علت الابتسامة وجهه و قد شعر بالراحة و عندها سأل : يعني مش ندامة ع اللي حصل

فريدة بضيق : أنا ندمانة علي عنادي و اللي وقت اللي ضاع

أخرج حازم من جيئه الخاتم و اتجه لمقعدها و قد نزل علي ركبتيه و قال : طيب دي

حاجة بسيطة أكيد مش زي اللي أنت ادتهوملي ، بس يا رب تعجبك

نظرت ببالغ فرحتها لما أحضره و أخرجته من علبته و أرتدته و ردت : و الله يا حازم ده
أجمل حاجة جاتلي في حياتي

عندها قبل رأسها و عقب : ان شاء الله كل حاجة حتتعوض ، بس ادعيلي

مساء الاربعاء

بغرفتها كانت تطالع الصور المجمعمة باليوم بدي عليه القدم ، طرق عصام الباب و هتف
: ماما ، حضرتك صاحبة

اعتدلت و أخفت دمعة أطلت رغما عنها و ردت : تعالي يا عصام

فتح الباب و دخل قائلا : سمية قالتلي إن حضرتك عايزاني ، خير يا ماما في حاجة

نظر للدموع التي ملأت عيناها ثم سأل : مالك

ربطت علي كتفه و ردت : مفيش

ثم مدت يدها باليوم الصور و قالت : أنا كنت محتفظة به عشانك ، تقدر تاخده لو
عايز

أمسكه ثم فتحه و بدأ يقلب فيه و هو يشاهد الصور ، صور طفولته و جده و والدته و
والده ، أشعرته معني أنه مر الكثير من الزمن و بعدها عقب : مكونتش فاكر أنهم لسة

معاكي

نظرت لعينه و أجابت : فكرت أنك ممكن تسأل عنهم ، الله يسامحه جذك بقى ، هو

اللي صمم ياخدك ، أنا مقدرة أنه كان زعلان عشانك و خاف عليك من عمك سليم و

من مرات ابوك فقرر يربيك هو ، أنما في حاجات هو نفسه مكنش يعرفها و بسببها

ظلمني

ثم تنهدت بكل ضيق و أكملت : علي كل حال ، بلاش نفتح في القديم ، احنا ولاد
انهاردة ، و مدام ناوي تفتح صفحة جديدة في حياتك ، خالي لابوك فيها مكان
تنهد و رد بضيق : أنا فكرت أكلمه لكن خوفت ، خوفت لو طلبت منه يحي مصر
عشاني يتحجج بشغله فاضايق أكثر
ثم نظر لها و رد : لكن ححاول اكلمه ، يمكن فرصة أنه يحضر الخطوبة عدت لكن
ححاول يمكن بعد كده ينفع
مني بحنان : ربنا يسعدك يا ابني

مساء اليوم التالي

عند الساعة مساء لم تحمل الاجواء المعدة لكتب الكتاب أي بهجة ، بل بدي الامر
و كأنه مآتم ، وصل هشام لفيلا ممدوح الدريني ، اتجه هيثم ليفتح الباب ، اتجها سوبا
لغرفة الصالون ، لم يلح منة و لم يراها ، جاور ممدوح الدريني و بدأوا في اجراءات
كتب الكتاب ، أمسك ممدوح بيد هشام و بادله نظرات أشعرته بكم الكره الذي بات
يحملة و ما إن انتهوا مما يُقال خلف المأذون حتي نفص ممدوح يده و أشار لهيثم
بالدفتر ، حملة و صعد به لغرفة منة لنتهي هي الاخري من إتمام إجراءات الزواج
أنتهي الامر بقول المأذون : مبروك و بارك الله لكم و بارك عليكما و جمع بينكم في
خير و علي خير

قالها و انصرف و عندها وقف ممدوح أمام هشام و قال في حدة : بكرة تيجي عشان
تطلق و من بعد انهاردة تنسي أنك عرفت منة الدريني في يوم من الايام
شعر ببالغ الانكسار و رد : أنا مش حامشي قبل ما اشوف منة و زين

ممدوح محذرا : قولتلك -----

قاطعہ قبل أن يكمل بحدۃ و قال : مش حامشي قبل ما اشوفهم

تدخل هيثم و عقب : خاليها بكرة لان منة فعلا مش عايزة تشوفك يا هشام و زين نايم

ببالغ الاسي التفت و رحل و ما إن خرج حتي التفت ناظرا لاعلي لم يجد أحد ، لم

يكن يدرك أن منة كانت تتابع من خلف النافذة حتي أنها عقت لأميمة : خلاص مشي

قالتها و عادت لتجلس علي طرف سريرها و ترقرق الدمع بعيناها ، جاورتها أميمة و

سألت : لسة بتحييه

نظرت لها في محاولة هاوية لمقاومة البكاء و ردت : الجرح كبير اوي يا أميمة

ربطت أميمة علي كتفها و ردت : عارفة ، بس يا ريت تفكري كويس ، أنا مقدره خوف

عمك ، بس لازم يكون القرار قرارك أنت ، هشام كان فعلا بيحبك و لسة بيحبك

صمتت منة و اكتفت ببكائها في هدوء و عندها تابعت أميمة : يا ريت تفكري كويس يا

منة ، عشان جايز وجودكم مع بعض و زين بيكبر بينكم ، يكون هو العلاج الوحيد

للجرح الكبير

علي عكس الحال في بيت الدريني اختلفت الاجواء في بيت السنهوري الجديد فيلا

الصاوي سابقا ، حيث قرار أن خطبة عصام و نيفين يكون فيها ، تعالات الزراغيد و قد

جاورت مني نيفين من أجل تلبس الشبكة ، لحظات و انتهت فزادت الزراغيد ، علي

مقربة منهم كانت ندى ممكسة بيدها كاميرا لتقوم بالتصوير و معها سمية بينما حازم

يتابعهم حتي قاطعه من وقف إلي جواره و قال بهدوء : عقبال ما تفرح بلوجي يا استاذ

حازم

التفت علي إثر الصوت فوجد مدحت إلي جواره ، شعر ببالغ الضيق من وجوده خاصة
بعد رؤية ابنته الصغيرة و التي سماها ندى و رد بضيق : عقبال بنتك إن شاء الله ، شكرا
بعد تردد من مدحت قال بحسم : اتمني أنك متكونش مضايق من اللي حصل بينا ،
يعني أنا أكيد كل اللي يهمني هو مصلحة بنت عمي
بطريقة جادة شابها بعض السخرية رد حازم : أكيد طبعا
و لينهي الحوار الجاسم علي صدره أكمل : علي كل حال حصل خير يا استاذ مدحت
، اتمني أنك تكون مرتاح دلوقتي
قالها ثم قرر الابتعاد باتجاه ندى و الوقوف إلي جوارها
أما عصام فبدأ حديثه مازحا : يا تري ايه اول اختبار منتظرني
ابتسمت نيفين و ردت : حافكر و اقولك
عصام مازحا : حتحاولي تتأكدي إن الشبكة صيني و لا لا
ضحكت و ردت : لا أنا متأكدة إن دي اللي أنا اخترتها
عصام : طب الحمد لله
صمت للحظة ثم عقبته : عصام ممكن أقولك حاجة
بملئ ابتسامته أجاب : طبعا
نيفين : أنا عرفت من مامتك أنك كنت مضايق عشان موضوع باباك
نظر عصام لوالدته ثم نظر لها و رد : أنتِ عاملة للست دي ايه ، هي أول بأول لازم
تحكيك كل حاجة
شعرت بالقلق فسألت : أنت اضايقت
عصام : لا ابدا و الله ، بس مستغرب

نيفين موضحة : علي فكرة هي كانت قلقانة تكون زعلان و ده السبب ، المهم بقي
ممکن اقولك رأيي في الموضوع ده

عصام : قولي

نيفين : رأيي لازم تكلمه و يعرف ، أنت متعرفش ظروفه و بلاش احكام مسبقه ، أنت
نفسك عدي عليك مواقف كثير اللي حوالك فهموك فيها غلط ، فالتمس لي العذر و
لو مقدرش هو يجي ، أنت سافرله
بشي من التردد سأل : ده اختبار

بابتسامة عذبة ردت : ده رفق ، و أولي الناس به والدك و والدتك

أشاح وجهه عنها فشعرت بالقلق ثم شرد للحظة فسألت : أنا قولت حاجة ضيقتك

بتهيئة طويلة استغرابتها نيفين ، كانت اجابته : نيفين ، احنا لازم نكتب الكتاب و
نتجوز بالكثير اوي بعد 3 شهور

رغما عنها ضحكت و ردت : 3 شهور مش 6 حتي

عصام بجدية : ياستي أنا موافق بس عمك يوافق

نيفين مازحة : و ده برضو اختبار

عصام بجدية : لا ده غليان

نيفين : ياه للدرجة دي كلام ضايقك

عصام : بالعكس ، بس بما أننا في الخطوبة فمفيش قدامي رد اقوله ، أو اقولك

جاهد نظرات عينه ألا تشع بالحب و قال : ربنا يخليكي ليا

بانتهاء الخطبة تجمعت السيارات و انطلقت بهم للعودة إلي منزلهم ، نظرت ندى إلي

السيارة التي اشتراها حازم و عقبته و هي تركب إلي جواره مازحة : هو محدش عايز
يركب معنا زوبة و لا ايه

ادار حازم السيارة و رد : يتريقي علي عربيتي الجديدة حضرتك

ندى بمرح : هو أنا اقدر ، بغض النظر أنها لادا و حضرا و موديل 92 ، الا انها اكيده
عربيتنا برضو

حازم : مش أحسن من الشعبطة في الاتوييسات

ندى : خلاص يا سيدي ، الف مبروك ، بس احنا ليه طلعتنا من غير ما ناخذ معنا حد ،
حتي لوجي دادا محاسن اخدتها ، عادي كده

بدأت حازم يتمتم بالغناء و هو يصفر دون أن يرد عليها مصطنعا الانشغال عما قالت ،
نظرت له بحدة فنظر لها ثم عاد ناظرا للطريق و هو يكمل في تمتمة غنائه و يهز رأسه ،
يحاول كتمان ابتسامته أمام نظرة الفضول التي اجتاحت عيناها و كادت تلتهمه غيظا و
بعدها عقب : عايزة تعرفي رايعين فين

أشاحت وجهها عنه و نظرت للنافذة و هي تقول بكبرياء : لا

ابتسم رغما عنه و رد : هو حد قالك إن كنت ناوي اقولك ، عموما احنا مروحين ، و
الله العظيم مروحين

أمالت رأسها و عقدت ذراعيها أمام صدرها و ردت : يا سلام ، طب عيني في عينك
كده ، بالله عليك ده طريقنا

ضحك رغما عنه و رد مقررا استفزازها : مش حينفع دلوقتي خالص ابص في عينيكي ،
اصبري لما نوصل

ببالغ الغيظ ضربته علي كتفه و ردت : طب سوق و أنت ساكت بقي

حازم متفاديا : خلاص خلاص ، بصي نامي و لما نوصل حاقولك

أشاحت بوجهها و أثرت الصمت و ظلت تتابع الطريق حتي أيقنت أنهم باتوا خارج القاهرة و رغما عنها غفت ، حتي شعرت بحازم يحاول إيقاظها هاتفيا : نادو ، قومي خلاص وصلنا

أعتدلت و سألت : وصلنا فين يا ابني

أشار لها لتنزل و عندها رد : هنا يا ندى ، أنتِ نسيتي و لا ايه

نزلت ندى و وقفت تنظر لمكان ما أوقف حازم السيارة و ردت بصدمة : احنا بجد هنا

أمسك بيدها و دخلوا سويا إلي الشالية الخاص بهم في العين السخنة ، و ما إن دخلوا حتي سأل : هه ايه رأيك في المفاجأة

تنهدت و شردت كمن تحاول إستيعاب ما فعله و عندما التفتت لتنظر إليه سأل : لسة فاكرة اول يوم جينا فيه هنا

ببالغ سعادتها ردت : انا عمري ما نسيت يوم من اللي عدوا علينا هنا

قرر حازم المزاح فرد : ده أنتِ قلبك أسود اوي

ضحكت و ردت : قصدي الايام الكويسة يا سيدي

ثم سألت : بس أنت ليه جيتنا هنا

لم يكمل مزاحه كما أعتاد بل أمسك بكلتا يديها و قال بجديفة : عارفة يا ندى لم جهاز يهنج و يعوز صاحبه يشغله بيعمل ايه

شعرت ندى بالقلق من طريقته الجادة و ردت : أكيد حنعمله restart

حازم و قد نظر لعيناها : بالظبط ، عشان كده احنا جينا هنا ، عارفة ، نفسي انسي كل حاجة عدت علينا من يوم ما خرجت مع معتز لحد انهاردة ، نفسي نرجع ليوم الخميس

قبل ما أخرج ، أرجع للحظة اللي كنا فيها مع بعض و ما فتكرش معاها اي حاجة تانية
صمت ثم زفر ثم عاد و أكمل : أنا اسف ، اسف اوي يا ندى
وضعت يدها علي وجهه و نظرت لعينه و ردت : علي ايه بس
أمسك يدها و رد : من يوم ما اتجوزتني و أنتِ في دوامة دخلتها غضب عنك ، مش
ده اللي كان نفسي اقدمهولك يا ندى
ردت باشفاق : حازم ، أنا اتجوزت علي الحلوة و المرة
رد بضيق : و هي فين الحلوة دي يا ندى
قررت أن تمزح لعله يضحك و ردت : يا راجل ، طب يخونك النسكافية
ضحك فشعرت أنها من هنا ستبدأ : بص يا حازم هون علي نفسك ، لو دورنا سوا أكيد
حنلاقي حاجات كتير حلوة
حازم مازحا : غير النسكافية
ندى بمرح : أكيد طبعا ، في شاي و في كابتشنو ، مش حنغلب
صمت لدقيقة ثم قال بجديفة : طيب بمناسبة الحاجات الحلوة بقي ، غمضي عيني
عشان أنا عمملك مفاجأة
أخرج العلبة من جيبه بينما أرادت ندى المشاكسة فاغمضت عين واحدة ثم فتحتها و
نظرت باستغراب و سألت : ايه ده يا حازم
حازم و قد وضع الدبلة في يدها : دول دبل و خاتم بدل شبكتك
نظرت لهم في يدها فأكمل : ممكن نعتبر من انهاردة إن دي بداية جوازنا ، هه ممكن
ندى مبتسمة : ممكن

كانت تشعر ببالغ التوتر و لا تدري لما كانت تضغط علي يديها أحيانا و تفركها أحيانا أخرى ، من الامس لليوم لم تحاول أن تطالع أحدا و مكثت بغرفتها ، هل تفصلها سويعات علي إستلام أوراق طلاقها أم أنها قد تكون أمام مفاجآت أخرى ، حتي تشعر ببعض الراحة اتجهت للغرفة التي قد خصصها عمها ل " زينب " تلك العجوز التي وقفت إلي جوارها دون أن تعرفها ، ظلت معها جل النهار حتي كادت شمسها أن تعلن الرحيل و حين انساب الليل خفق قلبها بلوعة

اجتمع ممدوح و ابنه بالمأذون في نفس الغرفة بانتظار مجيئه و لكنه لم يأتي ، مرت ساعة تتبعها ساعة و لا جدوي ، اتصال يعقبه اتصال ليشير أن هاتفه مغلق ، ازداد توترها و ظلت تتحرك بالغرفة يمينا و يسارا بينما أميمة صامتة مكثفة بالملاحظة حتي هتفت منة بحدة : يعني هو قاصد ايه باللي بيعمله ده ، مش فاهمة

قررت منة اختبارها فردت : مش يمكن جواله حاجة ، او فكر يعمل زي أشرف و يريحنا

ردت منة ببالغ القلق و الحدة : لا مش للدرجادي ، هو أكيد كويس ، بس هو قاصد يضايقني

وصلت سيارته و دخلت فأنطلقت لتنظر من الشرفة فوجدته هو ، وصل بعدما تأكد أن المأذون قد رحل ، دخل و قد حمل في يده أكياس هدايا مقررا التعامل و كأنه لم يفعل شيئا ، علي وقع صوت ممدوح و هو يعنفه ، نزلت منة و أميمة ليجدوا ممدوح هاتفيا : كان معادنا الساعة سابعة ، تقدر تقولي كنت فين لحد عاشرة

وضع الاكياس من يده و رد ببرود : فين زين
زادت حدة ممدوح و توجه ناحيته و هتف فيه : ترد عليا لما أكلمك
رد ببرود : افندم يا ممدوح بيه
ببالغ حدته رد ممدوح : مجيتش ليه
هشام مستفهما : و أجي ليه
ممدوح بغيظ : أنت حتستعبط معايا أنا
زفر هشام بضيق و رد : احنا مكنش في بينا مواعيد
جذبه من ملابسه و هتف و قد احتدت نظرة عيناه : هشام
عقت منة بضيق : و الطلاق
أبعد يد عمها و اتجه إليها و قال : أنا قولت حاطلق
زاد توترها من قربه ، كانت أميمة تشعر بالشفقة علي كليهما و عندها ردت منة : يا
ريت كفاية كده يا هشام ، طريقتك دي ملهش اي لازمة
هشام بجدية : يعني فعلا عايزني اطلقك يا منة
نكست رأسها حتي تتفادي النظر لعينه و ردت : ايوة
أمسك بذراعها و هتف فيها : طب ليه فادتني ، ليه مسبتيش الطلقة تيجي فيا
عقب ممدوح بحدة : بسيطة المرة الجاية تيجي فيك
التفت هشام له و رد : و أنا مستني اليوم ده ، عايز بنت أخوك حرة ، يبقي موتني
عاد وجهه نحوها ثم قال : و أنا بقى مش حاطلق يا منة ، سمعتني مش حاطلق
اتجه ليخرج فاستوقفه هيثم عند الباب سائلا : و أنت بقى بطريقتك دي عايز ايه
بالظبط ، قرشين و تطلق

نظر هشام ببالغ الحدة و رد : أنا عايز مراتي و ابني

ثم التفت ناحية أميمة و قال و هو يشير للاكياس : الهدايا دي لزين ، ابقى وصلها لي

ثم بأسرع ما لديه خرج ، زفر ممدوح و نظر لابنة أخيه و هتف : طبعاً ضحك عليكي باللي عمله مش كده

لم ترد و أسرع لغرفتها باكية ، اتجه ممدوح بجوار الهاتف و قبل أن يرفع السماعة وجد من يستوقفه قائلاً : ممكن نجرب ندى هشام فرصة حتي لو صغيرة

نظر ممدوح بحدة لهيثم و رد : بعد كل اللي عمله مطلوب مني اصدقه

هيثم : أنا مش باقول لحضرتك صدقه أنما اختباره ، مش جايز فعلاً اتغير بعد ما شاف زين و تعب و اللي حصل مع أخته

صمت و عندها تابع هيثم : أنا باقول جايز ، و خرينا نسيب الايام تثبت ، لو فعلاً اتغير و لا رغم كل ده لسة بيكذب

لم يصدقا و هم بطريق الرجوع أنه قد مر ثلاث أيام ، وقفت السيارة عند منزلهم فهتف حازم : حمد لله ع السلامة

ندى بضيق : خلاص وصلنا

حازم بضيق : بكل آسف و آسي ، ايوة

بمجرد ما أدركت أحلام وصولهم ، خرجت مسرعة لاستقبالهم و أصرت عليهم بالدخول إلي شقتها ، دخلوا و جلسوا الثلاثة بغرفة الصالون و و نظروا لبعضهم و البعض و سألوا : خير يا عمتمو

أحلام لاثنين : خير ، انا ناوية اتكلم و مش عايزة اسمع كلمة غير لما اخلص كلامي

مفهوم

ندى و حازم : مفهوم

بكثير من التردد قررت أن تصطنع الحزم و عندها قالت : اولا انا عارفة انكم مش ناويين ترجعوا الفيلا تاني تعيشوا فيها و عارفة انكم كنت ناويين علي بيت ثريا اللي في وشنا

اقتربت من عدة اوراق كانت موضوعة علي المنضدة المقابلة ثم ناولتها لحازم و أكملت : اتفضل يا بني

مأله الاستغراب و سأل : ايه ده

أحلام موضحة : انا اشترت بيت ثريا و كتبه باسمك و قبل ما تقول اي حاجة انا شفت إنني مضيعش الفرصة و وقت ما يتوفر معاك تمنه ادفعه
صدم حازم و نظر لندى و عقب : بس -----

قاطعته أحلام و ردت : حازم يا ابني مش معقول مامتك تفضل عند محاسن و مش معقول تقعد تستني لما الارض تتباع ، و انا باقولك ادفع تمنه يعني ملكش حجة

و قبل أن يقاطعها تابعت : تاني حاجة بقي ، فيلا الصاوي يا ندى دي اوراق تنازل مني عنها للجمعية بتاعة الحاجة أماني ، انا عايزة الفيلا تبقي دار ايتام و تتجهز عشان عايزة اعملها صدقة جارية علي روح عماد و علي روح رفعت ، دي نيتي بس مش حاقد اصرح بموضوع رفعت ده لعمكم طارق لا يفتكر إن لسه في حاجة ، بس انا عملت كده عشان احس اني سامحته بجد

الجمهم ما قالت و عندها رد حازم ببالغ استغرابه : بعد اللي بابا عملوا معاكي حتخلي الفيلا صدقة جارية علي روحه ، يعني حضرتك فعلا سامحتيه

أحلام بهدوء : ايوة سامحته ، و ربنا يغفرله و يسامحه

ثم مدت يدها بالاوراق ، استلمتها ندى من يدها الممدودة و ردت : بجد يا عمتمو انا
مش لقيه كلام اقوله

ابتسمت و تابعت : نيجي لثالثا ، انا بقي لا حادخلكم بيت و لا حاعرفكم بعد انهارده
أنت و هي

ندى : ليه بس يا عمتمو ما كنا كويسين

أحلام و هي تنظر لحازم : اسمع يا حازم لو فعلا سببت الشركة و دورت علي شغل برة
فلا أنت ابني و لا اعرفك ، الشركة دي صحيح دلوقتي شركتي بس أنت و عصام
حتفضلوا مسكنها زي ما هي ، و لو واحد فيكم فكر يسبب شغله هو حر ، من اول
بكرة علي شغلك انا حسامحك علي اللي فات ومش حاخصمه من مرتبك ، بس من
اول بكرة لو غيبت حابداً اخصم فاهم

ثم مازحتهم و أكملت : عموماً أنا ربطلك أنت و عصام مهية كويسة ، انا عارفة انكم
شباب و عايزين تروشوا

تعالت ضحكات ندى و حازم و عندها قامت ندى من مكانها و احتضانتها هاتفية : يا
حبيبتي يا عمتمو ، ربنا يخليكي لينا

أحلام لحازم : هه يا سي حازم اسمع اعتراض بقي

نظر لها بكل امتنان و رد : هو انا بقي عندي كلام تاني ما خلاص يا عمتمو ، ربنا
يخليكي لينا

و من هنا كانت نقطة وضعت لتعني لاصحابها البداية لا النهاية ، عام كانت تمضي ايامه

و هي تجاذب ليليه لتحمل بين طياتها جل الحكاية ، بداية من بيت جديد أسسه أصحابه و انتقلوا إليه ، الدور الاول من البناية كانت محاسن ترافق فريدة و بالدور الثاني كان حازم و ندى و لوجي ، و عودة للانتظام في الشركة و متابعة اعمالها ، بداية من بيت آخر كان يعده عصام ليتوج فيه سعادته و نيفين ، بداية من فيلا قُدر لها أن تكون صدقة جاربة بعد ما شهدته من أيام لحازم و رفاقه ، و بداية من عودة لشركة كانت علي وشك الانهيار لكن صاحبها قرر أن يثبت إنه سيكون أهل لتحمل القادم و الصبر علي زوجته منة لعلها تصفح و علي رؤية ابنه زين أمام عينه ، سعيًا بعد ذلك أن تتحقق له هو الآخر أحلامه

{ بعد مرور عام }

ظل يطأطأ قدمه ببالغ الخوف بانتظار سماع أي خبر يفيده ، حتي علا صوت أحدي المضيفات بالمطار معلنا عن وصول الرحلة ، قام من مقعده و اتجه إلي المكان البوابة التي سيأتي منها العائدون من رحلة السفر و ظل يطالع الوجوه و قد زادت ضربات قلبه ، زفر محاولا تفادي القلق حتي أطل من كان يرجو رؤيته برأسه ، حمل وجهه نفس الملامح لكن شعره لم يعد يحمل سوي اللون الابيض ، وقف عصام بمكانه بتأمله و هو لا يدرك ردة فعله ، سنوات عدة رحلت و فرضت علي كيلنا الفرقة ، هو الآخر وقف ، وقف يتأمل صغيره و قد صار شابا ، لم يعد طفله الذي تركه ، تفرق الدمع فتبادلته العينان ، و قد حملت طيف من عتب ، أكان هناك ما يستحق كي نفعل ما فعلنا ، تباطت خُطي الاقدام رغم اللهفة و ما إن وصلوا للحظة التلاقي حتي صمتوا ، زاد تطلع

الاعين و أحتدت اللهفة و خرج اسم ابنه من شفتاه مرتعشا : عصام
شقت الدموع طريقها للخروج و هو يلفظ كلمة تمنى أن يقولها لسنوات : بابا
أحتضنه بشدة و كأنه يعوض سنوات الحرمان التي فقده فيها ، و أدرك عند هذه اللحظة
أنه بذلك قد أتم عرسه
مضي أسبوع تمت فيه مراسم زفاف عصام و نيفين و قد تمت فرحته بحضور والده و
الذي أمضي هذا الاسبوع برفقته حتي حضر يوم زفافه ، و بعد أسبوع آخر قرر سفره ، و
بمضي اسبوع آخر يبدو أن ندى قد أتمت شهور حملها و بتنا علي أعتاب لحظة
استقبال ضيف جديد لعائلة الصاوي

كان جاسا علي مكتبه منهمكا في عمله حتي قاطعه صوت الهاتف ، كانت منة
المتحدثة ، بدي صوتها مضطرب و قد قالت : انا باكلمك عشان زين
هشام باضطراب : ماله زين
منة بتوتر : الدكتور حددله معاد يعمل فيه عملية حيشيل فيها الورم اللي عنده
شعر بالتوتر و سأل : امتي
منة : بكرة ان شاء الله
هشام معاتبا : طب مقولتليش من قبلها
صمتت فتابع : طب أنتِ مش محتاجة حاجة أو زين
منة : لا بس هو طلب يشوفك قبل العملية فيا ريت تكون موجود معانا
هشام بحسم : أنتِ متخيلة إنني مش حاجي ، يا منة حرام عليكِ و علي عمك اللي
بتعملوا فيا ده ، طب قوليلي بس أثبتلك ازاى إنني فعلا اتغيرت أعمل ايه تاني طيب

تههدت بضيق و ردت : ادعي لابننا يا هشام ، ادعيلوا العملية تنجح و يخف و يبقى
كويس

زفر و هو يدرك أنها كعادتها ستغير الموضوع لكنه رغما عنه رد و قد فرغ صبره : ان
شاء الله

اغلق الهاتف ثم زفر بشدة و هو يرجع بظهره للخلف و قد أسند رأسه علي المقعد ثم
ظل يطالع السقف ، رغم الالم و الحزن لم يعد هناك ملجأ من الله إلا إليه فجاءت
دعوته : يا رب يا رب زين يخف ----- يا رب يا رب ----
----- يا رب منة تسامحني

كانت حبات العرق تتقطر علي جبينها و هي تقظ من جوارها صارخة : حازم ----
----- حازم ، اه اه ه ه

انزعج و انتفض من مكانه هاتفا : في ايه يا ندى
ندى و هي تتصبب عرقا : مش قادرة الحقني شكلي باولد
حازم و هو لا يزال علي انزعاجه : الساعة 2 بالليل يا ندى
ندى و هي تصرخ فيه : انا مالي أنا اتنين و لا تلاتة اتصرف
تمتم و هو لا يعرف ماذا يفعل : حد يولد اتنين بالليل

جري باتجه الهاتف ليتصل بالطبيبة و لكن زادت صرخاتها : اخلص يا
حازم!!!!!!!!!!!!!!!!!!!!!!!!!!!!!!
حازم : طيب والله طيب

حازم : ابوة يا دكتورة ندى بتولد ، طيب يا دكتورة

ناسيا أن يرتدي شيئاً بقدمه نزل الساللم جاريا لشقة والدته ، انزعجا الاثنين و ما إن

فتحت محاسن حتي صرخ فيها : ندى بتولد

محاسن مهدئة : طب اهدي ، أنا حاطع لها و أنت غير هدومك و ربنا يقومها لك

بالسلامة

باقصي سرعة اتجهوا جميعهم إلي المشفي ، شريفة و فريدة و لوجي و محاسن ، بغرفة

العمليات تعالت صرخات ندى و هي تهتف : منك لله يا حازم

رغم خوفه و توتره ضحك رغما عنه و رد : ليه بس

ظلت تهتف : حسبي الله و نعمة الوكيل ، حسبي الله و نعمة الوكيل

حتي تعالت صرخات طفلهم الصغير فأنستهم كل الالم و فرضت علي كليهما الابتسام

، تزامن وقت الولادة و اذان الفجر فهتف حازم مداعبا : نورت يا عم النشيط

مر اليوم حتي اجتمعوا ظهرا بالمولود في الغرفة التي انتقلت لها ندى ، كانت لوجي

تمسح علي رأسه مبتسمة و هي تقول لوالدها : حنسميه ايه

سألته ندى : أنت ايه رأيك

لوجي بابتسامة : نسيمه كحلوش

شريفة و فريدة : ايه كحلوش

عقب حازم بمزاح : كحلوش حازم رفعت الصاوي ، حلو كحلوش يا لوجي

طرقت نيفين الباب ثم استأذن عصام ليتبعها هاتفين : حمدلله علي السلامة يا ندى

ندى باعياء : الله يسلمكم

اتجهت نيفين لتنظر للمولود و عندها قالت : ماشاء الله يا خلاسي ، شبهك يا ندى ،
حتسميه ايه

فريدة مازحة : كحلوش

عصام : ايه ، ده اسم طائر

حملته نيفين بين يدها و قالت بجدية : لا بجد حتسموا القمر ده ايه

حازم بجدية : حنسميه يوسف

عقب عصام : ماشي مبروك يا ابو يوسف

لحظات مرت وسط التبريكات و التهاني الي أن تركوا الحاضرين حازم و ندى بمفردهم ،
استشعرت ندى شئ من الفضول فسألت من كان منهمكا برؤية الصغير : اشمعني
يوسف

تنهد ثم نظر لها و رد : عشان يفكرني بتويتي ، عشان كل ما ابصله افتكر اليوم اللي
لمست فيه مصحفك ، و افتكر معه (وَلَقَدْ هَمَّتْ بِهِ وَهَمَّ بِهَا لَوْلَا أَنْ رَأَى بُرْهَانَ رَبِّهِ
كَذَلِكَ لِنَصْرِفَ عَنْهُ السُّوءَ وَالْفَحْشَاءَ إِنَّهُ مِنْ عِبَادِنَا الْمُخْلَصِينَ) ، افتكر حاجات كثير
أوي ، حاتموني من ربنا إني مهما عدي من عمري أفضل فاكرها

نظرت ندى لصغيرها ثم لزوجها و ردت : ربنا يخليك ليا و يبارك لنا في لوجي و
يوسف

حازم : يا رب يا ندى

بالمشفي التي مكث بها زين وصل هشام و اتجه حيث غرفته ، طرق الباب فهتف زين

بفرح : بابا

اتجه نحوه و احتضنه بشدة حتي ظل متعلقا به و بعدها سأل : حبيبي حيخف و يبقي

كويس

زين مبتسما : إن شاء الله يا بابا

حان موعد دخوله لغرفة العمليات ، ظل متعلقا بوالده و الذي حمله بيده و رافق طبيبه

حتي استلمه الطبيب و بدأت العملية ، خارج الغرفة جلس علي أقرب مقعد منتظرا

النتيجة ، إلي هذه اللحظة قرر ألا يهتم بأي من الحاضرين ، إلا أنه لاحظ دبلية فضية

تلمع بيد هيثم ، بشئ من الفضول نظر لها و قد امتلكته الغيرة فسأل : أنت خطبت و

لا ايه

نظر هيثم لدبلته و رد : اه عقبال ما تفرح بزین

و قبل أن يسأل هشام أكمل هيثم : خطبت أميمة

ملأت الابتسامة وجهه هشام و رد : الف مبر وك

عاد نظره باتجاه منة و التي كانت تقف علي باب غرفة العمليات و تتحرك ذهابا و إيابا

، نظر هيثم لكليهما ف شعر أن تواجهه و أميمة و والده لن يعطي لهم فرصة للكلام فقرر

الاشارة لهم بالانسحاب قليلا من المشهد ، غادروا إلي الكافتيريا و عندها ظلا يؤثران

الصمت بأماكنهم ، كل واحد منهم ينظر باتجاه الاخر حين تكون عيناه معلقة بجهة

أخري ، بعد لحظات من الضجر بما يجري نظر نحوها و قال بحسم : تعالي اقعدي

أجابت بشئ من الحدة : أنا كويسة كده

أعاد جملة بحسم أكبر : قولت تعالي اقعدي بدل ما أنتِ رايحة جاية قدام اللي في

ثم زاد محذرا بسبابته : سمعتي

اتجهت إلي حيث جلس و تركت المقعد المجاور له و جلست فيما تلاه ثم زفرت ،
كاد بيتسم و لكنه حجبها و ظل بمكانه لدقيقة ثم انتقل ليجاورها ، اندفعت لتقوم من
مكانها إلا أنه أثنائها حين أمسك بيدها و نظر لعيناها و كأنه يحذرها من قيامها مرة
أخري ، ظلت بمكانها و ما بات يشغلها هو أن تنفض يدها من يده ، لكن حتي هذه لم
تستطع أن تفعلها فلما يأست قررت أن تنظر لعيناه بحدة لعله يكف عما يفعل ، لكن
أمام عتاب عينه لم تجد ما يأزرها فتخلت عن التحدي ، و تركت له زمام الامر لتري ما
سيفعل فبدأ عتابه سائلا : لحد امتي ، لحد امتي حتفضل بينا الامور بشكل ده

صمت منتظرا اجابة فلم تجبه فأكمل : أنتِ راضية عن الوضع ده ، راضية نضيع اللي
جاي زي ما ضيعنا اللي فات ، يا منة أنا تعبت

ظلت علي صمتها فتابع : طب بلاش نفكر في نفسنا ، تعالي نفكر في زين ، ايه ذنبه
يدفع تمن غلطنا و بدل ما يكبر ما بينا ، يكبر و كل واحد فينا في ناحية ، للدرجة دي
كرهتيني ، ردي عليا

بكت و ردت : يا ريتني عرفت ، أنا حاولت كثير و مقدرتش ، أنت ليه فاكر إن
المشكلة حب ، لا و الله المشكلة إنني من جوايا خايفة منك ، أنا اكر منك نفسي
نسي اللي فات و زين يخف و يتربي ما بينا و نعيش حياة سوية زي أي اتنين متجوزين
، لكن غضب عني خايفة ، مش قادرة أفكر غير إن كل كلمة حب كنت بتقولها كان
غرضها الكذب و أنا اللي كنت بأصدق

هشام بجدية : و الله ما كانت كذب

منة بحددة : هشام -----

قاطعها و رد : يا منة أنا لو فكرت أغدر ابقى أغبي راجل ع الارض ، و ابقى مصر إن غبائي يكمل علي اللي فاضلي ، بعد ما ربنا يرزقني وجودك أنت و زين في حياتي من تاني حاضيعك ، طب فكري كده أنا حاعمل كده ليه و أنا اللي محتاجلك ، أنا اللي ضايع من غيرك مش أنت ، أنت معاكي زين و أهلك و أصحابك و لو الطلاق تم ألف راجل يتمناكي و أكيد أحسن مني ، أما أنا ، أنا اللي طول السنة اللي عدت عايش في شقتي زي الميت بأنام و أصحي أكلم نفسي ، طب تعرفي

زفر بضيق و أكمل : أنا لما باحط دماغي ع المخدة باحلم بايه ، باحلم بوجودك معايا ، صوت زين و هو يلعب و صوتك و احنا قاعدين بنتكلم ، أي كلام في أي حاجة بس أنت معايا ، فرصة ، للدرجة دي أنا مستاهلهاش

يبدو أنه دون قصد منه قد رخي قبضة يده و عندها سحبت يدها ، جلسا متجاوران في صمت حتي التفتت ناظرة لوجهه و سألت : و لو غدرت

سؤال فرض عليه الالتفاف و هو متورد الوجنتين كمن دبت فيه الروح معقبا : ايه

أعادت سؤالها بهدوء : و لو أديتك الفرصة دي و غدرت بيا

لم يعرف بما يجيبها فرد : قولي أنت

فكرت ثم ردت : تبقي غبي زي ما قولت و ده في حد ذاته أكبر عقاب

تنهد و قرر أن يتأكد من كونها لا تمزح فسأل : يعني حتديني فرصة

منة : بعد ما زين يقوم بالسلامة ، إن شاء الله

قرر أن يعود لزماد المبادرة و عندها عقب : بعد ما زين يقوم بالسلامة إن شاء الله ، حنعمل حفلة كبيرة عشان نفرح زين و فرح عشان احنا كمان نفرح ، قولتي ايه ، قولي

ابتسمت و قالت : لما نشوف عمي -----

قاطعها بحسم و رد : قولي موافقة

منة باستغراب : يا سلام

ثم أكملت بحدة : طب موافقة

قاطعهم صوت ممدوح و هو ينظر لهشام بحدة : موافقة علي ايه

التفت هشام لينظر إلي من كان يراقب حوارهم من فترة و عقد ذراعيه أمام صدره و انتظر مواجهته ، قام هشام من مكانه و وقف قبالة و عقب : أنا عارف إن خوفك علي منة هو سبب رفضك ليا ، عارف ده من خوفي علي زين ، و عشان كده كنت باتكلم مع منة دلوقتي -----

لم يكمل و عادت ضربات قلبه تعلو و هو يدرك أن عمها سيظل الحاجز الاصعب ، حاول التنفس بهدوء ليكمل كلماته إلا أن ممدوح قاطعه و قال بحدة : اسمعني أنت كويس يا هشام ، لو منة موافقة تدليك فرصة تانية فأنا حاوافق بس عشان خاطر زين ، لكن تفكر في يوم مجرد تفكير أن تجرح منة بكلمة ، أنا ساعتها مش عارف أنا ممكن أعمل فيك ايه

شعر بعدم الاستيعاب للحظة و عندها سأل : يعني حضرتك حتوافق

رد ممدوح ببالغ ضيقه : ايوة

فاحتضنه هشام عنوة في غير تصديق منه أنه وافق ، انتقل لمنة ممسكا بيدها و هو يتمتم في نفسه : الحمد لله

كاد يسجد شكرا لكنه أثرها في نفسه و نواها ، عادوا للانتظار حتي مرت ساعة و

بعدها فتح الطبيب باب الغرفة و حمل بوجهه البشري ، زين في طريقه إلي التعافي

و من الجزع تأتي البشارة ، و مع كل عسر يسر لا محالة ، و أيام ستمضي بهم من جديد ، عقيقة يوسف ثم فرح هشام و منة ثم شفاء زين ، وهكذا تكون النهاية و لكنها الحياة بفطرتها و ليست رواية ، فلا يعني ما وصلوا إليه أن القادم لن يحمل بين جنباته أيام من ضيق و حزن و خسارة ، لكن حين ستأتيهم ابتلاءات الدهر في يوم ، ستأتيهم و قد تعلموا من دروس الحياة كيف تصاغ الغاية ، فتُعلي من قيمة ما امتلكته أيديهم محقرة ما افتقدوه

لينظر هشام عندها لزين و هو يجاوره مستذكرا دروسه ، و قد قاطعهم ضجيج أخته الصغرى و هي تلعب بينما أتت منة و هي تحمل بين يديها أكواب العصير لتضعها أمامهم ثم تحمل عن زوجها الطفلة الصغيرة

و يدرك عصام قيمة أن يهاتف والده و أن يكون إلي جواره ، أن يجتمع و والدته و أخوته و قد جاورتهم زوجته و طفله الصغير بمنزل والدته ليتسامرون و يقصون علي المسامع الف حكاية

و يري حازم ابنته و هي تمسك بيوسف لتعلمه السير ، فتفرض خطوات ابنه الاولي و فرحته بها ، أن يجلب هاتفه ليقوم بتسجيل اللحظة و عندها يري زوجته و أولاده و هم يتوسطون الشاشة ، يطالع صورتهم بفرح و عندها تتجه لوجي للمكتبة و تقف علي

أطراف أصابعها لتحضر منها المصحف ، يجلس يوسف محمولا علي قدم ندى بينما تبدأ لوجي بقراءة الفاتحة له من أجل تحفيظه ، تنساب الايات من شفتي ابنته فيرفع عينه عن الهاتف و ينظر لوجهها و المصحف بين يديها لقد كانت تقرأ الفاتحة ، لكني و كأني ما كنت قبل ذلك بسامعها ، اياتها المنسابة بسلالة و صوتها العذب مقابل تعتعة يوسف و التي فرضت نفسها رغم تكرار المحاولة ، عائلته التي حظي بها و ما من شئ سيكون المعوض لها ، حينها نَعَم قلبه ببالغ لحظة رضا فرضت علي لسانة التمتمة باية واحدة " الحمد لله رب العالمين ----- الحمد لله رب العالمين "

أتعلم!!!!!!!!!!!!!!

حين تتناثر الذكريات المصطنع نسيانها فتعود لتزاحم أفكار عقلك ، تطرح معها سؤال لم يكن وليد الصدفة ، هل باستطاعتك وقت ضياعك أن تستعيد نفسك ، بل و تحتال إلي حد أن تكون أنت المؤثر ، إن أردت فسيخرج قلبك الاجابة بتلقائية ، لا يعني البحث عن الذات أن تبدو مميزا في شئ و قد نسيت البقية ، الاصل أن تكون عبدا صالحا أدرك أدواره كأب و زوج و ابن و أخ و صديق ، أن تمنح نفسك الفرصة لتحيا الحياة بكل ما فيها ، و قد أحكمت يداك علي كامل العصا ، لا القبض علي منتصفها مدعيا الوسطية

*** تمت بحمد الله ***

المراجع

ادارة الذات دليل الشباب للنجاح

متعة النجاح

المرجع في ادارة العمر

أول مرة أصلي

التفسير الميسر

شكر خاص لفريق العمل

دعاء نعيمه

داليا مطيع

سارة سيف الدين

تحياتي

رانيا الطنوبي